


UTL AT DOWNSVIEW




D RANGE BAY SHLF POS ITEM C
39 10 15 20 10 005 9

DR Rif'at, Ahmed
414 Lūgat-i tariḥiye cugrāfiye
R5
v.5

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY



Digitized by the Internet Archive
in 2010 with funding from
University of Toronto



Rif'at, Ahmed

Lugāt-i tarīhiye va
cuğrafiye

اثر خامه احمد رفعت



معارف نظارت جلیله سنک رخصتیه

ابن خلدون

باب عالی جوارنده ابوالسعود جاده سنده (محمود) بکک

۷۲ نومرولی مطبعه سنده طبع اولمشدر

۱۳۰۰



973592

DR

414

R5

v.5

لغات تاریخیہ وجغرافیہ

جلد

۵

حرف ع

﴿عابر﴾ - قوم عادہ مبعوث ہود علیہ السلامک نام دیکریدر .
 اوروپالیر (ہہ بر) دیرلر (ہود) کلمہ سنہ نظر بیوریلہ .

§

﴿عاد﴾ - عوض بن ارم بن سامک اوغلیدر قبیلہ سی دخی
 بناملہ یعنی عاد اولی نامیلہ شہرت بولدیسہدہ کندوسنک نسلی منقطعدر .
 اشو عاد اولی قومی حضر موت و شحر و بلاد احقافدہ متوطن وقررت
 ایدیلر ابتدای ظہورلری (۲۵۰۰ خ) تاریخی یعنی میلادک اوچییک
 سنہ مقدمی ظن اولنیور . مبعوث الہلری اولان ہود نبی علیہ السلامی
 انواع جور و جفایہ دوچار و معجزات علیہ لربی رد وانکارہ اجتناسار
 ایلدکلرندن حکمدارلری شداد زمانندہ (۳۰۴۴ خ) تاریخنندہ یعنی میلادک
 ایکبیک بشیوز الی سنہ مقدمندہ اون اوچ قبیلہ خلقی کاملاً غضب الہی بہ
 کرفتار و حیاندہ قالان سائر قبائل ایسہ بأجمعہم تارومار اولدیلر . مؤخرآ
 اشبو قبائل متفرقہدن اقیال یمن ظہورہ کلوب اگرچہ بونلر برمدت مصر
 طرفلرنندہ دخی اجرای حکومت ایلدیلرسہدہ چوق سورمیوب اورالردندہ
 دفع وطرر اولندیلر .

§

﴿عاشق افندی﴾ — سلطان عبدالحمید اول و سلیم ثالث زمانرنده
شیخ الاسلام اولمشدر قبری باغچه قیوسی داخلنده تأسیس ایلدیکی کتبخانه
دروننده در.

اسمی مصطفی وفاتی (۱۸۰۴ م و ۱۲۱۹ هـ) تاریخنده اولوب ایکی سنه قدر
سجاده مشیخته استقرار ایلش ایدی.

§

﴿عاشق پاشا﴾ — مظنه کرآمدن اولوب قرمانده بش التی آی قدر تخت
سلجوقیه جلوس ایدن شیخ مخلص پاشانک اوغلی واعزه دن (علوان)
چلبی نك پدریدر. بودخی والد و مولودی کبی حلیه کال زهد و کرامتله
متصف و مسعود بر ذات نادر الوجود ایدی. وفاتی قیر شهرنده (۱۳۱۰ م
و ۷۱۰ هـ) تاریخنده در.

§

﴿عاصم﴾ افندی اسمی احمد — فی الاصل عینتابلیدر. عمر
و همتنی خیلی زمان علوم عالییه و فنون حکمییه صرف ایله تحصیل کمال
ایلد کدن صکره در سعادتله کله رک طریق تدریسه داخل و سلانیک مولویتنه
نائل اولوب (۱۸۱۹ م و ۱۲۳۵ هـ) تاریخنده وفات ایلدی قبری اسکدارده
نوح قیوسنده در. موحی الیه بر عالم متبحر و فاضل کثیر المأثر ایدی.

(ترجه قاموس) (ترجه برهان قاطع) (شرح المعالی فی شرح الامالی)
(نعت عربیه) (وقایع سلیمیه) کبی پک چسوق ائاری واردر و هله
قاموس و برهان ترجمه لرله بنی نوعنه ایتدیکی خدمت فوق الغایه جالب
تحسین و مندر.

§

﴿عاکف﴾ پاشا — ادبای وکلای دولت علیه دندر ابتدا
رئیس الکتاب ایکن بونامک خارجیه نظارتنه تحویلنده عهدۀ استحقاقنه
رتبه مشیری توجیه اولمش و مؤخرأ ادای فریضه حج ایچون جازه
کیدوب اثنای عودتنده یعنی (۱۸۴۷ م و ۱۲۶۲ هـ) تاریخنده اسکندریه ده
وفات ایلشددر.

منشأتی و شعرده اولان کمال بلاغت و مهارتی آثارینی مطالعه ایدنلرجه معلومدر .
مولدی اناطولیده (بوز اوق) ایدی .

§

﴿ عالی ﴾ — اشویل علیه السلامک عیسیدر . (۴۴۴۳ خ)
تاریخنده یعنی میلادک بیک یوز الی بر سنه مقدمنده بنی اسرائیل ریاستنی
در عهده ایدوب قرق سنه مقداری ابراز آثار کارگذاری ایلدی انجق
مصلح ناسده استخدام ایلدیکی ایکی اوغلندن هر کس دلکیر و متفر ایدیلر
یهودیلاک فلسطینلوره مغلوبیتنه و تابوت عهدک دشمن النده برمدت قالمسنه
سبب بونلر ایدی .

§

﴿ عالی پاشا ﴾ — اصل اسمی محمد امین پدری مصر چارشولی
علی رضا افندی (۱۸۱۴ م و ۱۲۳۰ هـ) تاریخنده دنیایه کلوب برمدت
دیوان همايون قلنه دوام و تحصیل علوم و معارفه اهتمام ایدرک فتحی پاشا
معیله و یانه سفارت سنه سنه و دیوان همايون ترجانلغنه ولوندره سفارت
و خارجیه مستشارلغی و مؤخرأ خارجیه نظارتی و کالتی و بکلکجیلاک کبی
مأموریتلره و (۱۸۴۷ م و ۱۲۶۶ هـ) تاریخنده بارتبه وزارت بالاصالة
خارجیه نظارت جلیله سنه و درت سنه صکره مقام صدارت عظمایه تعیین
بیورلدی . بوتاریخن تاریخ وفاته دکین بش دفعه صدراعظم و برقاچ دفعه
خارجیه نظاری اولمش و پک آز وقت معزول قالمشدر . فطانت و نزاکت
وغفت و استقامت ایله موصوف و شهرتشعار برمشیر فلاتون افکار ایدی .
امور سیاسیه ده مهارتی دولت علیه جه و بتون اوروپا دولتلرنجه مشهور
و مصدق اولوب اگرچه آدم یتشدرمک خصوصنده خسرو ورشید پاشالار
درجه سنه واره مدیسه ده اوروپا پولتیقه سننی پک کوزل اداره ایشیدیدی
وفاتی (۱۸۷۱ م و ۱۲۸۸ هـ) تاریخنده در .

§

﴿ عامر ﴾ — یمن قطعه سنک جزؤ اعظمی اوزرنده یکریمی طقوز
سنه اجرای حکومت ایتش برذاتدر (۱۵۰۴ م و ۹۱۰ هـ) تاریخنده
صنعا اوزرینه دخی سواری و پیاده یتش بیکی متجاوز عسکر چکهرک بش

آی منجینق و (عراده) لاله شهری محاصره دن صکره ید ضبطنه آلدقدن صکره امیری بولنسان احمد بن ناصری واعیان واشراف بلده دن سائر برچوق کیمسه لری صورت شدیدده تحقیر واعدام ومدت حکومتنده بوندن بشقه دها برچوق برلر فتح ایلدی.

مشار الیهک مهمات وخزائن وسیم وزر ومجوهراتی حد احصاادن بیرون وعلم وفضلایه حرمت ورعایتی مرتبه سندن افزون ایدی کندوسی سنی وشافعی المذهب اولمغله مخالفی اولان زیدی وخارجیه لره افراط درجه ده عداوت وبونلردن خبر الدیغنی همان اعدام ایله مجازات ایلدیکندن زیدیلر زماننده کرکی کی مضطرب اوله رق وقت پکور مشلر ایدی.

مشار الیه مؤخرأ ملوک چرا کسه دن مصر حکمدارینک یمن حوالیسنه کوندردیکی عسکره صنعاده مغلوب واسیر اوله رق اعدام ایدملکه ملکی مصریلره کچدیسه ده لکن او ائنده دولت علیه نک مصری استیلاسی مصریلرک یمنجه اولان نفوذینی دخی محو ایلدیکندن یمن حکومتی دولت علیه نامند اوله رق امام شرف الدینه انتقال ایلشیدی.

§

﴿عامیات﴾ — آتشده یا نماز برنوع لیف حجریدر چین ایران باویرا والب طاغلرنده بولنور واجزاخانه لرده بعض جوضات سوزمک واله مک وجهنم طاشنی محافظه ایتک وبعض محالرده قندیلره قیتیل یاقیق ایچون استعمال اولنور. بعضأ دخی یانمق مخاطره سندن محافظه مقصدیه قاش نسج واعمالاتنده قوللانیلور. رنکی بیاض وایک کی پارلاق اوله رق عینیه کتان حلواسنی آکدیرر. اوصاف مشروحده سنه نظراً بولیف (اوردن پولی) نک نوع دیکری دیمک اوله جق.

§

﴿عباد﴾ — اندلسده واقع اشبیلیه ده قاعد سرر حکمرانی اولان ذواتک برنجیسیدر اسمی محمد بن اسماعیل بن عباد اللحمی کنیه سی ابو القاسم در. قرطبه امیری (یحیی) نک اشبیلیه ده ظلم وتعدیسندن دلگیر اولان اهالی امیر مومی الیهک علیه خروح واخذ واعدام ایتدکدن صکره قاضیلری اولان اشبو عبادی اصالت واهلیتته مبنی انتخاب و (۱۰۱۵ م

و ٤٠٦ هـ) یاخود (٤١٤ هـ) تاریخنده اشیلیده ایلک دفعه اوله رق تخت حکمداری یه اقعاد ایلدیلر . اشبو (عبادیه) سلاله سندن اوچ نفر حکمدار کلوب مدت حکومتلری سکسان سنده واصل واندن صکره ذمام اداره حکومت حرباً مراکش امیری یوسفه منتقل اولمشدر .

§

﴿عبادله﴾ اصحاب — عند الفقهاء (عبدالله بن عباس) و (عبدالله بن عمر) و (عبدالله بن مسعود) و (عبدالله بن زبیر) رضوان الله تعالی علیهم اجمعین حضراتیدر اهل حدیث عندنده (عبدالله بن عمرو بن العاص) دخی داخل اوله رق عبادله خسه دنیلور . بعضیلر جوهری عبدالله بن مسعودی دخی عبادله دن دیدیلر سه ده صحیح دکلدر .

§

﴿عباده﴾ — افریقاده بر بدوی قبیله نك اسمیدر نیل وادیسيله بحر اجر بیننده واقع چولنده کشت و کذار ایدر لر ایدی اراضیلرنده جبل (زبور) نك مشهور زمرد معدنلری بولنور .

§

﴿عباس﴾ بن عبدالمطلب — عم اکرم جناب رسولدر قبل الاسلام رؤسای قریشدن اولدق لری حالده بدر غزاسنده اسیر دوشوب فدیله ایله اعاده حریت و مؤخرأ فتح مکة مکرمه ده کندو رضالریله سالك جلیل اسلامه دخالت بیوردیلر غایت الیهمت مشفق و منع بر ذات اولوب سکسان سکز ییل معمر اولمش و (٦٥٣ م و ٣٢ هـ) تاریخنده ارتحال داربقا نیورمش ایدی . خلفای عباسیه مشار الیهک سلاله طاهره سندنر .

§

﴿عباسیه﴾ — (٧٤٩ م و ١٣٢ هـ) تاریخنده دوات امویه نك انقراضیله یرینه قائم اولان دولت جدیده اسلامیه نك نامیدر که مؤسسی ابامسلم خراسانی نام قهرمان شها متعنواندر . بوقهرمان دولت امویه بی محو و منقرض ایتدکن صکره عم رسول حضرت عباس سلاله سندن ابوالعباس (سفاح) ی عراقده سریر خلافته اجلاس ایلشیدی . دولت عباسیه ده کلان خلفا الی الی نفر ذواتن عبارت اولوب بونلردن

اه تمامه بدی نفری تاریخ مذکور دن (۱۲۵۸ م و ۶۵۶ ه) تاریخنه قدر عراقده واون طقوزی (۶۵۹ ه) دن (۱۵۱۷ م و ۹۲۳ ه) سنه سنه دکین مصرده متعاقباً جالس تخت سلطنت اولمشدر .

(راضی بالله) دن صکره کلان بغداد خلفاسنک سلطنتی اکرچه بعض امرا وافراده عسکریه تغلبیه همحال انقراض اولدیسدهده اقتدار روحانیلری زوال بولمیبینه رسماً تخت اجلس اولنورلر و امیرالامرا طرفندن منصوب ولاتی حضورلرینه قبول ایدرلر و حایهده اولان حکومات متجاوردیه یازیلان فرمانلری امضالری ایدی . مشهور اولنلرینک اسملرینه و (ابا مسلم) و (ابن علقمی) کله رینه دخی نظر بیوریه .

§

عبدالله بن احمد — کنبه سی ابو محمد شهرتی ابن الحساب مسقط رأسی بغداددر علم نحو تفسیر حدیث منطق هندسه و سائردهده فرید عصری اولوب کرک منقولات و کرک معقولاتده بیلدیکی هیچ بر علم قالمشیدی لکن بوقدر فضل و کمال ایله برابر غایت پزمرده حال اولوب طبعاً دخی غایت بخیل ودنی و بولندیخی محال مقرر اسافل وادانی ایدی (مرتجل) (شرح اللمع) (تهذیب الاصلاح) کبی پک چوق تألیفات نادره سی وارد . وفاتی (۱۱۶۱ م و ۵۵۷ ه) تاریخنده وقوعبولدی .

§

عبدالله بن احمد بن عبدالله — سرآمدان ائمه علومدن اولوب ققال صغیر مروزی دینکله مشهور ایدی . اکثر کتب فقهده بونک نامی مسطور و کتب اصول و تفسیر و سائردهده ققال دیومذکوردر . هرچقن مطلق اوله رق ققال ذکر اولنسه مراد صغیردر اکبر یاد اولندیخی زمان شاشی ایله تقیید اولنور . اشبو ققال صغیر خراسان علماسنک مابه الاقدامی ایدی علمای موحی الیهک قسم اعظمی بوندن اجازت آلمشدر . اوائل حالنده ققال اولوب اوتوز یاشنده تحصیل علمه ابتدا ایلدی اثنای تعلیم و تدریسده غلبه حال ایله اکثر زمان بکا ایدردی . طقسان سنه عمر سوردکن صکره (۱۰۲۶ م و ۴۱۷ ه) تاریخنده وفات ایشدر .

§

﴿عبدالله﴾ انصاری الهروی — ابا ایوب انصاری رضی الله عنه
سلاسه سندن تألیفات مفیده صاحبی بر شیخ عالی همتدر شیخ ابوسعید فضل الله
وابی الحسن علی بن جعفر دین خذطریقته ایش و مشایخ کرامدن بر چوق ذواته
خلافت و یرمشد. وفاتی (۱۰۸۸ م و ۴۸۱ ه) تاریخنده سسکسان بش
یاشنده ایدی .

§

﴿عبدالله﴾ — ابوالعباس عبدالله بن معتز بن متوکل بن معتصم
بن هرون رشید در که ابن معتز لقبیله شهرت بولدی . ادیب نکته دان و سر
دفتر شعرای سخن سنجان ایدی .

خلیفه مقتدرک خلعهده کند و سنده بیعت اولوب دأب عباسیان اوزره
لقبنی مرتضی بالله و یا غالب بالله یا خود راضی بالله قومشدر .
خلافتی بر کون و بر کیمجه به منحصر قالوب بعده ینه مقتدرک مقام اقتداره کلسیله
چکیلوب تخلیص جان ایچون اختفا ایلدیکی حالده (۹۰۸ م و ۲۹۶ ه)
تاریخنده اولدیغی محلدن اخذ و قتل اولندی .

(کتاب الزهر والریاض) (کتاب البدیع) (مکاتبات الاخوان بالشعر)
(کتاب الجواهر والصيد) (کتاب الشرفات) (کتاب اشعار الملوك)
(کتاب الاداب) (طبقات الشعراء) جلله آثار بلاغتشارندن اولوب بونلردن
بشقه دها خیلی اشعار رائقه و آثار فائقه سی واردر .

§

﴿عبدالله﴾ بن نوب — شام شریفده مدفون کبار اولیاء الله دندر
شهرتی ابو مسلم الخولانیدر یمن اهالی سندن ایکن شامده داریا قریه سنده
توطن و (۶۸۱ م و ۵۶۲ ه) تاریخنده اوراده وفات ایلدی مرقدی الان
مشهور و معروف اوله رق زیارتیله تبرک ایدیلور . فی الحقیقه کندوسی کبار
زهاد تابعین و اعظم عباد صالحیندن کرامات ظاهره و احوال طاهره
صاحبی بر ذات معالصفات ایدی .

علیه الصلوٰة والسلام افندمک بر حیاة بولند قبری اثناده داخل حوزة اسلام
اولمش و ابودریس الخولانی و سائر معتبران تابعین شام مشار الیهدن نقل
حدیث ایشدر . اسود العنسی نام زندیق دعوی نبوت ایله یمن حوالیسنی

اضلاله باشلادقده مشارالیهی دخی نزدینه کتوردوب حاشا (بنم رسول الله اولدیغمه شهادت ایدرمیسک) دیدکده ابومسلم (ایشتمیورم) تعبیر یله دعواسنی تزییف و (حضرت محمدک رسالتنی تصدیق ایدرمیسک) دیمسنه بلا تردد نعر جواب باصوابنی تردیف ایلدیکندن مشارالیهی آتسه القایلر حالبوکه آتش مشارالیهه هیچ برضرر ویرماسی اوزرینه اسودک عونہ سندن بعضیلری مرقومه (بوداتی چیقار یوقسه بزه اتباع ایدنلرک جله سنی افساده بادی اولور) دیمر یله اخراج وسبیلنی تخلیه ایتکله ابومسلم مدینه منوره یه کلور مدینه یه ورودی حضرت ابی بکر افندمزک خلافتی زماننه مصادف ایدی مسجد شریفده اشای عبادتده حضرت عمر افندمز حالنه واقف اولسی اوزرته اغلایه رق مشارالیهی کندوسی ایله حضرت ابی بکر یینه اجلاس ایدوب (اول الله عظیم الشانه جد ایدرم که امت محمد صلی الله علیه وسلمدن حضرت ابراهیم حقمنده وقوعبولان فعلک عیننه مظهر برداتی بکا اراءه ایتدی) بیورمشدر .

§

﴿ عبدالله بن رواحة ﴾ — شعرای اصحاب کرامدن خزرچی الاصل لطیف القول بذات ستوده سماتدر عقبه ویدر واحد وحنق غزالرنده بولوب (موته) غراسنده شهید اولدی . علیه الصلاة والسلام افندمزک اوزرندن دفع اذا ایدن شعرای محسنیندن اولوب اگرچه حسان بن ثابت وکعب بن مالک دخی شعرای مشارالیمندن ایدیسده بونک هجونده انلرکی بین العرب مشهور اولان معایب وقبایحدن بحث اولتمدیغی جهتله اعدا اول قدر متأثر اولمز لر ایدی . برکون رسول الله صلی الله علیه وسلم حضورنده عیاله بر شعر سوطسنی فرمان بیوردقنرده عبدالله همان (انی تفرست فیک الخیر اعرفه . والله یعلم ان ماخاننی البصر . انت النبی ومن یحرم شفاعته . یوم الحساب لقد ازری به القدر . فثبت الله مااتاک من حسن . تثبت موسی ونصرا کالذی نصرنا) بیتلرینی انشاد ایتکله فخر العالم افندمز حضر تتری یلک زیاده ممنون اولوب (وانت ثبتک الله یا ابن رواحة) بیورمشدر .

عبدالله بن رواحة برکون فرصت بولدرق جاریه سنه مواصلت ایتدیکنی متعاقب اهلی خبردار اولوب مؤاخذه یه باشلادقده انکار ایتدی واهلی

بن بویه انکاره اینانام بوکارده مدخلک درکار وسکا غسل اقتضا ایتدیکی
 بنجه اشکاردر اکر شمدی بر مقدار قرآن کریم اوقویه یلورایسهک
 اولوقت سوزینه اینانورم دیدکده اوقورم دیوب درحال (شهدت بان
 وعدالله حق • وان النار مثوی الکافرینا • وان العرش فوق الماء حق •
 وفوق العرش رب العالمینا • وتحمله ملائکة غلاظ • ملائکة الاله مسومینا)
 بیتلرینی انشاد ایتکله زوجہ سی صدق الله العظیم مکر کوزلریمک کوردیکی
 یلان ایمش دیوب سکوته مجبور اولدی •

§

﴿عبدالله﴾ بن زبیر بن العوام — حضرت حسین رضی الله عنہک
 شهادتی مناسبتیلہ شام ملکی یزیدہ بیعت ایتیمان وبتون حجاز ویمین وعراق
 وخراسان وحرمین ولایانفی سکر اون سنہ قبضه تصرفده طوتان ذاتر
 کنبه سی ابوبکر بر روایتده ضم خاء مجحه ایلہ ابو خیب اولوب کندو
 صحابی ویدری دخی صحابی وعشره مبشره دن واناسی ذات النطاقین اسمانیت
 ابی بکر الصدیق در (رضی) هجرتدن یکرمی آی مرورنده وبعض قولده هجرتک
 ابتدا سنہ سنده مدینه منوره ده تولدایلدی بعدالہجره یهودیلر (بزاهل اسلامه
 سحر ایتدک من بعد چوجقلری اولماز) دیو کفتکویه باشلاقلری برزمانده ابتدا
 ابن زبیر تولد ایتکله اهل اسلام بغایت مسرور اولمشلر ایدی حضرت
 پیغمبر افندمز مشار الیہ بالذات جد عالیرینک اسم وکنیه سنی ویردیلر صیام
 وقیامه فرط دوامی وبین الاقوام شجاعتمده شهرت تمامی وار ایدی یزیدک
 هلاکندن صکره (۶۸۳ م و ۶۶ هـ) تاریخنده اهل حجاز ویمین وعراق
 وخراسان کندویه بیعت واطاعت ایدوب مصر وشامدن بشقه خارج ربقه
 اطاعتی بر محل قلماشیدی معاویه بن یزیدک وفاتندن صکره ایسه مصر وشام
 سرآمدان امراسندن ضحاک بن قیس القهری وحصده نعمان بن بشیر
 وقنسرینه زفر بن حارث کبی الک معروف ومتنقد ذاتر دخی داخل حوزہ
 بیعتی اولوب سوزک طوغریسی بخل مفرطی وضعف رأی اولسه ایدی بتون
 ممالک وبلدان منتظر امر وفرمانی اولمش کیتشیدی حتی مروان بن الحکم
 مدینه دن چیقوب اتباعی ایلہ شامه واردقده خلق شامده ایکی فرقه اولوب
 یمانده مروانہ وقیسیمه ضحاکه اتباعاً ابن زبیره بیعت ایتدیلر ایدی انجق مشار

ایله ذکر اولندیغی وجهله ضعف رأیندن ناشی یکدیگری تعاقب ایدن اشبو فرصتلردن بر استفاده ایده میوب بالاخره مروانیله کوز آچدیردیغندن نهایت (۶۹۱ م و ۷۲ هـ) تاریخنده شامده خلیفه بولنان عبد الملك عراق اهالیسنی کمدوسنه طرفدار بولسینه اول اول طرفلری امر وفرمانه رام وبعده حجاج ظالم وطارق عبدالله بن زیرک اوزرینه کوندره رک نیجه محارباندن صکره غلبه ایدوب مشارالیه حضر تلرینی اخذ و اعدام ایتدیردی.

§

عبدالله الصغیر — اندلسده بنی اجر دولتنک صوک پادشاهیدر (۱۴۸۲ م و ۸۸۷ هـ) تاریخنده پدری (ابو الحسن) اوزاق بر محله محاربه ایله مشغول ایکن والدهسی طرفندن اولنان تشویقه مبنی تخته چکوب مؤخرأ ابو الحسن یتشدیسه ده (عبدالله الصغیر) طرفدارلری غلبه ایدرک (غرناطه) قلعه قیولرینی قبادقلرندن بیچاره پدر در بدر بر حالده عودته مجبور اولدی فقط (۱۴۸۳ م) ده عبدالله الصغیر سلطنتنی تأمین ایچون اسپانیا قرالیله عقد مقاوله افکارنده ایکن قرال غرناطه یه کله رک بالمحاربه مرقومی اخذ و گرفت ایدوب زیر تملکننده اولان ممالک اسلامیة نک اسپانیا دولتی ممالکنندن معدودیتی شرطنی قبول و امضا ایتدیردکن صکره صالیو پر دیسه ده بوشرط اهالی یه پک کران کملکله ینه اختلال داخلی ظهور ایدوب پک چوق قانلر دوکلدی و عاقبت مرقوم عبدالله خلع و طرد اولنوب یرینه عیسی (الراغل) اجلاس اولندی حالبوکه آتش اختلال بویله لکله ده مائل انطنی اولیوب بالعکس دها زیاده کسب اشتعاله و برو طرفدن دخی آوروپا یاسلری بتون خرسیتانلری اسلام علیه تحریک و اغفاله باشلادیغندن (الراغل) ایله حکمدار مخلوع (عبدالله الصغیر) معارضه یی براغوب بر مدت موقته اعدایه قارشو طور دیلر سه ده برایش کوره مدیلر و بوسره ده عبدالله (الراغل) ک محاربه ایله مشغولیتندن ینه انتهاز فرصته (الجرأ) بی ضبط ایدوب استقلالنی اعلان و انراغل دخی محاربه یی ترکله ذاتاً کندو حکمنده اولان (المیه) یه تحویل عنان ایلدی.

و (۱۴۸۶ م و ۸۹۲ هـ) ده یاسلرک ثمره نصایحی اوله رق طویلاشمش اولان قروزا دلردخی (مالقه) شهر جسینی عبدالله صغیرک خیانتندن بالاستفاده ضبط ایدوب مالقه لیلر دن اون ایکی بیات اسلامی. قیون کبی بوغاز لیه رق جسدلرینی

احراق ایدوب قصور یگر می اوتوزیک مسلمان اسراسنی بعض خرسیان
امراسنه و آوروپا زاد کانه اهدا ایلدیلر بوصره ده آتش غیرتله دلکباب اولان
(الزاغل) اندلس اهل اسلامک احوال سوزش اشتمالی ناطق برقصیده
بلیغه انشاد ایدرک دولت علیه ایله مصر و تونس حکمدار لرندن استمداد
ایتدیسده دولت علیه نک مصر لیلر ایله محاربه سی بوانیه نک حصونه مانع
قوی اولمغین امداد ممکن اوله میوب فقط دولت علیه طرفندن مشهور کمال رئیس
قوماندانیله بر مقدار دونما کوندردیسده بو دخی بعض موانعه تصادف
ایتدیکندن عودته مجبور اولدی . نهایت (۱۴۸۹ م و ۸۹۵ هـ) ده اندلسده
واقع (بیضا) قلعه سی محافظی اولوب (الزاغل) ک یکنی بولنان و مؤخرأ
خرستیانلغی دخی قبول ایدن (یحیی) نک اهانقی سیئه سیله اسپانیا قرالی
فردینانده ویرلدیکی کبی خائن مرقومک اغفالیه (الزاغل) دخی زیر حکمنده
اولان (قادس) و (المریه) قلعه لرینی قرال مووی الیه تملیک وبرو طرفدن
(عبدلله الصغیر) دخی قرالی تطیبیده او برلرینه مسابقه ایتک اوزره الی
بش ماده بی حاوی یابدیغی بر معاهده نامه موجبنجه (۱۴۹۲ م و ۸۹۸ هـ)
تاریخنده پای تحت اسلامیان اولان (غرناطه) شهر شیرینی بلا محاربه قرال
مرقومه تسلیم ایلدیکندن سکز یوز بو قدر سنه دن بروپایدار اولان اندلس
سلطنت اسلامییه سی بوصورته محو و منقرض اولدی .

(عبدلله الصغیر) لاجل التبریک قرال فردیناندک اردوسنه کیدوب غرناطه نک
انتخار لرینی تسلیم ایتدکدن صکره اموال و عیالیه مملکتدن چیقوب کیدرکن
قرال مرقومک نصل مطنطن الای ایله شهره کیردیکنی و تفرقه و اختلاف
نتیجه سی زهره واریدیغنی کورنجه و والد سس نک تدابیر طمعکارانه سنندن نلر
تولد ایلدیکنی بر کره کوزی او کنسه آلنجه بلا اختیار هونکور هونکور
اغلامه باشلادی و والد سس دخی مرقومه خطاباً (آغله آغله آ ناموسدنز آلچق
چونکه وضکی و سلطنتکی مردانه محافظه ایدمدک سکا عورتلر کبی آغلامق
براشور) دیو عتاب ایتدی . غریبدرکه مووی الیه عبدلله الصغیرک کندو
تختکاشنی محافظه ایچون بر کره اولسون الی ترله ماش اولدیغی حالده اشبو
وقعه بقیعه دن صکره فاس امیری (ملا احمد بن مرین) زردینه النجا ایدوب

اوراده امیر مومی الیهک تختنی و قایه او غرنده آچیلان بر محاربه ده مجروحاً
وفات ایلدیکی غرائب احوالندرد .

§

﴿ عبدالله ﴾ بن عامر — بصره و فارس و لایتری و الیسی ایدی .
یکرمی درت یاشنده فتحنه مأمور اولدیغی اسطخر شهرینی بر مدت محاصره ایله ضبط
ایتدی و حین فتحده (اسطخر) قیوسندن قان جریان ایدنجه یه قدر اهالی یی
قیره جغنه یمین ایلدیکندن (یهوده بر چوق قانلدو کدی (۶۴۷ م و ۶۲۷ هـ) .
مومی الیه بواشاده (دارا بکرد) و (ارجان) و (طبرستان) ی دخی ضبط
ایدرك هر سنه یوز بیک دینار و برکو اخذینه قرار ویرمشدرد .

§

﴿ عبدالله ﴾ کاشغری — کبار مشایخ کرامندرد . درس عاده
کلوب اولا ایوبده قلندر خانه دنیلان لعلی زاده تکیه سنده و مؤخرأ ایوب
اوزرنده خواجکاندن مرتضی افندینک بنا کرده سی اولان تکیه ده یکرمی
سنه قدر ایفای وظائف ارشاده صرف و سع و همت ایلد کدنصکره (۱۷۶۰ م
و ۱۱۷۴ هـ) تاریخنده متوجه دار آخرت اولمشدرد .

§

﴿ عبدالله ﴾ بن مسعود — مخدوم عالم صلی الله علیه وسلم افندمرک
متخیران خدمه سندن اولوب مسـ واک و نعلین جناب نبوی یی زیب دست
مفخرت ایدردی . بوسعادت جهانقیمتله برابر حضرت امام اعظمه
توصل ایدن سلسله فقهانک دخی واسطه اتصالی اولق شرفنه نائل اولمشدرد .
شام شریفده وفاتی هجرت نبویه دن قرق الی سنه صکره در .

§

﴿ عبدالله ﴾ بن مسعود — (تنقیح الاصول) نام متن متینک
مؤلفیدر . بخاراده تولد ایدرك (۱۳۲۴ م ۷۲۴ هـ) تاریخنده وفات
ایلدی . کتاب مزبور (توضیح فی غوامض التنقیح) نامنده بر شرح
یازمشدرد .

§

﴿ عبدالله ﴾ بن المبارک — فقهبای عربدن وائمه حنفیه دن زهد

و صلاحه مشهور بر مبارک ذاتدر . کوفه سکنه سندن اولوب حال شبانه
لهو و لعب ايله کونلريني بچورر ایدی . مؤخرأ یاوری توفیق باری ايله
کسب صلاح ایدرک علم و معرفت وزهد و عبادتک رتبۀ علمایه واصل
اولمشد .

بعض کرامتی و از جمله دعاسی بر کاتيله بر اعمد انک در حال کوزی آچلمدیغی
حکایه اولنور . وفاتی (۷۹۷ م و ۱۸۱ هـ) تاریخنده در .

§

﴿ عبدالله ﴾ بن محمد بن عبید بن سفیان بن قیس القشیری —
اخبار و سیر مصنفارندن بر ذات عالی نژاتدر . کنیه سی ابوبکر اولوب
ابن ابی الدنیا دیمکله معروف ایدی . (۸۲۳ م و ۲۰۸ هـ) ده تولد ایلدی .
تألیفات یوزی متجاوز و بر روایتده او چپوزده بالغدر . معتضد خلیفه
و اوغلی مکتفی باللهک مربیسی اولوب کل یوم اون بش دینار معاش آلور
ایدی . وغایت موثوق صدوق حافظ و صاحب مروت ایدی . مع هذا
بر درجه یه قدر فصاحت و بلاغتی دخی و ارایدی که روایتده کوره محفلنشین
معاشرت اولدیغی بر آدمی استرسه کولدر بر و مراد ایدرسه آغلادر ایدی .
بر دفعه قدومنی منتظر بولنان احباب مننه کیده جکی ائشاده یاغور یاغدیغندن
طر فلزینۀ شو رقعۀ یی کوندر مشدر .

انا مشتاق الی رؤیتکم یا اخلائی و سمعی والبصر
کیف انساکم و قلبی عندکم حال فیما بیننا هذا المطر

وفاتی (۸۹۴ م و ۲۸۱ یا خود ۲۸۲) ده بغدادده و قوعبولوب شو نیری
نام محله دفن اولمشد .

§

﴿ عبدالله ﴾ بن یوسف بن رضوان البخاری — کنیه سی ابوالقاسم
شهرتی ابن رضوان در اندلسده مائه اهل یسندن بر علامۀ عظیم الاقران ایدی
مائه ده تحصیله مباشرت و عربیت و ادبده کسب حذاقت و علوم سائر و نظم
و نثرده اکمال هنر و معرفت ایلد کدن صکره سبته یه کیدوب اوراده سلطان
ابو احسن مرینی یه ملاقی و مشار الیهی مدح ايله سلم رتب و مناصبه قدمن

ترقی اولدی و مؤخرأ (۱۳۴۹م و ۷۵۰) ده قیروان وقعده سی اوزرینه
سلطان اوغلی ابوالفضل توننده اداره امورہ توکیل ایتدکده ابن رضوانی
نزدینه کاتب براغوب موچی الیه بروقنده دخی اوپله جه امرار ایام ایلدی
صکره سلطان الموحدین فضل بن ابی یحیی تونسه مستولی اولغله ابوالفضل
پدری طرفنه صاوشوب ابن رضوان کماکان یرنده قالدی و ده صکره
بحراً اندلسه بادبانکشی عزیمت و مریه شهرنده بساط افکن اقامت اولوب
اندلس پادشاهی ابوالحجاج کندوسنه کاتب تعیین ایتک اوزره نزدینه چاغری-
دیسده سر بیج امتناع اوله رق سلطان ابوالحسنک وفاتی اوزرینه سلطان
ابی عنان نزدینه خدمت کتباتله پایئه قدرینی اوچ رفعتہ اصعاد و (۷۵۴هـ) ده
علامه کتاب مسند رفیعله افراد ایتدی . موچی الیه (۷۵۷) ده برارائق
سقوط ایتدیسده ده (۷۶۲هـ) ده تکرار واصل حیز مأمول و من بعد مسند
مذکوری وفاتی تاریخده قدر محافظه الیه مشغول اولشد . عقیف وادیب
و سریع الفهم و خصوصیه حسن خطده عصرینک بوجود یتماسی ایدی .
اشعار دقیقه و ایات رقیقه سی دخی واردر .

§

﴿عبدالله﴾ یا خود (عبدالله بن سباء) — غلاة شیعه دن (مفضله)
کروهنگ رئیسیدر ذاتاً یہودی بوزمه سی برحریف اولوب خلافت
حضرت عثمان ذی النورینده استدیکی قاضیلک اننه یکم دیکندن مصره
کیدرک برمدت اهای بی مشار الیه علیهنه تحریک و اغفال و مؤخرأ امام علی
کرم الله وجهه حضرتلری حقنده عن قصد فوق العاده اظهار محبتله (انت
الآله) تعبیر ضلالت کواھنی استعمال ایلدیکندن (مداین) طرفنه سورلش
ایدی حضرت (علی) نک شهیداً ارتحانندن صکره ینہ برطاقم ترهات
و تقوہاته باشلاوب (حضرت علی وفات ایتدی ابن ملجمک قبل ایتدیکی
(حاشا) امام علی صورتده بر شیطان ایدی علی حالا بلوطلرده در ورعد
آنک صداسی و برق قائمچیسیدر علی آخر زمانده کله جک و احوال عالمی
تنظیم ایده جکدر) دیهرک برچوق ساده دلانی اغفال و اضلال و بوضورتلا
امت محمدیه یننه بر بولک تفرقه دوشورهرک موازنه دین و شریعتی خلیله

خیلی اخلاص ایشدر . اعتقاد کله سنده (۲۲) نومرویه دخی مراجعت
یوریه .

§

﴿ عبدالله افندی ﴾ صاری عبدالله افندی — صاری کله سنه
نظر یوریه .

§

﴿ عبدالحمید ﴾ خان اول — سلاطین عثمانیه دن اولوب سلطان
احمد ثالث اوغلی و سلطان مصطفای رابع و محمود ثانی نیک پدردر ولادت
(۱۷۲۴م و ۱۱۳۷هـ) جلوسی (۱۷۷۳م و ۱۱۸۷هـ) وفاتی (۱۷۸۸م و ۱۲۰۳هـ)
تاریخیدر . اقبالی دون بر پادشاه معدلت نمون ایدی . جلوسلرینی
متعاقب روسیه محاربه سی کسب شدت ایدرک شمنی تحت محاصره یه الندی
و (۱۱۸۸هـ) ده معهود قینارجه مصالحه سی عقد اولنوب تن نهریه اوزی
نهری اراسنده بولنان قلعه لر و قیلبرون و کرج و ازاغ و طیغان قلعه لر و یکی
قلعه حسب المعاهده روسیه دولته ترک و قریمک سر بستیمی تصدیق
اولندی و (۱۱۹۰هـ) ده ایران شاهی کریم خان (منتقک) عشیرتنی اغفال
ایدرک او واسطه ایله بصره حوالیسند بر طاقم خساراته باشلادیغدن دولت
علیه اعلان حرب ایدی و روسیه نیک اغفالیه قریم اهالیسی دولت علیه
طرفدار اولان (دولت کرای) خانی قاجیروب یرینه روسیه طرفلیسی اولان
(شاهین کرای) خانی او تور تدیل و برسنه صکره روسیه قریمه عسکر صوقدی
و (۱۱۹۳هـ) ده صیدا والیسی جزار احمد پاشا خود بخود جبل لبنانی حوزه
تصرفه آلدی و فرانسه نیک توسطیله معهود قینارجه معاهده سی (آینده لی
قواق) ده تعدیل و دولت علیه یه بوزمین ایله شاهین کرایک خانلغی و چرکز-
ستانک قریمه الحاقی تصدیق ایتدیرلدی و (۱۱۹۶هـ) ده مشهور جب علی
حریق الی درت ساعتده استانبولک همان ثلثانی یاقدی و برسنه صکره
روسیه حرباً قریمه کیروب قریم روسیه دولتنک اولدیغنی رسماً اعلان
ولاجل التهید او توز بیک قدر بیکناهی اعدام ایلدی . و (۱۲۰۰هـ) ده
مصر کوله منتری بیننده مقاتله و وقوع بولدی و برسنه صکره روسیه طاغستانی
دخی الوب سائر ممالک دولت علیه نیک مقاسمه سنی اوستریا قریاله سویلشدی

ودولت عليه دخي ايش وکيديشي اکلايوب روسيه يه اعلان حرب ايتدی
واوستريا روسيه ايله برلشدی واسوج دولتی انکلتريه وپروسيانک تشويقيه
ومصارفي دولت عليه دن اولمق اوزره دولت عليه ايله عقد اتفاق وروسيه يه
اعلان حرب ايلدی .

§

﴿ عبد الخالق ﴾ عجدوانی — سر حلقه طریق خواجگان اولوب
روشی طریقتده بخت وجیع فرق عننده رهین مقبولیتدر عارف ربانی
امام ابو یعقوب یوسف همدانیدن استجلاب انوار معرفت ایتش وعلی الدوام
متابعت شرع وسنت جناب (مصطفی) یه وازاله بدعات نفس وهوايه
چالیشوب کاله ایرمش ایدی . وفاتی (۱۲۲۰م و ۶۱۷هـ) تاریخنده در .

§

﴿ عبد الرحمن ﴾ بن ابراهیم بن سباع — لقبی تاج الدین العزازی
اولوب ابن فرکاح دیمکله تعرف ایش بر علامه جهان ایدی . فقهی
ابن صلاح وابن عبدالسلامدن اخذ وتعلم وعلم شریف مزبوره مذهب
شافعی اوزره جله یه تقدم ایلدی . درسند بولمق ایچون شامه
اقتاردن بر چوق کیمسه لر کلورلر ویمین انقباس تدر یسیه سیله سرحد
مقصوده واصل اولورلر ایدی . کرمده مفرط عالی همت صبور
قانع متواضع ادیب لطیف ولین الکلمه اولوب بونکله برابر دین متین
وقیام لیل وعبادت وزهد وورعه ملازمتله شرف یقین صاحبی واخلاصل
رتبه اجتهاده واصل اولان ذواتک الممتاز و سرافرازلرندن بری ایدی .
محاسنه نهایت یوقدر وتالیفات وتصنیفات دخي اوصاف حیده سی کبی
چوقدر . (۱۲۹۰ م و ۶۹۰هـ) تاریخنده شامده وفات ایلدی مدفن یوم
باب الصغیر مقبره سنده زیارتگاه خاص وعامدر .

§

﴿ عبد الرحمن ﴾ بن اسماعیل بن ابراهیم بن عثمان المقدسی — ابی
شامه لقبیه معروفدر فقه قرائت نحو حدیث و سائر ده علمای شافعیه نک
امامی ایدی اون یاشندن اول قرآن کریمی حفظ وفقهی اتقان وکیده رک

تدریس و افتا ایله عریته کسب براعت ایلدی کثرت فضائله برابر
زیاده متواضع ایدی (۱۲۶۶ م و ۶۶۵ هـ) ده شامده وفات ایدرک باب
الغرایسده دفن اولندی قبری زیارتگاهدر . فنون عیدیدهده برخیلی
تألیفات نفیسه سی واردر .

§

﴿ عبد الرحمن جامی ﴾ — مشاهیر علماء و شعراى خراساندر بر اديب
ذاتدر و (سلسله الذهب) (نفحات) (بهارستان) (منظومه يوسف
وزليخا) (ليل و مجنون) جله مؤلفاتسنددر بونلردن مخيلا ته متعلق
اولنلری (۱۷۸۸ م و ۱۲۰۳ هـ) تاريخنده (لانغله) نام ذات معرفتيله
فرانسزجه يه ترجمه اولندی . مشاراليه عارف معارف يقين شيخ بهاء الدين
نقشبندی حضرتلرينك خليفه سی محمد کاشغری حضرتلردن خرقة پوش
ارادت اولش و سلطان ابو سعيد ايامنده صيت کالی عالم بالايه اتصال ايتش
و سلطان مشاراليه بونك حقنده رعایتی رتبه افراطيه وارديرش ایدی
حتی برکون ملا جامی برای زیارت سرایه واروب پادشاهک اماده بزمن عشرت
اولدیغنی خبر آلهرق ککرو دوندیکنی ابو سعید ایشندیکی کبی مجلسی
طاغیدوب ارقه سندن آدمکر کوندردی و ملا دخی بالداهه یازدیغنی شو
بیتلره کنلری اعاده ایدوب کیفنه خلل کتورمدی .

نه زهد آمد مرا مانع ز بزم عشرت اندیشان
غم خود دور میدارم ز بزم عشرت ایشان

بجای کاظمس شاهان شاید فرش ره حاشا
که راه قرب باید دلچ کرد آلود درویشان

وفاتی (۱۴۹۲ م و ۸۹۸ هـ) تاریخنده وقبری هراتدهدر .

§

﴿ عبد الرحمن ﴾ بن جوزی — مشاهیر علمانددر (جلال الدین)
کله سنه نظر بیور یله .

§

﴿ عبد الرحمن ﴾ بن عبد الکرم بن هوازن القشیری — ائمه دین و اعلام مسلمیندن بذات اولوب نیشابورده طوغمشدر . اصول و تفسیر قرآنی پدرندن و مذهب و خلاف درسلمربی امام الحرمیندن الهرق بونلرده و کرک علم ادب و نظم و نثرده کسب تفوق ایلدی و بغدادده عقد مجلس وعظ و نصیحتله مظهر قبول اولدی لکن مؤخرأ مذهب اشعری بی میدانله چیقاره رق بوندن کندو طرفدار لرله حنابلله بیننده بر قتنه اویانمغله خلق ایکی فرقه اولوب بری برینی قیرمنه باشلاد قلدن وزیر نظام الملک مومی الیهی مطیباً و معززاً وطنه کونلردی . بوندن صکره نیشابورده تدریس علوم شریفه و ایراد مواعظ منیفه ایله وفاتنه قدر امرار وقت ایدوب (۱۱۲۰ م و ۵۱۴ هـ) تاریخنده وفات ایلشدر .

§

﴿ عبد الرحمن ﴾ بن عوف رضی الله عنه — عشره مبشره دندر مرقد شریفی (کایس) قضا سنده کائن (جوم) ناحیه سنده ایدوکی بعض توارینخده کورلدی .

§

﴿ عبد الرحمن ﴾ — اندلس امرای عسکریه سندن بر مشهور قهرماندر (۷۲۱ م و ۱۰۳ هـ) تاریخنده فرانسه ده واقع نیم وایون واورغوسترون شهر لرینی آلوب طولوزی محاصره و (۱۱۳ هـ) تاریخنده دخی اکتبن قطعه سنی و طور شهرینی استیلا ایلدیکی حالده پواتیه محاربه سنده فرانسه قرالنک مردو پالاسی (شارل مارتل) ک غلبه سی ائاده شهیداً ارتحال دار بقا ایلدی .

§

﴿ عبد الرحمن ﴾ — اندلس پادشاهلرندندر (۸۲۲ م و ۲۰۷ هـ) تاریخنده وقوعبولان غلبه سنده فرانسلری پیره نه طاغلرینی آشخبه قدر قوغالیوب (برشلونه) شهرینی تسخیر و عساکر موظفه و دائم ترتیب و (۸۲۸ م و ۲۲۴ هـ) ده دخی مارسلمیا قورسیقه و کریده قدر بارقه تهیدینی تمید ایلشیدی . وفاتی (۲۲۸ هـ) تاریخنده در .

§

﴿ عبد الرحمن ﴾ ثالث بن محمد المقتول — اندلس مشاهیر ملوکندندر

(۹۱۲ م و ۳۰۰ هـ) تاریخنده جلوس و (۹۶۱ م و ۳۵۰ هـ) تاریخنده وفات ایلدی .

غایت عاقل و فاضل دلاور تبعه پرور پر پادشاه معارف اکتناه ایلدی مدت سلطنتی اولان الی سنه ظرفنده داخل و خارجاً هر بر غوائلی سلب و رفع و انواع و سائط اسایش و مدنیتی ممالکنه جلب و جمع ایله خطه اندلسی طرف طرف شعشعه پاش انوار فیض و شرف ایلدی .

حین وفاتنده جینندن چیقان بر ورقپارهده کندو خط دستیه (بن الی سنه حکومت سوردم و هر تشبثاتمه نائلیت و هر مقاصدمده موفقیت کوردم لکن بو مدت ایچنده غائله سز یکن عمرم یالنکز اون درت کوندن عبارتدر) کلام رقت انجاسی محرر بولندیغندن هر کس اوقوبوب انکشت بر دهان حیرت اولمشدر .

غرناطهده التي یوز یك کتابی جامع اولان مشهور کتبخانه ایله مدینه الزهرا نامنده بر قصردلارا یایدر مشیدی که حقیقه هر ایکیسی ده نوادر روز کار اطلاقنه سزاوار ائاردن ایلدی .

اسبو قصرک درت یك اوج یوز عدد ملون مرمر ستون اوزرینه مؤسس اولوب یدی یچق ملیون دینار صرفیه بش سنهده اکمال اولندیغی و مشارالیهک وفاتندن صکره خزینه سنده بر ملیار عددالتون بولندیغی تواریخده مقیددر .

§

﴿ عبد الرحمن ﴾ عینی — تصانیف جلیله صاحبی بر ذاتدر اون سکز کون شام قاضیسی اولدیغی حالده استعفا یدرک عباداته حصر اوقات و (۱۴۸۷ م و ۸۹۳ هـ) تاریخنده وفات ایلدی . صالحیهده واقع جامع جدید جوارنده مدفون اولوب قبری شام شریفک متعین محال متبرکه سندن و (شرح الدرر) و (شرح النقایه) و (شرح الشمسیه) جمله اثار معتبره سندندر .

§

﴿ عبد الرحیم ﴾ — علمای بنامدندر علوم ادبیه و تفسیر و حدیثده شهرت کامله سی و ارایدی تولدی مصرده و قوعبوله رق مؤخرأ درسعادته کیش و دائماً تدریس علوم ایله اشتغال ایلدیکی حالده

(۱۵۲۶ م و ۹۳۳ هـ) تاریخنده وفات ایشدر ویتشدن متجاوز علمای
حدیثدن اجازت آلدیغی متواتردر .

§

﴿ عبد الصمد ﴾ بن منصور بن حسن — شعرای مشهوره دندر
(ابن بابک) دینکله معروف ایدی مولد و منشائی بغداد اولوب (۱۰۱۹ م
و ۴۱۰ هـ) تاریخنده کذا بغدادده وفات ایشدر . بر دیوان کبیری ونظم
شعرده براسلوب لطیفی وارددر .

موصی الیه حیاتنده برطاق مملکتلر کزوب عضدالدوله وصاحب ابن عباد
وامشالی اکابر ذواتی مدح ایلدی صاحب بن عبادک مجلسنه کیروب مشارالیه
شاعر بابک سمنسک دیدکده (بلی ابن بابک بنم) دیمش وصاحب محظوظ اولوب
بر چوق جائزهلر احسان ایشدر .

رندانه سویلدیکی اشعاردندر :

عقار علیها من دم الصب نقطة * ومن عبرات المستهام فواقع
معوذة غصب العقول کائما * لها عند الباب الرجال ودائع
تحیر دمع المزن فی کاشها کما * تحیر فی ورد الخدود المدامع

§

﴿ عبد العزیز ﴾ — کزیده شاهان ال عثماندن اولوب سلطان محمود
ثانی حضرتلرینک اوغلیدر وولادت (۱۸۲۹ و ۱۲۴۵ هـ) جلوسی
(۱۸۶۰ م و ۱۲۷۷ هـ) وفاتی (۱۸۷۶ م و ۱۲۹۳ هـ) تاریخیدر .

§

﴿ عبد الغنی ﴾ نابلسی — طریقت سهروردیه اعظم رجالندن براهل
حال وصاحب کالدرد شیخی عبدالله الهی حضرتلری واسطه سیله انتسابی
شهاب الدین سهروردیه واصل اولور . وفاتی (۱۷۳۱ م و ۱۱۴۴ هـ)
تاریخنده وقبری شام شریفدهدر .

§

﴿ عبد القادر ﴾ کیلانی — پیشوای عارفین ومقتدای سالکین غوث
اعظم وشیخ افخم حضرتلری که صاحب طریقت علیه مشهوره واحد
ارکان اقطاب اربعهدر . لقب عالیملری محیی الدین کینهلری ابومحمددر

نسب شریف‌لری پدر طرفندن امام حسن رضی الله عنه حضرت ترینه منتهی اولور بغدادده شیخ ابوسعید المبارک نام ذات سعادت اتسامدن خرقه پوش تجرد اولمشلردر مناقب علیه‌لری (خورشیدی نه حاجت ایدلم نور ایله توصیف • آثاری نماینده ارباب نظر در) مفهوم حقیقت مدلولجه محتاج ایضاح اولدیغی کبی (باچه تعبیر وصف حالت میکنم خنکار من • هیچ افطی در ادای این نشینده ام) مؤداسنجه قابل توضیح دخی دکدر •

§

﴿عبدالمادر﴾ — جزایرده اوران ولایتده (ماسقاره) قبیله‌سی شیخی ایکن عربلر بونی متصرف اولدیغی شہامت و شجاعتہ مبنی کندولرینه امیر نصب ایتمشلر ایدی فرانسزلرک جزایری استیلا سندن صکره کیتلی عسکر ایله کلوب فرانسزلی کرکی کبی پریشان واون درت سنه قدر کال جلادت و مظفریته اعلای نام و شان ایلدیکی حالدہ (۱۸۳۵ م و ۱۲۵۱ هـ) تاریخنده فرانسز جنراللرندن مشهور (لامورستر) یدیلہ حرباً طوتیلوب ایکی سنه دن صکره (تافتا) معاهده‌سی موجبجه ینہ امارتده ابقا اولندیسه درت سنه صکره تکرار اخذ و گرفت و فرانسه‌ده بش سنه حبس اولندی و مؤخرأ یعنی (۱۸۴۷ م و ۱۲۶۴ هـ) تاریخنده طلبیله ممالک دولت علیه‌یه کوندریلوب براز مدت بروسده و صکره شہام شریفده اقامه ایلدی • الیوم فرانسه دولتی طرفندن مقدار کافی قیدحیات اوله رق معاش ویرلمکده در • (ماسقاره) کله سنه دخی مراجعت بیوریله •

§

﴿عبدالقاهر﴾ بن طاهر بن محمد التیمی — کنیه‌سی ابو منصور مسقط رأسی بغداد وفاتی (۱۰۳۵ م و ۴۲۷ یا خود ۴۲۹ هـ) تاریخنده در • مومی الیه خراسانده نشر علوم ایدن ذواتک ال مشهورلرندن بری اولوب اون یدی نوع فنوندن تدریس ایدردی ابتدای حالنده حشمت کامله و ثروت بالغه صاحب اولدیغی حالدہ مؤخرأ بتون مالمکنی بر مدت قلیله‌ده ارباب علم وحدیثه بذل و اتفاق ایدرک بالرضا دوچار فقر و ضرورت اولدی ونیشابورده ظهور ایدن بر فترت اوزرینسه (اسفراین) ه کله رک وفاتہ قدر اوراده توطن ایلدی •

خیلی تصنیفاتی واردر جمله دن بری (تکمله) نام کتابدر که دیگر برائی
اولسه بیله کتاب مذکور یالکزجه کندوسنک حاز اولدیغی فضل وکالی
اثباته کافی اولور .

§

﴿ عبد القاهر ﴾ جرجانی — مشاهیر کبار علمادندر کتیه سی
ابو بکر در (۱۰۷۸ م و ۴۷۱ یا خود ۴۷۴ ه) تاریخنده وفات ایلدی .
(کتاب المغنی) (المقتصد) (اعجاز القرآن) (الجمل) (عوامل) (مائه)
(عمده) (دلائل الاعجاز) (اسرار البلاغه) جمله تصنیفاتندندر اشبو
دلائل الاعجاز علم معانی دده و اسرار البلاغه بیانده مابه الاستناد اولوب متأخرینک
علمری بو ایکی علمده کتایین مذکورینه منتهی اولور . فاضل موهی الیهک
جمله اشعار لطیفه سندندر .

کبر علی العلم یا خلیلی * ومل الی الجهل میل هایم
وعش حماراً تعش سعیداً * فالسعد فی طالع البهایم

§

﴿ عبد المطلب ﴾ بن هاشم — جد امجد جناب پیغمبری اولوب اصل
اتمی شیبه الحمددر بونام حین ولادتده وسط رأسنده کوریلان بریاضلغه
مبنی ویرلمشیدی مکده بش یوز ییلدن برو مدفون اولان ماء زمزمی اظهاره
مظهر اولدی و درون بژده مکنوز دفاین جرهمی چیقاروب باب
کعبه یه صرف ایلدی . اون ایکی اوغلی والی قزی اولمشدر اکبر ابناسی
حارث و اصغری جناب عبدالله که پدر عالیقدر حضرت نبویدر . مدت
عمری یوز قرق سنه یه بالغ اولوب سن نبوی سکرده ایکن وفات ایلدی
کتیه سی ابوالحارث و ابوالبطحادر .

§

﴿ عبد المجید ﴾ — مهارت علمیه و سیاسیه و نزاکت جهتیه دولت
عثمانیه ده کلان پادشاهلرک المشهوری اولوب سلطان محمود ثانی حضرترلرینک
اوغلی و الیوم اریکه نشین مسند خلافت اولان سلطان عبد الحمید خان ثانی
حضرترلرینک پدریدر .

ولادتى (۱۸۲۱ م و ۱۲۳۷ هـ) جلوسى (۱۸۳۹ م و ۱۲۵۵ هـ) وفاتى (۱۸۶۰ م و ۱۲۷۷ هـ) تاريخيدى .

جلوسنك ايلك سنه سنده تنظيمات خيريه اعلانيله دولت عليه برقات دهها حصه مند شرف ودول خسه اتفعايله مصر غائلهسى بر طرف ايلدى و (۱۲۵۷ هـ) ده محمد على پاشا بطريق الوراثه مصر واليكنه نائليته كسب امتياز ايلدى و (۱۲۶۰ هـ) ده قرعه ايله عسكر آلمسند قرار ويرلدى وايكى سنه صكره كردستان اهايسى حرباً تحت اطاعته الندى و (۱۲۶۶ هـ) ده آوسترا ايله روسيه نك شدندن فرار ايدن برچوق بحار بچاركانى حوزة حايث وصحابت دولت عليه يه قبول اولندى و (۱۲۶۹ هـ) ده قره طاغ غائلهسى و برسنه صكره قامه سدانتى مسئله سندن متحدت روسيه محاربهسى ظهور ايدوب روسيه سينوبده بر فيلو عثمانلى دونماسنى ياقديسه ده دولت عليه نك متفقرى اولان انكلتره و فرانسه ايله سىواستپولده آقديغى انهار غالبيت ومظفريت او آتشى سونردى و (۱۲۷۴ هـ) ده ممالك دولت عليه ده برنجى دفعه اوله رق ايدىن شمدوفرى انشا اولنوب برسنه صكره قره طاغ محاربه سنه ومملكتهين مصالحنه نهايت ويرلدى و صرپولور بكارى علكساندرى قره جورجى يى عزل ايدوب يرينه (ميلوش اوپره نويچ) ي انتخاب ايتكارندن علكساندرى بلغراد قلعه سنه قاچدى و (۱۲۷۶ هـ) ده سوريه ده درزى لرله مارونيلر ببنده بعض مقالته وقوعبولوب درزى شىخى (يوسف كرم) اورويابه فرار ايلديكندن ايش ياتشديرلدى و روسيه تابعيتنى قبول ايتمان چركسلر وتانارلر ممالك دولت عليه يه هجرت ايتكه باشلادى و (۱۲۷۷ هـ) ده مكه مكرمه حرم شريف تعميراتى اكمال اولندى و درزى لر شام شريفده ينه براختلال چيقاروب بو اتناد دخيلى مقاتله ويغماو وقوعبولديغندن فرانسه وانكلتره دونمالي والى التى ياك قدر فرانسز عسكرى بيروته كلوب ودولت عليه طرفندن دىخى فؤاد پاشا كيدوب شام شريفده تشكيل ايتدكلى مختلط قوميسيونده اختلالى تسكينده قصور ايدن شام واليسى احمد پاشا وبعض مأمورين ايله ذيمدخلىل فساد اولدقلى تحق ايدن ايكى يوز قدر آدمك جزاى ترتيب اولنوب خزينة جليله برخيلى تضمينات اعطاسنه مجبور اولدى .

عبد الملك — ملوك امويہ دن بری و مروان بن الحکمك
 اوغلیدر (۶۸۴ م و ۶۷۵ هـ) تاریخنده جلوسنی متعاقب عراقده ادعای
 خلافت ایدن عبدالله بن زبیر حضر تتری و حرمین اہالیسی اوزرینہ حجاج
 ظالم واسطہ سیلہ انواع مظالم اجرا ایتدی و (۷۰ هـ) تاریخنده ایتالیانلر
 افریقاده اولان عساکر اسلامیہ بی بوزوب برو طرفلرہ طوغری بوریمکہ
 باشلادیغندن سنوی قرق سکز بیک دینار ویرکو مقالہ سیلہ عقد مصالحہ یہ
 مجبور اولوب برسئہ صکرہ یتہ تخلیص کریبان و (۷۳ هـ) دہ قدسہ
 (صخرہ اللہ) اوزرینہ برقبہ یابدیروب حج شریفہ کیتک استیانلرک من بعد
 مذکورقبہ بی زیارتلہ مکہ مکرمہ یہ اوغرامالرینی شدیداً امر و اعلان ایلدی
 وفاتی (۷۰۵ م و ۸۶ هـ) تاریخنده در .

مومی الیہ جد و حزم صاحبی اولدیغندن کندوسئہ معاویہ ثانی اطلاق
 اولنوردی ثبات و مکانتی ایسہ نہایت درجہ دہ اولوب حتی بر کچہ دہ درت
 خبر دہشت انکیز آلدیغی حالده قطعاً بشرہ سی بیلہ تغیر ایتامش و وجود
 ویرمامشدر . ابتدا ضرب دنانیرایلہ اوزرینہ قرآن کریم تحریر ایدن اشبو عبد
 الملکدر . کمدیردیکی دینارلرک بر طرفنہ (قل هو اللہ احد) و بر طرفنہ
 (لا الہ الا اللہ) عبارہ جلیلہ سنی و قنغی شہرہ دہ ضرب اولندیغنی نقش
 ایتدیروب بونی بر طوق ایچنہ آلمش و طوقک دیشاروسئہ دخی
 (محمد رسول اللہ ارسلہ بالہدی و دین الحق) کلمات منجیہ سنی یازدیرمشیدی .
 ابتدا فارسیدن عربیہ دیوان نقل ایدن ومنبر اوزرنده اللرینی رفع و عید
 فطر واضحی دہ اذان احداث ایلان و بعض روایتدہ ابتدا کعبہ مکرمہ یہ
 دیسان کسوه اورتن واک اول باشی اوچندہ قلیچ ایلہ بر ادم طور دیرن
 عبد الملکدر . موتہ تحصیل یقین ایتدکدہ طوغسیدیم کوندن بو آنہ
 کلنجہ یہ قدر کاشکی حال اولیدم دیوب بعدہ اوغلی ولیدہ حجاجی وصیت
 و (زہار انک حقنہ کیمسہ بک سوزینی اصغا ایتہ و اکرام و انعام ایلہ تلطیفنہ
 اہتمام ایلہ زیرا دشمن اوزرینہ سنک قلیچک حجاجدر و سکا بو ممالکی کردنبند
 اطاعت ایتدیرن اودر) دیو نصیحت ایتدکدنصکرہ تکمیل انفس اس ایلدی

سنی التمش و مدت حکومتی اون بر سنه اولوب سکز سنه سی ابن زیره مزاجم و بقیه سی بالاستقلال بکشمش و اون یدی اولادندن دردی پادشاه اولمشدر .

§

﴿عبرانی﴾ — جزیره دن فراتی عبور ایدن اولاد سامه یعنی بنی اسرائیل نام مخصوص اولمشدر حضرت (نوح) ک اولاد و احفادی تکثر و تفرق ایتدکاری زمان بر طاقی دخی مصر قطعه سنه کلوب نیل نهری کنارنده اسکان و عبری تکلم ایلدیلر . لسان عبرانینک (عابر) بن شالخ علیه السلام لسانی اولسی دخی مأمولدر . سلطنت عبرانیه حکام بنی اسرائیل و دولت اسرائیلیه و یهودیه و بنی حشمتای و هرادسه نامریله بر قاج سلاله اوله رق ییک یدی یوز بو قدر سنه امتداد ایتش واک صکره رومالورک ایقاع ایلدکاری محاربات متوالیه سیبیلله منقرض اولمشدر . بر روایتده عرب بآئده دن و قیله یمنده ساکن اولان (جرهم) قبیله سی دخی لسان عبرانی اوزره تکلم ایدرلرایدی .

§

﴿عبری﴾ — یمنده بر قصبه اسمیدر بو قصبه ده و قبیله قصور سر و غایت نفیس قشاش نسج و اعمال ایدرلر و اشبو منسوجاته ستایش مقامنده اوله رق اقتدار بشر خارجنده جن و پری صنعتی دیرلرایدی .

§

﴿عبدالله﴾ احرار — قدوة العارفين و عمدة الواصلين خواجه عبیدالله احرار حضرتلری که طبقه خواجهکانک رابطه التیام و واسطه انتظامی ایدی مناقب علیه لری کنجیده دهان تقریر و درر مدایح سنیه لری سنجیده زبان تعبیر اولسق ممتعدر . مشهور عبد الرحمن جامی حضرتلری بو ذادن تحصیل معرفت و تکمیل اسلوب طریقت ایلدی . مولد عالیبری (طاشکند) اولوب (۱۴۸۹ م و ۸۹۵ هـ) تاریخنده و سکسان طقوز یاشنده جلوه کر عالم دیگر اولمشدر (نماند مرشد راه) کلامی تاریخ و فاترینی اشعار ایدر .

§

﴿عتلیا﴾ یاخود (آتالی) — یهود حکمدارلرندن برقادین اولوب

بنی اسرائیل و صیدون قرالی (آخاب) ک قزی و فلسطین قرالی (یورام) ک زوجه سی ایدی زوجه یله (آخزیا) نامنده براوغلی (یهو) معرفتیه اعدام اولندیغندن (۴۷۱۸ خ) تاریخنده یعنی میلادک سکر یوز یمش الی سنه مقدمنده تخته جلو سنی متعاقب متوفی اوغلنک اولادینی یعنی کنندو احفادینی کاملاً اعدام و پترستلک و زنا بی سربست براغوب زعمجه اهاالی به احسان عام ایتشیدی مرقومه نك بو وضع و حرکتی اهاالی به يك زیاده قویلدیغندن و وقتیه قاچیر یلوب صاقلنش اولان بر حفیدی بر حیات بولندیغندن بر کون در عقب کتور یلئوب تخته اجلاس اولندی و او کونه قدر انواع ظلم و شناعته شهرت بولان مرقومه (عتلیا) پرستش ایتدیکی بعلک اوکنده اعدام ایدلدی .

§

﴿عتلیال﴾ — جمهور بنی اسرائیل رؤسا سندندر مزو پوتامی و بنی مؤاب و بنی عمون و عماله علیه قیام و جله سنه غلبه تام ایله ملتنی قید اسارتدن قورتارمش و یوسایه ده ریاست بنی اسرائیلی مدت مدیده در عهده ایتشدر . ابتدای حکومتی (۶۰۴۰ خ) تاریخنده یعنی میلادک یک بشیوز الی سنه مقدمنده و امتداد مأموریتی قرق سنه اولدیغی روایت ایدیلور بوکا (عتیل) و (اوتونیال) دخی دیرلر .

§

﴿عثمان﴾ بن عفان رضی الله عنه — ثالث خلفای راشدین و حضرت عمر رضی الله عنه نصکره امیر المؤمنین و داماد جناب سید المرسلیندر . حضرت عمرک وصیتی موجبجه انتخاب اولنان الی منتخب بنی امیه ایله هاشمیلر و انصار بیننده کی اختلافی کورملریله خلافتی ابتدا حضرت علی به تکلیف ایدوب انلر قبول ایتدیکنندن (۶۴۴ م و ۵۲۳ هـ) تاریخنده حضرت عثمانک خلافتی اعلان اولندی و اوچ سنه مرورنده نیشابوری فتح ایدن عساکر اسلامیه (دارابگرد) (ارجان) (اسطخر) (طبرستان) و لایترینی دخی صلحا الوب یوز بیکدن دردر یوز یک دیناره قدر ویرکویه ربط ایتدی و یوز یک قدر ایتالیا عسکری طرابلس غربده یکر می یک اسلام عسکریله محاربه ایدوب اسلام مغلوب اولمق راده سنه کلشیکن سر عسکرلری (عبدالله

بن زبیر) ك بالذات جنرال (چرچیر) ی قتل ایتسیله غلبه میسر اولدی
 وشام والیسی حضرت معاویه مغرقتیله قبریست نصفی الندی و (۵۲۸) ده
 هراتده اسلام نامنه سکه ضرب اولندی . (بوسکه نك اطرافنده بسم الله
 ربی محرر ایدوکی توارینخده مقید ایسه ده انتقه جیلرك هنوز مشهودی دكلدر .)
 وروضه مطهره نك اطرافی و حرم كه توسیع و تزین و خزینه جناب نبوی به
 درتیوز ملیون درهم قیملو مجوهرات والتون وضع اولندی و حضرت
 عثمان حجدن كلوركن پرماغنده کی مهر نبوتی قیویه دوشوروب پك چوق
 تحری اولندیغی حالده بولنمدی و (۵۳۱) ده شام والیسی معاویه ردوس
 جزیره سنی آلوب قسطنطنیه اوزرینه عسکر سوق ایلدیه ده محاصره بی
 اكال ایده جك وسائط نقصان اولقله برابر ذخیره خصوص صنده دخی برخطا
 وقوع بولدیغندن فتح میسر اوله مدی و عبدالله بن سمره سجستانی ایکنجی
 دفعه اوله رق فتح ایتدکنصکره نواحی هنده قدر ارخای عنان غالبیت
 ایلدی .

(۵۳۳) ده کوفه اهالیسی حضرت عثمانه قرابتی اولان والیری علیهنه
 بر اختلال چیقاردی و حضرت مشارالیه بر مدت سکوت ایدوب صکره
 عزل ایتدیه ده اختلال باصیله مدی وبصره و مصر وشام اهالیسی
 والیرینك مشارالیه منسویتندن بئشکوايه باشلاوبوب (۵۳۵) ده هر طرفدن
 مدینه منوره یه طوپلاندیلر و مشارالیهی خلع ایتك استدیله ایسه ده حضرت
 علی تأمینات اعطا ایلدیکنه بناء کیرودوندیلر لکن او ائنده حضرت عثمان
 طرفندن علیهلرینه اوله رق مصر والیسنه یازیلان برتحریرات مرقوملرك الیرینه
 یکمکله یولدن دونه رك ینه مدینه یه کلوب حضرت عثمانك خانه سنی
 الی کون محاصره ایتدیلر و مشارالیه استعفا سنی ویرمدیکنه بناء کیروب
 شهید ایلدیلر . مکتوب مزبور کاتب خصوصی خلیفه مروانك خط
 دستیه اولوب حضرت عثمان بوندن بنم خبرم یوق بیورمشیدی . هرنه حال
 ایسه ایش فوق الغایه کسب اهمیت ایدرك کبرا ایکی طرف اولدی و بر
 طرفی حضرت علی کرم الله وجهه یه بیعت ایدوب حضرت عایشه
 و سایر لری ایتدی و حضرت عثمانك قانلی البسه سی شام شریفه کوندرلدی
 و پراز صکره چل وقعه سی ظهوره کلدی .

حضرت عثمان عاقل و عادل شفیق و صابر بر ذات اولوب خصوصیه حلم و حیاده نظیری قدمهاده صحن دنیا اولماشدر . کلام عالیرندندر که (خیری درت شیده بولدیم برنجیسی نوافل ایله جناب حقه محبت . ایکنجیسی احکام الیهیه صبر . اوچنجیسی تقدیرینه رضا . دردنچیسی حیا) . سن شریفی سکسان یکی به بالغ ایدی .

§

﴿ عثمان غازی ﴾ اول — مؤسس بنیان سلطنت عثمانیه در . پدری (ارطغرل) غازی الی ایکی سنه دن بر و ملوک سلاجقه نامه روملرله محاربه ایدرک (۱۲۸۱ م و ۶۸۰ هـ) تاریخنده وفات ایلدیکندن قبیله سی ریاستنی عهدۀ استیالنه آلمشیدی . بودخی والد ظفر مواردی کبی خیلی غزالده ابراز مآثر موفقیت ایلسنه بناءً دولت سلجوقیه طرفندن اولاً طبل و علم استحصالیه کسب امتیاز و مؤخرأً (۶۸۷ هـ) تاریخنده قوله جه قلعه سنی و طومانچ محاربه سندن صکره قره حصاری آلهرق اوراسنی مقر حکومت اتخاذ ایلدی .

برسنه صکره بیله جک قلعه سنی دخی روملرک قوردیغی دسیسه یه مقابل بردسیسه غریبه ایله تسخیر و بیله جک تکفور ینک قید اسره گرفتار اولان قزینی اوغلی سلطان اورخانه تزویج ایله (۶۹۹ هـ) تاریخنده دولت علیه عثمانیه یی تشکیله موفق اولدی .

مؤخرأً (۷۰۱ هـ) ده پای تختنی یکیشهره نقل و (۷۲۶ هـ) ده بروسه یی ولی عهدی شهزاده اورخان ییله فتح ایلدکدن صکره سنه مزبوره ایچنده ویتش یاشنده سریر نشین سرای آخرت اولغله مشارالیه اورخان غازی یرینه کچدی . نعتی بروسه ده حصار ایچنده مدفوندر .

ملوک سلجوقیه نك انقراضیه انقاضندن تشکل ایدن امارت لک رؤسای اولوقت شونلردن عبارت ایدی .

عثمان غازی قره سی صاروخان ایدین منتشا تکه حید قرمان کرمان قسطنونی .

§

﴿ عثمان خان ﴾ ثانی — دولت عثمانیه ده اون التنجی پادشاه اولوب

سلطان احمد اولك اوغلى و سلطان مراد رابعك قرنداشيدر • ولادتى (۱۶۰۴ م و ۱۰۱۳ هـ) جلوسى (۱۶۱۷ م و ۱۰۲۷ هـ) شهادتى (۱۶۲۱ م و ۱۰۳۱ هـ) تاريخيدر •

سلطان عثمان زماننده عساكر عثمانيه ارديبلده بريك هزمت و بغداد و لهليمره قارشو افلاقدده جسيم بر مظفريت كوستردى و شتاتك شدتى مناسبتيله استانبولك خيلى محلى خراب و قحط و غلا ظهوريله اهالى بشقه جه دوچار اضطراب اولدى و قپودان درياسا دادندن كوزلجه على پاشانك دونماي همايون ايله عودتنده كتوروب تقديم ايلديكى غنائم كيشره محظوظيت ياشاهى بي موجب اولدى •

§

﴿ عثمان ﴾ ثالث — ملوك عثمانيه دندر سلطان مصطفىاى ثانياك اوغلى و سلطان محمود اولك قرنداشى اولوب (۱۶۹۸ م و ۱۱۱۰ هـ) تاريخنده تولد و (۱۷۵۴ م و ۱۱۶۸ هـ) ده جلوس (۱۷۵۷ م و ۱۱۷۱ هـ) ده وفات ايلشدر • اصحاب مقاطعات و ارباب زعامت و وظيفه دن اخذى معتاد اولان و يركو بونك زماننده غفو اولتمش و فرانسزلر ايله المانلر و اوستريالورلك يدى سنه دوام ايدن محارباتنه بو ائتاده بدأ ايلمشدر • درسعادته نور عثمانيه جامع شريفى مشار اليه نامنه اولمق اوزره يدى سنه ده ياپلدى • بوندن بشقه مدلوده برقلعه و ايكي جامع ايله برجاهى واردر • استانبولك ايكي ثلثى خراب ايدن مشهور حريق مشار اليهك زمان سلطنتنده وقوعبولمشيدى •

§

﴿ عثمان پاشا ﴾ — (۱۵۸۳ م و ۹۹۱ هـ) تاريخنده ايران اوزرينه سوق اولنان اردوى همايونك سرعسكرى ايدى • تيمور قپويه وصولنده طاعستائيلير ايران طرفنه عرض ميلان و شاه محمد جانبندن الى بيك كشيك براردودنخى اوزرينه توجه عنان ايلديكى حالده شجاعت و مكانت مجبوله سى اثرى اوله رق ققطعا فتور كوسترميوب درت كون دوام ايدن مشهور باش تپه محاربه سنده ايرانليلىر محوه يقين بر درجدهده پريشان ايلدى • مؤخرأ صادر اولان فرمان پادشاهى موجبجه معيتنده بيك كشى اولديغى حالده قريمه اينوب بو محاربه يه كلكدن امتناع ايدن قريم خانى محمد كرابى ضربه عزل

و تأدیه او غارتدی. اشو مظفر تیرله در سعادت و ورودنده سلطان مراد ثالث حضرت تری طرفدن بالخاصه یالی کوشکنه دعوت اولنه رق ایران فتوحاتی و قریم و قهندسی اوزرینه ایضاحات طلب اولنمغله او ائتمالده قوللاندیغی مانوره و تدابیری سویلدیکجه ذات شاهانه کمال محظوظیتندن باشنده کی اوتاغی و بلند کی مجوه رلی خنجیری چیقاروب کندو الیه پاشایه الباس و تعلیق و خلاصه هیچ برکیمه حقیقه امثالی کورلماش نعم لائحصایه غریق ایدرک اوج کون صکره دخی ضمیمه الطاف پادشاهی اولق اوزره مسند صدارتی توجیه ایلدی. وایکی سنه صکره تکرار مأمور اولدیغی عجم سفرنده وقوع مغلوبیتنه مبنی عارندن ترک حیات مستعار ائلشد.

§

﴿عثمان پاشا﴾ — یکن عثمان پاشا دیمکله مشهوردر اناطولیده باشنه طویلا دیغی برالای ارازل اشخاص ایله اوتوده بروده سلمه السلام کریمکه باشلا یوب اگرچه ازاله سی دولته اقدم اموردن عد اولندیسه ده زمانک مساعد سزلکی موقه اولسون بر پرده ممانعت چکدیکندن وقت مرهونده ایشی کورناک اوزره (۱۶۸۷م و ۱۰۹۹هـ) تاریخنده روم ایلی اردوی همایونی معیننه تعیین اولنش و مرقوم کیتلو قپو خلقیله بلغراده وصولنده تغلباً سر عسکر لکنی اعلان ایتکله اکا دخی طرف دولندن نظر مسامحه ایله باقمش ایدی. بواشاده آوسترالیلرک بلغرادی تحت محاصره یه المرینه مقابل عثمان پاشانک کبر و نخوتی ایجابجه برایش کورمی مأمول ایکن بر قاج یوز بیک عسکره مالک اولان او قوجه اردوی بلامحاربه الوب کپویه چککویورمی هرکی حیرته قومش و قلعه ده یالکزجه قالان بیچاره عسکر آزلقرینه باقیه رق یکرهی کون قدر دشمنه مقابله دن صکره قلعه یی تسلیمه مجبور اولمشدر. پاشای موهی الیه ده بوکی نجه وقوعات جسمیه هائله یه سبیت و یروب دولت و ملتی برچوق اضرار ایلدیکی جهته لآخر الامر صوفیه ده حرباً طویلوب اعدام اولندی.

§

﴿عثمان پاشا﴾ — دولت علیه ده مسند صدارت عظمایی احراز ایدن ذوانک مشهورلندن اولوب طویال عثمان پاشا دیمکله معروف ایدی

(۱۷۱۵ م و ۱۱۲۸ ه) تاریخنده موره محاربه سنده شهرت بولوب اون التی سنه صکره مسند صدارته واصل اولدقده برمهات کامله ایله مأموریتنی حسن ادارهیه مباشرت و آوروپا ضوابط و نظامات عسکریه سنی ممالک عثمانیه ده دخی ادخاله سعی و غیرت ایلدی و خارجاً نادرشاه اوزرینه کسب ایدیلان قوربیجان مظفریتی و تبریز ایله همدانک ضبطی و عجم کورجستاننی دولت علیه یه اعطا ایدن قاسمین مصالحه سی دخی بشقه جه مسند صدارتنی شهر تلمند یردی و (۱۷۳۲ م و ۱۱۴۵ ه) تاریخنده والده سلطان طرفندن علیه نه وقوعبولان بعضی معاملات ناروایه مینی آستانه دن تبعید اولندیسه ده برسنه صکره تکرار کتوریلرک عجمستانده طهماسب قولی خانه قارشو خیمه نشین جلادت اولان عثمانلی اردوسنه قوماندان نصب ایلدی . مشارالیه بومحاربه ده دخی اولانل مظفریت اولدیسه ده مؤخرأ امدادسز براغلاریغندن (کرکوک) جوارنده اینکی دفعه بوزیلررق محاربه آخره ده واصل رتبه شهادت اولمشدر .

§

﴿ عجان ﴾ — افریقاده برحکومت صغیره در (سومال) کله سنه نظر پیوریله .

§

﴿ عجایب سبعة عالم ﴾ — عجایب مصنوعات بشریه دن عداولنان اثار قدیمه زیرده کوسترلدیکی وجهله یدی عدددن عبارت ایسه ده بعضیلری مشهور سورچینی دخی علاوه ایله سکره چیقارمقده درلر . بونلردن هر بررلری کله لرنده محرر اولدیغی کی مذکور سورچین دخی (سد) کله سنه محرردر .

عدد

- | | |
|---|---|
| ۱ | بابل سورونچدسی — (بابل) کله سنه نظر پیوریله . |
| ۲ | اهرام مصر — (اهرام) کله سنه نظر پیوریله . |
| ۳ | ردوس هیکل — (سارس) کله سنه نظر پیوریله . |
| ۴ | ژوبیتک هیکل — (ژوبیتک) کله سنه نظر پیوریله . |
| ۵ | اسکندریه فناری — (اسکندریه) کله سنه نظر پیوریله . |
| ۶ | دیوان معبدی — (دیوان) کله سنه نظر پیوریله . |
| ۷ | موسوله — (موسوله) کله سنه نظر پیوریله . |

§

﴿ عدن ﴾ — باب المندب خارجنده وآسیا ساحلنده بر کوزل لیماندر
مقدمایک مهم بر نقطه ایکن امید برونی طریقنک کشفندن برو اهمیتنی غیب
ایتش و حاوی اولدیغی اوتوز بیک نفوسدن شمعی انجق ایکی بیکی قالمشدر .
(۱۸۳۹ م و ۱۲۵۵ هـ) تاریخنده اشبو لیمانی انکایلر ضبط و تحکیم ایلدیلر
بوراسی اوته دنبرو یمن اداره سنده اولوب حکومت امامیه زیدیه زماننده
یعنی (۱۵۶۸ م و ۹۷۶ هـ) تاریخنده خیرالدین قپودان طرفندن بر مدت
محاصره و ایکنجی دفعه اوله رق دولت علیه نامه ضبط اولمش و اولوقت
عدن امیری قاسمک دعوتی اوزرینه پورتکیرلر امداده کلشیدنی .

§

﴿ عراق عرب ﴾ یاخود (الجزیره) — الجزیره طاغلرینک برو
طرفنده یعنی فرات نهریله دجله نهری اره سنده واقع اراضی وسیعته که
قدما زندنه (بایلونیا) نامیله معروفدر و قتیله (بایلون سه لوس)
و (کتسه زه فون) شهرلی اوراده مشاهده اولنور ایدی الیوم بونلر بدل
اوراده بغداد شهری کورلمکده در (الجزیره) کلمه سنه ده نظر بیوریله .
(عراقین) اکثریا تاریخلرده مسطور اولان عراقین که بوندن مراد کوفه ایله
بصره در دولت امویه ده اشبو ایکی ولایت بر برنده ایرلز ووالیسنه عراقین
والیسی دینور ایدی .

§

﴿ عراق عجم ﴾ — ایران دولتی اداره سنده بر قطعه جسیه در
شرقاً کوهستان غرباً لوزستان و کردستان شمالاً تبریز و کیلان جنوباً کرمان
و فارسستان ایله تحدید اولور ۹۰۰ طول و ۴۰۰ کیلومتر عرضی و ایکی
ملیون نفوسی اولوب مقر حکومتی طهران و باشلیجه شهرلی اصفهان و کاشان
و کاسبین و سلطانیه و همداندر .

بو قطعه موقعاً غایت مرتفع و سنکستان اوله رق الوند دماوند و البرز طاغلرینک
متعدد شعبه لرندن چکیلور و شعب مذکوره بیننده امتداد ایتمش بر طاق قومسال
و واسع صحرا واردر که بونواحی بی اسقاواروا ایدن صومجرا لرینک اکثریسی
اورالرده محو و نابید اولور . اراضیسی کلیت اوزره منبت اولوب هواسی

ایسه صیباغک اک شدتلی زماننه تصادف ایدن ایکی آیی مستثنای اولوق اوزره
صاغلام و معتدلدر برچوق مواشی و دوه سی و غایت نفیس اتلری و سختیان
جام و فغفور دأر رواجلی صنعتلری واردر بو قطعه قدیم مدیانک قسم
اعظمی شامل ایدی .

§

﴿عرب﴾ — (بائده) کله سنه نظر بیوریه .

§

﴿عرب جامعی﴾ — دولت امویه امراسندن مسئله بن عبد اللهک
(۷۱۶م و ۹۸هـ) تاریخنده کاوب غلطه بی فخته بنا ایلدیکی جامع شریفدر .
اوتاریخندن صکره غلطه یدی سنه اسلام النده قالوب جامع شریف مزبور
عبادتکاه اتخذ اولنش و مؤخرأ ینه رومله کچهرک خراب اولسی جهتیه
استانبول فتحنده مجدداً انشا و احیا ایلشددر . دیگر روایته کوره جامع
شریف مزبور قرق سکنز تاریخ هجریسنده غلطه نک فتحی اشاده یاپیلوب
طقسان سکنزه تعمیر اولنشیدی .

§

﴿عرفی﴾ — دردانه وجودی شهرشهر شیرازده صورتبند صدف
مهد اعزاز و آواره فضل و هنری افطار جهانیه ولوله انداز اولمش بر شاعر
بلاغت مأثر شیرین ادا و برادیب ماهر معجزنوا ایکن سماعاً مغلوب عشق
اولدیفی اکبر شاه مخدومی شهزاده سلیمی مشاعده سوداسیله (۱۵۸۹م و ۹۹۸هـ)
تاریخنده جانب هنده بالعمد شاه مشار الیهک پایتختی اولان لاهوره موصلت
ومیدان شعر و دانشوریده خواجه حکیم ثانی و فیضی هندیکب بتون
هندستانجه مالک الشعرا نامنی المش اولان ذوات مشار بالبنانی دوچار عجز
و حیرت ایلدی . مع هذا اوزمان مرعی برقاعده موجبجه هنداکا برزاده
یعنی پسرلری مقل تعبیر ایتدکاری عجم یاخود شعرا کروهندن برر کسه ایله
معاشقه مجبوریتنده بولنوب حتی عاشقمنز قالان برچوق پدر و مادری
نظرلرندن دخی دو شکدن ایدو کندن بوسایده عرفی هم معشوق شهزاده سلیم
و هم دپدری شاه اکبر نزدنده نائل توجهات فوق العاده اولهرق شایان غبطه
برکون کچور مکده ایدی . فقط (هیچ فاک عاشقه امانی ویرر) مصراعی

مدلوله آنچه عاقبت کاشن عشق و محبتی پزمرده باد سموم قهر و محنت اولدی
شویله که موئی الیه فیضی عرفینک هندسه ورودی سبیلله برطرفدن صیت
شاعریسی و دیگر طرفدن ده شاه و شهزاده یه قارشو حائر اولدیغی مقام و اعتبارینی
غیب ایتدیکندن برکون فرصتنی بولوب بیچاره عرفی بی تسمیم ایلدی . شهزاده
ایسه عاشقنک بویله بر حال حزن اشماله ابتلا سندن بشقه دنیاده بیوک بر کوتولک
تصور ایده مدیکندن امان زمان و یرمه رک همان جانی موئی الهی اعدام
ایله اخذ انتقام ایلدی . عرفی مر حومک یتیش بر عدد بیتدن عبارت
اوله رق حالت نزعنده سویلیدیکی قصیده رقت افزاندنر . (رقم ای غم
زدر عمر شتابان رقم * هان شتاب از طلبی هست زمن هان رقم * مشتاب
ای غم دنیا که بکردم نرسی * مکن ازدور وداعم که شتابان رقم)
موئی الیه فیضی هندی دخی افاضل شعرای بلاغتیرادن اولوب یازمش
اولدیغی بونجه آثار نادره دن ماعدا اون ایکی بیتدن عبارت نقطه سز
بر تفسیر دلپذیر تألیف ایلدیکی مرویات موثوقه دندر .

§

﴿عرض﴾ — بر مملکتک خط استوان شمالاً و یا جنوباً اوزاقلغنه
اطلاق اولنور . بر مملکتک عرضی بولوق او مملکتدن کچن نصف النهار
اوزرنده و مملکتک الیه خط استوا اینده اولان اوزاقلغک یعنی دائرة پارچه سنک
درجده سنی تعیین دیمک اولوب بودخی دائرة پارچه سی نصف النهار قوشاغی
الته وضع الیه حساب اولتمقدن عبارتدر بر ادم استانبولک عرضی تعیین
مراد ایلسه استانبول شهرینی کره اوزرنده نصف النهار قوشاغی الته کتوروب
اورادن خط استوا یه قدر صایار و استانبول ذاتاً نصف کره شمالیده بولندیغندن
(۴۱) درجه و (۴۲) دقیقه عرض شمالیده اولدیغنی کورر .

§

﴿عرم﴾ سیل عرم — یمنده حکومت ایدن (سبباء بن شحب)
یا خود حیریلردن حاکمه یمن (بلقیس) و یا خود (لقمان بن عادیا) نک
(مأرب) شهری جوارنده کی طاغردن کلان صولرک مضرتنی دفع ایچون
یابدیردیغی سدی (۳۲۵۳ خ) تاریخنده هدم و مملکتی واهالی و بساتین
و مزرعاتی محو و تلف ایدن سیل مشهورک اسمیدر . اشبو سد قوقانی

و تحتانی نیجه اولوققر و خرقلردن مرتب اولمق اوزره زفت ایله ملصوق
یوک طاشلره ایکی طاع اراسنه یایلش ایدی انهدامی ینه حکمداران مومی
ایهمدن (عمر و مزینیا) زماننده وقوعبولدی و بو مناسبته اولحوالیده
مسکون اولان اهل سباء اطرافه طاغلدی.

§

﴿عروسة البحر﴾ — اوتوز درت مترو طولنده اولان بالینه بالغنی
وسائر بالجمله مخلوقات بحریه بی فراره مجبور ایدن یوک بر بالغک اسمیدر.
بو بالی حیوانات ذو ثرایدن اولوب اکثر یا بحر منجمد جنوبی سمتلرنده
بولنور و بالینه بالنی کبی یالکز کز میوب دائماسوری ایله کزینور و اغزنده یوک
دیشلری اولور بالی تقسی ذیلان بیاض ماده بی قفاسی درونندن واق
عنبری بغر صاقلردن چیقارلر. صورت صیدی بالینه بالغنی صیدینه مشاهدردر.
عنبر کله سنه دخی مراجعت بیوریلر.

§

﴿عروض﴾ — شعر ایچون معتبر اولان اوزانک احوالندن بحث
ایدر بر علمدر و اساساً موضوعی الفاظ عربیه در بو علم احوال اوزانندن
بحث ایتدیکنه کوره فروع علم موسیقیدن و موضوعی الفاظ عربیه اولد-
یغنه کوره فروع علم شعردن صاییلور و اگر مذهب متأخرین اوزره تعریفده
ذکر اولنان اشعار اشعار عربیه اولمق اعتباریلر دخی مقید بولنور ایسه
علوم ادبیه فروغندن اولور زیرا مطلقاً علم ادبک موضوعی کلام عربدر.
علم عروضک غایتی کلامی ایقتاعات یعنی تقطیعات معتبره اوزره ایراده
خطادن احترازدردر. علم موسیقیده معتبر اولان مقاماتک خطا و صوابی
بیتک ایچون موضوع اصوله عربلر (ایقاع) دیدکاری کبی عروضده معتبر
اولان بخورک صحت و خطاسنی بیتک ایچون موضوع تقطیعه دخی حسب
المشابهة (ایقاع) دیشلردردر.

علم عروضک اول واضعی خلیل بن احمددر اشعار عربی بی تتبعله اون
بش وزنه حصر و هر برینی بر بحر عدوبخور مزبورده اوتوز درت عروض
و الشمس اوج ضرب اعتبار ایدوب علل زخافانندن دخی بکرمی اوج علت
بسط و ارائه ایلدی.

بوفنی واضع مومی الیهند نصکره تهذيب ایدن (جوهری) او اوب (احنش)
دخی متدارك نامنده بر بحر علاوه ایلشدور.

§

﴿عریش﴾ — اسکندریه ساحلنده و غزه ایله رأس القصر و
اره سنده و غزه نك اون التي کیلومتر و غرب جنوبی سنده اوج بیك نفوسی
حاوی بر قلعه در جنوب طرفنده عریش چولی نام صحرای وسیع بولنور.
بوچوله بعضاً (تیه) و ترابین دخی دیر لر یمن ولایتنده دخی وارد در و ابو
عریش بشقه در.

§

﴿عزب﴾ — مقدماترسانه اوجا غندن اولان بحریه تفنکجی عسکرینه
ویریلان نامدر افراد مرقومه نك اولوقت عزب قیوسنده دخی بر قشله لری
وار ایدی بناء علیه اوراسی حالا بونامله یاد اولنور.

§

﴿عزت منلا﴾ — کیچه جی زاره دیمکله مشهور بر شاعر بلیغدر که
عصرینک رئیس الادباسی ایدی صدور عظامدن صالح افندینک مخدومیدر.
غلطه منلاسی ایکن وکلای دولتن حالت افندینک غزلیه کشانه نفی اولنش
وینه مظهر عفو اوله رق استانبول پایه سنه چیقمشیدی مؤخرأ یعنی
(۱۸۲۹م ۱۲۴۵هـ) تاریخنده روسیه محاربه سنک صلحله بر طرف ایدلسی
طرفنده بولندیغنه واول بابله بر لایحه دخی تقدیم ایتدیکنه بناء سیواسه
نفی اولنوب تاریخ مزبور خلانده اوراده وفات ایلشدور. بری (بهار
افکار) دیکری (خزان اثار) نامیله ایکی دیوانی و (مختکشان) و (کاشن
عشق) نامیله ایکی منظومه معجز بیانی وارد در.

§

﴿عزیر﴾ علیه السلام — نبوتی مختلف فیه فضلائی بنی اسرائیلنددر
بابله نفی اولنان معتبران قدس ایله برابر کیدوب (۱۲۹ خ) تاریخنده یعنی
میلاد در تیوز انش بش سنه مقدمنده ینه بقیه بنی اسرائیل ایله قدسه عودت
ایلدی یهودیلر بابله ایکن خط کلدانی به آلیشوب خط عبرانی بی فراموش
و نسخ توراتی ضایع ایتدکارندن مشار الیه تورات شریف حفظندن قرائله

یهودیلرہ یسئدکاری خط کلدانی ایله ضبط و تحریر ایتدیردی . یهودیلر حضرت عزیرک بووجهله توراتی اونوتمایشنه کمال تعجبیلرندن (هذا ابن الله) دیدیلر . مؤخرأ اشبو کلدانی تورات دخی ضایع اولمشدر . ولادت داود علیه السلامدن وفات عزیره قدر کذران ایدن زمانک مقداری بش یوز التمش درت سنه ایدوکی مرویدر . حضرت عزیرک اواخر ایامنده شامدن فرس اداره سی قالقوب یرینه اداره یونایه قائم اولمشیدی .

§

﴿ عزیر محمود افندی ﴾ — مشایخ جلوته دندر (هدایی) کله سنه نظر بیوریله .

§

﴿ عسقلان ﴾ — برالشامده یافدنک جنوب غربیسنده الی کیلو مترو مسافده و ساحل بحرده برشهردر . بوراسی وقتیلله فنیکلورلرک باشلیجه شهرلرندن ایکن یهودیلرکچوب (هراقلیوس) معرفتیلله توسیع اولمش و معموریتجه ایکنجی درجدهده بولنان قصبلر صرهسنه کتورلمش ایدی . صکرهلری یعنی (۱۱۷۶ م و ۵۷۲ هـ) ده سلطان صلاح الدین ایوبی واهل صلیب محاربهلرنده ضبط واسترداد یوللو برطاقم کش مکش تقلباته اوغرامقله بسبتون خرابه یوز طوتمش وشمیدی بر ناحیه حکمنده بولنمشدر .

§

﴿ عسیر ﴾ — یمنده یمن جبال سراسنک بعض محللاریله تهمامه اراضیسنک برمقدارندن متشکل و (ارض طود) و (ارض چرش) ناملریله ایکی قسمه منقسم اولان سنجاغاک اسمی اولوب مرکزی (محائل) شهریدر قسم اعظمنه (غز) دخی دنیلور و الیوم عسیر (صبیا) (رجال الجمع) (قنفده) (بنی شهر) (غامد) نام بش قضایه تقسیم اولنور اراضیسی یمن قطعدهسنک سائر محللاری کبی برکوزل قوه انباتیهبی حاوی و تهمامهسنده اولان وادیلرک بعضیلری صوسزایسدهده ماعدا یرلرنده لطیف صورلر جاریدر و ضمع محصولاتی زیادهدر و اکثر ساحلارنده یوک کوچک طوزلر بولنور

ومواشیدن دوه قیون پکی اوکوز اینک بسیلنور . (مین) کله سنه
دخی مراجعت بیوریه .

عسیرده سواحله یقین محللر اهالیسی مستشنا اوله رق ماعدا جبال اهالیسی
کاملاً سفک دمایه مجبور وخشین وجبار اولورلر . ختانلری خارج ازدائره
انسانیت چوجقملرینک آلت تناسلارینک یوقاریدن اشاغی دریسنی یوزمکدن
و بو صورتله نیجه بیچاره کنجملرک شجره حیاتی کوکندن قطع ایتکدن
عبارتدر . و اکثر اقوام عرب دأبی اولدیغی اوزره بونلرک دخی الان
یئلرنده قان دعواسی جاریدر .

§

عشاق — کوتاهیسه ده بر قضا مرکزیدر بروسه یه الی
درت ونفس کوتاهیسه یه یکر می ایکی ساعت مسافه ده بولنور منقسم اولدیغی
درت ناحیه دن بشقه اوله رق اون اوچ بیک ایکی یوز مقداری نفوسی واردر
اراضیسی محصولدار وقالیچه تجارتی مشهوردر .

بوراده ارککلر اوچ درت قاری آلمق وقاریلر بره قناعت ایدن ارککلری
عیله مقی عادت حکمنده ایش سببی ایسه قادیلرک قالیچه طوقومقده زیاده
معین بولوب چوق ایش چیقاره بیلمسی امیندینه مبنی ایش . طائفه
نساک هممان عموم حکمنده اولان رقابت طبیعیه لرینه قارشو اشبو حال صحیح
ایسه عشاقه عشق اولسون . زبرا ارککلری ایکی یوزدن کارلی بولنورلر .

بزه کوره

بروده دوزن اولسه دوزن اولمز او اوده

ماننده توأم ایکیشدر در ایکی شر

§

عشاق — طریقت علیه عشاقیه واضعی اولوب اصل ملکیتی
بخارا واسمی حسن در اناطولیده واقع عشاق نام محله برمدت اقامت
ایلدیکندن ناشی اورایه نسبت اولندی مرشدی سید احمد سمرقندی
حضر تلیدر . مشار الیه براره لق در سعاده جلب وقاسم پاشاده انشا
اولنان زاویه ده پوست ارشاده اجلاس اولنوب (۱۵۹۴ م و ۱۰۰۳ هـ)

تاریخنده قونیه ده وفات ایلدی ونعشی علی روایه کتوریلرله زاویه مذکوره
خطیره سنه دفن اولندی .

قاسم پاشاده بر مسجدی واردر وفاتجده امیر بخاری تربه سی جوارنده مدفون
میی جان افندی اخص خلفاسندندر . (طریقت) کلمه سنه دخی نظر بیوریله .

§

﴿ عشره مبشره ﴾ — اصحاب کرام سعادت اتسامدن ابو بکر
عمر . عثمان . علی . طلحه . سعد . سعید . ابو عبیده . عبدالرحمن
زبیر . رضوان الله تعالی علیهم اجمعین حضراتنه اطلاق اولنور بر عنوان
جلیل الشاندر .

§

﴿ عصام الدین ﴾ — اسمی احمد کنیه سی ابوالخیر مسقط رأسی
طاشکیری وفاتی (۱۵۵۳ م و ۹۶۱ هـ) تاریخیدر .

هر بر علمده باخصوص علم معانی و کلامده کمالی مسلم انام ایدی اوتوز قدر
شروح ومتون و حواشی معتبره سی واردر (شتابق نعمانیه) دخی جله
آثارندن اولوب بونی بادیات دولت عثمانیه دن اواخر سلطنت سلیمان خانی
یه قدر یازمش ومؤخرأ مجدی وعطا الله افندی ذیلاً اکمال ایلشدر . موهمی الیه
طاشکیریلی اواخر عمرنده علت عمایه مبتلا اولمغله طرف دولتدن مقدار کافی
تقاعد معاشی تخصیص بیورلمشیدی . مدفنی در سعادتده عاشق پاشا
تکیه سی جوارنده در .

§

﴿ عضد الدوله ﴾ — ملوک آل بویه دندر . کره کار معدلتشهار
عالم و عامل و الحاصل مجمع فضائل بر ذات ستوده سمات ایدی .
کرمان عمان همدان دیاربکر ری ایالاتنی و بتون عراقی آورده قبضه
تسخیر و بغدادک محاربات متوالیه دن خراب اولان خیرات و مبراتنی
کایسارلره وارنجده یه قدر تعمیر ایلوب (۱۰۶۳ م و ۳۵۶ هـ) تاریخنده دخی
مدینه منوره نک اطرافنه غایت کوزل بر سور چکدیردی و امام علی
حضرتلرینک قبر عالیلرینی کوفده اظهار شرفده مظهر اوله رق اوزرینه
متین و رصین بر مشهد عالی یاپدیردی .

مشارالیه ارباب علوم حقنده دخی فوق الفایه محب و مکرم اولمق جهتیه
(ایضاح) (جه) (ملکی) (تجاربالام) (منازل) کبی نامنه بر چوق
کتب متنوعه تألیف اولمشدر .

§

﴿عضدالدین﴾ ایجی — اسمی عبدالرحمن بن احمد بن عبدالغفاردر .
اجله علمای شافعیه دن بری اولوب معقولاتده امام و اصول و معانی
و عربیت ده مقتدای انام ایدی . یدنجی عصر هجری او اخرنده ساحه زیب
وجود و نیجه ممالک قاضیلکریله بکام و مسعود اولدی و تلامذه سندن پک چوق
ذوات نشأت ایلدی که کندوسندن صکره هربری عصر لرینک مابه الافتخاری
اولدیلر . شیخ شمس الدین کرمانی و سینب الدین ابهری و علامه تفتازانی
وضیاء قریمی اوجه دندر .

مشارالیه مؤخرأ بعض احواله مبنی کرمان امیر بی امانی طرفندن قلعه بند
ایدلکه ۱۳۵۴ م و ۷۵۶ هـ) تاریخیده محبوساً وفات ایلمشدر .
متن (مواقف) و شرح (مختصر ابن حاجب) و (فرائد غیایه) و رساله
(وضعیه) کزیده آثار لطافتشعارندندر .

§

﴿عطاء﴾ بن صیفی — بلغای عربدن مشهور بر ذات اولوب بر نظمده
تهنیه ایله تعزیه بی جمع ایدن شعرانک اولدیر . ملوک امویه دن بر ذاتک
فوتنده جانشینی اولان اوغلنه (زربت خلیفه الله) خلیفه الملهک فوئله مصاب
اولدک و (اعطیت خلافته الله) و خلافته الله سکا اعطا اولمش اولدی یعنی
خلیفه اولدک (قضى فلان نجده) فلان یعنی پدرک مدتى بتوردی (فتقر الله
ذنبه) حق تعالی صوچنى یارلغه سون (وولیت الریاسة) سن ریاستی
تولیه ایتدک یعنی خلیفه اولدک (و کنت احق بالسیاسة) سیاست و تدبیر ملکه
اهل اولدیغک حالده (فاحتسب عندالله اعظم الرزیه) . واشکر الله علی
اعظم العطیه) ارتق عندالله اعظم مصیبتى یعنی رعایایه تعسدى اولنوب
اولمديغنى کوزه دوب عدل ایت واعظم عطیه اولان خلافت و ریاست
اوزره حق تعالی یه قولاً و فعلاً و قلباً شکرالیه دیو تهنیه و تعزیه ایدوب بعده

(صبراً امیر فقد فارقت ذامعة
فاشکر حباء الذی بالملک اصفاکا)
(لارزء اعظم فی الاقوام قد علموا
کما رزئت ولا عقبی کعقباسکا)
(اصبحت راعی اهل الارض کلهم
فانت ترعاهم واللہ یرعاکا)

ایاتنی نظم ایلدی که مائی ای جالس سر مسند امارت اولان ذات سن سکا
زیاده محبت ایدندن مفارقت ایلدک بومفارقتہ صبر ایت و سنی ملک ایلہ
صفایاب ایدن باری تعالیٰ به شکر ایلہ جملہ نیک معلومی اولدیغی اوزره
قوم ایچنده سنک مصیبتک کبی عظیم مصیبت یوقدر و سنک عقبلیوب
وارث اولدیغک دولت کبی دولت دخی یوقدر زیرا اهل ارضک
جمله سنہ راعی و نیکه بیان اولدک اشته انره اولان ظلم و عداوت آخرتده
سندن مسئول اولدیغی جهتله حقلمرنده رأفت و شفقت کوسترملیسن که
حق تعالیٰ دخی سکا عاجلاً و آجلاً احسان ایده دیگدر .

§

﴿ عطا الله ﴾ افندی — (حدائق الحقایق فی تکملة الشقایق) نام
کتابک مؤلفیدر . (عصام) کله سنہ نظر بیوریلہ .

§

﴿ عطارد ﴾ — مرکز عالم اولان کره شمسہ الیقین برسیاره درکه
شمسہ ۴۰۰، ۷۸۳، ۱۴ فرسخ مسافهده بولنور . کونشک اطرافنده
۸۷ کون ۲۳ ساعت ۱۴ دقیقهده و محوری اوزرنده ۲۴ ساعت ۵ دقیقه
۲۸ ثانیهده دورینی تکمیل ایدر . قطری کره ارضک قطرندن ایکی ثلث
نقصاندر . یعنی کره ارضک قطری ۳۱۸۳ فرسخ اولدیغی حالده بونک
بونک قطری ۱۲۴۳ فرسخدر .

کونشدن عطارده واران ضیا ایلہ حرارت بزه واصل اولان ضیا و حرارتدن
یدی ذات زیاده اولور . عطاردک کره مزدن کورلمسی شفق و یاقرک زیاده تابان
اولدیغی و قلمردن ماعدانداراندندر . لایقیلہ رؤیتہ مانع اولان خصوصاتدن
اولکیسی هوای نسیمیزک براق — ایکنجیسی شفقک اقصر — اوچنجیسی
سیاره نیک نقطه اوجه اقرب — دردنجیسی دائرة الشمسک جهت شمالیه سنده
طالع اولملیغی در . بو کوبک ال منور زماننده بزه بالعکس یک طونوق

کورینور چونکه تمامیه پارلاقلی قرق بدری مثللو مدور اولدیغی زمانه منحصردر . حالبوکه عطارد او وضعیتی الیغی زمانده بزدن یك بعید برمسافهده بولندیغی جهته او قدر پارلاق کورنمز . کذا بزه الك قریب زمانلرده دخی مظلم قسمی کره ارضه متوجه بولندیغندن قطعاً مشاهده ایدیله مرز

قوتلی تلسقوبلرله اجرا ایدیلان رصداتده عطاردك سطحنده طاغیر بولندیغنه احتمال ویریله جك برطاقم لکهلر کشف اولشم ایسه ده اهل هیئتندن بعضیلری سطح کوکبد برکونه لکه بولندیغنی ادعا ایتکده درلر .

§

﴿ عطاری ﴾ — فن موسیقی مهره اربابندن بری اولوب اسمی مصطفی و مولدی استانبولدر . سلطان محمود ثالث زمانده آوازه شهرتی یك شیوع بولش و حضورده نغمه پرداز اولدیغی دملر محظوظیت شاهانه یی استلرام ایلدیکنندن اسیرجیلر کتخدالغیله نواساز مقام اعتبار اولمشیدی . قبری ادرنه قپوسی خارچنده مصطفی پاشا تکیه سی جوارنده در . (عطریات) ایچون رواج کئدسنه نظر بیوریله .

§

﴿ عقائد الشیبانیه ﴾ — امام ابی عبدالله محمد شیبانیك رونق افزای سطور بلاغت اولان قصیده القیه سیدر . بونی (۱۵۲۹ م و ۹۳۶ ه) و (۱۴۷۱ م و ۸۷۶ ه) تاریخلمرنده وفات ایدن شیخ علوان علی بن عطیه الحموی ونجم بن وقاضی عجلون ایروایرو شرح ایدرك (بدیع المعانی فی شرح عقیده الشیبانی) تسمیه ایلدیلر .

(عقائد شیخ الاکبر) — محیی الدین عربی حضرتلرینک اثریدر . (عقائد طحاوی) — (۹۳۲ م و ۳۲۱ ه) تاریخنده وفات ایدن امام احمد بن جعفرک اثریدر . (۱۵۲۵ م و ۹۵۲ ه) ده وفات ایدن نجم الدین بکبرسک (نور اللامع وبرهان الساطع) و (۱۳۶۸ م و ۷۷۰ ه) ده متوفی محمود بن احمد بن مسعود قونونیک (القلائد فی شرح العقائد) و (۱۶۱۶ م و ۱۰۲۵ ه) ده وفات ایدن حسن بضوی اقحصارینک (نور الیقین فی اصول الدین ادلو کتابلری اثر مذکورک بجله شروحاندندر .

(عقائد عضديه) — (۱۳۵۴ م و ۷۵۶ هـ) ده وفات ایدن قاضی
عبد الرحمن بن احمد ایچینک غایت مفید و مختصر بر اثر معتبریدر . (۱۵۰۲ م
و ۹۰۸ هـ) ده وفات ایدن جلال الدین محمد بن اسعد صدیق دوانی شرح
و (۱۶۲۰ م و ۱۰۳۰ هـ) ده متوفی یوسف بن محمد خان قره باغی نجم شاهى
تحشیه ایلدیلر علی بن محمد سید شریف جرجانینک دخی بر شرحی واردر .
(عقائد النسفی) — (۱۱۴۲ م و ۵۳۷ هـ) ده متوفی شیخ نجم الدین
ابو حفص عمر بن محمدک اثریدر .

§

﴿عقائد ملال﴾ — اعتقاد کله سنه نظر بیوریه .

§

﴿عقبه﴾ — شام والیسی حضرت معاویه طرفندن افریقا
سر عسکری ایدی (۶۶۹ م و ۴۹ هـ) تاریخنده جزایر وفاس طرفلرینی فتح
ایله اطلس طاغرینک نواحی جنوبیه سنه قدر ایلرولمش و کمال غیرت و حیثیتندن
ناشی آتنی دکره سوروب (یاری عزم و حرکته شو دریا مانع اولماییدی
اسم جلالکی دها ایلرویه کوتورر ایدم) دیمشدر .

§

﴿عقرب﴾ — سرین و نمناک یرلرده منزوی و بعض هوام و نواة
صغیره ایله متغدی قورقنچ بر حیواندر صید ایده جکی بوجکی ارقه سندن
یتیشه مدیکی حالدله الی مفاصلدن عبارت اولان قویروغیله اوره رق صیدا یلر
و طوقونلدیغی حالدله انسانی اورمزایسه ده غایت قورقاق اولدیغندن طوقونلدیغی
انده در عقب اورر و قویروغنک التنده اولان زهر کیسه سندن بر مقدار زهر
براغور عقربک اورمسیله تلف اولمش انسان یوغیسه ده کوچک بوجکار
و بونلره مائل سائر هوام تلف اولورلر . عقربک اون عدد کوزی اولوب قوه
سامعه و شامه سی یوقدر هندستانده و افریقانک بعض محالرنده اونیدی عشر
ذراع طولنده عقربلر بولندیغنی خبر ویره یورلر .

§

﴿عقیبه﴾ یا خود (ربنی) — یهود علماسندنلر قدس شریفده
یکرمی درت بیک طلبیه درس ویرمش ایش . قدس اهالیسنک حامیلری

اولان رومالیره قارشو چیقاردقلری اختلالده موئی الیه محرك ظن اولندیغنه بناءً (بیشار) شهرینه فرار ایتشیدی روما عسکری قدسی تخریب و برچوق معتبرانی قتل و تغریبدن صکره ذکر اولنان بیشار شهرینه کیدرک حاکمی اخذ و کرفت ایتدکلری صهرده معلم موئی الیهی دخی یقالیوب دیری دیری چنکاله آتدیلر . مدت عمری یوز یکریمی سنه واعدامی (۱۳۶ م) تاریخیدر . خلقتنه دائر برکتابی واردر . بوکایهودیلر ابوالمفسرین دیرلر .

§

﴿عقیق﴾ — یدنجی درجه صلابتده ذیقیت برطاشدر بوطاش عانی چتمق طاشی کبی باشلی طبقه و طمرلردن تشکل ایتش معدنی برشی اولمیوب شفاف و غیر شفاف اوله رق مخلوط و اوافق اوافق سیل یولارنده بولنور و بعضاً دخی باران ارضک یوزده اولان طیراقلرینی تحویل و تطهیر ایتدیکی زمان ظهور ایدر و یمن ولایتینده صنعا شهری پیشگاهنده اولان جبل (نقم) انک و صرترلنده و (آنس) قضاسینده واقع (ملص) وادیسینده بولنور . عقیقک برقاچ رنکلیسی اولوب یمنده بعضاً یا قوت رنکنه مشابه رنکلیسی ییله ظهور ایتکدهدر .

بوطاشلری مترج اولدیغی دیگر عادی طاشلردن آییروب تطهیر و جلا ایتک یمنده برصنعت اولوب بویوزدن خیلی آدم یکنمکده و تجاری حجازه کوتوروب تمع ایتکدهدر .

§

﴿عکا﴾ — قدس شریفک یوز یکریمی کیلومتر و غرب شمالیسینده و ساحل بخرده یکریمی یاک نفوسی حاوی بر معروف شهردر و قتیله قلعه سی کبی لیمانی دخی مشهور ایدیسده صکره دن طولش اولدیغندن سفینه لر البوم حیف اوکنده و خیلی آچیقده طورلر .

عکا صلیبیون محاربدرنده یک چوق هجومه مقاومت ایتش و (۱۰۱۴ م و ۴۰۵ ه) ده اجنبیلر الله یکجوب ینه استرداد اولمشدر متغلبه مصریهدن طاهر عمرو (جزار) نام ذوات بر مدت معینه ونیم استقلال ایله بوراده اداره حکومت ایلدیلر و (۱۷۹۸ م و ۱۲۱۳ ه) ده فرانسه جنرالی یوناپارت التمش درت کون محاصره ایدرک بیهوده برچوق تلفات ویردکن

صکریه ضبط ایلدیسده درون شهرده طورمدی و (۱۸۴۰م ۱۲۵۶ه) ده دولت علیهیه مخالفتده بولنان مصر والیسی محمد علی پاشا یدندن قورتلوق اوزره انکیزلر طرفندن طوپه طوتیلوب بر جهتی منهدم اولدیغی حالده اخذ و تعمیر ایلدی. عکا حوالیسنده پکچوق اورمان واردر. بوراسی مقدملری (عاکیر) (ژان دافر) (عاککو) (پتولیا) کبی مختلف ناملرله یاد اولنور ایدی.

§

﴿علاءالدین﴾ عطار — خواجه بهاءالدین نقشبندی حضرتلرینک کبار اصحابنددر اسمی محمد بن محمد البخاری ووفاتی (۱۳۹۹م و ۸۰۲ه) تاریخیدر. خواجه مشار الیه حال حیاتنده اکثریا مریدلرینک تعلیم و تربیه سنی بوکا حواله ایدر ایدی. کلین اولیادن مشهور نظام الدین خاموش و علامه سید شریف جرجانی حضرتاتی دخی بو ذاتک حجره تربیه سنده پرورش یاب ارشاد اولمشلردر. مخدوم عالیلری ایچون (خواجه حسن) کله سنه نظر بیوریه.

§

﴿علاءالدین﴾ طوسی — (زخر) نام کتابک مؤلفیدر مندرجاتی بین الحکما محاکماتی متضمن اولوق اوزره مووی الیه بونی سلطان مراد ثانی طرفندن کوستریلان آرزو ورعایته مبنی تألیف ایلشیدیدی صکریه بعض مرتبه وقوعبولان انفعاله مبنی خطه عثمانیه یی ترک ایدرک ایران طرفنه چکمشدر ووفاتی (۱۴۵۵م و ۸۶۰ه) تاریخنده سمرقندده در.

§

﴿علاءالدین﴾ پاشا — سلطان عثمان اولک مخدومی و سلطان اورخان غازینک برادری اولوب دولت علیهده برنجی دفعه اوله رق مسند صدارته چکمشدر. مدت صدارتی طقوز سنه دن عبارت اولوب مؤخرأ بالاستعفا بیغا امارته کیده رک (۱۳۲۶م و ۷۲۷ه) تاریخنده اورادن عالم آخرته انتقال ایلدی.

ضرب سکه تعیین البسه ترتیب عسکر و تنظیم قوانین تأسیسات خیریه سنددر

§

﴿ علامت الدوله ﴾ — اکملین صلحان بر ذات ایدی اممی احمد بن محمد کنیه سی ابوالمکارم لقبی رکن الدین در عن اصل سمناک بکارندن ثروت وغنا صاحبی بر کیمسه اولدیغی خالده مالک اولدیغی بش یوز بیك دینارلق املاکنی درویشانه وقف ایله اختیار کنج فراغ ایلدی وفاتی بغدادده (۱۳۱۳ م و ۷۱۳ هـ) تاریخنده در.

§

﴿ علامتیه ﴾ — تکه سنجاغنده بر قضا مرکزیدر لیمانی امنیتسر و تجارتی آز اولدیغندن معموریت اثری کوريله من بناء علیه مقداری انجق اوچ بیکه واره یلان اهلایسنگ اکثرینی برای تعیش نیابت و تجارتله طشره لرده کز مکه محتاج اولور لر قلعه سی مشهور در اوچ طبقه اوزرینه مبنی اولوب قصبه اشبو قلعه نك اشاغیکی طبقه قیوسيله ایکنجی قیو مایینده بولنور قلعه نك دائره خارجیه سی ایسه انجق بر ساعتده طولاشيله یلور مساجد دن بشقه اوتوز بر جامعی واردر مقدما بر کوچك بلك و قلیج ارسلان بك نامنده برینك اداره سنده ایدی (۱۴۷۱ م و ۸۷۶ هـ) تاریخنده سلطان محمد ثانی حضرتلری کدك احمد پاشا واسطه سیله ضبط ایلدی.

§

﴿ علامات ﴾ — حسابلرده استعمال اولنان و بعض عبارات ارسنه یازیلان علامتلر شونلردر. (اشارات) دیمک دهها مناسب ایدیه ده الف حرفنک ترتیبی ائشاده اونودملش اولدیغندن ضروری بوراده یازلمشدر.

علامات	اسامی	تعریفات
+	زائد	جمع اولنه جق ایکی کیت بیننه وضع اولنور.
—	ناقص	بر بردن طرح اولنه جق ایکی کیت بیننه وضع اولنور.
×	ضرب	بر برینه ضرب اولنه جق ایکی کیت بیننه وضع اولنور.
÷	تقسیم	تقسیم اولنه جق ایکی کیت بیننه وضع اولنور.
√	جذریه	جذری اننه جق اعداد وکیات اوزرینه وضع اولنور.
=	مساوی	طرفین معادله نك مساواتنی اشعار ایدر.
∞	نامتناهی	خارج قسمتک غیر محدود اولدیغنی اشعار ایدر.

ویرکل ، یاخود (مفرزه) بر عدد اعشارینک صحیحنی
کسرندن تفریق وتعداد ده عدد مراتبی تمیز ایچون
قوللانیلور .

؛ ویرکل عبارت اده سنده قوللانیلور .

؟ استفهام عبارت اده سنده قوللانیلور .

! تعجب عبارت اده سنده قوللانیلور .

() معترضه عبارت اده سنده برجاه معترضه نك طرفینده وضع اولنور .

وحسابده دخی خارجدن بر امثالک ضرب اولنه جغنه
دلالت ایدر .

،، کذلک عبارت اده سنده قوللانیلور .

π مدلولی اشبو (۳۱۴۱۶) بقدر و بو دخی بردائرهنک
پی سطحنی اولچمک ایچون موضوع بر نسبت ثابته در .

• نقطه سوزک قطع اولندیغنی اشعار ایدر .

؛ نسبت الی معناسنه اوله رق کیانک یکدیگره نسبتنده یینلرینه

قولیلور ایضاح معنا وانتهای کلامه دخی اشارتدر .

∴ زیرا بردعوانک اثباتی مطلوب اولدیغنده وضع اولنور .

∴ کنسبت برنسبتده حد اول ایله حدثاتی ییننده کی نسبتک حدثالث

ایله رابع ییننده اولان نسبتنه مساویدر دیمک

— موصله ایکی کلمه یی بربرینه وصل ایچون قوللانیلور .

< > اعظم اصغر ایکی عددک اده سنده بولندیغنی حالده آچیق طرفده کی

عددک قیالی طرفده کی عدددن اعظم اولدیغنی بیلدیرر

د ذلتا حکمت طبیعیه ده صویک (۲:۱) انبساط جسمانیسنه

علامتدر .

§

﴿ علایم نما ﴾ — قبل الوقوع فورتنه وسیحاق وصغوق ولطافت

هوایی کوستر بر ترکیب غریبدر . طولی اون بش وقطری بر پوسدن از

نقصان اسطوانانی الشکل بر شیشه نك دروننه زبرده محرر اجزانک حلیله

یایلان صو اغزندن بر از اشاغی اوله رق طولدیریلوب کوزله طپاندقدن

صکړه ایچنه هوا کیر مامک ایچون اوزری مهر مومیله تحکیم ودائما صیای
شمسیدن و صار صلیقدن صیانت و شماله قارشو بر محله تعلیق اولنور .
بو ترکیب بوندن بر عصر مقدم ایجاد اولنمش ایسه ده موجودی معلوم دکادر .

(تعرفه سی)

شیشه نك یوقاروسنه طوغری توی کبی شیلر چیقار ایسه صغوق اوله جق
واشبو تویلرک او جلری اشاغی طوغری قوسلنور ایسه صغوق امتداد
ایده جک و او جلری غایت کسکین و سیوری اولور ایسه هوا کوزلشه جک
و او جلری قیریلور ایسه فنالشه جق .

شیشه نك دروننده اولان صو براقلشور ایسه روزکار و سیجاق و دیننده
براز قرستال کورینور ایسه لطافت و قوراق اوله جق و صو براق ایکن
یوقاری طوغری اوفق اوفق یلدیز و پول کبی شیلر چیقار ایسه روزکار
کسب شدت ایده جک و بویلدیز و پولار بر طرفه طو پلنوب بلوط کبی
کورینور ایسه یغمور یاغده جقدر .

(ترکیب علایم نما)

	درهم
مقطر اسپیرتو	۲
کافور	۲
ماءمطر	۲
قلوری درات دامونیاک (نشار)	۱
نیرات دو پوتاسیوم (کهرچله توی)	۱

§

علیکاندیری میشه لویج — روسیه ایمراطور لر نندرن
پدری (میشل) لک رینه (۱۶۴۵ م و ۱۰۵۵ هـ) تاریخنده جلوس ایدوب
مدت حکومتی داخلی و خارجی اختلافات ایله کچوردی و بالاخره قزاقلری
فرمانبر و لهلوره قارشو مظفر اولدیسده اسوج محار به سنده پک ضررلی
چیمدی . وفاتی (۱۶۷۶ م و ۱۰۸۷ هـ) تاریخنده در .

﴿ عالمکسی پترویح ﴾ — روسیه چاری دلی پتروئک اوغلیدر
(۱۶۹۰ م و ۱۱۰۲ هـ) تاریخنده مسقواده تولد ایشدر پدرینک افکار
مدنیہ سنہ مخالف حرکتده بولندیغندن سرای امپراطوریدن طرد و مؤخرأً
دخی پدری علیهنده تبین ایدن سوء قصه دینه مبنی اعدامنه حکم اولندیغی
حالده ینہ عفو ایدیلوب فقط پردہ کین وعداوتله قیامش اولان چشم انتباهنده
بویله وقوعات تهدیدکارانه ایله آچملق قابلیتی کوریلہ مدیکندن عاقبت حبسخانه
بوجاقلرنده افتای لذائد حیات ایشدر .
§

﴿ عالم ﴾ — لغتده مطلقاً برشیئی بیلک دیمک اولوب اصطلاحده
جمع وتدوین وبرقاعده تحتنه وضع ایله خاصه تدریس وتحصیل اولنان
معلومانہ دینلور . تواریح وآثار قدیمه به نظرأ علم ابتدا کردستان طرفنده
بولنان سریانیلر وجزیره وبصره طرفلرنده ممکن کلدانیلردن ظهور ایدوب
اورالردن قدمای مصریونه انتقال ایتدی و یونانیلر بونلردن تعلم وتوسیع ایدوب
میلاددن بشیموز بوقدر سنہ مقدم رومالورله بکدی وبراهلق اوروپاده ملل
وحشیہ نک استیلاسی مناسبتیله منسی حکمنه کیروب ظهور اسلامده علی
التدریح غبطه بخش اعصار سالقه دینه جک برحیثیتده کسب وسعت ایلدی
اوروپالیلر خیلی زمان صکره اهمیت وبره رک تحصیله باشلامشدر . علم
ایکی نوع اولوب برنجیسی علوم نقلیه درکه تحصیلی نقله منوط اولدیغندن
بونده عقلک حکم وتصرفه مجالی بوقدر فقط مسائل فرعیه اصوله ملحق
وبعض مسائل جزئیده ایدیلان قیاس نقلدن متفرع اولمسیله نقله ارجاع
ایدیله یلور وعلوم نقلیه دن اولان احکام اصلیه واعتقادیه به علم توحید
والصفات واحکام فرعیه و عملیه به علم فقه دخی دینلور . اینکنجیسی علوم
عقلیه درکه انسان بونک موضوعات وبراهین وادله سنی وصور تعلیمه سنی
وخطا وصوابی کسندو فکريله بولوب حقیقاره یلور . علوم عقلیه
شمدی به قدر برقاچ درلو تقسیم اولندیغی حالده اک صکره یدی صنفه
ایريله رق (لسان وادیات) برنجی (علوم ریاضیه) اینکنجی (علوم طبیعیه
وطبیہ) اوچنجی (علوم تاریخید وجغرافیه) دردنجی (فلسفیه وادیان)
بشنجی (سیاسیه) التنجی (علوم نفیسه) یدنجی صنف اعتبار ایدمش

و بونلردن هر بری دخی متعدد نوعلره تقسیم اولمشدر - انواع مذکوره نك سگسان سكره بالغ اولان باشلیجه لری حروف هجا ترتیبی اوزره مختصرأ بیان اولندی .

(۱) علم آثار قدیمه - بر قاچ قسمه منقسمدر بر قسمی مسكوكات عتیقه نك جنس و تاریخ و اشكالندن و دیگر قسمی آثار عتیقه اوزرنده محكوك و مرتسم یازولری او قویوب زمان و مزایاسنی اكلامق ایچون موضوع اصول و قاعدندن بحث ایدر شمدی یه قدر زهرلردن نه کی شیلر چیقارلدیغنی ودها زهرلده مأمول اولدیغنی تحقیق تاریخه عائد اولدیغندن بو مناسبتله انك دخی برشعیه سی عداولنه یلور . بونره دائرأ آوروپاده خیلی کتابلر یازلمش و بولنان مسكوكات ولوحه و استاتولر موزه خانه لرده واربابی نزدنده حفظ ایدیلهرلك الیوم تحری یه دوام اولمخده بولمشدر .

(۲) علم اخلاق - حکمت عملیه دن بر قسمدر بوندن مراد نفسی فضائل ایله تخلیه و رزائلدن تخلیه در فضائلدن مراد (نظریه) (غضبیه) (شهویه) دنیلان اوچ قوت اولوب فقط بونلردن هر بری ایکی خصلت رزیه بیننده متوسط بولندقلرندن تفریق و تمیز لازمدر .
قوة نظریه نك افراطی رزیه جر بزه تفریطی رزیه بلاد و متوسطی حکمت و قوه غضبیه نك افراطی رزیه تهور و تفریطی رزیه جبانة و متوسطی شجاعت و قوه شهویه نك افراطی رزیه فجور و تفریطی رزیه خجود و متوسطی عفت و محض عدالت اولور .

اشبو قوای ثلثه نك اجتماع ایتدیکی برذاتده خصائل ممدوحه دن اولان عدالت طبیعی الحصولدر . اشبو تقسیمات و قوای متوسطه مذکوره نك انواعی کوزلجه اكلاشلق ایچون زیرده محرر جدول تنظیم اولندی .

علم اخلاقده امام غزالی (اخلاق الابرار و النجاة من الاشرار) و حضر منشی (اخلاق الاتقیاء) و جلال الدین دوائی (لوامع الاشراق) و ابن سینا (تهذیب الاخلاق) و حسین اصفهانی (اخلاق راغب) و ابن حنائل اخلاق (اخلاق علائی) و عمر الرازی (اخلاق فخرالدین) و نصیر طوسی (اخلاق ناصری) نام کتابلری تألیف ایلشدر .

(قواى ثلثه نك افراط و تفریط و عدالتى)

افراط رزىلت	ممدوح عدالت	تفریط رزىلت	قواى ثلثه
جر بزه	حكمت	بلادت	قوه نظريه
تهور	شجاعت	جبانى	قوه غضبيه
بفور	عفت	خود	قوه شهويه
	عدالت		

(حكمت و شجاعت و عفت و عدالتك انواعى)

حكمتك انواعى	شجاعتك انواعى	عفتك انواعى	عدالتك انواعى
ذكا	كبر نفس	حيا	صداقت
سرعت فهم	نجدت	رفق	الفت
صفای ذهن	علو همت	حسن هدى	وفا
سهولت تعلم	ثبات	مساھلت	شفقت
حسن تعقل	حلم	دعت	صله رحم
تحفظ	سكون	صبر	مكافات
تذكر	شھامت	قناعت	حسن شركت
	تحمل	وقار	حسن قضا
	تواضع	ورع	تودد
	حيث	انتظام	تسليم
	رقت	حریت	توكل
		سخا	عبادت

(۳) علم اخفا — انسان نفسى چشم حاضر يندن پنهان ايتك
طريقنى يلدیرر بر علمدرکه عاملی خلقی کماکان کوردیکی حالده خلق انی
بروجهله کوره مز ایش بعضیلری بونک فروع علم سخردن اولدیغنه
ذاهب اولدیله .

بو علمک صحت و حصولنه قائل اولنلره کوره انواع مختلفه سی واردر بر طاقی
بعض نباتات و حیواناتک صور مخصوصه ده انبات و ترکیبيله و بر طاقی

عزایم و طلسمات قرائت و ترتیبیله و برطاقی دخی سیمیان بعض نوامس
تعفینیه و تدخینیه اعمالیله اجرا اولنور ایمش .

مثلا برکسه حیة قفسانک ایچنه ایکی عدد پموق تخمی قویوب دفن وحیه نك
ایکی کوزی دلکاردن انبات ایدرک محصولی اخذ و نواتنی برر برر تحت
اللسان آینه ده تجربه و صحیحنی تفریق و حفظ ایتسه مطلوب حاصل اولور
ایمش . هیئات تضرب حدید بارد .

(۴) علم استنزال — استنزال کلمه سنه نظر بیوریله .

(۵) علم اکتاف — ترجمه قانون ابن سیناده کوسترلدیکنه کوره
بو برفن مخصوص اولوب بونده ماهر اولان کیمسه لر زیره محرر شروطه
رعایتله مستقبله عائد برطاقم مواد مجهولیه کشف و استخراج ایلرلر شروط
مذکورهدن برنجیسی مسئول له و مسئول عنک حین ذبحده نیت ایدلمسی
ایکنجیسی و اوچنجیسی ذبحه قرک منور برزمانده کسیلوب غنی ذبح ایدن
کسه نك دخی طاهر و عقیف و البسه سی پاک و نظیف بولمسی دردنچی
و بشنجیسی ذبحک بریاچه و ماء جاری جوارنده اجرا و غنمک شی و بریان
قلمسی التجی ویدنچیسی کتف ایمنینک اخذیله لحدن تطیف یعنی اوزرنده
لحم و شحمدن اثر قالمیه جق درجه تطهیرنده مبالغه کوسترلمسی سکرز
و طقوزنجیسی کتف اول حیوان تمام شی اولوب تزییم و تهری ایتمکله
مفاصلی ایرلدقدنصکره النهرق بچاق کبی تیموره متعلق الاته طوقندیرلماسی
اوننجیسی کتفک حین اخذنده سطحی آخذک مواجهه سنه وزائد اولوبوب
مستوی بولنان سطحی شمس جانبنه کلمسندن عبارتدر بونلر بعدالاجرا
امارات و علامات اخذیچون کتفک رقوم و اشکال و دوائر و نقاطنه جد
واهتمام ایله حصر نظارمعان اولنور ایتسه بعض مواد غیبیه استنباط اولنور .
بوفنده کسب مهارت و ممارست قوه باصره و حافظه نك حدت و شدتی
ایله حاصلدر . علم اکتافی بعضیلری حضرت علی رضی الله عنه اسناد
ایده بورلر .

(۶) علم آلهی — علم حکمتک قسم ثانیدر وجودنده مادهیه محتاج اولان موجوداتک احوال وکیفیاتندن بحث ایدر.

(۷) علم انساب — انساب ناسی و بوعلمه متعلق قواعد کلیه و جزئییه بی تعریف ایدر بوندن مقصد انساب اشخاصده خطادان اختر ایدر. بوعلمک جلالت قدر و منفعتی (وجعلناکم شعوباً و قبائل لتعارفوا . الی آخره) آیت کریمه سی ایله دخی مستغنی دلیل و اشارتدر . قوم عرب ضبط نسبه بر زمانه قدر نهایت درجه اعتنا و دقت ایدر لر ایدی لکن مؤخر اسلامک تعم و انتشار یله نسلرینک ترک و عجم لرله اختلاطی قاعده مذکوره یه رعایته مانع اولدی .

علم انسابده ابتدا کتاب تألیف ایدن امام النسایین هشام بن محمد بن سائب الکلبی درکه (۸۱۹ م و ۲۰۴ ه) تاریخنده وفات ایلدی .
(انساب الاشراف) (انساب الرشاطی) (انساب الشعرا) (انساب السمعانی) (انساب المحدثین) دخی علم انساب مؤلفاتندر .

(۸) علم انشاء — بلاغت و فصاحت و آداب معتبره و عبارات مستحسنه یه رعایت حیثیتیه الفاظ منشورده دن باحث بر علمدر مبادیسی تتبع خطب و رسائلدن و خصوصاً حکمت عملیه و علوم عربیه و سیر کل اولیا و حکایات امم و علما و وصایای عقلا و سائرده دن عبارتندر .
علم انشاده تألیف اولسان کتب معتبره خارج دائره تعداد اولوب انجق الک مشهور لری جمال الدین و طواطک (ابکار الافکار) و محی الدین عربینک (انشاء الدوائر) و شیخ سیوطینک (انشباب الکتب فی انساب الکتب) و محمد ابن محمد عثمانینک (انشاد الشریع من ضوال القصید) نام اثر لری و غیر یلر ایدر .

(۹) علم بدیع — مقتضای حاله مطابقت و وضوح دلالتیه رعایتدن صکره کلامی حسن عرضی ایله تحسینک و جوهنه دائر اولاق اوزره تراکیب عربیه دن باحث بر علمدر موضوعی دخی عربی ايسه ده تحسین و تزین

عرضین جهندن دائرة فصاحت و بلاغت اكمال اولندقدن صکره سنه علم معانی و بیان تکمل ایدر . غرضی — کلامی محسنات عرضیه ایله تحلیله ملکه سی اولوب غایتی دخی — کلامک تحلیله مذکوره دن خلوی جهندن احترازدردر . منفعتی — کلامده سامعه تحصیل کال حظ و نشاط و تکمیل اسباب شوق و انبساط اولدیغی کبی بونک انظار ارباب عقولده زیاده مقرون حیر قبول اولمیدردر . مبادیسی — تتبع خطب قدیمه و رسائل و صنایع بدیعیه ایله متحلی اولان اشعاری مطالعه ایله اتخاذ و سائلدر . اگرچه اصل لازم اولان حسن ذاتی و آنی تحصیله دخی بیان و معانی کافی ایسه ده علمی سالفه حسن عرضی به دخی کال اعتنا و همت ایشلردردر ازجمله مطرزینک (زهر الریغ) و تیفاشی نک (کتاب البدیع) و ابن ابی الاصبغ (تحریر التخییر) و ابن جده نک (شرح البدیعیات) نام کتابلری بانخاصه بوفنده یازلش آثار مقبوله دن اولوب بلاغته مخصوص علوم ثلثه بی جامع اولوق اوزره دخی ابن مالک (روض الاذهان) و (مصباح) ی و علامه یوسف سکاکی بونلرله برابر اون ایکی فنی شامل (مفتاح العلوم) ی تألیف ایلدیلر .

(۱۰) علم بشکامات — تعیین زمانه مخصوص الاتک کیفیت ایجاد و استعمالنی یلدیردرفندر . بونکله اوقات عبادات و کواکب و اجزاء فلك البروجدن طوالک کیفیت خروجی یلنور و (ارشمیدس) ک و سائر لرینک بوبابده خیلی کتابلری بونلور ایدیه ده شمدی بوفن علم هیئت اقسامندن معدوددر .

(۱۱) علم بیان — معنای واحدهی دلالت و اضحه ایله صور مختلفه ده ایراد ایتک طریقنی مبین بر علمدر . موضوعی — معنایه و وضوح دلالتی حیثیتیه لفظ عربیدن . غرضی — مدلولاتدن اوضعی اختیار اولتوق و مفرداتنده یند فضاحت بولتوق اوزره دلالت عقیده ایله افاده و مدلولاتنی فهمه ملکه تحصیل ایتکدن . غایتی — معنای مرادی دلالت و اضحه ایله تعیینده خطادان احترازدردن . مبادیسی دخی — بعض مسائل عقیده دن عبارتدر .

علم بیانده علماء اختیار وضوح دلالتی اختیار ایتدیلر زیرا انلرک بحثی دلالت عقایه به مقصور اولدی . دلالت عقیده دن مراد همان وضعیه

اولماقدر كرك تضمينه و كرك التزاميه اولسون چونكه هرايكيسي دخی دلالات عقلیه قیلندن اولوب عقلیه ایسه خفی و دلالتده خفا ایسه مردود عامه بلغادر . محصل کلام علم بیانده معتبر اولان — معانی معتبره نك اول معابیه دلالت ایدن القاطذه وضوح شرطیه دقتیدر (استعارات و کنایات کبی . ابن اثیر الجزرینک (جامع الکبیر) و امام فخر رازینک (نهایه الاعجاز) نام کتابلری مستقلاً یوفنده تألیف قلنن آثار معتبره دندر

(۱۲) علم بیطره — اصناف حیواناتدن (خیل) نوعنک امراضنی تعیین وازلهیه و حفظ صحتلرینه مخصوص برفن جلیلدر بوفن خیلده نسبت انسانه منسوب علم طب منزله سنده در . علیه الصلاة والسلام افندمن حفظ خیل حقنده کی ثوابه تحریص وادیسنده (الخیل معقود بنوا صیها اخیر الی یوم القیمة) و (من قدر علی ثمن دابة فلیشترها فانها تاتیه رزقها و تعینه علی رزقه) بیورمشلدر که بالآخره فن بیطره نك درجه لزوم و اهمیتنی تضمن ایلر . (علیکم باناث الخیول فان ظهورها حرز و بطونها کنز) حدیث شریفی دخی یوبابده آریجه برتشویقدر .

حنیس بن اسحق نام ذانک فن مزبورده (کافی) نامنده بر کتاب کافیهی ایشیدیه یور . اوروپالیر علم بیطره نی اخیراً دها زیاده توسیع و پک چوق کتابلر تألیف ایتدیلر الیوم مکاتب طبیه ده او قونور .

(۱۳) علم تاریخ — تاریخ کله سنه نظر بیوریه .

(۱۴) علم تدبیر منزل — انسانک نفسی ایله زوجه سی و اولاد و خدام و قنو قوموشوسی بیننده رعایتی واجب بعض حقوق مشترکه دن بحث ایدر بر علمدر که غایتی نوع بشرک واحداً بعد واحد کندو مساکن و مأوالرنده کسب انتظام احوال و فراغ باللریدر . بو علمک درجه منفعت و اهمیتنی حتی عوامه و ارنجیده قدر مرتبه بداهتده اولوب هر حالده جلب سعادت دنیویهیه واسطه عدایدیلان موادک بررکن اعظمیده بودر . یوبابده اسلاف علما طرفندن پک چوق کتب مفیده تألیف اولندی .

(۱۵) علم ترسل — ترسل کله سنه نظر بیوريله .

(۱۶) علم تشریح — اجزاء بدنك کیفیت و ترتیبندن بحث ایدر عروق و اعصاب و عظام و لحم و سائر هر رعضوك احوالی كي . موضوعی اعضای بدن انساندر . علم تشریحكه دائر يك چوق آثار و ارسه ده و قتيله الك مشهور و مقبوللری ابن سینان و امام رازی و ابن همامك كتابلریدر . بوعلم اورویاجه (۱۵۵۸م و ۹۶۶هـ) تاریخنده فرانسه لی دوقطور (سالیوس) معرفتيله نظر تدقیقه النوب اندن صكره پك چوق كسه لك همتيله توسع ایلدی . (سالیوس) كله سنه دخی نظر بیوريله

(۱۷) علم تصحیف — تصحیف كله سنه نظر بیوريله .

(۱۸) علم تصوف — اصل و اساسی اعتقاد اهل سنته مقارن عبادات و طاعاته مواظب و مع الاخلاص مجاهد اولان و بواغورده اختیار عزلت ایدن طائفه ممتازیه مخصوص برعلم جلیل القدردر . اهل تصوفك كندولرینه مخصوص برطاقم اداب و اصوللری و بینلرنده دائر برچوق اوضاع و اصطلاحات معینهلری اولوب بونلر ایچون نیجه كتابلر تصنیف و تدوین اولمشدر .

طریق متصوفیه داخل اولان مرید ادراکی درجه ده نائل اولدیغی طور و مقامدن طور و مقام اخره ترقی ایدرك غایه مقصود اولان توحید و معرفت مرتبه سنه و اصل اولور و سعی و جهدیه نتایج مطلوبه حصولپذیر اوله . مدیغی حالده كندو نقسنى محاسبه و اصلاح ايله توفیقات الهیهیه منتظر بولنور . سعی و همتك محضاً توفیق آلهی اوله رق نتیجه سی روح انسا . نینك ذكر و مجاهده سایه سنده استحصا قوتله علم مرتبه سندن شهود مرتبه . سنه مترقی اولسی و رفع حجابات حسیه ايله وجود ذاتیسی بولسیدركه عین ادراكدر بو حالده نفس برطاقم مواهب ربانیه و علوم لدنییه و برچوق اسرار غیبیه و انوار فتوحات الهیهیه مظهر اوله رق ذات و حقیقی افق

اعلای ملائکه پرتو انداز اولور لکن کبار صوفیه بر مثالو کشفاته اعتبار
ایتمزل بلکه بونلری کندولرینه برنوع ابتلا عد واستغفار ایدرلر.

- (۱۹) علم تعبیر رؤیا — تعبیر کلمه سنه نظر بیوریه .
- (۲۰) علم تفسیر — تفسیر کلمه سنه نظر بیوریه .
- (۲۱) علم ثروت — ثروت کلمه سنه نظر بیوریه .
- (۲۲) علم جبر — جبر کلمه سنه نظر بیوریه .

(۲۳) علم جدل — منطق صناعات خمس دیلان اقسامندن بریدر
بوده مشهودات و یا خود مسلماتدن عبارت اولان قیاسلردرکه خصمی الزام
و برهانی ادراکدن عاجز اولنلری اقناع ایچون وضع اولنلدی بوکبی قیاس
جدلییه دلیل اقناعی دخی دیلور . مثلاً معراجی استبعاد ایدن بر خرسیانی
عروج عیسی مسئله سیله وینه حضرت عیسانک باباسز تولد ایتدیکنی انکار
ایدن برهودی بی حضرت آدمک هم اناسز و همسده باباسز اوله رق مخلوق
اولدیغی دلیلله اسکات ایتک قیاس جدلی و نام آخرله دلیل اقناعی در .
یوفنده علما طرق متعدده اختیار ایلدیلر هپسنگ اجل واکلی رکن الدین
عمیدیک منسلک اولدیغی طریقدر .

فن مذکورده یازیلان کتب مختصره نك شهرتیلری اهرینک (کتاب مغنی) سی
و (فضول نسفی) و (خلاصه مراغی) و (مقدمه نسفی) اولوب اشبو
مقدمه نك دخی متعدد شرحلری وارسده ال کزیده سی شرح سمر قندیدر .
(نقایس عمیدی) و (رسائل ادموی) وینه اهرینک (تهذیب النکت) نام
کتابی دخی بوبابده یازیلان کتب متوسطه نك ال معروفلیدر .
جدل حسنی ال اول تصنیف ایلیان فقهای شافعیه دن ابو بکر محمد بن علی بن
اسماعیل القفال الشاشی درکه بلامدافعه عصرینک امامی ایدی .

- (۲۴) علم جراثقال — جر کلمه سنه نظر بیوریه .
- (۲۵) علم جغرافیه — جغرافیه کلمه سنه نظر بیوریه .
- (۲۶) علم جفر — جفر کلمه سنه نظر بیوریه .

(۲۷) علم حدیث — اقوال و افعال و احوال جناب نبویدن باحث بر علم اولوب ایکی یه انقسام ایدر . برنجیسی (روایة الحدیث) که تفصیلی اشاعیده در . ایکنجیسی (درایة الحدیث) که الفاظ حدیثدن مراد اولان معنائی جلیله بی یسلیدر . اشبو ایکنجینک مبادیسی کافه علوم عربیه ایله برابر صلی الله علیه وسلم افندمزه متعلق قصص و اخبار و اصلین یعنی اصول فقه و دین و علم فقه و غیرلدر . غایتی آداب جناب رسول کائناته انتساب و نبی علیه السلام کیه کوردیکی ونهی ایتدیکی شلردن حذر و اجتنابدر .

علم حدیثده تصنیف اولنان کتابلر دائره حد و احصادن خارج اولوب انحق سلف و خلفک بالاتفاق حکمنه کوره اصح کتب کتاب اللمدن صکره صحیح بخاری صکره صحیح مسلم صکره (موطأ) صکره بقیه کتب سته که سنن ابی داود و ترمذی و نسائی و ابن ماجه و دارقطنی و مسندات مشهوردن عبارتدر .

❀ روایة الحدیث ❀ — احادیث شریفه نک باعث حوادث عالم جناب رسول اکرم (صلی الله علیه وسلم) افندمزه اتصالی کیفیتندن بحث ایدر بر علمدر که الیوم اصول حدیث نامیله شهرت بولمشدر . معلوم اوله که قم سعادتدن شرفصا در اولان احادیث و قتيله ضبط و قید اولنمدیغندن و مؤخرأ بر طاقم کسسه لر دخی اسباب متنوعه یه مبنی وضع احادیثه جرأت ایلدکلرندن صحیحنی موضوعندن فرق و تمیز ایچون رواتک زیاده موثوق و معتمد اولسی شرط اتخاذ قلندی و رایتمده شروط اعتماد موجود اولان احادیثه احادیث صحیحه دینلدی . اشته امام بخاری و مسلم و ابن حبان و ابن خزیمه و ابوعوانه و حاکم نام ذواتک جمع و تدین ایش اولدقلری احادیث بوقیلدن یعنی احادیث صحیحه دندر . ابن جوزی موضوع و کذب و مقلوب حدیث راویلرینی بوجه آتی بشه تقسیم ایدر .

(۱) شول صاف درونلر که غلبه زهد ایله حفظ و تمیزدن غفلت ایتدیلر بونلردن بعضیلری وار که کتابلری ضایع و یا محترق اولدقدن صکره از بردن

حدیث روایتنه قالیشوب کاه مرسلی مرفوع و مرفوعی مرسل و کاه موقوفی مسند و بعض کره دخی بر حدیثی دیگره مزج و درجله روایت ایتدیلر .

(۲) علم روایتده بهره لری اولدیغندن چوق خطا و قسم اول کی خلط و غلط ایلدیلر .

(۳) مقدا معتبر و معتمد کیمسه لر ایکن او اصر عمر لر نده ذهن لر نه ضعف و خلل طاری اولغله خطا ده بولندیلر .

(۴) حق و غفلت لری غالب اولان کیمسه لر در که بونلر فرق کثیره ده منقسم اولوب بعضی لر نه شویله اوقو دینلدیکی حالده نه اولدیغنی بیلیمه رک اولیله جه اوقو یوب کتدیلر .

(۵) مروی عنک کذب ایدوکنی بیلدک لری حالده قصداً روایت ایتدیلر . بونلر اوچ فرقه در (فرقه اولی) کرچک ظنیه روایت ایتدیلده صکره خطا لرینی اکلاقلری حالده ناسک تعیب و تغلیطندن عار ایدوب سوزلرینی کیر و آله مدیلر . (فرقه ثانیه) کذب ایله معروف راویردن نقل ایده جکی حدیثی ناسه قبول ایتدیرمک ایچون بیوک و صدقه معروف ذواتدن برینه اسناد ایله روایت ایتدیلر . بونلر دن برطابقی هیچ ملاقات ایتدیکی ذواتدن بیله حدیث روایت ایلشدر . (فرقه ثالثه) خطا و سهو و تدلیس ایتیموب انحق قصداً احادیث وضع ایتدیلر یا خود بعض احادیثی تغییر و تحریف ایلدیلر . بوطاق مفتریلر دخی سکر صنفدر (صنف اول) زندیق لره که محضاً شریعت اسلامیه یی فساد و اهل اسلام یی شک و شبهه ده دوشورمک غرضیه و یا استهزا قصدیه احادیث اویدردیلر . عبدالکریم بن ابی العوجاء و بنت حماد بن سلمه بوقیلدن ایدی . حتی مرقوم ابن ابی العوجا طو تیلوب محمد بن سلیمان حضورنده قتل ایله محکوم علیه اولدقه (والله سزک کتاب لری کزه درت بیک قدر اویدرمه حدیث صوقدم و نیجه حلالی حرامه و نیجه حرامی حلاله چویردم) دیمشدر .

(صنف ثانی) مذاهب مختلفه اربابندن بر طاق لری کندو مذهب لر نده مابه الاستدلال اولق اوزره حدیث وضع ایتدیلر (بو مذهب الیوم متروک و منسی اولان مذاهب دندر) .

(صنف ثالث) ناسی خیره تشویق ایچون وضع احادیثی تجویز ایتدیلر
 بو صنف اربابی زهاد و عباد اره سنده چوق بولنور ایدی . زاهد مشهور
 ابو داود النخعی بولردندر . (صنف رابع) بعض کوزل معنالی کلام
 عادیی حضرت پیغمبر علیه السلامه اسناد ایتدیلر . (صنف خامس) بر عارضه
 ظهورنده یا خود ملوک و اکابر دن برینه چاتمق ایچون غرضلرینی ترویج
 ایده جک احادیث وضع ایتدیلر و بعضیلری دخی سومدکاری بر کیمسه یی
 ذم و قدح ایچون حدیث اویدردیلر . (صنف سادس) روایتده کثرت
 احاطه و معلوماتلرینی کوستره رک خلقی تعجبه دوشورمک و بوسیله ایله
 بین الناس بر حسن اعتبار قزاتمق غرضنه مبنی اختیار کذب و دروغ ایلدیلر .
 (صنف سابع) علم و حفظ روایت مشکل و خصوصاً کتب صحیحه ده
 مسطور احادیث شریفه یی بیلنلر چوق اولدیغندن هم قولای و هم ده
 هر کسک بیلدیکی برشی اولسون فکر فاسدیه برطاقم حدیثر وضع ایتدیلر .
 (صنف ثامن) قصاص و سائل و سائر بومقوله کیمسلر اولوب بیلور بیلز
 حدیث او قودیلر .

اشته حال بوموال اوزره اولدیغیچون محدثین کرام حضراتی راویلری موثوق
 و معتمد اولان احادیث نبویه یی نیجه زحمتلره تفریق و (فاعرضوه علی کتاب
 الله) حدیث شریفی موجبجه قرآن کریمه بعد العرض و التطبيق صحیح نامیله
 تدوین ایلدیلر . رحیم الله .

(۲۸) علم حرکت مایعات — حکمت طبیعیه ده اجسام مایعه نك
 حرکت و توزیعاتندن بحث ایدر بر علمدر علمیسنه دخی (فن سوق المایعات)
 یعنی صویولجیلیق دیرلر .

(۲۹) علم حروف — حروف کله سنه نظر بیوریله .

(۳۰) علم حساب — حساب کله سنه نظر بیوریله .

(۳۱) علم حفظ صحت — مدت حیاتک کمال عافیتله جریانی تأمین
 ایدر بر علمدر وزیرده محرر باشلیجه احکامیه عامل اولنلرک بعنایه الله تعالی

عافیتده اوله جقلری شبهه سزدر . (اولاً) وجودی دائرة اعتدال ایچنده بولندیرملی یعنی هرشیده افراط و تفریطدن احتراز ایتلی زیرا افراط و تفریط عافیتک دشمنلیدر . (ثانیاً) اوشیلرکه آنلره الفت و اعتیاد ایدلشدن انلری دفعهٔ تبدیل و تغیر ایتاملی زیرا الفت مادامکه ایکنجی طبیعتدر و مادامکه طبیعتک حرکتی سرعت و شدت قبول ایتیوت علی التدریجدر اکا تقلید ایتک عافیت وجودیه سنی آرزو ایدنلر ایچون بریوک بورجدر . (ثالثاً) قلبک صلاح و سکونتی و روحک اسایش و راحتی عافیتک دوستلری اولدیغی کبی شدتلی و کدرلی مراق دخی بالعکس دشمنلیدر . کمال حدث . حسد . قسقا بخلق . غرض و امثالی و سائط انتقامیه انسانک بنای وجودینی صار صار و بالاخره قلبه عکس ایدرک معاملاتنی تخریب و طولاب دورانی سکنه دار ایدرک خلجان ظهورینه سبب اولور . و علی الخصوص قساوت . اسف . محزونیت دمک جریان و جولاننی تأخیر و تعطیل ایلر . و طبیعت و اخلاق ضعیفلندیرر . بونلره عقل و حکمت سلاحلرینک تأثیراتی غلبه ایده جکندن همیشه انلره مراجعت و اوصورتله مقاومت ایتلیدر . (رابعاً) لطیف و صاغلم هوا عافیتک دوامی ایچون اک زیاده لازم بر شرطدر . (خامساً) مادهٔ یکدیگیرینه مشابه اولان یملکری انتخاب و مخالف طعامدن اجتناب لازمدر زیرا طعامک مطابقت مادیسى هضمی تسهیل و مخالفی تصعیب و مضرغازلر احداث ایدر (سادساً) طعامی معدنک تحملنه کوره اکل ایتلیدر یعنی اکل ایدیله جک طعامک مقداری معدنک قوهٔ هضمیه سی درجه ده اولملیدر . اکثریا چوق اوتور انلر آرزو زیاده کزوب اوغراشانلر چوق طعام ایده جکلری طبیعی ايسه ده چوق طعام ایدنلرک هر حالده دائرة اعتدالی تجاوز ایتاملری اقتضا ایدر . (سابعاً) حکیمک واجزاجیلک وجودی هر زمان ایچون لازم و یکدیگیرندن مهم و مراجعتی اهم ایکی بیوک مکتب ايسه ده بومراجعتی سوء استعمال ایتامک ایجاب ایدر زیرا هر ککوچک و خفیف کیفزلرک ایچون حکیمه مراجعتی اعتیاد ایدنلر اومراجعته تعدد و تجدیدنه سببیت ویرلر . بعض حکما دیمشدرکه حفظ صحت ایچون انسان هیچ رتدبیره واقف دکل ايسه باری حیواناتک حالنه نظر اتسون مثلاً برکدی ویا کویک

جزئی بر مرضه دوچار اولسه پرهیز ایدر ووریلان طعامی یز وراحت
 اوتوروب یرندن قلدا تمز . ایام شتاده قیالی و سیجاق او طه لرده یانان غازوموم
 قوقورلی و جعیتلی و مسدود مجلسلرده اوتورانلرک نفسلیله فاسداولان هوای
 نسیمی و حاملرده چوقجه اوتورمق و زیاده صوایچمک و جعاع ایتک و ترلی ایکن
 روزکاره و هوا جریان ایدن پنچره و قاپویه قارشو اوتورمق و ادرارینی زیاده
 طوتمق و وجودی اتعاب ایتک و مسکرات و زیاده توتون ایچمک هب مضر
 شیلردر بونلر ایچون تفصیله حاجت یوق .

(ابن سینانک)

(بیت)

اجعل غدائك كل يوم مرةً واحذر طعاماً قبل هضم طعام
 واحفظ منيك ما استطعت فانه ماء الحياة يصب في الارحام

- (۳۲) علم حقوق — حقوق کله سنه نظر بیوريله .
- (۳۳) علم حکمت علیه — حکمت کله سنه نظر بیوريله .
- (۳۴) علم حکمت طبیعیه — حکمت کله سنه نظر بیوريله .
- (۳۵) علم حکمت ریاضیه — حکمت کله سنه نظر بیوريله .
- (۳۶) علم حیوانات — حیوانات کله سنه نظر بیوريله .

(۳۷) علم خرافات — اسکی زمانده یونان و ایران و مصر اهالی سنک تصور
 ایتدکلی بر چوق الهلر حقنده کی اعتقادلری مباحثدن و وقایع تاریخیه سی
 مضبوط اولمیان ازمنه احوالنه از چوق و قوف حاصل ایتک ایچون اول
 وقتکی شاعرلرک اویدرمه حکایات و داستان و خطبه لرینی تدقیق و تفحصدن
 عبارت بر علمدر . اوروپاده بونک ایچون کتا بلر تصنیف اولندی .

- (۳۸) علم خط — خط کله سنه نظر بیوريله .
- (۳۹) علم خلاف — خلاف کله سنه نظر بیوريله .
- (۴۰) علم خواص — خواص کله سنه نظر بیوريله .
- (۴۱) علم رسم — رسم کله سنه نظر بیوريله .

(۴۲) علم رصد — هیئت فروغنددر بو علمه مقادیر و درجات و حرکات نجومیه کشف و تعیین و زیجات تنظیم و تدوین اولنور . مقدا غایت ساده اولان اشبو علم رصد ایجاد و اختراع اولنابان (تلسقوب) (اوقنات) (سکستان) (دائرة جدارى) (خطا استوا دوربینی) کبی النر واسطه سیله کرکی کبی ترقی ایتدی وحالا ایتکده در . ابن هیشم نام فاضلاک دخی بوفنک قسم نظریسی مشتمل (کتاب الارصاد) نامنده برکتانی واردر .

(۴۳) علم رقیه — کوز باش دیش اغریسی و اصابت عین کبی علتک دفعنه متعلق خواصدن واشبو خواصه متفرع (عقد خیط و تعفین شعر) کبی بعض قواعددن بحث ایدر .
لفظ رقیه زبان فارسیده افسون دیمک اولوب اصلی (آب سون) در (ترجیه سی اوفوریجیلاک) زیرا اکثر وقت صویه اوفوروب اصابت عینه اوغرایان کیسه لره ایچوررلر یا خود خیط معقود و نسخنه بی صویه صوقوب او صوی ایچوررلر .

- (۴۴) علم رمل — رمل کله سنه نظر بیوریه .
- (۴۵) علم زایرچه — زایرچه کله سنه نظر بیوریه .
- (۴۶) علم زراعت — زراعت کله سنه نظر بیوریه .
- (۴۷) علم زیج — زیج کله سنه نظر بیوریه .

(۴۸) علم سباحث — صوده یوزمکی او کریمک ایچون موضوع بر علمدر . (۱۸۳۸ م و ۱۲۵۴ ه) تاریخنده سرعسکر خلیل رفعت پاشا امریه و مترجم محمد پاشا و سرپوس بک معرفتلیله ترجمه و خاکپای شاهانه یه تقدیم اولنابان کتابدن مفهم اولدیغنه کوره علم سباحث صوده قوربقا و بالاق کبی ودونه دونه ویوزی و ارقه سی اوزری و ایاق اوستی یوزمکی و طالوب چیمغی و دکزک دیننده چالی و قیایه طاقیق و جانور بالغه تصادف اولنلق کبی تهله کلدن کندوسنی قورتارمغی بیلدیرر و محاربه

اثناسنده عسکر سلاح وجبه خانه سنی ایصلا تمقیزین درین نهرلی همان
یوزهرک کچه بیلک اصولی او کردیر بر کوزل علدر .

- (۴۹) علم سحر — سحر کله سنه نظر بیوریه .
- (۵۰) علم سمیا — سمیا کله سنه نظر بیوریه .
- (۵۱) علم شعر — شعر کله سنه نظر بیوریه .

(۵۲) علم شواذ — فروع علم قرائنددر قرا آتک شواذینی
متواتر اولاندن تقریق ایدر . قرا آت متواتره اکثر علما عنسدنده (نافع)
(ابن کثیر) (ابو عرو) (ابن عامر) (عاصم) (جزه) (کسائی) یه
منسوب اولوق اوزره یدی نوع اولوب اشبو ذواتدن هر برینک دخی ایکیشر
راویلری وارددر اشبو ایکیشر رواتدن بشقه هر برینک دهانچه راویلری
وارایسه ده متأخرین ایچلرندن یالکز ایکیشرینی اختیار ایدوب قصورلرینی
ترک ایلدیلر . قرائتک یدی یه انحصاری مختلف فیهدر بعض علما یعقوب
حضرمی یی دخی انلره علاوه ایله سکره ابلاغ ایلدی .

- (۵۳) علم صرف — صرف کله سنه نظر بیوریه .

(۵۴) علم صیدله — اجزاجیلوق — فرانسرجه سی (فارما قولوژی)
فروع علم طبنددر نباتی و معدنی مفرد و مرکب هر نوع اجزای طبیه نك قوت
و خاصه لرندن و یکدیگریله برلشدکرنده نه خاصه و یا مضرت پیدا ایده جکندن
واعمال و استعمال و حفظ و خصوصات سائره سندن بحث ایدر بر علدر .
اجزاجیلرک غایت ارباب و مجرب و امین اولمسی و حکیملرک چته لرنده برخطا اولوب
اولمدیغنی تمیز ایده بیلک اقتدارینی حائز بولمسی بو علمده برنجی شرط عد اولنور .

- (۵۵) علم طب — طب کله سنه نظر بیوریه .
- (۵۶) علم طبقات الارض — طبقات کله سنه نظر بیوریه .

- (٥٧) علم طلسمات — طلسم کله سنه نظر بيوريه .
 (٥٨) علم عرافت — قیافت کله سنه نظر بيوريه .
 (٥٩) علم عروض — عروض کله سنه نظر بيوريه .

(٦٠) علم عزائم — معنای اصطلاحیسی جن و شیاطین اوزرینه تشدید و تغلیظ ایله اجرای حکمدن عبارت بر علمدر .

آصف بن برخیا به بعضیلمری حضرت سلیمان علیه السلامدن صکره جن و شیاطین انسانه اطاعت ایدرمی دیدکارنده (مادام العالم) جوابنی ویرمشیدی .
 عزیمت قارئك نیتی اعتباریله بری حرام دیگرى مباح ایکی قسمه منقسم اولوب اولکیسی سحر بازلك خلاف شرعشریف برامری تحصیل ایچون تلفظ ایتدکاری ایکنجیسی اهل ورع و عفت کسه لرك حصول خیر و سعادت ایچون او قودقلمری اثر و عزیمت لردر .

ارباب عزائمک مقدما بعضی الفاظ هندیه و عبرانیه ایله ترتیب و تأثیرینی ادعا و تجربه ایتدکاری عزایمدن (صرعد) علتنی دافع اولان بری قاعده لری معلوم اولوق ایچون ترقیم قلندی .

(عزیمت)

هرقاش قاعیش مرقاش استطناف خطوف خطاب شفدش و قدراش
 الله رب العزة يا طهسلو شجوح ارحم شجوح ارمو حثيثا القديم الازلى
 ان الذين قتلوا المؤمنين والمؤمنات ثم لم يتوبوا فلهم عذاب جهنم ولهم عذاب
 الحريق ان اشدكم يا معشر الجن بالله العزيز القهار الوافى الدافع وبعهد
 الذى اخذه عليكم سليمان بن داود عليهما السلام ان لا تضروا حامل هذا
 التعويذ وان تتركوه وتحفظوه فى حرز الله تعالى وحاية الله لطيف بعباده
 وصل الله على سيدنا ومولانا محمد واله واصحابه اجمعين بحق النبي واله
 الطيبين الطاهرين بسم الله الكبير اعوذ بالله العظيم من شر عرق وانعا
 ومن شدة حر النار . بونی نیت و بسمله ایله یازوب و بر مائی مشع و اوزری
 یشیل بز ایله صاروب مریضك بویننه اصارلر .

(۶۱) علم علایم جو — هواده وقوعبولان علامانه اطلاق اولنور
 علایم مذکوره حالات طبیعه لرینه نسبتله اوچه منقسمدر برنجیسی (هوائیه)
 یعنی ریا ح ثوابت زوبعه دیلان حادثات . ایکنجیسی (مائیه) یعنی
 سخاب . سیس مطر . رطوبت . بخار . ثلج . بردوامشالی اوچنجیسی (مضیئیه)
 یعنی صاعقه . قوس قزح . فجر شمالی . وامشالی شیردر . (محلرینه)
 مراجعت بیوریه .

(۶۲) علم فال — تفأل کلمه سنه نظر بیوریه .

(۶۳) علم فرائض — ترکه متوفایی کتاب وسنت واجاع امتده اولان
 فروض مقدره اوزره تقسیمدن بحث ایدر بر علمدر فی الاصل علم ققهدن
 بر باب اولدیغی حالده علمانک کثرت اعتنا وتدوینلرینه مبنی علوم مستقله
 صرهنه کچهرک فروع علم ققهدن معدود اولدی . بو علمده تألیفات کثیره
 وارسده ممالک عثمانیه جه الک مشهوری (مختصر سجاوندی) وشمش الدین
 فناریک اشبو کتابه اولان شرحیدر . علمای رومدن محسن القیصری دخی
 بوبابده شرحیه برابر ارازجوزه لطیفه نظم وتألیف الیشدر .

(۶۴) علم اصول الفقه — احکام شرعیه فرعیه بی ادله تفصیلیه سندن
 استنباطه مخصوص بر علم شریفدر موضوعی ادله شرعیه کلیه در
 مبادیسی عربیتدن وبعض علوم شرعیه وعقلیه دن مأخوذ اولوب غرض ایسه
 احکام شرعیه فرعیه بی ادله اربعه تفصیلیه سی اولان کتاب وسنت واجاع
 وقیاسدن استنباط ملکه سنی تحصیلدر . (کتاب الاسرار) و (تقویم
 الادله) و (امد الاقصی) و (اصول یزدوی) و (اصول سرخسی)
 و (مختصر ابن حاجب) و (کتاب القواعد والبدایع) و (کتاب البدیع)
 و (کتاب المنار) و (کتاب المغنی) و (کتاب المنتخب) هپ علم اصول
 فقهده مؤلف کتب معتبره دن اولوب بونلردن بشقه دهاپک چوق کتابلر
 تصنیف اولمشدر .

(٦٥) علم فقه — مسائل شرعية فرعية عليه في يلدیرن علمدر.

مسائل فقهیه امر آخرت و امر دنیا اعتباریله ایکیه منقسم اولوب آخرت قسیمی احکام عبادتدن و دنیایه تعلقی ایدن قسملری (مناکحات) (معاملات) (عقوبات) و سائر ددن عبارتدر.

علم فقهك مبادیسی سائر علوم شرعیه و عربیه ایله مسائل اصول فقه اولوب بوندن مراد اعمال شرعیه یه اقتدار ملکه سنی قزاقق و فائده سی وجه مشروح اوزره عمل حاصل اولقدرد. معلوم اوله که علوم علمیه ده غایت و غرض تحصیل ظن قوی اولوب کسب یقین دکلدرد زیرا کافه ادله نك اقواسی کتاب و سنت اولوب بونلرک بر قسیمی هر تقدرد قطعی الثبوت والدلاله ایسه ده دیگر قسیمی ظنی الدلاله در بناء علیه علم فقه محل اجتهاد اولشدرد امدی هر کس اول امرده هر قننی مجتهدك مذهبی ایسترسه آنکله عمل ایده یلور عقولك صحته تلیق ایلد کلدردی مذاهب مشهوره امام ابی حنیفه و مالک و شافعی و احمد بن حنبل حضراتنك اجتهاد ییورد قلدردی مذاهب رابعه در بونلردن بالنسبه احق و اولی و کندوسیه له تمذهب الیق و احری اولانی ایسه مذهب امام ابی حنیفه در زیرا مشار الیه کثرت معرفت کتاب و سنت و سائر ایله برابر جلهدن اتقان و احکامده ممتاز وجودت قریحه و علم احکامده قوت رأی ایله سرفراز ایددی هر قننی بر کیمسه فروعه در مذهب معینه تقلید ایلد کده اکالایق اولان کندو مذهبنك صواب و فقط خطا اولمق دخی محتمل ایدو کندی و مذهب مخالفی خطا و لیکن صواب اولمق احتمالی دخی بولندیغنی حکم ایتکدرد اما بو حکم لوازم ظنیتدن یعنی ادله سی ظنییه اولدیغندن لازم کلوب اعتقادیات بونك خلافته در که انلرده مطلوب اولان جزم و یقیندر.

(٦٦) علم فلسفیه — فلسفیه کله سنه نظر ییوریه.

(٦٧) علم قرائت — وجوه مختلفه متواتره حیثیتیه صور نظام

کلام الله دن باحث بر علمدر مبادیسی مقدمات تواتریه و بعض علوم عربیه دن عبارت اولوب بوندن مقصود ایسه اختلافات متواتره یی ضبط

ملکه سنی تحصیل وفائدہ کلام الہی تطرق تحریف و تغیر دن صیانتدر
کاه اولور که بوندہ حد شهرتہ و اصل اولان اختلافات غیر متواترہ حیثیتیلہ
دخی صور نظم کلامدن بحث اولنور اول تقدیرجہ مبادیسی مقدمات
مشہورہ و یاخود موثوق بہ اولان ذواتدن مروی مقدماتدن عبارت دیمک
اولور

(٦٨) علم قیافت — قیافت کلمہ سنہ نظر بیوریلہ •

(٦٩) علم کلام — ایراد حجج و براهین ایلہ اثبات عقائد دینیہ
اقتدار و بربر علم جلیلدر موضوعی معلومدر شوجہلہ کہ عقائد دینیہ بی
اثبات اومعلومہ تعلق ایدر مسائلی قضایای نظریہ شرعیہ اعتقادیہ
و غایتی ایمانی ایقان ایلہ تحلیلہ در •

علم کلامدہ اجلہ علمای کرام نہایت درجہ سعی و اقدام ایلہ برچوق کتب
نفیسہ و معتبرہ تألیفندہ حصر ایدی اہتمام ایلدینر (بحر الکلام) (تجربہ)
(تأسیس التقدیس) (رموز الكنوز) (زبدۃ الکلام) (طوالع الانوار)
(عقائد نسفی) (قلائد) (مقاصد) (مواقف) (مدارک العلوم)
(مشارق النور) (نہایۃ المقول) (جوہرۃ التوحید) مؤلفات جلیلہ
مذکورہ جملہ سنددر •

(٧٠) علم کھانت — کھانت کلمہ سنہ نظر بیوریلہ •

(٧١) علم کیمیا — کیمیا کلمہ سنہ نظر بیوریلہ •

(٧٢) علم لغت — موضوعات لغویہ بی بیان ایدر بر علمدر لسان
عربینک اهل نحو عندندہ اعراب دنیلان حرکاتدہ کی ملکہ سی صکرہ لری
اختلاط اعجام مناسبیلہ فاسد و بوفساد موضوعات الفاظہ دخی ساری اولہ زق
صحیح عربی یہ مخالف بر طاقم اصطلاحات غریبہ پیدا اولدیندن بوحال
ایلرودہ معانی قرآن کریم واحادیث نبویہ نک مجھولبتنی منتج اولماق ایچون
موضوعات لغویہ نک تدویننہ قرار ویرلدی • بز بادہ یک چوق کتاب تألیف

اولنشدن علم لغتده سرافراز اولان علمانك برنجیسی امام (خلیل بن احمد) الفراهیدی اولوب تألیف ایتدیکی (کتاب العینی) سنده حروف مجهک یعنی حروف هجآنك بالجمله مرکباتنی دخی حصر ایلدی که ثنائی و ثلاثی ورباعی و لسان عربده منتهای ترکیب اولان خاسیدر .

(۷۳) علم محاضره — محاضره کله سنه نظر بیوریله .

(۷۴) علم محکمات و متشابهات — آیات و احادیث شریفه کله متشابهاتندن کشف حجاب شبهات ایدر بر علمدر

(۷۵) علم معادن — معادن کله سنه نظر بیوریله .

(۷۶) علم معانی — معانی کله سنه نظر بیوریله .

(۷۷) علم معماری — قواعد مخصوصه واسطه سیله ابعاد متناسبه ده ابنیه انشا ایتمکدن بحث ایدر بر فندر که اوچه تقسیم اولنور برنجیسی انشآت ملکیه در خانه و سرای و معبد کبی احتیاجات بشریه مقتضیاتندن اولان ابنیه انشاسی اصول و قواعدندن بحث ایدر ایکنجیسی انشآت عسکریه در استحکامات و قلاعه متعلق انشآتندن بحث ایدر اوچنجیسی انشآت بحریه در کبی لیمان و بحریه متعلق انشآت سائرهدن بحث ایدر و انشآت ملکیه دخی انشآت معابد و انشآت میاه کبی برچوق قسمله آریلور .

هرملتك درجه ترقیات مدینه سنه کوره برطرز معماریسی واردر قدیم مصریلر ایله آثوریلرک انشآآتده رصانت و جسامت حکم سورمکده وهندلیلرک انشآآتده دخی ینه او آثار مشاهده اولنمده ایدی بونلرک معبدلری قیالرده اویولمش وزینتلری ایسه اکثریت اوزره تمثاللرنده بولنشدنر . چینلورلرک بنالری طاملرنك مخروطی و سیوریلرک لریله فرق اولنور .

فن معماری الك زیاده روملرده ترقی ایدوب حتی بش مسالك معماریدن (دوربك و ایوینك و قروتین) مسلكلری روملك اختراعیدر ایتالالور

(توسقانه) اصولنی ورومالیر روم مسلکارندن بالترکیب (قومپوزیت) اصولنی ایجاد ایلدیلر . موخرأ صنایع شرقیه (غوتیک) دنیلان مساسکی دیگرلریله برلشدیرهرك یوکسك کرلر ایله دوز دوشمه یرینه کر استهمالندن عبارت اولان (بیراتین) مسلکنی میدانه چیقاردی ودها صکره عربلرک اسپانیاده وجوده کتوردکلری ترقیات مهماریه (بیراتین) مسلکنه غلبه ایدرک آوروپایه منتشر اولدی انبان ترقی ایتکده در .

(۷۸) علم مناظره — مناظره کله سنه نظر بیوریله .

(۷۹) علم منطق — منطق کله سنه نظر بیوریله .

(۸۰) علم موسیقی — صدای سوزش اداسی مشهور انام اولان (داود) علیه السلامک الحانله مزامیر قرائتی وبنی اسرائیلک برمدت اکا تقلیدأ عبادتی کوزل صدا و نغماتک واکا اولان میل و محبتک اسکی وطبیعی برشی اولدیغنی اشراب ایدر ایسده برقاعده تخنه وضعی یعنی فن موسیقینک ایجادی حکمای یونانیه دن (فیثاغورس) ه عطف اولنمده در . روایتیه نظرأ فیثاغورس تیمورجیلرک اینجه لی قایلنی چکیجیلری ضرباتندن اولان صدانک درجاتی بولوب بعده تخنه اوزرینه ابرشیلر کرهرك ایتدیکی تجربه لره مقاماتی تعیین و موسیقینک قواعد و اهمیتنی ممکن مرتبه تفهیم ایلش واندن صکره علی التدریج قباسازلر ایجاد یاخود اصلاح اولنمغه باشلامشدر .

برزمان نغمات اجرام علویه نك یکدیکرینه تماس ایله دورندن حاصل صدالردن مأخوذ ایدوکنه حضر ذهاب اولدیغنی جهته موسیقییه (نجیم) نامنی ویرمشر ایدی .

حرکات فلکیه نك موسیقی اوزرینه برر صورته تاثیرینی یعنی استماع ایدنلرک وقتیه و اووقته مناسب مقامه کوره غم و سرور یونندن متأثر و بعضأ مرضایه بیهل شفا بخش اولدیغنی متقدمیندن پک چوق کسدر یازمشر ایسده بوصورت زمانمز موسیقی شیناسانی نزدنده غیر مجزوم واثباته اقتدار معدوم اولدیغندن یالکر فن موسیقییه موافق خوب صدا و نغماتک ارواح بشره

تأثیری و بتأثیر ایلہ روحک منبسط و منقبض اوله رق شخصنه کوره سرور و فکر و سخا و شجاعت کبی حالر کتوردیکی قبول اولمشدر .

فارابینک کتابی بوفنده مؤلف اثارک الک مشهور و معتبری اولدیغی کبی ابن سینانک ابواب شفا سندن (کتاب الموسیقی) سی دخی شایان اعتباردر و (صفی الدین عبدالمؤمن) و (ثابت بن فره) و (ابراهیم الموصلی) و اوغلی (اسحق) و (ابوالوفاء جوز جانی) دخی موسیقی شناسلرک مشهورلر ننددر .

متقدمین عندنده موسیقی اون ایکی مقام والتی یاخود یدی آواز و یکریمی درت شعبه ایلہ تفرعاتندن عبارت ایدی متأخرین بونلری محو و اثبات و بعضیلرینک ناملرینی ابقا ایدرک اصول مقاماتی (راست) (دوکاه) (سگاه) (چارکاه) (نوا) (عراق) (عشیران) ناملرله یدی به حصر و راسته مقابل (کردانیه) و دوکاهه مقابل (محیر) و سگاهه مقابل (تیرسگاه) و چارکاهه مقابل (تیر چارکاه) و نوا به مقابل (یگاه) و عراقه مقابل (اوج) و عشیرانه مقابل (حسینی) مقاملرینی اعتبار ایتدیلر و اوروپالیر دخی نوطه اصولنی وضع ایدرک اصول مقاماتی (دو) (ره) (می) (فا) (صول) (لا) (سی) دیرک الی نوعه تخصیص ایدوب اره لرلرینه نیم پرده لر قودیلر . (دو) چارکاهه و (ره) نوا به و (می) حسینی به و (فا) عجمه و (صول) راسته و (لا) دوکاهه و (سی) سگاهه بدلددر .

نغماتک وزننی تعیین ایدن (دم . تک) اصولی عسدد و خفت و مد و ثقلشنه کوره (خفیف اول) و (خفیف ثانی) و (ثقیل) ناملرله اوج قسمه متقسمدر که کار نقش بسته سماعی شرقی هب بو اصوله تطبیقاً اجرا اولنور .

(۸۱) علم نباتات — نباتات کله سنه نظر بیوریلہ

(۸۲) علم نجوم — نجوم کله سنه نظر بیوریلہ

(۸۳) علم نحو — نحو کله سنه نظر بیوریلہ

(۸۴) علم نیرنجات — تمویه و تخیل معناسنه کلان (نیره) لفظندن

معربرددر . بو علم قوای فاعله و منفعله بلینده غرائب امیراجات استحصالی طریقنی یلدیرر حب و بغض و اغراض و اقبال کبی . مجریطی تک (غایه الحکیم)

وابن وحشیه نك (اسرار الشمس والقمر) و (جامع) نام کتابی بوعلمه
منقرع آثار دندر .

- (۸۵) علم وجوه و نظائر — وجوه کله سنه نظر بیوریله .
- (۸۶) علم وفق — وفق کله سنه نظر بیوریله .
- (۸۷) علم هندسه — هندسه کله سنه نظر بیوریله .

(۸۸) علم هیئت — اجرام سماویه نك حرکات واحوالندن بحث
ایدن علمه اطلاق اولنور . اشبو اجرامك بعضیلری ظاهراً تبدیل مکان
ایتمه رك دائماً بریده کورندکاردن بونلره کواكب ثابته دیلوب بعضیلری
دخی دائماً تبدیل مکان و فضای اسمانده جولان ایلدکاردن بونلره دخی
کواكب سیاره تسمیه ایدیلمور . کواكب سیاره ایکی صنف اولوب صنف
اوله سیاره اصلیه و ثانی یه سیاره غیر اصلیه و یاخود (اقار) دیلمور
و سیارات اصلیه دن بعضیلری اشکال و اوقات مختلفه ده مشاهده اولندیغندن
بونلره ده قوبرقلی یلدیز تعبیر اولنور . ایمدی ذکر اولنان کواكب دن سیارات
اصلیه شمس مثلاًو ثوابندن برینک اطرافنده حرکت و دوران ایلدکاری کبی
سیارات غیر اصلیه یعنی قرلر دخی سیارات اصلیه دن بعضیلرینک اطرافنده
دورایدلر .

ثوابتك عنصرلری بالطبع منور اولوب نشر ضیا ایلدکاردن انلره اجسام
مضیئه و سیاراتك جوهرلری ایسه ذاتاً مظلم و کشف اولمغله اجسام منیره دن
استضاءه ایلدکاردن بونلره دخی اجسام مستضیئه تسمیه اولنور . جو سماءه
منتشر اولان کواكب ثابته نك حد و حسابی اولیب هر بریسی کندو
سیارات و توابع سائر سیه برعالم حکمنده در کواكب مذکورده نك
جسماننه نسبتله فوق الغایه کوچك اولان کره ارض دخی سیاراتدن
بریدر کیهلری سماءه بیاضجه بریول شکنده رؤیت اولنوب (بجره)
یاخود کهکشان تعبیر اولنان علامتلر نجوم ثابته نك کثرت اوزره تجمعندن
عبارتدر .

ثوابتك ایچنده شمسن بیوکاری چوق ایسه ده ارضه کمال درجه بعید بولنوب

اکثریسی کوز ایله کوریه مدیکندن انلری رؤیت بعض آلات رصدیه اعانه سنه محتاج اولور زیرا کونشدن ماعدا ثوابتن ارضه الیقین اولان بر یلدیزک ضیاسی بزره انجیق اوچ سنه ده واصل اولدیغندن دهها بعید بولنانلرک ورود ضیاسی نیجه یوز بیک سنه لره موقوف ایدوکنی دوشمک ایجاب ایدر.

متقدمیندن بر چوق کسه لر ارضی مسطح قیاس وسمایی ارض اوزرینه قیامش بلور کبی شفاف بر قبه ظن واعتقاد ایدرلر ایدی .

بو ظن واعتقاد اون اون بش عصر دوام ایتدکدن صکره متأخریندن المانیالی (زخاریا) و ایتالیالی (غالیه) و هانورهلی (هرشل) کبی ارباب هیئتک اصلاح و ایجاد ایلدک لری تلسقوپلر ایله اجرام سماویه نک جسامت و محیط و دور و حرکتی لایقیه کشف و تعیین اولندی وانکلیر (نوطون) دخی بر المانک سقوطنی کورمسی اوزرینه عالمده اولان کافه اجسامک جوهرلریله مبسوطا و بینلرنده اولان بملرک مر بعلریله معکوساً متناسب اوله رق یکدیگرینی جذب ایلدیکنی بولوب اجرام سماویه دن هر برینک معلق طور دقلرینی و بر برلرینی جذب ایدر بر قوه متقابلیه ایله برقرار بولندقلرینی میدانیه چیقاردی . (شمس و ثوابت) کلمه لرینه دخی نظر بیوریه .

§

﴿ علم الدین ﴾ عراقی — اسمی عبید الکریم بن علی بن عمر الانصاری در (۱۲۲۶ م و ۶۲۳ هـ) تاریخنده مصرده تولد ایلدی عراقی ایله اشتهاری شارح (مذهب) ابو اسحق عراقی لام جدی اولمندن ناشیدر مومی الیه علم تفسیرده صاحب ید باسطه ایدی علامه زمخشری ایله (ابن المنیر) بیننده اولان مسائل خلاقی بالمحا که (کتاب الانصاف) نامنده بر کتاب تصنیف الیشر و فاتی قاهرده (۱۳۰۴ م و ۷۰۴ هـ) تاریخنده در .

§

﴿ عامدار ﴾ مصطفی پاشا — وزرای دولت علیه دندر روسجق اعیانندن ایکن روسیه محاربه سنده مشهود غیرت و جلادت و حسن اقدام و غیرته مبنی رتبه وزارتیه نائل اولمشیدی مؤخرأ (۱۸۰۸ م و ۱۲۲۳ هـ) تاریخنده سلطان سلیم مخلوع طرفدارلرینک تشویق اوزرینه اون بش یک کشی

ایله استانبوله کیروب مهر همایونی صدر اعظم چلبی مصطفی پاشا دقندن صکر، سلطان سلیمی اجلاس ایچون سرای همایونه عزیمت و مسدود بولدیغی ایچ قیوی هدمه مباشرت ایلدی بوصره ده ایچروده بولنان سلطان مصطفی طرفیلری ایسه کویا اقدیلرینی ایضا ایچون سلطان سلیم کی بر پادشاه تبعه پناهی شهید ایدوب جنازه سنی طیشارو بر اقدیلر علمدار عسکرله برابر سرایک ایچ قپوسندن کیروب سلیم شهیدک نعش پاکنی قان ایچننده کوردیکی کی بر مهیب صدا ایله (ایواه پادشاهم سکا قیدلرمی) دیه رک فریاد و فغانه باشلاقدقه او قوجه میدانی طوتمش و پاشالرنک بویه فریادینی اصلا ایشتامش اولان وحشی و جسور عسکر همان دال بیپاق اولوب فقط کیمه اوریله جغنی بیله مدکارندن بر اشارته منتظر ایکن شهزاده سلطان محمودخان ثانی حضرتلرینی میدانه چیقاروب علمدارک یانسه کتورملرله علمدار درعقب بیعت ایدرک عهده سنه صدارت توجیه بیورلدی بر قاچ ای صکره علمدار باشنده کی عسکرک اکثریسی روسجغه مسلط اولان منلا پاشانک اوزرینه کوندریکی جهتله نظام جدید تشکیلندن طولای دلیکیر اولان یکچیریلر فرصت بولهرق بر قدر کیمه سی باب عالی صاروب درت طرفدن آتش ویردیلر علمدار آتشدن نخلیص جان ایچون بر مخزنه قپانوب مدافعه ایتمک استدیسه ده بر قاچ یوز یکچیری مخزنک قبه سنی هدمله آتسه باشلاقدقندن بیچاره جبه خانه سنی آتشیله رک یکچیریلرله برابر بر هوا اولمقندن بشقه چاره بوله مدی .

§

﴿ علوفه ﴾ — دولت علیه ده مقدا صنوف عسکریه اعطاقلنان معاشه تخصیص اولتمش بر اسمدر اشبو علوفه یومیه اعتبارله ویریلوردی یعنی زمانمزده مثلاً بر نفرك معاشی شهریه ایله معین ایکن اسکیدن شهریه لقر دیسی اولیوب یومیه شو قدر علوفه لی دینوردی . اوللری بزده معاملات اخذ و اعطانک اساسی اچمه اوزرینه مبتنی اولدیغندن علوفه ده دخی بواساسه رعایتله بر نفرك مثلاً یددی اچمه علوفه یومیه سی اولسه اکا (یدیلی) دینور ایدی . کذا و کذا .

علوفه شهر عربیه تقسیماً سنه ده درت تقسیمط ایله ویریلور و محرم و صفر و ربیع الاول ایلرینه مخصوص اولان برنجی تقسیطه (مصر) و ربیع

الآخر وجمادی الاول وجمادی الآخر ایلرینه مخصوص اولان ایکنجی تقسیطه
(رجب) ورجب وشعبان ورمضان ایلرینه مخصوص اولان اوچنجی تقسیطه
(رشن) وشوال وذی القعدة وذی الحجه ایلرینه مخصوص اولان دردنجی تقسیطه
(لذن) تعبیر ایدیلور ایدی .

§

﴿ علی ﴾ بن ابی طالب رضی الله عنه — خاتم خلفاء راشدین
وداماد جناب سید المرسلین در . حضرت عثمان رضی الله عنهک وقوع
شهادتی عقبنده یعنی (۶۵۵ م و ۵۳۵ هـ) تاریخنده بالانتخاب جالس اورنک
خلافت اولدی فقط ام المؤمنین جناب (عایشه) وبعض اعیان صحابه قتله
عثمانی قصاصده مسامحه سی وقوعبولدی ظنیله بیعت ایتیموب ایچلرندن
بعضیلری شهید مشارالیهک قائلی اثوایله شام والیسی حضرت معاویه یه
وبرطالقری مکة مکرمه دن حضرت عایشه یی استحبابله خصوص مذکور
اجرایه طرفدار بولمق ایچون بصره یه عزیمت ایتدیلر و حضرت علی دخی
بصره یه کیدنلری کچورنمک ایچون ارقه لرندن درت بیک کشتی کوندرمکله
بولده جل محاربه معلومه سی وقوعبولوب ایکی طرفدن برقاچ بیک کشتی
تلف اولدقدن صکره حضرت عایشه اعاده اولندی و حضرت معاویه
قتله مرقومه نیک همان تحقیق وقصاصیلله اسلام ارسنه دوشن تفرقه نیک
برطرف ایدلمسی لزومی اجتهاد و حضرت علی دخی اورته لق غلیانده ایکن
وقعه مؤله مذکورده نیک تفتیش و فاعلارنیک قصاصی بین الاسلام بر بیوله
وقعه و تفرقه یی مؤدی اوله جغندن شمذیلک تأخیری موافق مصلحت بولندیخی
بولنده اعطای رأی سداد ایلدیکی جهته آره لرینه دوشن نأره اختلاف
علوریز روابط اشلاف اولدی و (۶۵۷ م ۳۷ هـ) تاریخنده مصر والیسی
سابق عمرو بن العاص معاویه طرفندن مصری حرباً آلوب حضرت علی
طرفندن والی بولنان (محمد بن ابوبکر) ی تحقیر و اعدام ایلکله حضرت
علی کوفه دن و حضرت معاویه شامدن کایتلو عسکر ایلله چیقیدیلر و (صفین)
نام محله تلاق طرفین ایلله شدید محاربه لردن صکره غالب و مغلوب بللی
اولمادیخی حالده ایکی طرف دخی عقد مصالحه یه رغبت ایتدیلر و (۶۶۰ م و ۴۰ هـ)
تاریخنده خوار جدن اوج خبیث کوفه و شام و مصر بینده اولان اختلافی

کویا قالدیرمق ایچون اتفاساق ایدوب بری مصره عزیمتله عمرو بن العاص
ظنیله برینی تلف و دیگرى حضرت معاویه بی جزؤ بجه مجروح ایتدیکی کبی
ابن ملجم نامنده اولان او چنجیسی دخی کوفه ده حضرت علی بی صباح نمازینی
ادا ضمنده جامع شریفه کیدرکن شهید ایتدی .

حضرت علینک امام حسن و حسین و محمد بن الحنفیه و عمرو العباسدن صکره
اون درت ذکور و سکر انات اولاد کراهی کلوب بعد وفاته بونلردن امامین
حضراتیله برابر اون نفری قالمشیدی کاتبی سعید بن نجران الهمدانی
و عبدالله بن ابی رافع و قاضیسی شرح بن حارث و حاجبی قنبر بن زید ایدی
سخاوت و شجاعت و درایت و فطانت و باخصوص علم و معرفتی مستغنی
تفصیل و بیاندر .

حضرت علی زمانده (اشعث بن قیس) و (مسعود بن القدی) و (زید
بن حصین الطائی) کبی بغاة و عبدالله بن سباء و اصحابی مثللو برطاقم غلاة
ظهور ایتدی که مشارالیه حقنده وارد اولان (یهلاک فیک اثنان محب خال
و مبغض قال) حدیث شریفنک مقتضای مضمون اصابتقرونی ایدی .

حضرت علینک شهادتندن صکره اصحاب کرامدن (ضرار بن ضمره الکسنانی)
لاجل الزیاده ~~حضرت معاویه~~ حضرت معاویه نك حضورینه چیقندقه معاویه مشارالیه
حضرت علی بی بکا وصف و تعریف ایله دیو امر ایتدکده ضرار ابتدا
خفیفجه کچشدیرمک استه یوب معاویه تکرار و الحاح ایلدیکنه بناءً یامعاویه
مادامکه حضرت علینک حقیقی متصف اولدیغنی صفاتی استه یورسک
استه والله العظیم حضرت علی (بعید المدی و شدید القوی . یفجر العلم
من جوانبه . تنطق الحکمة من نواحیه . یستوحش من الدنیا وزهرتها .
یستأنس باللیل و ظلمة . و کان والله عزیز العبرة . طویل الفکرة . یقلب
کفه و یعاتب نفسه . تعجبه من اللباس ما قصر . و من الطعام ما خشن)
الی آخره صفات جلیله سیله متصف بر نادر الوجود ایدی دیدی و مشارالیه
بونلری سویلدکجه ~~حضرت معاویه~~ حضرت معاویه اغلا یوب هر تقدیر بالو ایتماک ایچون
کوزلرینی سیلدی طوردی ایسه ده ضروری لویه سنه یاشلر طمله دیغندن
کتم ایدهمدی و حاضر بولنانلر دخی اغلاشدیلر و ~~حضرت معاویه~~ معاویه حق
اکارحت ایتسون والله وصف و تعریفنک کیدرز دیدی .

امام علی کرم الله وجهه ورضی الله عنه حضرت تلمیذ ادب حکومت و اصلاح
ممالک و سائرہیں شامل مصر و الیسی مالک بن الحارث طرفہ کوندردیکی
عہدنامہ نک جلال مندرجاتی جہتیلہ بعض مہم فقراتی بروجہ آتی ملخصاً
تحریر اولنشد . بعد البسملة والصلوة (یا مالک سکا برنجی امرم شریعت
مظہرہ احکامنہ اتباع و هوای نفسدن مقتدر اولدیغک مرتبہ تباعد و امتناع
ایلہ . سندن اول کلان والیرک او یغونسزلرندن صادر اولان سوء افعال
شمدی سکا و خلقہ نصل فنا کورینور ایسہ سندن دخی اولیہ افعال ظهور
ایتدیکی حالہ دوچار طعن و مذمت اولہ جتنی دوشینوب اکا کورہ حرکت
و خلق ارہ سندنہ ذکر جیل تحصیلنہ غیرت ایتکلک لازم کلور . اورادہ
اولان رعایا دین قنداشلرک ایلہ اهل ذمتدن عبارت و اهل ذمت دخی خلقندہ
سنک کبی بر شخص ذی فراست اولدیغندن حفظ و رعایتی و اجبہ ذمت
اسلامیتدر رعایا بعضاً بر سبیدن ناشی یا قصداً و یا خطاً بر جرم و گناہ
ایدہ بیلور اولوقت لایق اولان بسط مجاری عفو و احساندر . یا مالک
سن انردن یوجہ اولدیغک کبی سنی اورایہ والی ایدن دخی سندن و الله
جلہ مزدن یوجہ در صاقین نفسکی انک فضیئہ مظهر دوشورمہ زیرا
انک مرحمت و عقوبتندن مستغنی دکلک . عفو کدن ندامت و عقوبت کدن
مسرت و خطا ملحوظ اولان یرلردہ عاجلانہ حرکت ایتیب امور کدہ الک
زیادہ رشتہ عدل و حقانیتہ مرتبط و خلقہ انفع و متوسط اولانی اختیار
ایلہ کہ حتی عموم رعایا سندن ممنون و متراضی اولسون . سکا لازم اولان
عامہ نک رضاسیدر یالکز خواصک رضاسی مفید اولز و عیوب خلق
کشف و غزہ وسیلہ جو اولنری یانکہ او غرامتہ زیرا خلقندہ اولیہ عیبلر
واردر کہ سترینہ والیدن غیرسی قادر اولہ مز سندن غائب اولانک حاکمی
اللہدر .

قور قافلہ مشورت ایتہ صکرہ سکا دہ ضعف قلب کلور و طمہ کارلرلہ
مشورت ظلمہ بادی اولور . خیر خواہلرلہ بدخواہلری یانکدہ برابر کوروب
ایولک ایدنرہ فتور و براہلرہ جسارت و یرمہ . اگر رعایانک سکا لایقیلہ
توجہنی ایستر ایسک انری حسن ظن و احسان ایلہ تلطف و اوزرلرندہ کی

بلا و مشاقی تخفیف ایله . زیر حکمنده اولان ممالکک اصلاحی موجب
 خصوصاتی تعیین و اجراده عالمی و حکمته واقف کسه لر ایله مباحثه و مکالمه
 ایله . امرا و رجال و خواص و عوام هر صنف امور اداره ده بولنلرک
 خاطر لرین طابلی دل ایله اله آلوب بولکنده چکن دکاری مشق لری یانلرنده تذکار
 و تعداد و خصائل مدوحه و شجاعت و جرأت لرینی بیان و ثنا ایله تطبیق
 و دلشاد ایله . بر مصلحت عظیمه و قوعنده عجز طاری اولدیغی و تردد
 و قوعبولدیغی زمان صدقه اله و رسولنه مراجعت ایله . بر ماده نک کنه
 و حقیقته ایریشم دین ادنی فهم ایله اکتفا ایتمه و عالمی یکه ارتکاب دن مستغنی
 اوله جق قدر زیاده جه معاش ویر اندن صکره حال لرینی تقش و صادق لرینی
 ابقا و خائن لرینی دفع ایت و مفتش لری غایت مستقیم و مجرب آدم لر دن تعیین ایله .
 گاه بکاه مجلس عمومی تشکیل ایدوب کندوک دخی اوتور و کسه بی حضور کدن
 منع ایتدیرمه . ارباب حاجاتک احقرینک رطب و یابس سوزلرینه تحمل
 ایدوب مراملرینی کوزله اکلا . امامتده نمازی اوزادوب جماعتی تغیر
 ایتمه . احقاق حقه ولو کندوک منسوب برکسه ایچون اولسون دقت ایت
 بردشمن مصالحه یه راغب اولدیغی زمان رد ایتمه مکرکه رغبتی حیلله اوزرینه
 اوله . عهد کده وفا ایله . زنه ار ناحق یره قان دوکمه زیرا قان دوکک
 بیوک کناه و زوال سلطنته باعث بیکواهدر .

§

﴿ علی بن بندار — نیشابور شیخ لر دن وثقات اهل حدیث دن
 اولوب (۹۵۸ م و ۳۶۷ هـ) تاریخنده وفات الیشدر (یطلب الحق بالهوبناً
 و انما وجود الحق بطرح الدارین) کلامی ورد زبان ایدردی که معناسی حق
 تعالی بی قید هوا و علاقه ماسوا ایله طلب ایدر لر حالبوکه وصلت خدا ایکی
 عالمی طرح و افنا ایله رونما اولور . کلمات در رب ار لر دن بری دخی (دنیا بردار در که
 بنیادی محنت اوزره در لهذا دنیاده محنت سز تعیش محالدر .

(بیت)

خوش گوشه ذوق ایدی صفا اهلنه عالم
 بر حال ایله سور سیدی اگر عمرینی ادم

صحت صوکی درد اولسه وصلت صوکی هجران
نوش اخری نیش اولسه سور اخری ماتم

§

﴿ علی ﴾ افندی — فتاوی صاحبی مشهور چتالجهلی علی افندی که
عصر سلطان ابراهیم ده ایکی دفعه ده اون اوچ سنه پایه فتوی ایله بکام
اولشدر وفاتی (۱۶۹۱ م و ۱۱۰۳ ه) تاریخنده وقوعبولدی .

§

﴿ علی ﴾ پاشا — خادم علی پاشا دینکله مشهوردر اصحاب
خیراتدن برذات ایدی استانبولده صدقیرده عتیق علی پاشا جامعی وقره
مکرکده زنجیرلی قپو جامعی جله حسناتندندر . اناطولیده جلالی شاه قولی
معرکه سنده یعنی (۱۵۱۱ م و ۹۱۷ ه) تاریخنده وفات ایلدی .

§

﴿ علی ﴾ پاشا — چورلیلی دیمکله مشهور اولوب دولت علیه ده
نائل اولدیغی مسند صدارتی خیلی مدت کمال شرف و مکنته اداره ایشلشدر
(۱۷۱۰ م و ۱۱۲۲ ه) تاریخنده مقتولاً عازم دار بقا اولدی . در سعادتده
اسکی سیمکشخانه نك اولدیغی یرده برجامع شریف و تنکیه ایله متعدد حجره لری
واردر .

§

﴿ علی ﴾ بك — (بادبالوبلیش) نام اسپانیا ضابطنك عربستان
وافریقا سیاحتلرنده طاقمش اولدیغی نام مستعاردر مومی الیه هر کیتدیکی
یرلرده اسلام زی و قیافتنده کزدیکندن مسلمان ظن اولنورایدی بناء علیه
اهل اسلام حقنده او کونه قدر هیچ بر خرستیانك واقف اوله مدیغی معلوماتی
قله الوب (۱۸۰۸ م و ۱۲۲۳ ه) ده نشر ایشلشدر . مؤخرأ بر ایکنجی
سیاحتده ده اچیق دیسه ده عمری وفا ایتدیکندن (۱۸۱۸ م و ۱۲۳۴ ه) تاریخنده
شام شریفده قالی دکلندیردی .

§

﴿ علی ﴾ بن حسین الشریف العلوی — ابن الاعلم دینکله متعارفدر
هیئت وصناعت تیسیر و حل زیج ایله عصرنده شهرت بولاش و عضدالدوله

ابن بویه نزدنده غایت نفوذ و حرمت قزاقشیدی عضد الدوله نك و قاتيله اوغلی صمصام الدوله یرینه یکد کده حالی دیگر کون و مقدمه نسبتله قدری دون قالدیغندن بویه لیلردن انقطاع ایدرک (۹۸۴ م و ۳۷۴ هـ) تاریخنده ججه عزیمت و عودتنده عسمله نامیله معروف محمله جهان بقایه رحلت ایلشدر .

§

علی ﴿ الحمدانی — ملوک بنی حمداندن جود و کرم و فرط شجاعت و همم ایله مشهور و دفاتر نظم و نثر شعرا و بلغاده مداخ و اوصافی مذکور اولان سیف الدوله حمدانیدرکه خلفادن صکره بونک قیوسنده جمع اولان شعرا ادبا علما ظرفاملو کدن هیچ برینک قیوسنده جمع اولماش و شعرایه صله ایچون مخصوص اونرلق التون کسدرروب اوزرینه اسمنی و صورتنی نقش ایتدیرمشیدی کندیمی دخی ادیب شاعر فصیح بلیغ برزات ایدی شجاعت و جسارتی ایسه روم طرفلرنده و قوعیولان غزواتیله مثبتدر .

ولادتق (۹۱۲ م و ۳۰۰ هـ) سنه سنده اولوب (۹۶۶ م و ۳۵۶ هـ) تاریخنده عسرت بول مرضندن وفات ایلدی .

اولا (واسط) و اطرافنده بولنان نواحییه مالک ایدی بعده (۹۴۴ م و ۳۳۳ هـ) تاریخنده حلبیه و مؤخرأ شوکت و دولتی کتدیجه متراید اوله رق دمشق و اکثر بلاد شام و جزیره مالک اولدی . ایتدیکی غزالده البسه سنه طویلانان توزلری جمع ایدوب بر کرپیج یاپدیردیغی و بو کرپیجی وفاتنده باشی الته قوملرینی وصیت ایتدیکی منقولدر .

اشبو آل حمدان (۹۳۴ م و ۳۲۳ هـ) تاریخنده استقلال بوله رق قرق بش سنه حکومت سورمشدر برنجیلری (ناصرالدوله) ایدی .

§

علی ﴿ افندی — اعرج سید حاجی علی افندی ذیمکله معروف برزات اولوب اولیاء الله کرامت برکزیده سی و علم و عملده کافه انامک و باخصوص اقطار حجازیه و حرمین شریفین اهالیسنک مسلم و پسندیده سی ایدی (۱۷۸۵ م و ۱۲۰۰ هـ) تاریخنده بور قصبه سنده مهد و جوده کلوب

قصبة مذکورده و خداوند کار و لایتنده جمعه و صالی کونلری رنجبر لک و سائر
ایامده تحصیل علم ایله مشغول و باطن ادخی نیجه طلوعاته مظهریله نائل مأمول
اولدقدن و بر زمان سیاحت ایلدکدن صکره ۱۲۳۶ سنه هجریه سنده موره
مخاربه سنده اثبات وجوده بذل همت و بر مقدار مال غنیت ایله مکّه مکرّمه یه
عزیمت ایلدی . بعده مدینه منوره یه کیدوب اون سکره سنه مدت فراشت
شریفه خدمتده قائم و مؤخر آ مدینه منوره شفا مدرسه سی مدر سلکنده تدریس
علومه مداوم اولوب بر چوق زهد و کرامات و اظهار خوارق عادات ایله حرمین
شریفین اهالیسی بیننده کامران و من قبل الرحمن اولاد رسولدن اولدیغی
بشارتیه منشرح الجنان اولدقدن صکره آخر عمرنده کوزلرینه عمی و قولالقرینه
صمم عارض اولدیغی حالده (۱۸۷۵ م و ۱۲۹۲ هـ) تاریخنده وفات ایلدی .

§

﴿ علی رضا ﴾ بن موسی الکاظم — ائمه اثنی عشره سکره نجیبیدر
(۸۱۶ م و ۲۰۱ هـ) تاریخنده بغدادده علویلک عباسیلر علیهنه ظهور ایدن
اختلالنی تسکین مقصدیه خلیفه مأمون طرفندن ولی عهد اتخاذا اولمشیدی .
مؤخر آ خلیفه ایله برابر عراقه کیدوب طوس نام محله وصولرندن بر مدت
صکره یعنی (۲۰۳ هـ) تاریخنده فجأة وفات ایلدی . صورت وفاته نظراً
مأمون طرفندن تسمیم اولندیغی خاطره کلور .

مشار الیهک مخدومی امام تاسع محمد تقی حضرتلری دخی یکریمی بش یاشنده
(۸۳۵ م و ۲۲۰ هـ) تاریخنده بغدادده مسموماً وفات ایلشدر . خلیفه
معتصم بوکا صغر سننده کریمه سنی تزویج ایتمشیدی .

§

﴿ علی ﴾ بن العباس بن جریح — کنیه سی ابو الحسن شهرتی ابن
رومی در نظم عجیب و تولید غریب صاحبی شاعر مشهور که ابداع معانی
جلیله قادر و ایجاد کلمات جلیله مقتدر ایدی قوس غم حقه
سویلدیکی ایات بلیغه دندر :

(و ساقی صبیح للصباح دعوته فقام و فی اجفانه سنة الغمض)
(يطوف بکأ سيات العقار کا نجم فن بین منقض علينا و منقض)

(وقد نشرت ابدی الجنوب مطارفاً علی الجود کناو الحواشی علی الارض)
 (یطرزها قوس السحاب باخضر علی اجر فی اصفر اثر مبيض)
 (کاذیال خود اقبلت فی غلائل مصبغة والبعض اقصر من بعض)

صولی نام ذات حروف اوزرینه دیوان شعرینی ترتیب الیشدر .

شاعر مومنی الیه کثیر التطیر بر کیمسه اولدیغندن احبابی لطیفه اوله رق
 استندن تشأم اولنور آدمیری کوندر لرر ومومنی الیه دخی او کون حبس نفس
 الیه اصلا خانه سندن چیتماز ایدی . معتضد خلیفه نك وزیر قاسم بن
 عبدالله مومنی الیهی هجوندن قورقیدی جهته حضورنده تسمیم ایتدیر مشدر
 بیچاره طعام مسمومی ییدیکی وقت ایچنده زهر اولدیغنی حس ایدرک در حال ایاغه
 قالقول وزیر زهیه کیده یورسک دیو صور دقده (بنی کوندر دیکک یره
 کیده یورم) دیمسیله وزیر (اوله ایسه والینه سلام سویله) دیدکده
 ابن رومی (یولم جهنمه اوغرامیه حق) جوابنی ویر مشدر .

ولادت (۸۳۶ م و ۲۲۱ هـ) ده بغدادده ووفاتی وقعه مذکوره دن اوچ
 کون صکره اولمق اوزره (۲۸۳ و یا ۲۷۰ هـ) ده کذلک بغدادده وقبری
 باب البستانده در .

§

﴿ علی ﴾ قوشی — ماوراء النهر شاهی (الغ) بک امر استندن بر
 ذاتک مخدومیدر اولاسمرقنده مشارالیه الغ بکدن ومؤخرأ قاضی زاده
 رومیدن تحصیل علم و معرفت و بعده اوزون حسن طرفندن ایکنجی دفعه
 اوله رق سفارتله در سعادت کلوب ایفای مأموریت ایلد کدنصکره کوردیکی
 حرمت ورعایت مبنی در سعادت اختیار اقامت ایش و علم هیئت و صرفدن
 (حمیده) و (فتحیه) و محاضره دن (محبوب الحمائل فی کشف المسائل)
 نام کتابلری یازمشیدی .

وفاتی (۱۴۷۴ م و ۸۷۹ هـ) تار یخنده وقبری ایوبده در .

§

﴿ علی القاری ﴾ — مؤلفین کرامدندر (۱۶۰۱ م و ۱۰۱۰ هـ)

تاریخنده وفات ایلدی بر تفسیری وشفاء شریفه شرحی و دهها بعض تألیقاتی واردرد .

§

﴿ علی ﴾ بن محمد — ابو حیان کتیه سیه شهرت شعاردر هر نوع علوم و فنونده ماهر و باخصوص فنون ادبیه بی ایجاد قادر بر ذات ایدی شیرازده تولد ایدوب (۹۹۰ م و ۳۸۰ ه) تاریخنده وفات ایلدی . بعض اقدواله کوره معتزلی الاعتقاد ولسانی غایت سخیف و برباد اولوب فضل و درایتی تقدر واسع ایسه کندوسی دخی او نسبتده قسمت ازلیه سنه غیر قانع ایدی . بر مدت بغدادده اقامتله بعده (ری) جانبده کیدوب انجیق اورادهده امرادن ابوالفضل ابن العمید وصاحب ابن عباد ایله خوش چکنه مدیکندن مومی الهمانی هجو و تزییف وحتی ذم و مساویلرینه دائر بر کتاب دخی تألیف ایلدی . او اخر عمرنده ایسه او قدر امکرله میدانده کتوردیکی تألیقاتی بعض اوهمامه مبنی کاملاً آتشه یاقدی آثار مذکوره دن بعضیلری اولجه شاگردلری طرفندن قور تارلش والیوم موجود اولان کتابلری بونلردن انتشار ایتشدر .

فضلادن (یاقوت) وابن النجارک شهادتلیرینه کوره ابو حیان صالح وعابد وهر کس صلاح و دیانتنه واثق و معتمد بر ذات ایدی (العهدة علی الراوی) .

§

﴿ علی النقی ﴾ یاخود (علی الهادی) بن محمدالتقی — عاشر ائمه اثنی عشردر ابوالحسن کتیه سیه مکئی ایدی . (۸۶۷ م و ۲۵۳ یاخود ۲۵۲ ه) تاریخنده وقرق یاشنده (سرمن رای) ده وفات ایلدی .

§

﴿ علی ﴾ بن هلال — ابن بواب لقبیه معروفدر متقدمین ومتأخرین ایچنده مثلی نایاب وهله حسن خط و فن کتابتده مهارت منفردانه سی تسلیم کرده اولی الباب ایدی . ابوعلی بن مقله نك خط کوفینیدن تبدیلاً طرز دیگرده وضع ایلدیکی خطی براسلوب بهین اوزره تهذیب وتعیین ایلدی که الان نسخ وثلت نامرله بین الامم مشهور واکثر کتب معتبرده زینتبخش سملک سطوردر . تألیقاتی ایسه لایعد ولایحصی وهر بری اربابی عتندده واصل

درجات اقتصادر . وفاتی (۹۳۲ هـ و ۳۲۰ یا خود ۴۱۳ هـ) تاریخنده مرقدی
بغدادده امام احمد بن حنبل جوارنده در .

§

﴿علی یحیی﴾ — چین و مغولستان خاقانی (قبلائی) خانک وزیریدر
فی الاصل او یغور تاتار لرندن اولوب ممالک غربیه چینیه ده تحصیل علم ایتش و نزد
خاقانیده پک چوق حیثیت واستقلال قزاقش ایدی . چینیه (هوانغ هو)
نهرینک منبعی کشف ایچون مومی البهک کوندردیکی بر جمعیت ریاضیه درت
آی سیاحتله اکیال مأموریت ایشدر .

§

﴿تماء﴾ — (کور) کله سنه نظر بیوریه .

§

﴿عماد﴾ — میر عماد دیمکله معروف خطاط مشهور اولوب (۱۶۱۷ م
و ۱۰۲۷ هـ) تاریخنده مقتولاً وفات ایشدر .

(عماد) سلطان نورالدین و سلطان صلاح الدین ایوبینک کتابت خدمتده
بولنان کاتب اصفهانینک دخی لقبیدر .

§

﴿عمادالدوله﴾ — بنی زیاد حکمداری مرد اویج طرفندن کرخ
والیسی ایکن مومی البهک اصفهانده مقتولیتی اوزرینه (۹۳۲ م و ۳۳۰ هـ)
تاریخنده عراق عجم و فارس و دیلمه جهتنرینی ضبط ایله سلطنت آل بویه یی
تشکیل ایدن ذاتدر . اسمی علی بن بویه ایدی .

(۹۴۴ م و ۳۳۳ هـ) تاریخنده بلا ولد وقوع وفاتنه مبنی یرینه اور تانجه برادری
رکن الدوله حسن یکدی . اشیبو رکن الدوله نک اوغلی عضد الدوله ملوک
آل بویه نک الپارلاغیدر . (بویه) بالفجیقله یکینور بر فقیر ایکن (بین السماء
والسمک) قبیلندن اولق اوزره جناب حق اولادینه سلطنت احسان بیوروب
اوج نفر اوغلاری علی و حسن و معز الدوله بر برینی متعاقب پادشاه اولشدر در
بونلرک سلاله سی مؤخرأ عراق عرب کرمان خوزستان و ممالک سائریه دخی
مالک اوله رق بوز یکرمی سکز سنه سلطنت سور مشر ایدی .

§

﴿عمار﴾ بن یاسر — اصحاب کرامند. صفین وقعه سنده امام علی کرم الله وجهه حضرت تیرنه یک چوق رارلق ابراز ایلدی. حقه ده جانب جناب رسالتدن (و یحک یا عمار ستقتلک الفئه الباغیه) بیورلدیغی و فی الحقیقه چوق سور میوب برقه باغیه طرفندن تسمیم اولندیغی بعض سیرده محرردر.

§

﴿عمالقہ﴾ — عملیق بن لاوذ بن سام اولاد لیدر. اشبو عملیق ابتدا یمنده (جو) نام محله توطن و منسوباته اثنای ریاستنده زیاده سیله فحشیاته انهمالک ایلدیکنندن (عماق) تسمیه اولندی. بونلر غایت آرغین و فسق و فجور و قطع طریقہ مائل بر قوم اولدقلرندن ملوک حیریه طرفندن طرد و دفع اولدقلرینه بناء یمندن اطراف بلادہ طاغلدیلر. اهل مشرق و عمان و بحرین و حجاز و فراغه مصریه و کنعانین دینکله مشهور اولان جبارہ شام هپ بونلردن ایدی. امم مرقومه نک بحرین و عمان و مدینه ده ساکن اولنلرینه (جاسم) دینلشدرکه (بنی ثب) و (بنی سعد بن هذال) و (بنی مطر) و (بنی الازرق) مدینه منوره ده اولان اشبوامت جاسمه دن ایدی (بدیل) و (ارمل) و (غفار) قبیله لری عمالقہ دن اولان نسوارقک ارض حجازدن تیمایه دکین متمد اولان نفوذی التده یعنی نجدده توطن ایتدکلر یچون ملک لری (ارقم) اسمیله مسمی اولشدر. عمالقہ طاقه سنک مصره هجر تلری (۳۸۰ خ) تاریخنده یعنی میلادک ایکی بیک ایکوز اون درت سنه مقدمنده در. اول وقت اون ایکنجی سلاله فراغه نی منقرض ایدوب اون اوچنجی سلاله نی تشکیل و مصر وسطی و سفلا ده برقاچ یوز سنه حکومت ایلدیلر.

§

﴿عمر﴾ بن الخطاب رضی الله عنه — ثانی خلفاء راشدین و حضرت ابوبکر الصدیق رضی الله عنہدن صکره امیر المؤمنیندر. زهد و طاعت و فتح بلاد و عدالتده نظیری کلدی فخر کائنات علیه اکمل التحایاق عالیرنده (لوکان بعدی نبیاً لکان عمر) بیوردی. ابتدای خلافت سنیدلری اولان (۶۳۴ م و ۱۳ هـ) تاریخنده (ابوعبیده بن جراح) و (خالد بن ولید)

شام شریفی یتش کون محاصره و استیمان ایله آلدقده والی بولنان طوماس فرار ایلدی و بعلبک و حجا و حص طرفلرینه آقین ایلدی و بر سنه صکره (ابو عبیده) زاب کنارنده ایرانلو ره مغلوب اولدی و (۱۵ هـ) ده ابو عبیده بن جراح (معرا) (لازقیه) (طرسوس) (قنسرین) (مرعش) (یافه) بی دخی الدی و امپراطور هراقلیوس پای تختی انطاکیه دن قسطنطنیه یه نقل ایتدکن صکره انطاکیه دخی ضبط اولندی . و مصالح عمومی مسلینی تسویه ایچون بر دیوان عالی تشکیل یورلدی و مشهور (قادسیه) و (مداین) محاربه لری سعد بن ابی وقاص حضرتلرینک همیله قرانیلوب ایران شاهی یزد جرد فراره مجبور اولدی و (۱۷ هـ) ده بصره شهری انشا و قدس شریف صلحا و (موصل) (رها) (حران) (سوس) (میافارقین) (نصیبین) (کرمانشاه) (بدلیس) (اخلاط) (ملاطیه) (شهر زور) (تکریت) و بعض کردستان کاه صلحا و کاه عنوة استیلا اولندی و (۲۱ هـ) ده افریقا اردوسی ایतालورک ایکیوز یک عسکرینی بوزوب (طرابلس غرب) ولایتی الدی و عجملرک نهاوند ده تجمع ایدن جسم اردوسی (نعمان بن مقرن) همیله بوزیلوب عساکر اسلامییه همدان و اصفهان و خراسانه طوغری ایلرولدی لکن نهاوند محاربه سننده نعمان بن مقرن ایله برابر یک چوق اسلام جام شهادتی نوش ایتدی و بر سنه صکره اسلامک بر فرقه سی اذربایجان و طاغستانه قدر کیدوب شیروانی صلحا الدی و دیگر فرقه سی دخی (ری) (کورکان) (طبرستان) (هرات) طرفلرینی و عمرو بن العاص مصر دن تونس ه قدر ممالکی ضبط ایلدی .

حضرت (عمر) رضی الله عنہک عدالنده اقرانی کلمیکی ادعا اولنسه بجادر حتی شرب خمر نه میله متهم اولان مخدوم عزیزی عبد الرحمانی وفات ایدنجه ده دکن ضرب ایتش و حتی حد شرعیدن باقی قالان اون دکنکی جسد بی روحی اوزرنده اکال ایتدیرمشدز .

حضرت (عمر) رضی الله عنہک ملک الروم ایله غزا قصدینه شامه طوغری عزیمتلی اثناده ملک الروم احوال موکب اسلامییه بی تجسدس ضمننده قرناسندن برینی کوندراشیدی مرتوم اردوی همایونه طور سیناده

یتشددی و حضرت عمری ارقه سنده قیون تو کندن منسوج یمالی برجه
وبندیکی اسبک اگر قاشنده برطوره دروننده اتمک اصیلی و شمسک حرارتنده
شمسیه و چادری اولمیدیغی حالده اردونک ایچنی طولاشوب تنظیم ایتکده
بولدی و کیدوب بو حال ملکنه خبر ویردیکی سرده بویله برکفتسر عسکره
مقاومت ممکن اولمز دیدیکنه بناءً ملک در حال مصالحه یه رغبت ایتدی .
حضرت (عمر) خلفادن امیر المؤمنین عنوان جلیله مظهر اولنلرک برنجیسیدر
بو عنوان صحابه کرامدن (مغیره بن شعبه) نک یا امیر المؤمنین دیو خطاب
ایتمسینه تحسین وجهه طرفدن اولوجهله تکریم اولمشدر .

حضرت مشار الیه (۶۴۲ م و ۲۲ ه) تاریخنده فیروز نامنده بر خبیثک
سم آلود خنجر غدیر یله جامعه شهید اولمشدر بو خائن مجوسی الاصل اولوب
تیمور جیلکده وسائر صنایعهده مهارتیه بناء عراقدن مدینه منوره یه جلب اولنش
واصحاب کرامک قلیچ و حربیه وسائر آلات حربیه لرینی اعمال و تعمیر ایله
مشغول بولنش ایدی . خائن او کون حضرت مشار الیهدن بشقه طوتمق
استه یانیدی ذاتی ده تلف ایتشدر .

§

﴿ عمر ﴾ الخلیام — علم حکمت و هیئتده یکتار عرصه فضل و مهارت
وفن احکام نجوم وسائر علومده افلاطون صفت اولوب نظم و انشاده ایسه
قدرتی حیرتفزا و خصوصاً کشیده سلاک نظم ایلدیکی رباعیات حکمت
آیاتی چرخ چارمه تعلیق اولنسه سزادر استرabad سمتده فیروز شهری
ملحقانندن اولان (دهک) ده تولد ایلدی عنفوان جوانیسنده حکیم
سنایینک استادی ناصرالدین شیخ محمد منصوردن اقتباس انوار معلومات
ایتش و سنی اونیدی یه واصل اولدقده علوم حکمییه نی تماماً تحصیل ایله
یکانه عصری اولمشیدی عالم شبانده اکثریا بلخده و آخر عمرنده نیشابورده
اوتوردی نزد سلاطین عظامده رهین التفات و احترام اولوب حتی سلطان
سنجر مومی الیهی کندو تختی یاننده و کرسی مخصوصی اوزرنده اقعاد ایدر
ایدی . (۱۰۷۴ م و ۴۶۷ ه) تاریخنده ملوک سلجوقیه دن ملکشاهک
وزیری مشهور (نظام الملک) ک امر یله تشکیل اولنان هیئت فیه یه بودخی
داخل ایدی بونلر نوروزی رأس حله تحویل و برصد وزیج ترتیب ایلدیلر .

خیامک مذهب تناسخه قائل اولدیغنی روایت و بوبابده بر غریب قضیه حکایت ایدرلر شویله که بروقت نیشابورده زلزله دن خراب اولان مساجد و مدارس تعمیر ایچون مرکبلر ایله کریجی نقل اولنورکن ایچلرندن بر مرکب صفه زردبانه کلدکده یوقاری چیقیق استمز و بر چوق طایق یدیکی حالده بر آدم بیله آتمز او اشناده خیام حاضر بولمغله همان قاقوب مرکبک قولاغنه

ای رفته و باز آمده و خم کشته نامت زمیان نامها کم کشته
ناخن همه جمع آمده و سم کشته ریش از پس پشت آمده و دم کشته

رباعیسنی او قونجه مرکب دفعه صفه صعود ایله یوکنی محلنه ایصال ایدر حاضرین سببنی اکلامق استدکارنده خیام دیرکه بوبدنه تعلق ایدن روح وقتیه بوراده بدل آزر آدم ایدی جسمندن مفارقتی اشناده عروج ایدهمیوب نزولده قالمغله بو حال کسب ایلدی که بمضیلر عنسدنده جهنم انجق بو وجهله در . بو سوزک بر لطیفه دن عبارت اولدیغنه شبه اولمیوب مومی الیهک حقنده بالعکس کرامتنی مؤید بعض اقوال دخی واردر قبری نیشابورده .

§

﴿ عمر ﴾ سکینی — حاجی بیرام ولی خلفا سندندر طریقت ملامیه بیرامیه بو ذاتدن ابتدا ایدر . حاجی بیرام ولی حضرت تلرینک وفاتندن عسکره پوست نشینی آق شمس الدین حضرت تلری اولدیسه ده قطبیت حیاته اشارت بیوردقلری اوزره اشبو عمر سکینی حضرتلرینه انتقال ایتشیدی مسقط رأسی بروسه وفاتی (۱۵۱۹ م و ۹۲۶ هـ) تاریخنده وقبری (کونیك) قصبه سنده در بو ایکی ذاتک بیننده تحدت ایدن اختلافی تحقیق ایچون (اق شمس الدین) کلمه سنه نظر بیوریه .

§

﴿ عمر ﴾ بن عبد العزیز — ملوک امویه دن کال اتقا و عدالتله موصوف بردات ستوده سماتدر . (۷۱۷ م و ۹۹ هـ) تاریخنده جلوسیه برابر سرایه متعلق کافه اشیای نفیسه دی صیاتوب ائماننی بیت الماله وضع

و کندوسنه یا لکزیومی ایکی درهم تخصیص ایلدی . امویه نك خطبه ده حضرت علی به سب عادت ملعونه سنی دخی لغو و سلب ایدوب اکا بدل (ان الله يأمر بالعدل) آیت کریمه سنی اوقوتدیردی که الیوم حکمفرمای السنه خطبادر .

فقط آل مروانك تخصیصاتی کسوب خزینه مانده ایدیشی بنی امیه به کران کلدیکندن سلطنتنك ایکنجی سنه سی بیک آلتون مقابلنده بر غلامی واسطه سیله تسیم ایتدیرلشدن دخی اثناده علی ملاء الناس اسمادن ورقه آیه نازل اولدیغنی روایت ایدرلر (برآة من الله لعمر بن عبدالعزیز من النار) مشار الیهک خصائل جلیله و مناقب جلیله سی حددن افزون و اکثر کتب سیرده مانند در مکنون موجود و مشخوندن .

§

﴿ عمر ﴾ بن هبیره الفزاری — دولت امویه مشاهیر رجالندن اولوب عراق و خراسانده مدت مدیده والیک ایتشدن مومی الیه اصلنده بنی فزاره دن بر فقیر الحال آدم اولوب بن عاقبت عراقه والی اولورم دیر و خلق سوزینه خنده استهزا الیه مقابله ایلر ایدی صکره عبد الملك زماننده وقوع عبولان غزالده کزه رک خیالی اعتبار و عبد الملك خاندانندن بر عورت آلوب شامده کرکی کبی اشتهار قزاندی بناء علیه عمر بن عبد العزيز زماننده (جزیره) به عامل ومؤخرأ یزید خلیفه اولدقده ابن هبیره یزیدك جار به سی (حبابه) به کمال میل و محبتی و یاننده بر سوزی ایکی اولدیغنی کورمکله حبابه طرفنه دوشوب پی در پی هدیه لر ارسالیله اطماع و معاونتی استحصال ایتکله بوسایه ده عراق والیکنه دخی نائل اولدی .

§

﴿ عمری ﴾ — بنی اسرائیل حکمدار لرندنبر مومی الیه اولای امرای عسکر به دن بری ایدی صکره (زمری) نام شخصك تغلباً تحت سلطنته قعودینی کورمکله (۶۷۶ خ) تاریخنده یعنی میلادك طقوز یوز اون سکر سنه مقدمنده کندوسی دخی اکا غلبه ایدرک تحت حکمداری به یکشمش و فقط (تنی) نامنده برینی بر مدت شریک سلطنت اتخاذ ایتکله مجبور اوله رق مؤخرأ انك دخی حقندن کلشدن .

مومی الیه (زمری) نك اثنای مغلو بیتندہ کندوسنی خانہ سیلہ برابر آتشہ
یاقدیغی دخی روایات تاریخیہ جلہ سندندر .

§

﴿ عمون ﴾ — حضرت لوط سلالہ سندن و قبیلہ ارض بلقاده
توطن ایش بر قبیلہ مفرزہ اسمیدر .

§

﴿ عمور ﴾ — (سدوم) کلہ سنہ نظر بیوریلہ .

§

﴿ عنبر ﴾ — مسکہ مشابہ رایحہ لطیفہ بی حائر یاغلی بر ماده در .
اشمو ماده عروسۃ البحر دنیلان ذوشدی بر یوک بالغک باغر صاقلری ویا
معدہ سی ایچندہ حصولہ کلوب آنک افر اغانندن اولہرق ژاپونیا وملوک
اطہلری و (قورو ماندل) ساحلی ومادا غشقار جواربی دکر لرنده پارچہ
پارچہ وبعضاً طویدن اولہرق بولنور . صودن غایت خفیف وکول رنکنده
وحرارت واسطہ سیلہ یومشایچی و بالومی کبی اریچیدر . (عروسۃ البحر
کلہ سنہ دخی نظر بیوریلہ) (عنبر قابوخی) دخی فروتون قسقاریلا یاخود
(الوتریا) دنیلان کوچک براغاجک قابوخی اولوب سنت دومنک جزیره سنده
حصولہ کلکده ومقوی ومهیج ودافع الحما اعتبار اولقمقده در .

§

﴿ عنصر ﴾ — حکمای متقدمین بوکلہ ایلہ اجسام وموادک شکل
ابتدائی برینی مراد ایدر ایدیلر . بونلردن بقراط وطرفدار لرینہ کوره عناصر
(جزؤ لاینجزی) دن عبارت وبونلر شکل وجسامتجہ بر برندن مختلف
اولدقلری حالده ترکیبلندن بالجمله اوصاف محسوسہ تشکل ایدرایمش . ارسطویہ
کوره ایسه عناصر حرارت وبرودت ویبوست ورطوبت کبی خواص
متضاده ایلہ بر برندن تفریق اولنور وآتش وصووهو اوتراب ماده بسیطہ لرلہ
سما ونجومی ترکیب ایدن وناقابل تغیر اولان (اتر) ماده سندن عبارت ایش .
هردوتہ کوره ایسه عناصر الک رقیق اولان (اتر) قسمندن عبارت بر ماده نك
استکال مختلفہ سندن عبارت اولوب ماده مذ کوره برودت وآتش واسطہ سیلہ
هوا یہ وهوادن صویہ وصودن ترابہ تبدل ایدر وحرارت واسطہ سیلہ ده

بعضاً تبدلات مذکورہ نك عكسى حصوله كلور ايمش . كيميائى جديدده ايسه عناصر لكه سيله بتون اجسام بسيطه مراد اولنور يعنى وسائط كيميويه ايله تحليلى قابل اولميان جسيمه اجسام عنصرية دنيلور كه بونلك شمدي يه قدر كشف اولنانلرينك عددى ۶۴ ياخود ۶۵ وارمشدرد الك مشهورلرى شونلردر . كوش . آرسنيق . آزوت . پيرموط . بروم . قاديوم . فاسيوم . قاربون . قلدور . قروم . قوبالت . باقر . قلاى . تيمور . مولدالماء . ايديوم . ايوت . مانيزيوم . مانعاز . جيوه . نيكل . التون . فوسفور . پلاتنا . قورشون . مولد الجموضه . پوتاسيوم . روديوم . سيليسيوم . سوديوم . كوكرد . سترونيوم . تلاور . توتيا . زيرقونيوم . اجسام عنصرية دن الك صكره (۱۸۷۵ م و ۱۲۹۲ هـ) تاريخنده كشف اولنان دخى غالايوم در .

§

﴿ عتقا ﴾ ى مغرب — بويى اوزون توكى كوزل بر بيوك قوشك اسميدر . بوحيوان مقدمات موجود اولوب هجرت نبويه دن مقدمه پيغمبر اهل رس حفظله بن صفوان الحيرى عيسى ياخود (خالد بن سنان) دعاسيله منقرض اولديغى بعض توارينخده كورلدى . مصر ليلرك افسانه قيلندن اوله رق بيان ايتدكلرينه كوره عتقا قرتال قوشى جسامتمنده برحيوان اولوب بويونك توكلرى التون كبي پارلاق صارى وقويروغى يياض ايله مخلوط پنبه رنگلى وكوزلرلى غايت كوزل ايمش وعمرى تمام اولديغى براز اولجه حس واواشاده شمس دخى يوواسنى احراق ايتك جهتيله يكيدين بر يووا يايوب وايچنى نباتات عطريه ايله تزئين ايدوب اوزرينه اوتورر واوراجقده تلف اولور كيدر وكيكى ايچنده كى صوغلجاننن ديكر بر عتقا وجوده كلور وبو ياورى اناسنك جثه سنى مرصافى ايله ياپديغى برمحفظه درونته وضعله بعلبكده شمس معبدينه كوتورر ايمش . عتقا قوشنك عربستان چوللارنده بش التى يوز سنه معمر اولديغى دخى روايت ايدهورلر . (عتقانك فى زماننا هذا آشيانساز) وجود اولديغى يرلر شعرا بيلتريدرد . ايرانيلىر (سمرغ) و (سيرنك) دپرلر (هما) دخى عتقانك غيرى اولماق كرك .

§

﴿عنكبوت﴾ — علم حیواناتده سلامی فاملیاسندن بر حیواندر .
 دماغ صدریسنک جهت بطنیسنده متحرک درت چفت اوزونجه ایاقری
 اولوب اولکی بر چفتنک اوزونلغی دهها زیادهجهدر . بر کیسه ایانک
 برینی طوتوب قویورمز ایسه او ایانک پارچهسنی براغوب فرار ایدر
 وبطننده مایع حالنده بولوب هوایی کوردیکه صلب حالنه کیرن ایپلکنی
 استدیکی زمان مغز لرندن چیقارهرق صید ایچون استعمال ایلر وسینکری
 طومتی ایچون بش دقیقه طرفنده الک بولک برآغ یاپه بیلور . بیچاره سینک
 آغه چاریدیغی کبی آغک ترکیبنده اولان محالیب ایله طاقیلور و آغک بر
 کنارنده یاخود اورتهسنده کیرلنش اولان اورمچک درحال خبردار اولهرق
 کلوب سینکی صیم صیقی صارار واکشه کوکندن دهرک اممکه باشلار .
 اورمچکک انواعی چوق اولوب (غال اود) یعنی (بو) دنیلان نوعی سملی
 ورهز بیلاده (میغال) دنیلوب یتش بش معشار ذراع طولنده اولان نوعی
 غایت قورقبح ومضر حیوانلردر . اشبو حیوانانک کافه سنک کوزلری
 سکرر عدد اولور .

§

﴿عوج﴾ بن عنق — ارض کنعانده باتنی قبیله سنک ربیسی
 یاخود بازان ولایتک حکمداریدر تورانده (عسروث وادر عایده ساکن
 باسان ملکی عوج) دیو محرردر . حضرت موسی علیه السلام آخر عمرینه
 قریب زمانده بنی اسرائیل ایله برابر بریه تپدن حرکتله عمور اراضیسندن
 کچوب فلسطینه اردن نهرینک جانب شرقیسنده مرقومی و قبیله سی خلقی
 قتل واسیر ایشیدی .

اشبو عوج بن عنق ویاتنی اهلایسی غایت جسور وقوی البنیه اولوب
 اولوقت بنی اسرائیلک کوزینی کرکی کبی ییلدیردیغندن اسرائیلیات عوجی
 حالا کوکه چیقارمقده ودکزدن بالق طوتدیروب کوکده پیشیرتدیرمکدهدر .

§

﴿عود﴾ — الیوم غیر مستعمل آلات موسیقیه دندر بو آلت
 ابتدا ایکی قانلی التی صره کریشدن عبارت ایکن مؤخرآ اون واون ایکی
 ویکرمی درت کریشدن ترکیب ایدلمکه باشلادی بو کریشتر اشاغیسی مدور

و قاپلومبغه شکننده بر جسم اوزرنده اولوب جسم مذکورک نهایتنده کیرویه
طوغری اکر یلش برده ایکلی قولی وار ایدی . قانوندن اول دائماً قالین
و آغر سس مراقلیری عود استعمال ایدر لر ایدی کمان عودک وهنوز
اسپانیاده استعمال ایدلمکده اولان اینجه کمانک کوچکیدر و فی الاصل عربلردن
مأخوذدر .

§

﴿ عود ﴾ — بر معروف اغاجدر . اکثر یا هندستان و بلاد شرقیه ده
چیقار . طبیعتی حار و یابس اولوب استعمالی معده دن رطوبات متعفنیه بی
و صغوق و ضعف مشانه دن متحصل مضراتی دفعه مدار ایدر و دماغه
قوت ویرر و قینادیلوب صوبی ایله مضمضه ایدلدیکی حالده آغز
قوقوسنی دخی ازاله ایلر . انواعی بروجده آتی یکرمی ایکی قسمدن عبارتدر
(عود اسود) (عود ازرق) (عود بری) (عود جبلی) (عود جلالی)
(عود سراسب) (عود ریطسانی) (عود سفالی) (عود سمندوری)
(عود صنی) (عود صینی) (عود طافی) (عود قافی) (عود کشمیری)
(عود قطعی) (عود قاری) (عود لوانی) (عود مانطانی) (عود مندلی)
(عود منقط) (عود موشی) (عود هندی)

§

﴿ عون الدین ﴾ — عباسیه وزراسندن بر فاضل یکانه ایدی .
کنیه سی ابوالمنظر اسمی یحیی بن هبیره مسقط رأسی عراقده (بنی اوقر)
قریه سیدر . هنگام شباننده بغداده کلوب استماع احادیث نبویه و تحصیل
فنون سائر ایله کتابت و انشاده دخی کاینیخی اکتساب مهارت ایلدکدن
صکره بعض کونه امور دولته استخدام اولمش و بعده دیوان کتابتی
خدمتی ایضا ایدرک برمدت صکره خلیفه مقتفی لامر اللهه وزیر اولشد .
مسند وزارتیه صعودندن اول تقی جلال الدین ایکن وزارتندن صکره عون
الدین (تلقیب اولندی . مجلسی جمیع علما و فضلا اولوب حضورنده
حدیث شریف قرائت ایدیلور و سائر هنر نوع فنوندن کونا کون مباحثه
اولنور ایدی . مشایخ عظامدن ابوالفرج بن جوزی و امثالی ذوات کمدوسندن
استماع حدیث ایلشدر (مرأت الزمان) نام تاریخک مؤلفی شمس الدین

ابوالمظفر يوسف مشار اليهك كوله لزندن (فرغلي) بن عبد الله نام
ذاتك زوجته سي ومومي اليه ابو الفرجك كريمه سي اولان خاتوندن تولد
ايشيدي .

(عون الدين) خليفه مقتفي به اون بر سنه وزارت ايدوب (۱۱۵۵ م
و ۵۵۰ هـ) سنه سنده مقتفي وفات ايدوب اوغلي مستنجد بامر الله يرينه
خليفه اولدوقده مشاراليه يته رأس مأمور يته قاهره بش سنه دها
معمر اولدوقدن صكره (۱۱۶۴ م و ۵۶۰ هـ) تاريخنده وفات ايتكله ونعشي
بغدادده ياپدرديغي مدرسه درونه دفن اولندي . فنون متنوعده تاليفاتي
وارد .

§

﴿ عيد الصليب ﴾ — روماليره مخصوص بر بيرامدر يسوك
قسطنطينك والده سي (الن) (۳۱۴ م) تاريخنده قدس قامه كليساسني
انشايه وتلمريني حفره باشلاديغي صرهده حضرت عيساي كويا اعدام
ايتدكري صليبيك اغاجلريني بولوب رومايه كوندرمىشيدي . اولوقندن برو
روما اهالي سي بونك ورودي كوني تخطر ايچون هر سنه ايلولك اون
دردنجي كونده اشبو بيرامي اجرا ايدرلر ايدي . مؤخرأ (۵۴۳ م)
تاريخنده كانون ثانيك التجبي كونه تحويل ايدلمشدر .

§

﴿ عيد غدير ﴾ — (غدير) كله سنه نظر بيوريه .

§

﴿ عيد قتل مجوسان ﴾ — ايرانده (۵۷۰ خ) تاريخنده يعنى
ميلادك بشيوز يكرمي ايكي سنه مقدمنده عادت ايدلمشدر . (سميرديس)
كله سنه نظر بيوريه .

§

﴿ عيد قيام ﴾ — ملاحده اسماعيليه مخصوص بر بيرام اولوب
هر سنه رمضانك اون يدينجي كوني اجرا اولنور ايدي .
ملاحده مرقومه دن (الموت) حاكي آخوند حسن (۱۱۶۳ م و ۵۵۹ هـ)
ياخود (۵۵۳ هـ) تاريخنده اهالي بي بر صحرايه جمع و بالسذات منبره

صعود ایدوب (بن تکالیف آلهیه بی سزدن عفو ایتدم و قرآن کریمک معانی ظاهره سی معتبر اولدیغنی اشته سزه رسماً دخی سسویلدم ارتق بوندن بویله اول صورتله عمل ایتمکز لازمدر) نتیجه لی بر طاقم هرزه لر قارشیدیرمسی اوزرینه اهالی بمجتمعه یکدیگرینه تبریکه باشلایه رق او کونی عید قیام تسمیه ایلدیلر .

حاکم مومی الیهک (۵۶۲ هـ) ده اشبو مذهب لایندهبدن عدول و بغداددن کتورتدیکی علما واسطه سیله مذهب اهل سنتی قبول ایلدیکی دخی منقولدر . روایت اخرایه کوره عدول ایدن مرقومک سلاله سندن (جلال الدین) نام شخصدر .

§

عید میلاد ﴿ ۱ ﴾ — اهل صلیبه عائد بیراملردن اولوب (۵۴۳ م) تاریخنده شرق ایمراطوری (ژوستنین) ک امریله کانون اولک یکریمی بشنجی کونته تحویل ایلدیشدر . مومی الیه اولوقت عید صلیبک دخی کانون تاننک التجی کونی اجرا اولمسنی امر ایتشیدی . ارمنیلر ایکیمینده قبول واسکی عادتلرینی ترک ایتدیلر .

§

عیسی ﴿ ۲ ﴾ علیه السلام — پیغمبران اولوالعزمندیر ۲۵ کانون اول (۵۵۹۴ خ) تاریخنده قدرت بالغه صمدانیه اثری اوله رق مریم بنت عمران نام مخدره باکره نك صدر نجابت مصدرندن زیور مهد وجود اولوب ده ا طفل شیر خواره ایکن بشکده اوچ دفعه تکلم ایلش وبعده حد کلام معتاده دکین برشی سولما مشدر . مولدی قدس شریف جوارنده بیت اللحم قصبه سیدر .

حضرت عیسانک خلاف عاده اوله رق یعنی وقت مرهونسندن اول تولد ایلدیکنی وبعضیلری علی العاده طوغدیغنی روایت ایدرلر . (تاریخ مذکوره نظراً ولادت سنه آخرینه التي کون قاله وقوعبولش اولدیغندن تاریخ میلاد (۵۵۹۵ خ) سنه سی ابتداسندن معتبر طوتیلور) صباوتنده والده سیله ووالده سنک عمی زاده سی یوسف ایله مصره هجرت واون سنه بی متعاقب قدسده ساعیر قصبه سی جوارنده واقع (ناصره) قریه سنه

کلوب او توز یاشنه قدر اوراده اکلند کدن صکره اوچ سنه تغیز احکام نبوت ایتدی بعده یهودیلرک وقوعبولان خیانتنه بناء رفع بیورادی . رفی بیت مقدسه ليله قدره تصادف ایشیدی بعضیلری کوندزین اوچ ساعت قدر ترک حیات جسمانی ایدرک بعده امر حقه سمایه رفع اولندی دیرلر . والدہ سی جناب مریم کندوسندن صکره الی سنه ده‌ها یاشامش و ملک رومک امر یله حضرت مریمه پک چوق نوازش و اکرام و حضرت عیسی حقنده وقوعبولان غدارلغه مقابل بنی اسرائیلدن برجم غفیر اعدام اولمشدر .

§

﴿ عیص ﴾ حضرت یعقوبک توأم قرنداشیدر لقبی ادوم در رئیس بولندیغی ادوم قبیله جسمیه سیله ارض کنعانک طرف جنو بیسنده ساکن اولور ایدی .

بروایتده وفاقی ده حضرت یعقوبک وفاتیله توأمدر .

§

﴿ عیصون جابر ﴾ — بلاد (ادوم) جنو بنده یعنی بحر احمرک منتهای شرق شمالیسنده براسکله در وقتیله هندستانه ایشلیان فیکه تجار سفائنک مرکزی ایدی الیوم اوزرنده عقبه یاخود (قلعه العقاب) ناحیه سی کائدر . حضرت سلیمانک اولوقتلر بوراده برترسانه یاپدیردیغی و ترتیب ایتدیکی دونما اوچ سنه ده برکره هند و صوماتره وزنکبار جهنلرینه سفر ایدوب کایتلو غنائم ایله عودت ایلدیکی و بودونماده فیکه و صور و طرسوس اهاالیسندن فنون بحریه یه واقف طائفه لر استخدام اولندیغی توارینجده مقیددر (فاران) کله سنه ده نظر بیوریله .

§

﴿ عیلام ﴾ — سام بن نوحک ایکنجی اوغلیدر حین تفرقه منسوباتیله عجمستان جنوبی یه کیدوب توطن ایش و صکره مادر و لوزستان و قهستان سکنه سی بونلردن منشعب اولمشدر بوکا آلام دخی دیرلر . (۲۴۱۵ خ) ده پیشدادیان حکومتی تأسیس ایدن (کیومرث) اشبو عیلام سلاله سندن اولوق کرک .

﴿عین اکبر﴾ — مشایخ خلوتیه اولولرندندر مولدی اولان
بروسهده واستانبولده برمدت تدریس ایله مشغول اولوب مؤخر اشیخ مصری
حضر تدرینه انتساب وبعد وفاته خلیفه سی شیخ قاسم حضر تدرندن اكمال
طریقت وآداب ایشلدر . کمال عشقندن ناشی دائماً اغلر و کندوسندن بلاراده
یک چوق خوارق عاده شیر ظهور ایلر ایدی . شمائل شریفی ترکیه نظم
ایلدی ووفاتی (۱۷۲۱ م و ۱۱۳۴ هـ) تاریخنده وعوقبولدی .

§

﴿عینتاب﴾ — حلبک ۷۷ کیلومتر و شمالنده یکریمی یک نفوسی
حاوی برشهر اولوب اگرچه هواسی لطیف ایسه ده ایکیده برده ولوله ویرن
زلزله سی لطافتنی قاچرمقدهدر . بوراده اعلا نقشه قطنیه و سختیان اعمال اولنور
واهاالیسی علی الاکثر ذکی وفطین و اشعاره مستعد اولور .
سوریه ورومالیلر زماننده برکوچک حکومتک مقرر اداره سی ایدی (۱۴۰۰ م
و ۸۰۳ هـ) تاریخنده تیورانک ضبط و تخریب و برمدت صکره ترک ایشلدر .

§

﴿عین التجار﴾ — عکاک کیر و سنده وطبرییه جوارنده بر موقعدر
شامدن مصره کیدن کاربانلر بوموقعده قوناق ایتدکار یچون عین التجار نامنی
آلمشیدی حضرت یوسفک آتلدیغی قیو موقع مزبور جوارنده اولدیغی
سویلنور فی الواقع بو جوارده جبل یعقوب اتکنده بوستان قیوسی کبی
برصولی قیو اولوب کلان یکن کاربانلر اوراده حیوانلرینی صولامقده
واشبو قیودن بر ساعت اوتده ده دخی قطع ناقص شکلنده بر یوک و قوری قیو
کورلمکدهدر . فقط اورالردن یالکز کچلمک مشکل اولور .


§

﴿عینی﴾ — متبحرین علمای حنیفه دن اولوب اسمی محمود بن احمد
بن موسی لقبی بدرالدین در (۱۳۶۰ م و ۷۶۲ هـ) تاریخنده عینتابده بدر
وجودی تاب افزای افق عالم شهود اولدی .

حتایق علوم و فنونه عارف ودقایق احوال واموره واقف بر علامه پرمعارف
ایدی مصر قاضیلکی اثناسنده جامع ازهر قربنه بر مدرسه و بر باب
کتابخانه تأسیس و انشاسیله مثاب اولمشدر .

تألیفاتی (شرح بخاری) و بری بیسوک دیکری کوچک ایکی عدد (شرح شواهد) (شرح معانی الآثار) (شرح الکنز) (شرح المجمع) (شرح عروض السادی) (طبقات الحنفیه) (طبقات الشعرا) (مختصر تاریخ ابن عساکر) (شرح الهدایه) (شرح در النجار) و سائر اولوب بونلردن بشقه نامنه منسوب برده تاریخ کبیری واردرکه تام التمش جلدی شاملدر .
طریق تدریسدن باب عالی فارسی خواجه لکنه تحویل مأموریت ایدوب (۱۸۳۸ م و ۱۲۵۴ هـ) تاریخنده وفات ایدن دیوان ونظم جواهر صاحبی عینتابی حسن افندیك مخلصی دخی (عینی) در .

§

عینه  بن حصین — بنی فزاره قبیله سنک رئیسدر عهد سعادتده عرض اسلام ایتیشکن انتقال نبویدن صکره دعوای نبوت ایدن بنی اسد قبیله سندن طلیحه بن خویلد نام کذاب قومندن بدی یوز نفر کسه ایله اتباع ایدوب مدیری اولمشیدی مؤخرأ حضرت صدیق اکبر رضی الله عنه طرفلردن خالد بن ولید حضرتلری مأموراً کیدوب کذاب مرقومی وجعیتی پریشان ایلدیکی صروده اشبو عینه بی دخی طوتوب قید و بند ایله مدینه منوره یه کوندردی و بونک اوزرینه عینه حضور صدیق اکبرده تاباً اسلامده ثبات وبعده مکه مکرمه یه عزیمت ایدوب انجق مدت حیات حضرت ابی بکرده حیا سندن مشارالیه ایله ملاقات ایده مدی . مرویدرکه عینه حضرت عمر رضی الله عنه قرناسندن برادر زاده سی حربن قیمی مدینه منوره ده کوره رک مومی الیهک دلائله حضور فاروق اعظمه داخل اولدقه همان دهنککشای خطاب اولوب (یا بن الخطاب سن بزه عدالتله حکم ایتورسک) دیه مشارالیهک عرق حدت و غضبنی تحریک ایلدکه حربن قیس مقام نیازده یا امیر المؤمنین باری تعالی نبی مبعوشه (خذ العفو وأمر بالعرف واعرض عن الجاهلین) بیورمشدر اشته عینه دخی زمرة جاهلیندنر صوچنی عفو واعراض ایله دیمکله مشارالیه حضرتلری عینه حقنده تصور بیوردیغی مجازاتی عفو و صفحه تبدیل بیوردی .



(ع) حرفنده اولان ممالک دولت علیه

در ولایت	در لوا	در قضا	اسم و اعتباری	
وان	وان		قضا	عاندجواز
موصی	کرکوک		ناحیه	عاقو
دیار بکر	مار دین		ناحیه	عالیات
یمین	حدیده		ناحیه	تاهم
یمین	حدیده		ناحیه	عبس
یمین	تعر		ناحیه	عبوس
سوریه	عکا		ناحیه	عثمیت
اطنه	جبل برکت		قضا	عثمانیه
سیواس	اماسیه		قضا	عثمانیچق
صنعا	صنعا		ناحیه	عشمه
سوریه	حوران		قضا	عجلون
طرابلس غرب	طرابلس غرب		قضا	عجیلان
یمین	تعر		قضا	عدین
صنعا	صنعا		ناحیه	عر
حلب	حلب		ناحیه	عربان
طرابلس غرب	طرابلس غرب	عینتاب	قضا	عربان
حلب	حلب		ناحیه	عربان
قونیة	نیکده		قضا	عربسون
معموره العزیز	معموره العزیز		قضا	عربکیر
جبل لبنان	جبل		ناحیه	عربقوب
سوریه	سوریه		ناحیه	عربون
حلب	حلب		ناحیه	عزاندیل
اطنه	اطنه		ناحیه	عزیر
بغداد	بغداد		ناحیه	عزیری
موصی	سلیمانیه		ناحیه	عزیزی
سیواس	سیواس		قضا	عزیزیه
سوریه	شام		ناحیه	عسال
موصی	سلیمانیه		ناحیه	عسکر
یمین	یمین		مرکز لوا	عسیر
اطنه	جبل برکت		قضا	عشاره
خداوندکار	کوتاهیه		قضا	عشاق
یمین	صنعا		ناحیه	نصمیان

اسم و اعتباری		در قضا	در لوا	در ولایت
عقار	ناحیه		صنعا	ین
عقره	قضا		موصل	موصل
عقر قوب	ناحیه		بغداد	بغداد
عکا	مرکز لواء		عکا	سورید
عکا ساحلی	ناحیه	عکا	عکا	سورید
عکار	قضا		طرابلس شام	سورید
عکار نلث	ناحیه	عکا	طرابلس شام	سورید
عکار نلث	ناحیه	عکا	طرابلس شام	سورید
علا نیه	قضا		تمکه	قونیه
علا	ناحیه		حما	سورید
علا یق	ناحیه		طرابلس غرب	طرابلس غرب
علاج	ناحیه	دیوانیه	حله	بغداد
علوجند	ناحیه		سملانیه	موصل
علیا باد	ناحیه	خانقین	بغداد	بغداد
علی الشرق	ناحیه		عماره	بغداد
علی الغربی	ناحیه		عماره	بغداد
عمادیه	قضا		جولدمرک	حکاری
عماره مع خشا	ناحیه		تجز	یم
عماره	مرکز لواء		عماره	بغداد
عران	قضا		صنعا	ین
عمرانیه	ناحیه		بغداد	بغداد
عمریه	ناحیه		ماردین	دیار بکر
عمرکان	ناحیه		ماردین	دیار بکر
عقی	ناحیه		حلب	حلب
عقی اووه	ناحیه		حلب	حلب
عذتره	قضا		زور	حلب
عند	قضا		بغداد	بغداد
عند وادی	ناحیه		فران	طرابلس غرب
عندود	ناحیه		تجز	یم
عندود مختصاری	قضا		سملانیه	سملانیه
عوینه	قضا		ماردین	دیار بکر
عیسی بکی	ناحیه		ماردین	دیار بکر
عیش	ناحیه		انقره	انقره
عیناب	قضا		حلب	حلب
عین ترانو	ناحیه		جین	جبل لبنان

حرف غ

﴿غاز﴾ — هوا کبی شفاف و قابل تضییق بالجمله سیالات هواییه تعبیر اولنور غازلرک اکثری غایت قوتلی تضییق و یارودت واسطه سیله تمیع و تصلب ایتدکلرندن بخره مستعد مایعات بخارلری اولدقلرنده شبهه یوقدر غازلرک بعضیلریده مولدالماء و مولدالمحوضه و آزوت و اوقسید دوقاربون و علی العموم بطاقلق غازی کبی تضییق و یارودتله تمیع ایتزلر . بتون غازلر جملری لاینقطع بیویه رک موضوع بولندقلری قابله جزئی کلی تضییق اجرا ایتک خاصه سیله متصفدرلرکه بو خاصه یه غازلرک قوه الاستیقیه بی تعبیر اولنور .

تضییق ایدلجکه غازلرک جملری کو چلدیکنی اول (ماریوت) نام حکمتشناس کشف ایدوب مؤخرأ جملر تضییق خارجیلر ایله معکوساً متناسب اولدیغنی بالتجربه اثبات ایلشدر .

مایعات غازلری بلع و حل ایدرلر مثلاً صوهوا دروننده موجود مولد المحوضه ایله آزوتی ۳۲ و ۶۸ نسبتنده حل ایدر بالقلرک دکزده یشاملری صوبک هوا دن حل و بلع ایلکده اولدیغنی مذکور ایکی غاز واسطه سیله در غازلری بدرجه یه قدر تسخین ایدلش چلیک کبی بعض جسملره نفوذ ایلدیکی کبی اجسامک سطحلرنده تکاثف و بعض اجسام صلبه داخلنده حل اولنورلر . کور کندو جمنک طقسان مثلی نشادر روحی واللی بش مثلی (ایدروژن سولفره) بلع ایده یلور .

بلاتنه و کوش والتون و (آلینوم) یوقاری درجه حرارته مختلف غازلردن

برچوق مقدار بلع ایدر لر غاز لر بربر یله برلشدکری حالده دائماً برنسبت بسیطه اوزره بولنورلر مثلاً یکی قسم مولدالماء بر قسم مولدالمحوصه ایله وینه بر قسم مولدالماء بر قسم (قلور) ایله برلشور .

غازلره دائر ایلک تجربه لر (هلمون) نامنده بر ذات طرفندن اجرا اولمش و مؤخرأ (ماریوت) و (توربسلای) و (کیلوساق) و سائر واسطه سیله خواص حکیمه لری معاینه و کشف ایدلمشدر . سواقلری اضافیه ایچون یاقیلان غازلر (قاربون ایله) ایله (مولدالماء) دن مرکب برغازدر بوغاز علی العموم اجسام عضویه و باخصوص معدن کوری دنیلان ماده احراق اولنورق استحصال ایدیلور بناء علیه اجزای مرکبه سی استحصال اولندیغی ماده یه کوره تبدل ایدرایسه ده اصل ماده مضئده سی (غازولفیان) دنیلان غاز ایله بطاقلق غازندن عبارتدر .

سواق غازی الیاهون اولوق اوزره معدن کورندن استحصال ایدیلور بونک ایچون معدن کوری اسطوانه لره تقطیر ایدیلوب حاوی اولدیغی مواد اجنبیه دن و باخصوص قوقوسی پک فنا اولان (آسید سولفدریک) ایله (آسید قاربونیک) تعبیر اولنور ماده لردن تخلیص ایچون مذکور ایکی غازی بلع ایده جک مواد داخلندن حوضله امرار ایدیلور .

برکیلوغرام معدن کورندن ایکی بوزدن اوچیوز لیتره یه قدر غاز حصوله کلدکدن بشقّه محل تکثفله ده یعنی غاز و متره لره صنایعه کثیر الاستعمال برچوق مواد حصوله کلور که مواد مذکوره (نیزین) و نیرتیلی مواد ایله برقایچ درلو مواد ملونه و قطران و (آلفال) ی شامل سائر مواددن عبارتدر تنویر اسواق ایچون طوغریدن طوغری یه صودن مولدالماء استحصالی دخی تجربه اولتمشدر صودن مستحصل مولدالماء ۲۰ دن ۳۰ قسمه قدر (اوقسید دوقاربون) ایله ۷۰ دن ۸۰ قسمه قدر مولدالماء دن مرکب اولوب قزمزی درجه حرارتده قوقدن صوبخاری امرار ایله استحصال اولنور لیکن بهالی و صحتیه مضر اولان (اوقسید دوقاربون) ماده سنی شامل اولدیغندن و کیت کیده رنگنی تغیر ایلدیکندن ترک اولتمشدر .

دیگر برنوع غازدها بولتمشدر که بوده (ترمنتی) روحی ایله نقطدن مرکب بر ترکیب اوزرینه صغوقده جریان هوانک تأثیر دائمیه سیله استحصال اولنور .

غازیله تنویر اولا (۱۷۸۵ م و ۱۲۰۰ هـ) تاریخده فرانسهده بولمشدن
فرانسه مشاهیر مهندسیندن (لوبون) تاریخ مذکورده اغاجلرک حرقندن
حصوله کلان قابل اشتعال غازلرایله خانهلرک تنویرینی دوششمس ایسهده کسه
طرفندن نظر اهمیتیه آلمدیغی حالده یکریمی سنه صکره ایکی انکلیزلی مومی الیهک
تجربه سندن استفاده ایلشدن . (۱۸۱۶ م و ۱۲۳۲ هـ) تاریخنده ایلیک دفعه
غازفابریقه سی لوندرده تأسیس اولندی و (۱۸۲۰ م) ده انکلتزده
(پورتاتیف قومپریمه) دنیلان برنوع غازدخی ایجاد اولندیسهده پاتلامه
مخدورینه مبنی ترک ایدلدی (موزومریبون) نامنده برزات دخی فابریقه لرک
صاحبولی صولردن برنوع (پورتاتیف) غازینی بولدی و بونک استعمالی
پارس ایله بعض فرانسه ولایتلرنده شایع اولدی .

§

غازان — تبریزده حکومت ایدن ملوک ایلیخانیه دندر مقدا
سلطنت ایرایه طرفندن خراسان والیسی ایکن شاهلری (بایدو) خاندن متفراً
درگاهنه التجاییدن امرا وضابطانله قوت بوله رق بایدویه غلبه ایتدکن
صکره سلطان عنوانیه تبریزده تخت ایلیخانیه اوتوردی و باعث
مظفریتی اولان مشهور امیر نوروزی وزیر اعظم تعیین ایتدی .
مؤخرأ شیخ ابراهیم الحموی تلقینیه اسلامی قبول ایدرک سلطان محمودتسمیه
اوانوب اوکون دائره سی منسوبایله امرا وضابطانندن سکسان بیک مغول
مسلمان اولدی . مشارالیه عبادات و طاعاتی و فی سبیل الله جهادی سور
و علما و حکمایله مباحثه یه رغبت ایدر و دیکرلرینک او مثلاًو مباحثاته مجلسی
آچیق طوتار برخان نادرالاقران ایدی وفاتی (۱۳۰۲ م و ۷۰۳ هـ)
تاریخنده و قبری تبریزده در .

قونیه بی مقر سلطنت اتخا ایدن ملوک سلجوقیه سلطان غازات زماننده بتون
بتون دولت ایلیخانیه نك حکمی التمه کیرمش و نفوذلی تبریزدن کوندریلان
امرای مغول یدینه یکمش و بونلر کندولرینه ماشاة ایتمیان حکمداران
سلجوقیه بی همان برشکایتله عزل و تبدیله مقتدر بولتمش ایدی .

دولت سلجوقیه نك انقراضی سلطان غازانک وفاتی سنه سنه مصادفندر .

§

غال امارتی — انکلیر نزدیکه (وود) قدماجه (قامبریا) بیوک بریتانیانک قطعہ غریبسنده بر ناحیه در شمالاً ایرلانده دکری غرباً سن ژورژ قنالی جنوباً بریستال قالی شرقاً مونمون هر یفور شورپ شستر قوتلقریله محدوددر طولاً ۶۵ عرضاً ۱۴۰ کیلومترو اتساعنده اولوب سلت جنسندن برملیون ایکی یوز بیک نفوسی جامعدر . امارت مذکوره اون ایکی قوتلغه تقسیم اولمشدر وهواسی شدتلی صغوق ایسهده صاغلاندر وطاغری بتر درجهده معدن کورلرینی حاویدر . التون کوش باقرقورشون تیمور معدنلری کثرت اوزره بولنور زراعت آز بر درجهده وصناعتی معدن وفانیله اعمالتدن عبارتدر . اهلیدن طاغلرده ساکن بفرقه قدیم سلت لسانندن منشعب برلسانله تکلم ایتدکری کبی اخلاق قدیمه لری اوزره متخلقدرلر . غال امارتی بریتانیای بریدن نشأت ایدن غالو کیریس مهاجرلری طرفندن اعمار ایدلدیکندن غال نامنی آلمشیدی . رومالیر بورایی ضبطه بر قاچ دفعه قویولدیرسهده موفق اوله میوب (۱۸۱۱ م) تاریخنده بریتانیای کبیری ترک ایتدکارنده اهلایی زمام حکومتی (پن دراغون) تسیمه ایتدکری بری یدینه ویردیلر وانکلیر ساقسونلرینی ودانیمارقه لیلری ونورمانلری بر بری آردنجه دفعه ایدوب (۱۲۸۳ م و ۶۸۲ ه) ده برنجی ادواره تبعیته مجبور اولدیلر فقط کاملاً انکلتریه التحاقلری سکزننجی هزاری زماننده در (۱۵۳۶ م و ۹۴۳ ه) ده ایکنجی ادوار اوغلنه پرنس دوغال نامنی اعطا ایلدی اولوقندن برو انکلتره قرالری ایلاک اوغلارینه بونامی ویرمکده درلر .

§

غال یاخود (نوووغال) — انکلیر امریقاسنده برجسیم شهردر شرقاً هودسون دکری شمالاً شستر فیلد کورفرزی غرب وجنوب غریبه روشو طاغلرینک شعبه لری جنوباً قناده ایله محدوددر ایکیبیک ایکوز کیلومترو طولی ودرتیوز الی کیلومترو عرضی اولوب میسسیپی نام نهراشو قطعہ بی نوووغال جنوبی نوووغال شمالی نامریله ایکی به تقسیم ایدر اهلایی قرق بیک راده سنده در هواسی سرت و فقط صاغلان اولوب بعض محالرندن قطع نظر اراضیسی منبتدر والیوم قناده والیلکنه تابعدر .

(غال) جدید جنوبی — آوسترالیا قطعہ سنک شرقندہ انکیز مملکتا وسیعہ سندن بریدر طولی یورق بورندن ویلسون بروئہ قدر امتداد ایدر (۱۸۰۲ م و ۱۲۱۷ ھ) تاریخندہ اون اوچ بیک اہالیسن زیادہ نفوسی اولمیان اشبو قطعہ الیوم اوج بوز بیک نفوسی جامع اولوب بونلرک بیک قسیمی قدیم منفیلرک انسابنددر . مقری (سیدنی) وباشلیخہ ممالکی پاراماتہ باتورست پورتماقاری غول بورنی میتلاندشہر لیدر وداخلی آزمعروف اولوب سواحلی غایت کیرنتی وچیقینتیلی وھواسی زیادہ صیحاقلغیلہ برابر صاغلام وقوہ انباتیہ سی بروقی مراددر اہالی ایسہ مملکتلرندہ التون معدنی کشف اولندلیدن بروکون بکون فوق العادہ ترقی ایتکدہ درلر .

§

﴿غالاتیہ﴾ یاخود (غالوقراسیا) — شمدیکی انقرہ وکنغری سنجاقلرندن عبارت بر قطعہ قدیمہ در شمالا بیتنی ویافلاغونیا غرباً فریژی شرقاً پونت جنوباً قبادوقیا الیہ محدود اولوب خالیص و سفاریہ نہر لیلہ اسقا اولنور ایدی (۵۳۱۶ خ) تاریخندہ یعنی میلادک ایکویز یمش سکر سنہ مقدمندہ آسیایی استیلا ایدن غولوالیلر ویونانیلرک اختلاطندن ناشی خالوقر آسیا نامی المشر .

غلاتیہ لیلر سوریه حکمداری برنجی انتی یوخوسہ قارشو بیتنی حکمداری برنجی نیقومیدہ معاونت ایتدکلرندن حکمدار مومی الیہ طرفندن واسع بر قطعہ اراضی بہ نائل اولدیلر و آسیای صغرادہ یامش اولدقلری فتوحات مناسبتیہ دخی ملکلرینی توسیع ایلدیلر سده (۵۲۰۵ خ) تاریخندہ یعنی میلادک یوز سکسان طقوز سنہ مقدمندن یوز سکسان سنہ مقدمندہ قدر مانلیوس وولسونام روما قونسللی طرفندن مغلوب ایدیلوب مؤخرأ ۲۵ میلاد مقدمندہ اوکوست طرفندن تماماً روما ایمراطور لغندہ الحاق ایلدیلر . غلاتیہ لیلر قومیت اعتباریہ شرقندہ ترو قوملر جنوب غربیدہ تولیس توپویر شمال غربیدہ تکتوز ازلر نام اوچ فرقہ اہالیدن مرکب اولوب مقرر حکومتلری انقرہ شہری ایدی . استانبولک قارشو مندہ اولان غالاتیہ (غلطہ) استانبولک فتحی زمانندہ دکین جنوبلرزدہ اولدیخی حالده فنخدن برقاج سنہ صکرہ بلا محاربه دولت علیہ بہ

ترك اولندى غلظه قلهسى (۱۲۴۶ م و ۸۵۰ هـ) تاريخنده جنوزلر معرفتيله انشا اولمشدر .

§

غالب ﴿ — اندلسده بنى اجر سلاسندن برپادشاهدر اسمى اسماعيلدر (۱۳۰۸ م و ۷۰۸ هـ) تاريخنده اسپانيا قرالنىك يوز بيكدن متجاوز عسكر ايله بئتمه هجومه قارشوياننده بولنان يك بش يوز سوارى و اوج بيك پياده ايله محاربه يه طوتيشوب قرال مومى اليهك اوتوز بش بيك عسكرينى خاكله يكسان وار دوسنده اولان اشيانك كافه سنى اغنام ايلمشدر .

§

غالوانوپلاستى ﴿ — طوزلرك الكترىق پيلارى واسطه سيله اصول حلندن مستخرج غايت مهم برتطبيقات صنايعيه در بوده معادنك ملمس محلوللرينى غايت آغر ايشلر الكترىق پيلى واسطه سيله ترسيب ايدرك معادن مذ كوره يى اصاغه ايتمكدن عبارت اولوب (۱۸۳۸ م و ۱۲۵۲ هـ) ده انكلكره وروسيله ده ايجاد اولمشدر .

غالوانوپلاستى واسطه سيله براويمه نك عيىن آلتقى استه نلديكى حالده ابتدا مذ كور اويمه نك قبارتمه اوله رقى برقالبنى ايدنك لازم كلور بونك ايچون اكر قالى النهجق اويمه معدندن ايسه بش قسم قورشون سكرز قسم پيرموت و اوج قسم قلايدن برخليطه ياييلوب مذ كور خليطه برقاب دروننده اذابه ايدلد كدن صكره تصليه باشلادىغى ائشاده قايى آله حجق اولان اويمه مذ كور خليطه داخلنه براز يوكسكدن و غايت دوز براغيلوب صغونيجيه قدر قلدا تيمه رقى ترك اولنور و صغود قده جزئى برضربه ايله قالب آيريلور .

بروجه مشروح ياييلان قالى الكترىق پيلنك منفى قطبنه ربط ايديله جاك اولان باقر تل مذ كور قابله صاريلور بعده مذ كور تلك صارلديغى محل ايله قابلك ترسنه غايت اينجه بر بال مومى طبقه سى سوريلور ايشته قالب بروجه مشروح حاضرلندقدن صكره اكر اويمه باقر اوله حجق ايسه صو ايله درجه اشباعه كتورلمش (سولقات دو كوپور) ايله طولو برقاب النوب بو قابك اوزرينه اوزادلمش صارى باقردن ايكي عدد چيچو غك برى بولش پيلنك منفى قطبنه ديكرى مثبت قطبنه ربط و منفى قطبنه ربط اولنان

چپوغه قالب و دیگر چپوغه ده بر باقر لوحه تعلیق اولنور . جریان الکتریک تأثیرینه قرق سکر ساعت ترك اولنجه قالبك اوزرنده قالدنجه بر باقر طبقه سی حصوله کاور که قالب محلول درونندن چیقارلدقده اوزرنده حصوله ککش اولان باقر قولایلقله آریلور آلنور شوقدر که مذکور باقر طبقه نك قالبه یاشما . مسیچون قالب محلول دروننه صوقلزدن اول خفیفجه یاغلی بر جسمه سورلمش فورچه ایله فورچه لملیدر . اگر اویمه آلچیدن اولور ایسه قالبنی آلمق ایچون یتش درجه حرارتده اریلمش (سته آرن) بانیوسنه طلدریلور (سته آرن) آلچینك مساماته نفوذ ایدرك اویمه در عقب قورر . بانیودن چیقاریلان اویمه قوریدقده یومشاق بر فورچه ایله اوزرینه (پلومبارین) دنیلان ماده سوریلوب مقوا ایله صارلدقدن صکره ایصلادلش (سته آرن) اوزرینه براغیلور که مذکور (سته آرن) تصلب ایدنجه اویمه یی عینیه آلور . بروجه مشروح حصوله کلان قالب اوزرینه تکرار (پلومبارین) سورلدکن صکره اولکی کبی (سولفات دوکوبور) داخلنده الکتریک تأثیرینه براغیلور .

§

﴿غالوانیزما﴾ — حکمت طبیعیه نك بعض اجسامك تماسلرنده ظهوره کلان آثار الکتریکیه یی یلیدرر قسمنه تعبیر اولنور . (۱۷۸۹م و ۱۲۰۴هـ) تاریخنده فرانسه ده پولونیا حکیمی غالوانی نام طبیب بعض تجربه لر ایچون حاضرله مق ایستدیکي قوربغاری تصادفی اوله رق بالقونه مر بوط تیمور چنکله (لومیر) دنیلان سکرلیله عمود فقاری اره سندن یکیره رك آصمش و بوترباب اوزره آصیلان قوربغالرده اولدکری واعضاری کسلدیکي حالده عضلاترنده شدتلی بعض حرکتلر کومش و بوحرکتلری کندو نانه نسبتله (غالوانیزما) تعبیر ایلدیکي برسیاله مخصوصه نك حصولنه عطف ایلشدر . لکن مؤخرأ (الکتریک باتأثیر) ده کوریلان آثار ایله (غالوانیزما) اثرینك اسباب حصولنده مشابیه تامه اولدیغی بالنجر به مرتبه ثبوت و اریدیغی کبی صکره لری الکتریک پیلی ایله الکتریک مقناطیسی دخی کشف اولندیغندن (غالوانیزما) آثارینه دائر کشفیات فوق العاده ایلرولیه رك (غالوانیزما)

اصولی اوزره (یالیزی) و (تلغراف) و (غالوانو پلاستی) یا یلقی و الکتریک
محرك یرینه قوللق و سوقاقلری تنویر ایتسک کبی مهم تطبیقاتی وجوده
کتورلشدیر.

§

﴿غالوانیزما یالیزی﴾ — الکتریک سببیه طوزلرک حل اولنه
بیلدیکی کشف اولغزدن اول یالزلر جیوه واسطه سیه یاپیلور ایدی یعنی
التون ایله جیوه قارشیدیرلر ق حصوله کلان مخلوط یالزرنه جق باقر
پارچه لرک اوزرینه سورلدکدن صکره پارچه لر قردیر یاور و بو ائشاده جیوه
تجیر ایتسکه مخلوطده بولنان آلتون زار شکیلنده پارچه نك اوزرنده قالور
ایدی فقط بواصول هم بهالی همدتله کله لی اولدیغندن شمدی (غالونیزما
یالیزی) اصولی قوللانغه باشلامشدر. بواصول اول (۱۸۰۳م و ۱۲۱۸ه)
تاریخنده کشف و مؤخرأ اکمال ایدلدی.

شویله که یالزرنه جق باقر پارچه لر اوزرلرنده بولنه بیله جک مواد دهنیه بی
ازاله ایچون آتسه کوستریلور و بو ائشاده باقر پارچه لرک سطحلرنده حصوله
کله جک حاضرنه دخی ازاله سیچون پارچه لر قزغین اولدیغی حالده صولی (آسید
آزوتیک) ایچنه طالدریلوب بعده صوایله ییقاندقن صکره مساوی مقدارده
(آسید آزوتیک) ایله (آسید سولفریک) دن مرکب بانیو دروننه و تکرار بر
مقدار طوز علاوه ایدلمش (آسید آزوتیک) بانیوسنه آیلوب چیقارلدقده
ماء مقطر ایله ییقانور.

یالزرنه جق پارچه لر وجه مشروح اوزره حاضرلندقن صکره اوچ
ونهایت درت بولش و یا ذیل طاقندن مرکب بر منظومه نك منفی ناقلنه تعلیق
و (غالوانو پلاستی) ده تعریف اولندیغی کبی ترتیب اولنه رق التون بانیوسنه
وضع و یالزرنه مطلوب اولان قالینلغی نسبتنده بانیوده الکتریک تأثیرینه
ترک اولنور.

التون بانیولری ترکیجه پک مختلف یا یلقده در فقط اک زیاده مستعمل اولانی
بر درهم قلمور ذهب ایله ایکوز درهم صوده حل اولنش اون درهم
(سیانور دو پوتاسیوم) ی یوز الی درهم ماء مقطر دروننده حل ایدوب

کشافتني دخی ثابت طور دیرمق ایچون قطب مثبت طرفنده کی باقر لوحه نك
یرینه برآلتون لوحه تعلیق اولمقدرد.

کوش وتونج و صاری باقر دخی بواصول اوزره یالدرلنوب تیمور چلیک
توتیا قلائی قورشون لایقیله یالدرلنه مز.

§

﴿غالچیا﴾ قرالیتی — روسیه لهستانی ایچنده آوستریا ایمپراطور.
لغنه تابع برقطعه در شمالاً روسیه لهستانی شرقاً روسیه و مولداویا یعنی
بغدان غرباً موراولا و سیلیریا جنوباً مجارستان و ترانسیلوانیا ایله محدوددر
طولاً ۱۷۰ عرضاً ۵۹۰ کیلومترو مسافه بی و بش ملیون نفوسی حاوی
اولوب مقر اداره سی (لمبورغ) شهریدر. اشیو قطعه الیوم اون طقوز
دائرةیه تقسیم اولنور شمال و غربده اراضیسی دوز و شرق و جنوب
جهتی قارپات سلسله جبالی ایله مستورددر و یستول پروت دنیستر
باشلیجه نهرلیدر و اراضیسی کنور و کتان توتون سبره و میوه جه
محصولدار ایسه ده زراعتجه کیروده در ایری و یوک موایشی و کوزل
آریلری و تیمور باقر قورشون و باخصوص طوز معدنلری کثرت اوزره
بولنور.

بوقطعه ده غالیچیا اطلاق دهایکیدر. بونامی (۱۷۷۲ م و ۱۱۸۶ ه) ده
آوستریا به التحاقدن برو حازر اولدی و قتیله قمرزی روسیه نامیله معروف
ایدی.

§

﴿غالیه﴾ — ائمه فن هیئتنددر (۱۵۶۴ م و ۹۷۲ ه) ده
طوسقانه غراندوقه لغی ملخفاتندن (پیرا) ده تولد ایلدی غایت ذکی
و فطین کیمه ایدی تحصیل علومدن صکره اولا پیرا مکتببنده ریاضیات
خواجده سی و مؤخرأ وندیکه هجرتله (پادوا) مکتببنده اون سنه ایچون معلم
نصب اولنوب ۱۶۰۲ ده مکتب مذکور ایله اولان مقاوله سی ختام بولمغله
وندیک سناتوسی کندوسنه قید حیاة شرطیه یک فیورین معاش اعطا
و پادوا مکتبی نظارتنی تقویض ایلدی. مؤخرأ فلوانسه مکتببنده
علوم ریاضیه برنجی خواجده لکنه کیدوب بو صروده کره شمسک

استقراری و کره ایله اجرام سائرهنك اطراف شمسده دوزانی حقنده (قوپرنیق) طرفندن میدان قونیلان قول حکیمانه بی براهین ریاضیه ایله اثبات و اشاعه ایتمکله بیکلرجه سنه دن برو ارض ثابت شمس متحرک اعتقادینه خادم یکینان گروه رها بین طرفندن شدتله تکفیر اولنمغه باشلادی بناء علیه (۱۶۳۳ م و ۱۰۴۳ هـ) تاریخنده رومایه دعوت اولنوب مواصلتمده انکیزیسیون سراینه چیس اولندی ونهایت بردها بو مثلاًو ادعالرده بولتمیه جغنه پاپانک دلخواهی وجهله یمین واستغفار ایدوب حالوکه هنوز محل استغفاردن کیدرکنینه بر درلو کندوسنی ضبط ایددمیه رك (هر حالده دونان کره در) دیو یاغنی یره اوردی .

بوندن صکره بر دت دهار روماده محبوس قالوب مؤخرأفلورانسه جوارنده کی صیفیه سنده اقامته (نزدینه هیچ کیمسه بی قبول ایتمامک شرطیله) مأذون اوادیسده مراقندن کوزلرینه عی طاری اوله رق اوحال اسف مأل ایله ۱۶۴۲ م و ۱۰۵۲ هـ) تاریخنده یتش سکزیاشنده ترك مختخانه فنا ایلدی .

§

﴿غالیهن﴾ یاخود (لیسینیئوس اغناتیوس غالیهنوس) — روما امپراطور لر دندر بو امپراطور (واله ریهن) ك اوغلی اولوب (۲۳۲ م) تاریخنده تولد و (۲۵۳ م) تاریخنده پدری طرفندن تخت شريك ایدلدی و (۲۶۰ م) ده پدری شاپور طرفندن اسیر حرب ایدلسی اوزرینه یدرینی اسارتدن قور تارمق شویله طورسون بونی استقلالنه بروسيله و نعمت عظیمه یلوب کندوسنی امپراطور طاندیرمغه غیرت و خواهش کوستردی . زمان اداره سنده مرتکب اولدیغی کونا کون مظالم و سفاقت و اسرافات اثری اوله رق بار بار لر غول و یونانستان و شرقه استیلا ایدوب اگر متفقرندن تدمر قرالی غیرت ایتماش اولیدی بتون ممالکی حوزه حکومتندن چیقاجق ایدی . صولک کونلرینه طوغری براز اصلاح احوال دولته قیام ایله ایلیر یاده (انژه نواوس) غولده (پوستوموس) ی تحت اطاعته کچودیسده شو قیام بالاخره قانی بهاسنه اوتوروب میلانده (اورهله اوس) ی محاصره ایتمک اوزره ایکن (۲۶۸ م) تاریخنده ضابطلرندن بری یدیه قتل اولندی .

﴿ غامه ﴾ یاخود (واسقودغامه) — پورتکیرلی مشهور برسیاح
بحریدر (۱۲۶۰ م و ۸۶۵ هـ) تاریخنده پورتکیرده سنیز لیاننده فلات
وجودی لنگرانداز ساحل شهود اولدی مرقوم (۱۴۹۷ م) ده امانویل نام
قرال طرفندن پارتلی دیاس معرقیه اولجه کشف اولنان امید برونی جهتندن
هند یولنی بولمغه مأمور اولمغه سنه مز بوره ظرفنده امید برونی پکوب ییک
تهلکه لردنصکره (۱۴۹۸ م) ده قالدکوته اوکنه واصل اولدی و بر سنه
صکره عودتده موقیت مذکوره سندن طولایی امانویل طرفندن بیوک حرمتله
قبول اولنوب هند آمیرالی و (ویدیکیره) قونتی عنوانرینه مظهر ایدلدی
(۱۵۰۲ م) ده اون طقوز سفینه ایله تکرار عزیمت و آفریقای شرقینک
برقسم سواحلی مجبور اطاعت و تجارت و سائرجه برطاقم تأسیسات نافعه یه
همت ایلدکن صکره (قانانور) نام قرال ایله معاهده یاپوب قوشنه دکن
داخل و بومملکت راجه سنک دخی اتفاقه نائل اولدی . لیربونه عودتده
مکافاه غریبه اوله رق کندوسنی بکرمی برسنه ایشسر بر اقدیلر نهایت (۱۵۲۴ م)
ده (ویس رووا) یعنی قرال و کیلی عنوانیله اوچنجی ژان طرفندن تکرار
هنده کوندردلیسه ده وصولندن براز صکره قوشنده وفات ایلدی . واسقود
غامه سفرینک تاریخی (باروس) نام مورخ طرفندن یازلمشدر .

§

﴿ غائر ﴾ — هندستانده بر بیوک نهردر تیت ده همالایه طاغلرینک
درت بیک مترو مرتفع محللرندن نشأت ایدوب (دیوا پرایاغا) ده الاقاننده
نهرینی الدقندن صکره (غیر وال) ده غائر نامنی اخذ ایدر بورادن اعتباراً
الله آباد میرزا پور بینارس غازی پوردن و دهلی واکره و بنکال ایالتلرندن
یکه رک برچوق شعبه لره انقسام ایدرکه بونلرک اک قوتلیسی قالدکوته واسطه
سیله شاند رناغوره پکن هوقلی شعبه سیدر آندن صکره دخی صاغ طرفنده
غالینادی چناه وصول طرفنده رامقانقا و سائر نهرلرله برلشدرک برآغزله
بحر محیطه دوکیلور . طول مجراسی اوج بیک کیلومتر و اولوب انصباب
محلنه یقین یرلده درت و بش کیلومتر عرضی و دکره سکز یوز مترو
یاقلاشدیغی محللرندن اعتباراً اشاغیلرده اون مترو عمقی واردر و ایکی بیک
کیلومتر و یه دکن محللری قابل سیر و سفردر هر سنه نیشان و تموز آیلرنده

ایکی دفعہ فیضان ایدر وحین فیضانده صولری یوز میل مسافہ بی بصار .
 هندلیلرک نظرندہ غائر بر مقدس نہر در بوکا نسبتہ بر آلهلری وار ایدی
 وغائر نہرینک صولرینی مذہبلرینک الہ عالی رسومی اجرا ایچون صاقلارلر
 و صوییلہ مادہ تیرلندکری کبی معناً دخی تطہر ایچون یقانونرلر ایدی .
 اعتقادلر نجہ بورادہ بو غلق رحمت دکرینہ غرق اولقلہ برابر ایش .

§

﴿ غائرا ﴾ — کنغری قصبہ سنک نام عتیق یاخود غلطیدر .

§

﴿ غایۃ الاتقان فی تدبیر بدن الانسان ﴾ عربی — طبہ دائر بر کتاب
 نفیس اولوب ابن سلوم دینکلہ معروف و (۱۶۶۹ م و ۱۰۸۰ ھ)
 تاریخندہ متوفی رئیس اطباء صالح بن نصر اللہ حلّی طرفندن تألیف ایدلمشدر
 کتاب مزبور درت مقالہ بی حاوی اولوب مقالہ اولی بر طاقم ابواب و فصولی
 مشتمل بولنان کلیاتہ مقالہ ثانیہ کذلک بعض اجزاء و ابواب و فصولی حاوی
 اولان (اقرباذین) ہ مقالہ ثالثہ ہر بر عضوک امراض مخصوصہ سنہ
 مقالہ رابعہ بدنک ہر جہتہ عائد امراضہ دائر در . مؤلف موہی الیہ
 اشبو کتاب نفیسی تألیف ایلدیکی خالدہ تبییض و ترتیبہ موفق اولماشیدی
 صکرہ اوغلی روم ایلی قاضی عسکری فاضل مشہور یحیی افندی ترتیبہ
 وضع یدہمت ایلدی . مؤخرأ دخی (۱۷۲۸ م و ۱۱۴۱ ھ) دہ سلطان
 احمد جامع شریفی دارالشفاسنک طبیب اولی مصطفی بن محمد طرفندن
 (نزہۃ الابدان فی ترجمۃ غایۃ الاتقان) نامیلہ ترجمہ اولندی .

§

﴿ غایۃ الامانی ﴾ — (۱۴۸۷ م و ۸۹۳ ھ) دہ وفات ایدن احمد بن
 اسماعیل کورانی نام فاضلک علم تفسیرہ دائر اثریدر .
 کتاب مذکور علامۃ زحشری و بیضاویہ برچوق مؤخذاتی متضمندر .
 (غایۃ فی العروض) — (۱۲۷۷ م و ۶۷۶ ھ) دہ وفات ایدن محمد
 بن حسن زبیدینک عروضہ دائر یازدیغی اثر جلیلدر .
 (غایۃ القصوی) — (۱۲۸۶ م و ۶۸۵ ھ) دہ وفات ایدن قاضی
 ناصر الدین عبداللہ بن عمر بیضاوینک فروع شافعیہ دن باحث اثر مفیددر .

شیخ عبدالله بن محمد فرغانی عبیدی و (۱۳۱۸ م و ۷۱۸ هـ) ده متوفی محمد بن محمد واسطی و فقهای سائر شرح ایلدیلر .

(غایة المرام) — (۱۲۳۳ م و ۶۳۱ هـ) ده وفات ایدن امام سیف الدین ابی حسن علی بن ابی علی آمدینک علم کلامه متعلق اثریدر .

(غایة المطلب) — (۱۲۸۹ م و ۶۸۸ هـ) ده وفات ایدن علامه شمس الدین محمد بن محمود اصفهانیاتک اثریدر .

(غایة الوصول فی الاصول) — امام حجة الاسلام غزالیاتک اثریدر (۱۳۲۵ م و ۷۲۶ هـ) تاریخنده وفات ایدن حسن بن مطهر علی شیر شرح ایلدی .

§

﴿ غذا ﴾ صحیحی غذا — بدنک ادامة حیات ایچون آن بآن صرف ایتدیکی لوازمه بدل انبویه هضمیه ادخال اولنان نسنه دینور . لوازم مذکوره بی اوچ قسم اعتبار ایدر لرکه برنجیسی تیمور و طوزکی قانک ایچنده بولنان مواد معدنیه ایکنجیمی تنفسه خدمت ایدن و حرارت غریزه نك حصولنه سبب اولان اجسام غازیه اوچنجیمی وجودک اجزاسنی تجدید و ادامه ایلان افراد عضویة آزوتیه و غیر آزوتیه در بونلر غداتک ترکیبندن حصوله کلدیکی ایچون وجود تلافی مافاة ایدر .

جمله نك معلومی اولدیغی اوزره اغدیة حیوانیه نك باشلیجه لری قیون و طانه و طیور و بالقی اتلریله قیون و اینک و دوه سودلرندن و شحموم و بالدن و اطعمه نباتیه نك باشلیجه لری حبوبات و پتاس اونی و بونلردن معمول نان عزیز و باقله و فصولیه و سبزیات کی یاش قوری محصولات و فوا کهدن عبارتدر که برطایقی صلب و دیکر لرلی مایع حالنده بولنور لر ایچلرندن بعضیلر نك مرکب اولدیغی مواد زیزده بیان اولمشدر بونلرک هضم لری اگرچه طبع ایله تسهیل اولنور ايسه ده اوزرینه چای و قهوه ایچمک و حین طبخده و صکره ایچنه بهارات قارشیدر مق دخی فائده دن خالی دکلددر و هله قره بوبر تنبل معدله زیاده سیله نافعدر .

(اغذیه دن بعضیلرینک ترکیبنده بولنان مواد)

بغداى — یوزده		
نشاسته	۶۳	۸۰
مواد ازوتیت دغلوتن	۲۰	۰۰
دکسترین	۰۸	۰۰
مواد شحمیه	۰۲	۲۵
نسج جبروی	۰۳	۱۰
مواد معدنیه	۰۲	۸۵

چودار		
نشاسته	۶۷	۶۵
مواد ازوتیه	۱۲	۵۰
دکسترین وسائر	۱۱	۹۰
مواد شحمیه	۰۲	۲۵
نسج جبروی	۰۳	۱۰
مواد معدنیه	۰۲	۶۰

شعیر		
نشاسته	۶۶	۴۳
مواد ازوتیه	۱۲	۹۶
دکسترین وسائر	۱۰	۰۰
مواد شحمیه	۰۲	۷۶
نسج جبروی	۰۴	۷۵
مواد معدنیه	۰۳	۱۰

علف

نشاسته	۶۰	۵۷
مواد ازوتیه	۱۴	۳۷
دکسترین و سائر	۰۹	۲۵
مواد شحمیه	۰۵	۵۰
نسج حجروی	۰۷	۶۰
مواد معدنی	۰۳	۲۵

قو قوروز

نشاسته	۶۷	۵۵
مواد ازوتیه	۱۲	۵۰
دکسترین و سائر	۰۴	۰۰
مواد شحمیه	۰۸	۸۰
مواد معدنی	۰۱	۲۵
نسج حجروی	۰۵	۹۰

پرنج

نشاسته	۸۹	۱۵
مواد ازوتیه	۰۷	۰۵
دکسترین و سائر	۰۱	۰۰
مواد شحمیه	۰۰	۸۰
نسج حجروی	۰۱	۱۰
مواد معدنی	۰۰	۹۰

فصولی

نشاسته و دکسترین و شکر	۵۵	۷۰
مواد ازوتیه	۲۵	۵۰
مواد شحمیه	۰۲	۸۰
نسج حجروی	۰۲	۹۰
املاح معدنی	۰۳	۲۰
صو	۰۹	۹۰

بقله

نشاسته ودكسترين وشكر	۴۸	۳۰
مواد ازوتيه	۳۰	۸۰
مواد شحميه	۰۱	۹۰
نسج حجروي	۰۳	۰۰
املاح معدنيه	۰۳	۵۰
صو	۱۲	۵۰

نخود

نشاسته ودكسترين وشكر	۵۸	۷۰
مواد ازوتيه	۲۳	۸۰
مواد شحميه	۰۲	۱۰
نسج حجروي	۰۳	۵۰
املاح معدنيه	۰۲	۱۰
صو	۰۹	۸۰

مرجك

نشاسته ودكسترين وشكر	۵۶	۰۰
مواد ازوتيه	۲۵	۲۰
مواد شحميه وسائر	۰۲	۶۰
نسج حجروي	۰۲	۴۰
املاح معدنيه	۰۲	۳۰
صو	۱۱	۵۰

برالماسي

نشاسته	۲۰	۰۰
صو	۷۴	۰۰
ماده زلايه وازوتيه	۰۴	۳۵
املاح معدنيه	۰۱	۶۵

پاته تیس

صو	۷۹	۶۴
نشاسته و شکر و ازوت و سائرہ	۲۰	۳۶

صغراتی

لقین و نسج و جروی و سائرہ	۱۵	۰۰
صو	۷۷	۵۰
البومین	۰۴	۳۰
اوزمازون	۰۱	۳۰
املاح	۰۱	۸۰
شحم	۰۰	۱۰

اینک سودی

صو	۸۶	۴۰
قزین	۰۴	۳۰
شکر	۰۵	۲۰
یاغ	۰۳	۷۰
ملح فوسفیت	۰۰	۲۵
ملح کلوریت پوتاس و سائرہ	۰۰	۱۵

یمورطه

صو	۵۱	۴۸۶
شحم	۱۵	۷۶۰
مارغیرین اولین	۲۱	۳۰۴
حامض اولیق و مارغاریق	۰۷	۲۲۶
فوسفیت کلس و ماغنیزی	۰۱	۰۲۲
خلاصہ لحم	۰۰	۴۰۰
نشادر روحی و مواد آزوتیه	۰۰	۸۵۳
ملح	۰۰	۲۷۷
حامض فوسفو غلیسریق	۰۱	۲۳۴
قولسترین	۰۰	۴۳۸

شراب

اسپرتو	۰۹	۱۸۸
مازی	۰۰	۱۱۲
ثانی طرطریٹ پوتاس	۰۰	۱۹۰
ثانی طرطریٹ حدید	۰۰	۰۸۹
املاح معدنیہ	۰۰	۰۲۵
مادہ ملونہ	۰۰	۰۱۱
صو	۹۰	۳۸۵

برہ

اسپرتو	۰۴	۵۰
دکستین وغلیقوس	۰۴	۱۴
مادہ آزوتیہ	۰۰	۵۳
املاح معدنیہ وسائرہ	۰۰	۱۸
صو	۹۰	۶۵

(بالادہ محرر اجز الکر تعریفی)

لفین	لحمی تشکیل ایدن اینجه دریجککر وقابلر
نسج حجروی	بودخی
البومین	{
مادہ زلایه	
ازومازون	اسپرتوده منحل بر خلاصه
مواد معدنیہ	فوسفیت کاس و سلیس وحدید
قرین	قایماق اولان ماده
ثانی طرطریٹ پوتاس	قرم طار طار
ثانی طرطریٹ حدید	چلیک
دکستین	نشاستهیه مشابه بر ماده

✽ غداره ✽ — پاله نوعندن آغیر و اوج طرفنک صیرتی کسکین و یالمانلی بر قلیچدر و قتیله اکثریا جزایر لیر قوللانورلر ایدی.

§

✽ غدیر ✽ عید غدیر — شیعیلره مخصوص بر بیرامدر (۹۶۶م و ۳۵۱هـ) تاریخنده امرای عباسیه دن (مغرا الدوله) احداث ایلدی. ماتم کربلا آیینی دخی بو (مغر) طرفدن احداث اولمشدر. عید غدیر هر سنه ذی الحجه نك اون سکرنجی و ماتم محرمک اوننجی کونی اجرا اولنور ایدی.

§

✽ غراغوار ✽ — (هیلدیراند) کله سنه نظر بیوریه.

§

✽ غراغورین ✽ — ژولیه ن تقویمنک صحیحی اوله رق (۱۵۸۲م و ۹۹۰هـ) ده اون اوچنجی غراغوار طرفدن اتخاذا اولنان تقویمدر. (غراغورین — التجی عصر میلادیده لیتورژییه یعنی (قداسی) سیاق واحد اوزره اجرایه متعلق پایا یسوک غراغوار طرفندن اتخاذا ایدیلان اعتقاددر. (قداس) کله سنه نظر بیوریه.

§

✽ غرانیق ✽ — قره سی سنجاغنده الیوم (صال ات دره) دیدکری نهرک اسمیدر که اسکندر یونانی فارس لور ایله ابتدا بوراده محاربه ایتشیدی.

§

✽ غررالاحکام ✽ — فروع حنفیه ده دائر بر متن متین اولوب مدرسین وقضاة و زمانم زده فقه ایله اشتغال ایدن ذوات نزدنده غایت معتبردر مؤلفی محمد بن فرامرزددر که ملا خسرو دیمکله تعریف اولنور. مشار الیه مؤخرأ بوکا بر شرح لطیف دخی تألیف ایلوب (دررالاحکام) تسمیه ایتش ایدی متن مذکور الی بش کتاب اوزرینه مرتب اولوب یوزیکری باب و اوتوز فصل و تذیلاتی و اویچ مسائل شتی و بر تکمله و تتمه و تنبیه و سائرہ بی حاویدر. حواشی سندن مشهورلری و انقولی دیمکله شهر محمد بن مصطفانک (۱۵۸۶م و ۹۹۵هـ) ده تألیف ایتدیکی (نقدالدرر) ایله عزمی زادمک حاشیه سی و سائرلر بدر. کتاب مذکور اوزرینه یازیلان

شرح و تعلیقات ایسه خارج تعداد اولوب بونلرک ایچینده قنالی زاده و اوغلی
حسن چلبی و ابن کمال و شیخ الاسلام زکریا و معمار زاده کبی فضلانک دخی
اثاری واردر.

§

﴿ غرق ﴾ — یونانستان قدیمده بونامله طائیش بر قومدر مستعد
بهادر متلون طمعکار ایدیلر بعضاً (غراقو) نامیهله دخی یاد اولنورلر.
یونان ایتالیان فرانسر اسپانیول و پورتکیئر لایله رومانیا اهلینسنی واسویجره ننگ
اهالی شرقیه سنی اشبو غرق جنسندندر دیرلر.

§

﴿ غرق ﴾ — معلوم اولدیغی اوزره صوده بو غلقدرد غریقک
سبب موتی ماده سنده اطباء عصرک بعض فروع اتجه رأیلری مختلف ایسه ده
عندالجهور مقبول و معتبر و باخصوص یقین و قتلرده تدقیقات ایله مجرب اولان
صورت غریقک سبب موتی قارنه کیرن صو اولیوب بلکه جکرده کی هوایه
فساد عارض اولسندن عبارتدر. قدما صویه غرق اولنلرک وفاتی مجرد
قارنلرینه کیرن صویه اسناد ایتدکلرندن دیگر برشی دوشمنیوب مجرد
بو صوی چیقارمغه چالیشورلر ایدی حالبوکه ایکی اوچ ساعت صو
ایچنده قالدقدن و حتی کندولرنده برچوق موت علامتلی مشاهده اولندقدن
صکره دیرلمش نیجه غریقکلر کورلیدیکی رسیده رتبه تحقیق اولوب از جمله
پارس دوات کتبخانه سی ناظری موسیو تیلازیوسک برقادین حقنده یازوب
نشر ایلدیکی رساله ده مرقومه ننگ اوچ کون صو ایچنده قالدقدن صکره بیلله
دیرلیدیکی محرر ودهاپک چوق امشالی متواتدر لکن بونلر فوق العاده
شیر اولدیغندن بوباده اتخدا اولنان قاعده عمومییه باقملی لازم کلور
شوبله که عندالاطباء اوچ چاریک و بلکه بر ساعت صو ایچنده قالمش بر غریقک
برقاعده حیاتندن قطع امید اولمز و وجودنده صلابت موت مشاهده
اولنمدیقه یعنی دیگر بر سببله وفات ایدن بر شخصک جسدینه عارض اولان
قاتیلیق کبی بر قاتیلیق کورلمدیکه معالجات لازمه دن صرف نظر ایلمز و جسد
تعفن ایتدیکه دفنی مناسب اولماز.

غریقلری ایاقلرندن آصمق و ایکی طرفی آچیق بر فوچی دروننه قویه رق

یوارلق مثلاً اسکیدن برو هر طرفه جاری اولان اصولدن صرف نظر اولنوب (۱۸۵۰ م و ۱۲۶۷ ه) سنه سنده پارس ضابطه نظارتی جانبدن نشر اولنان تعلیماتده محرر اولدیغی اوزره مغروق صودن چیقارلدیغی کبی درحال یوز درجه یه منقسم اولان میزان الحراره حسابجه اون یدی درجه صیحا ق بریده صاغ طرفه یانیریلوب آلندن طوته رق باشی اشاغی یه طوغری بر ازا کوب و یواشجه چکه لرینی آچوت بوصورته آغزندن و بورندن کیرمش اولسی محتمل اولان صویک دیشاری چیمسی تسهیل اولنق و صوی لایقیله چیقارمق ایچون برقاج دفعه باشی جسدندن جزئی آلچق محله قویوب ینه قالدیرمق و فقط هر دفعه ده غریقک باشی بو حال اوزره برقاج ثابته دن زیاده طور دیرماق لازمدر و بر دقیقه دن زیاده سورمه جک اولان اشبو عملیات اثناسنده غریقک بطن اسفل و کوسنک ایکی طرفی آهسته آهسته و نوبته اشاغیدن یوقاری یه طوغری اوغوشدیریله رق تنفس اولندیغی وقت عضوین مذکورین فصل حرکت ایدر ایسه اولوجهله حرکت ایتدیرلمیدر . عملیات مذکورنک اجرا سندن صکره غریق در حال کچه و کلیم مثلاً برشی و بونلر بولنر ایسه صمان و یا خود یولاف ایچنه قونیلهرق موسک اقتضاسنه کوره یعنی هوا صغوق ایسه زیاده جه دکل ایسه خفیفجه اورتیلوب خسته خانه یه کوتورلمیدر . خسته خانه ده غریقک باشیله صدری اعضای سائر سندن یوکسکجه اولق اوزره وضع اولنسنه و باشی سربست براغیلهرق یوزی آچیق بولنسنه ابوجه دقت اولنلی و وجودینی ایصتق و تنفس ایتدیرمک ایچون لازم کلان تدابیر و عملیاتی اجرا صره سنده بحاق لر یه قولاری و باخصوص بیل کککلرینک و قلبک اوزری و یا قلرینک التیله ال آیه لری بر یوک فانیله پارچه سیله داک و تنفس ایده جکی حس اولندیغی آنده صدری و بطن اسفل صیقلمق کبی حرکتلرینه مانع اولنه جق و تنفسجه زحمت و یره جک عملیات در عقب ترک ایدملی و تنفسه چباله دیغی اشاده استقراغه میل کوریلور ایسه بر طاق توکی اوجیله بوغازینه طوقونیلهرق استقراغی تعجیل قلنلی و عقلی باشنه کلزدن و سهولته بلعه استعداد حاصل ایتزدن اول هیچ برشی ایچورلما ملی و فقط براز قوت کلک ایچون آغزینه برقاج طمله عادی

ویا خود کافورلی عرق و ملیسا یعنی اوغل اوتی صوبی و قواونیا صوبی
طیلا دلملی واکر غریق قارنی کرلش ایسه ایللی و بر مقدار طوزلی صو
ایله و بعضاً دخی اربابی عنسدنه معلوم اولدیغی وجهله توتون دومانیله
احتقان ایدملیدر.

صوده غرقدن و حریقده آتشدن وسائر مهالکدن جان قورتارانله هر دولته
مکافاة اعطا اولندیغی کبی دولت علیه ده دخی مدالیهلر اعطا و احسان
بیورلقده در.

§

﴿ غرناطه ﴾ — اندلسده الیوم التمش اوج یک نفوسی حاوی بر شهر
شهر در بوشهرک اراضیمی و قتیله خارجاً انظار اهل عبرته زمرد کبی بر
منظره فرحفا عرض ایدر و امتدادی قرق میل جکر و (شینل) نهری اراضی
لطیفه مذکوریهی متمادیاً تروتازه بولندیرمق ایچون جایجا طورماز صولار
ایدی.

غرناطه و قتیله بونامده برقر الیغ دارالملکی ایدیهده اوچنجی قرن هجریده
اسلام معرفتیه یکیدن بنا و (۱۲۳۸ م و ۶۳۶ هـ) تاریخنده مرکز حکومت
اتخاذ اولمش و اولوقت دروننده ساکن اولان اهالیکن مقداری درتیوز
بیکد بالغ اولمش و بوراده اولان ترقیات علیه و صنایعه بتون جهانک
مغبوطی بولمش ایدی. اول زمان اثارندن شمسی یالکز (الجرأ) سرابی
قالمشدر. اندلسده ملوک اسلامیه نك صوکی اولان عبدالله صغیر زماننده فردیناند
و ایزابللا قومانداسیله بورایه هجوم ایدن خرسیانلر یالکز بورادن چیقاییلان
یوز بیک کشتی یه غلبه و ملک مزبورک کال و هم و جہانتی و متعلقاتیله اولان
رقابتی سایه سنده و (۱۴۹۲ م و ۸۹۸ هـ) تاریخنده ضبط ایدرک سکز یوز
سنه اندلسده فرمانفرما اولان اسلام حکومتک التنی اوسنتنه کتوردیلر.
(عبدالله) کله سنه دخی نظر بیوریه.

(غرناطه) جدید — امر بقای جنوبیده متفقہ قولومبیا دنیلان
ولایتک نام دیکریدر بوراسی مقدا اسپانیا اداره سنده بولنور ایدی.

﴿ غریغور ﴾ — خرسیان علمامندندر ابوینی بتهرست اولدیغی
حالده کندوسی دین عیسایی قبول و طریق مراتبده قیصریه پستپوسلخنه
قدر کسب و وصول ایدرک (۲۶۲ م) تاریخنده وفات اولمشدر .
بوکا کمال معلومات و صلاحیتنه بنساخته پیغمبر ثانی دیرلر ایدی . ارمنستان
حکمداری (مهرداد) ودها برچوق کسدر بونک نصیحتیه خرسیان
اولمشدر .

(غریغور) یاخود (غره غوار) — (۶۰۴ م) تاریخلنده
شرق امپراطورینک غوائل داخلیه و خارجیه سنی فرصت اتخاذا ایدرک
مسئله حکمدار سوسی ویرمش و کیده رک آفروز قوتیه بتون آورویاده
حکمنی یورتمش برپایدر . کلیسانک آیین وادعیه و البسه سنی جله طرز
آخره صوقان بو ایدی دهها برچوق اثری واردر .

§

﴿ غز ﴾ — (اوز) دنیلان ترکان قبیله سنک اسمیدر (اوزلر)
کله سنه نظر بیوریه .

§

﴿ غزالی ﴾ — حجة الاسلام امام غزالی حضرتلری که نام نامیسی
سائر مسائر اقطار جهان و ذات عالیسی افضل افاضل آخر زماندر اسمی
محمد بن محمد کنیه سی ابو حامد مولدی خراسانده (طوس) شهری وفاتی
(۱۱۱۱ م و ۵۰۵ هـ) تاریخیدر . علوم عقلیه و نقلیه نك امام مطلق الصانی
و مسلک زهد و مجاهده نك مؤسس ارکانی ایدی . کندوسندن اول کلان
عرب و یونان فیلسوفلرینک اقوالنی کایلیق مطالعه و تدقیق ایدرک اکثرینسک
بنای ظنون و اعتقاداتنی هدم و تخریب ایلش و وزیر نظام الملک زماننده
بغداده کیدوب مدرسه نظامیه مدرسلکنه مالک و مؤخرأ تدریسی براغوب
طریق زهد و انقطاعه سالک اولمشدر . ابن سینا مشار الیهک بعض آثارینه
براز معترض پکینور ایدی . منطق و حکمتده دأر کتابلری قولونیاده ترجمه و نشر
اولمشدر . (احیاء العلوم) (جواهر القرآن) (یاقوت التآویل) (مشکوة
الانوار) (کیمیای سعادت) (مقصد الاسنی) (مسالك المسالك) کبی عربی
و فارسی . طقوز یوز جلد تألیفاتنی واردر مدت حیاتیله زمان وفاتنی

مبین سو یلنان تاریخ . (نصیب حجت اسلام ازین سرای سپنج .
حیات پنجه و چار و ثمت پانصد و پنچ)

§

﴿ غزالی ﴾ — حجة الاسلام امام غزالی حضرت تریزینک برادری
و مشاهیر مشایخ کر آمدن بریدر معتبر تصنیفات و بی نظیر رساله لری وارد
برادرینک احیاء العلومی بر جلدده اختصار ایله (باب الاحیا) توسیم ایلدی
(سوانح) و (ذخیره فی علم البصیره) دخی جله تالیفاتنددر . شیخ
ابوبکر نساجدن اخذ علوم باطنه ایتشیدی وفاتی (۱۰۲۶ م و ۵۱۷ هـ)
تاریخنده در .

§

﴿ غزته ﴾ — ژورنال — مطبوعات اصطلاحنده وقتی معین
مطبوع و منشور دیمکدر اصلنده غزته بر نوع و ندیک پاره سی ایدی
و ندیکولرک قانونی سلطان سلیمان حضرت تری علیهنه اهای بی تحریک ضمنده
برنجی دفعه اوله رق طبع و نشر ایتدکری کاغد بر غزته یه صا تلدیغنه بناء
پاره نك نامی ذکر اولنان کاغده دخی نام اولدی قالدی .

انکتره نك ایلک غزته سی (عطار د انکلیر) نامیله (۱۵۸۸ م و ۹۹۷ هـ)
تاریخنده چیقان غزته در . مشهور (تایمس) اصلزاد کاله تجار و صناعک
مطالبی ترویج ایدر (مورنینغ هرالد) اصلزاده لک امتیازینی حایه ایدر
(مورنینغ پوست) اصلزاد کان مجلسنک معترضیدر . کذا و کذا انکلیر
ممالکنده طبع اولنان غزته لرک عددی بشیوزی تجاوز ایدی .

فرانسه نك ایلک غزته سی دخی (عطار د فرانسه) نامیله (۱۶۰۵ م و ۱۰۱۴ هـ)
تاریخنده چیقان غزته در .

ممالک محروسه ده ابتدا یونان فترتی علیهنه اولق اوزره (۱۸۲۵ م و ۱۲۴۱ هـ)
تاریخنده از میرده (مونیتور عثمانی) نام رومجه غزته چیقوب یدی سنه
صکره ترکیه (تقویم وقایع) نشر اولمغه باشلامشدر .

§

﴿ غزته ﴾ — افغانستانه بر شهر در کابلک جنوب غریبسنده
ویوز کیلومتر و بعدنده وسند نه ری شعبه غریبی اوزرنده بولنور و نفوسی

اون ابكى يىك تخمين اولنور . وقتيله اهميت فوق العاده يى حاز اولان
 بو شهر غزنو يلك پاي تختى اولوب نامنى غزنو يلك اعطا ايلشيدى
 جوارنده سلاله غزنويه نك الك يىوكى اولان سلطان محمود سبكتكينك
 تربىسى اليوم كورلمكده دركه زيارتنه برچوق زوار كلورلر . غزنه
 (۱۱۱۶ و ۵۱۰ هـ) ده عجملر و (۱۱۵۸ م و ۵۵۴ هـ) ده اها ليسنى قتل
 عام ايند غور پادشاهى علاء الدين طرفندن ضبط اولنوب (۱۷۳۹ م
 و ۱۲۵۵ هـ) تاريخندينرو انكيزلرك تحت نظارتنده بولمقده در .
 تاتارجنسندن اولان ملوك (غزنويه) عجمستان و هندوستانك قسم اعظمى
 اوزرنده ايكوز اون درت سنه سلطنت سسورديلر بونلرك برنجيلرى اولان
 (الب تكين) غزنه ده هوايق نام ترك قومندن نشأت ايتش و ملوك سامانيه
 طرفندن خراسان و اليسى اولديغى حالده غلو ايدرك سامانيلرك حكومتى
 صار صوب (۹۶۰ م و ۳۴۹ هـ) ده كندوسلاله سنى تأسيس ايلشيدى . الب
 تكيندن صكره قاينى سبكتكين (۹۷۵ م) ده تحت كچوب بونى متعاقب (۹۹۷ م
 و ۳۸۸ هـ) تاريخنده سلطان عنوانى الان اوغلى يمين الدوله محمود جلوس
 و عجمستان و هندستانك قسم اعظمى فتح و تسخير و ملكنى بحر حزرذن غانز
 عليايه قدر توسيع ايلدى . بونك وفاتندن صكره غزنو يلك خيليدن خيلي
 قوتلر ينى غيب ايتديلر ايسه ده خلفرندن مسعود و مودود و شيرزاد
 و بهرامشاه و سائرلرى (۱۱۵۸ م) تاريخنه دكين ينه سلطنتلر ينى محافظه
 ايد بيلديلر . اندن صكره يعنى تاريخ مز بورده بهرامشاه غور يلك سلاله سندن
 اولان علاء الدينه غزنه يى تركه مجبور اولدى . و غزنو يلكدن خسرو شاه
 و خسرو ملك نامنده ابكى ذات لاهور ولايتنده بر مدت ده حكومت
 سورديلر سه ده (۱۱۸۹ م و ۵۸۵ هـ) دن ايلرو كيده ديلر . بونلرك عجم اسانى
 اوزره يازلمش اولان بر تاريخى (۱۸۳۲ م و ۱۲۳۸ هـ) تاريخنده (ويلكن)
 معرفتيله المانيا لساننه دخی ترجمه ايدلمشدر .

§

﴿ غزوه ﴾ — فخر عالم صلى الله تعالى عليه وسلم حضرتلرينك
 بالذات تشریف بيوردقلرى سفرلره اطلاق اولنور . بومثلاو غزوات نبويه
 على قول الاكثر تدافعى و تحفظى اوله رق يكرمى بشه بالغ اولور . بونلرك

طوقوزنده یعنی (بدر کبری) (احد) (مریسمع) (خندق) (بنی قریظه)
(خیر) (فتح مکة) (حنین) (طائف) محاربه لرنده کندولری دخی مقاتله
بیوروب ماعدا اون اتیسنده یالکیز اردوی همایونلری قلمکاهنده ارام
ومحاربه یه وتشویق وترغیب بیورومشردرکه جملہ سی صرہ سیلہ ومختصر
صورته ذکر اولنور .

۱ (ودان و ابواء) غزاسی — هجرت نبویه نك اون ایکنجی آینده
قرشیلر ایله بنی ضمره قبیله سنك اسلام علیهنه تدار کاتده بولندیغی تحقیق
اولندیغندن اتیش نفر عسا کر اسلامیه ایله (ابواء) نام محله تشریف و قبیله
مرقومه طرفندن استرحام اولندیغنه بناء بعد المعاهده عودت بیوردیلدی .

۲ (بواط) غزاسی — اسلامه تعرضدن خالی اولمیان قرشیلری تهدید
ومدینه منوره جوارنده سیر وحرکتلرینی منع قصدیه شام شریفه کیده جا
کاربانلرینك اورلمسینه قرار وریلوب هجرت نبویه نك اون دردنجی آینده
ارباب کروفر ایکیوز نفر عسکرله درت کونلک مسافه ده واقع (رضوی)
ناحیه سنه قدر تشریف و کاربان یکمیش بولندیغندن ینه عودت بیوردیلر .

۳ (عشیره) غزاسی — رئیس قریش ابوسفیانك تجارت بهانه سیله
اسلام علیهنه طرفدار پیدا ایتك اوزره شام شریفه عزیمت ایده جکی خبر
آلندیغندن علیه الصلاة والسلام افندمز لاجل التهید مرقومك بولندیغی
کاربانی اورمق اوزره هجرت نبویه نك اون التنجی آینده یوز الی ایکیوز
کسه ایله عشیر نام محله قدر تشریف ساز عزیمت اولدقلری حالده کاربان
یکمیش بولندیغندن ینه عودت بیوردیلر .

۴ (بدر اولی) غزاسی — غزوه عشیردن برقاج کون صکره
اشقیای قریشدن برمفرزه صغیره نك مدینه منوره جوارنده اوتلیان دوه لرینی
سرقت ایلدیکی استخبار اولندیغنه بناء بدر آسمان رسالت افندمز براز ادمله
(بدر) نام محله قدر بونلری تعقیبه مسارعت و فقط یتسیله مدیکندن عودت
بیوردیلر .

۵ (بدر کبری) غزاسی — (بدر) کله سنه نظر بیوریله .

۶ (بنی قینقاع) غزاسی — بنی قینقاع دنیلان یهود قبیله سی اسلامک بدر کبراده آلدیغی اموال غنایمه حسد ایدرک قرشیلر غوغا بیلزلر اسلام بزمه غوغا ایتسونده کورسون کبی عظمتکارانه هذیان بهیلا دقلرینه و مدینه منوره چارشوسنده براسلام خاتوننی تحقیر ایدن بریهودی سائقه غیرت دینه ایله اعدام ایدن مسلمانک اوزرینه یهودیلر هجوم و تلف ایدرک اختلال چیقاردقلرینه بناء علیه الصلاة والسلام افندمز قبیله مذکوره اوزرینه اعلان حرب ایدرک درحال قلعه لرینی محاصره وضبط و مال لرینی اغتنام ایله کندولرینی (ازرعان) ه نفی و طرد بیوردی .

۷ (سوبق) غزاسی — رئیس قریش ابوسفیان بدر کبری مغلوبیتنک آجیسنی چیقارمق اوزره ایکیوز سواری ایله مدینه منوره جوارنده واقع (عریضه) ناحیه سنه کله رک براسلامه بر خدمتکارینی اعدام و براق خرما اغاجی احراق ایلدیکی استخبار اولندیغندن علیه الصلاة والسلام افندمز هجرت نبویه نك یکر می ایکنجی آیده ایکیوز بهادر ایله مرقومی تعقیب بیوردیسه ده حریفلر صاوشدقلرندن کیرو دوندیلر .

۸ (قرقره الکدر) غزاسی — بنی سلیم و غطفان قبیله لرینک اسلامه خسار قصدیله اجتماعلری خبر آلدیغندن هجرتک ایکنجی سنه سی نهایتده علیه الصلاة والسلام افندمز ایکیوز کسه ایله قبیلتین مذکور تین اوزرینه عزیمت واهالی قبیله فرار ایلدکلرندن بشیموز قدر دوه لرینی بعدال اغتنام عودت بیوردیلر .

۹ (غطفان) غزاسی — (۳ هـ) تاریخنده ایکی بیوک قبیله نك اسلام علیه اتفاق خبر آلدیغندن حضرت فخر کائنات درتوز آتلو ایله (ذی القصد) نام محله قدر تشریف بیوردیلر فقط جمعیت اهل عصیان صولت نبوی به قارشو اعتراف عجزله پراکنده و پریشان اولمشلر ونبی

ذیشان افندمز اوراده ارام بیورمشر ایدی اول اثناده یغمور یاغدیغی جهته
سلاحلرینی ترکه اردودن براز ایلو و تنها بر محله البسه لرینی قورتمقده ایکن
بردشمن (من یمنعک الیوم منی) دیه رک سل سیف و هجوم ایتدیسه ده او آنده
من قبل الرحمن کوکسینه اصابت ایدن بر ضربه ایله ارقه سی اوزری دوشمکه
حضرت پیغمبر افندمز همان قلیجی آلوب (من یمنعک الیوم منی) بیوردی
و شخص مرقوم دخی بالنفس تجربه ایتدیکی اشبو معجزه باهره دن مظهر انتباه
اولغله در حال اسلامه کلوب جانی قور تاردی و قومی دخی کندوسی کبی
شرفیاب دین محمدی ایتک ایچون رخصت آلوب قبیله سنه کتدی .

۱۰ (احد) غزاسی — (احد) کله سنه نظر بیوریه .

۱۱ (جرء الاسد) غزاسی — قرشیلرک احد غالبیتی عقینده
سیجانی سیجاغنه بردها هجوم ایدوب اسلامی بتون بتون محو ایتک اوزره
بولدن عودت ایلدکری خبر آلتدیغندن فخر عالم افندمز التی یوز اوتوز
بهادر ایله مدینه منوره دن چیقوب جرء الاسد نام محله تشریف بیوردیلر
لکن قرشیلر اسلامده اومدق لری کبی ضعف کوره مدکلرندن دونوب
مکه یه کتدیلر . جرء الاسد مدینه منوره یه سکر میل مسافه ده در .

۱۲ (بنی نضیر) غزاسی — بنی نضیر دنیلان یهود قبیله سی اسلامه
مصالح بولندیغی جهته علیه الصلاة والسلام افندمز برایش ایچون قبیله
مذکورنک بولندیغی ناحیه یه تشریف بیورمش ایدی یهودیلر اشته شمدی
فرستی بولدق همان تلف ایدر قورتلیرز دیو بربرلیله سویلشورلر ایکن
صورت مذاکره لری با واسطه وحی رب العالمین معلوم جناب رسول امین
اولدیغندن حضرت پیغمبر افندمز همان قالقبوب عودت بیوردیلر و در عقب
مدینه جوارندن رحلتلری حقنده شرف صدور ایدن امر نبوی بی یهودیلر اصغا
ایتک استمد کلرندن (۴ هـ) تاریخنده قلعه لری محاصره و کندولری مجبور
استیمان ایدیلرک کورتوره یلدکری اشیارلیله دفع اولدیلر . بنی نضیر مدینه
منوره یه ایکی میل مسافه ده در .

۱۳ (بدر موعود) غزاسی — رئیس قریش ابو سفیان بر سنه اول سولیدیکی سنه جدیدده بوراده ینه کوروشیرز سوزینی یرینه کتورمک مجبوریتنده بولندیسدهده اورتالقهده قحط و دروننده خوف اولدیغندن سطوت موحدیندن بر مدت معینه اسرده نشین اولمق ایچون اسلامی بالواسطه تخویفه قالشمش ایدی علیه الصلاة والسلام افندمز تهدیدات مزبوریه اهمیت ویرمیوب (۴ هـ) تاریخنده بیک بشیموز دلاور ایله همان حرکت و موعود اولان (بدر) نام محله موصلت بیوردیلر سدهده قرشیلر محاربهیه جسارت ایدهمدکارندن عساکر اسلامیة بدر پنایرنده برچوق اخذوا عطاءدنصکره عودت بیوردیلر . بوسفرده قرشیلرک قورققلغنی بین القبائل تعین و تحقیق ایتشدیر .

۱۴ (ذات الرقاع) غزاسی — قبائل نجددن ایکی جماعتک مدینه منورهیه هجوم تدارکنده اولدیغنی استخبار اولندیغندن علیه الصلاة والسلام افندمز (۵ هـ) تاریخنده درتوز یاخود یدیوز کسه ایله (ذات الرقاع) نام محله قدر تشریف و جماعتلر کال خوفله طاغلدیغندن عودت بیوردیلر .

۱۵ (دومة الجندل) غزاسی — مدینه منورهک شام شریف جهتنده واون بش کونلک مسافدهده واقع دومة الجندل نام بلده اشقیاسنک یوجیلره تعرض ایتدکلری استخبار اولندیغندن علیه الصلاة والسلام افندمز اسلام تجارینک تأمین طریق نیثیله (۵ هـ) تاریخنده بیک کشی آلوب محل مزبوره تشریف و اشقیای مرقومه فرار ایلدکلرندن حیوانلری وقویونلری بالاغتمام عودت بیوردیلر .

۱۶ (مریمیع) یاخود (بنی مصطلق) غزاسی — بین الحرمین ساکن اولان بنی خزاعهک اسلام علیه بعض قبائل ایله اتفاق تحقیق ایلدیکندن حضرت فخر کائنات (۵ هـ) تاریخنده بیک نفر عساکر نصرت پیکر ایله مریمیع نام محله تشریف و قبيله مرقومهک ایلک هجومده ویردیکی اون نفر تلفاتدن بشقه انان یدی بوز نفراسیر ایله مظفراً عودت بیوردیلر .

۱۷ (خندق) یاخود (احزاب) غزاسی — مقدمه مدینه منوره

جوارندن طرد اولنان بنی قینقاع و بنی نصیر یهودیلری اسلامدن انتقام المق ایچون قرشیلرله عهد و پیمان ودها بر قاج قبیله بنی اتقاق رینه اداخل ایدرک جله سی اون بیک کشی اولدیغی حالده (۵۰ هـ) تاریخنده مدینه منوره اوزرینه یوردیلر علیه الصلاة والسلام افندمز دخی اثنای استشارده اصحاب کرامدن (سلمان فارسی) حضرت تیرنک اخطار یله جبل سلع اوکنه عرضی و عمقی بشر ذراع بر خندق حفرینی فرمان و اوج بیک عسکر آماده یوردیلر بو صرده اعدا کلوب مدینه منوره یی تحت محاصره یه الدی ایکی طرفدن وقوعبولان اوق و طاش محاربه سی یکر می درت کون امتداد واک صکره اعدا طرفنده بولنان دهات عربدن (نعیم بن مسعود) رخصتله کیزلیجه اردوی همایونه کله رک عرض انقیاد ایدوب (الحرب خدعة) مفهومی اوزره پایدیغی بعض جبل و دسایس ایله کروه اعدایی بر برینه دوشوردی و علیه الصلاة والسلام افندمزک دعاسی برکات یله اول ائاده من طرف الله برده فورتنه ظهور ایلدیکندن ذاتاً معناده توز طیراقدن عبارت بولنان صفوف مشرکینی اولحوالی مقدسه دن کایاً سوردی کوتوردی .

۱۸ (بنی قریظه) غزاسی — اولجه عقد معاهده ایدوب خندق غزاسی ائاسنده نقض ایدن بنی قریظه یهودیلرینک تأدیی من طرف الله فرمان یوردلیغندن حضرت پیغمبر افندمز اوج بیک عسکر ایله اول طرفه عزیمت و حصار لرینی یکر می کوندن زیاده محاصره ایله قتمدن صکره اثنای محاصره ده ایتدکری بدزنالنقرینه بناء تعیین اولنان بر مجلس حکم قرار یله رجالری اعدام و مالری اغتنام اولندی .

۱۹ (بنی حیان) غزاسی — بنی هذیل قبیله سنک تعلیم دین ایچون کوتورمش اولدقری بر قاج مسلمانن شهید ایتدکری استخبار اولندیغندن علیه الصلاة والسلام افندمز (۶۶ هـ) تاریخنده ایکوز عسکر ایله قبیله مذکوره اوزرینه تشریف و فرار لر ی خبر الندیغندن یه عودت یوردیلر .

۲۰ (غابه) غزاسی — علیه الصلاة والسلام افسدمزك يكرمی
رأس سودلی دوه سی مدینه منوره جوارنده اوتلامقه ایکن حیادیددن قرق
آتلو یونلری غصب و غارت و سارباننی قتله جرأت ایتدکلرندن جناب فخر
رسالت درحال تعقیب یلینه مبادرت و دوه لرك برازینی استرداد ایله عودت
بیوردیلر .

۲۱ (خیر) غزاسی — خیر کله سنه نظر بیوریله .

۲۲ (فتح مکه) — مکه ده ساکن قرشیلر اسلام حایه سنده کی بنی
خزاعه قبیله سنه تسلط ایدن بنی بکر قبیله سنه امداد ایله اسلام علیه نه
اظهار اتفاق و بوضوورتله نقض عهد و میثاق ایلدکلرندن علیه الصلاة والسلام
افندمز بنی خزاعه یه معاونت و عهد بیورمش ایدی بنابرین هجرت نبویه نك
سکرنجی سنه سی رمضانده اون بیک نفر عسا کر ظفر پیکر ایله مکه اوزرینه
توجیه لجام و مکه یه قریب (مر الظهران) نام محله ده نصب خیام ارام
بیوردقلرنده رئیس قریش ابوسفیان کال خلیجان ایله اردوی همایونک احوالنی
تحقیق ورجای مصالحه ضمنده خفياً محل مز بوره کلدی و برقاج کون اول
مدینه منوره یه هجرت ایتک اوزره یوله چیقوب معیت نبویه قلمش اولان
عم رسول حضرت (عباس) ابوسفیانی کوروب مرجه برلکده حضور
جناب پیغمبری یه کتور مکه درحال اسلامی قبول و اردوی همایونک جسامت
و اسلامک شجاعتنی اکلاتیق اوزره مکه یه عودتیچون رخصت طلب ایلدی
و حضرت فخر الرسل دخی اهالی مکه دن سلاح طو تیمانلر و سنک خانه که النجا
ایدنلر معفودر دیه رک مساعده بیوردیلر و ابوسفیانک بوامله مکه یه عودتنی
متعاقب عسا کر اسلامیه دخی جزئی بر محاربه دذکره قول قول ایچروکیروب
رسم بیعت اجرا و بیعت مکرم لات و عزادن تطهیر بیورلدی .

۲۳ (حنین) غزاسی — بعض مکه فراریلرینک تشویقیله جمعیتلرینه
کوکنه رک اسلامه اظهار غیض و عداوت ایدن (هوازن) و (ثقیف)
قبیله لرینک اسلامی همان محو ایتک اوزره عقیب فتح مکه ده اتفاق و مکه ایله

طائف اره سنده واقع (حنين) نام محله چو چوق چو اقلربله اجتماع ايلديكي خبر آلتديغندن فخر كائات افندمز عسكربني مكه لبلرله برابر اون ايكي بيكه ابلاغ ايدرك محل مز بوره تشریف بيوردي ومقدمه الجيش اولان فرقه نك برطار بوغازده پوصويه اوغرايوب بوزلديغني كورن عساكر اسلاميه دنخي رجعت ايلديكي صره ده فخر الرسل حضرت تلي نك امريله حضرت عباس بلند آواز ايله (اي معشر انصار واي شجرة رضوان التنده كيرو دونماك اوزره سوز ورن اصحاب ذوى الابصار كيرو دونك حضرت پيغمبر بوراده در) ديو باغيرنجه عساكر اسلاميه نك كافه سي ليك ليك صدای اجابت اداسيله كيرو دونوب اعداي فنا حانده پريشان وتون ماللريني اغنام ايلديلر . روايته نظراً مال غنائم يكرمي درت بيك دوه وقرق بيكدن متجاوز قوينون ودرت بيك قيه كوش واشيای ساثره ايله التي بيك اسير ايدى .

۲۴ (طائف) غزاسى — حنين مظفر يتي عقيبنده بر چوق اشقيانك طائفه فرار وتحصن ولوازم حربه وذخيره تدارك ايلدكلى عليه الصلاة والسلام افندمزك مسموعى اوله رق كيدوب قلعه دلر بني محاصره يه باشلا دقلرنده درون قلعه دن بعض كسه لر چيقه رق عرض استميان ايلر يله حقلرنده معامله عفو وصفح اجرا وعودت بيورلدى .

۲۵ (تبوك) ياخود (عمره) وياخود (فاضحه) غزاسى — تبوك كلمه سنه نظر بيوريله .
عليه الصلاة والسلام افندمزك بر ذاتى سر عسكرك تعيين وازوچوق عسكرك ترفيق ايدرك ارسال بيوردى سفرله (بعوث) و (سرايا) اطلاق اولنوركه ارباب سيرا للى يدى يه ابلاغ ايدرلر بونلرك اكثر يسي تبليغ وتعليم دين واشغال وتهديد اعدا ووقوعبولان خيانتة مقابل اخذ انتقام ايجيون اوتيه برويه كوندريلان كوچك كوچك فرقلردن واشيای محاربه ده بعض آقيلردن عبارت و همان كافه سي تحفظلى و لزوم حقيق اوزريشه مبتنى ايدى .

﴿ غزه ﴾ — فلسطینه ساحلی برشهر در اسرائیلیاتدن اوله رق

شمسون جبار و قتيله بوملککنک قیولرینی قالدیروب دروننده بولنان بر معبدی خراب ایتدیکی صرهده معبد مذکور ایچنده بولنان اوچ بیک آدمی ازمشدر . (۵۲۶۳ خ) تاریخنده یعنی میلادک اوچیوز اوتوز ایکی سنه مقدمنده بیوک اسکندرک هجومی ائاده غزه والیسی بر قاج آی مقاومت ایلدیکنندن مشارالیه ضبطدن صکره والی مرقومی برآت قویروغنه یاخود عربیه باغلی اولدیغی حالده سورکته رک اعدام ایلدی بوفعل قبیح بالاخره اسکندرک علوقدرینه نقیمه ویرمشدر . پتوله مه وسلوکوس انتی غونی بوراده بوزدی ومؤخرأ یهودیلرک محاربات داخلیه سی ائاده شهر خراب اولوب (غابینیوس) طرفندن مجدداً انشا ایلدی و (۱۷۹۹ م و ۱۲۱۴ هـ) ده فرانسرلر آلوب ینه رد ایلدی . شمدی نفوسی بشیک تخمین اولنیور . جد رسول اکرم (هاشم) بن عبد منافک مدفن و امام شافعی حضرتلرینک مولدی بوراسیدر .

(غزه) و یا (غزه قه) — قدیم آنتر و پاتین ده برشهر اولوب عجم شاهلرینک یازلق مقری ایدی . ایوم خرابه سی روان ایله همدان بیننده کورلمکده در .

§

﴿ غسان ﴾ — یمنده سیل عرم مناسبتیه اطرافه طاغیلان اقوامدن

شام جهتنه کلوب یرلشنلره اطلاق اولنور . اشبو غسانیلردن (جفته) نامنده برینک (۲۰۶ م) تاریخنده تأسیسکرده سی اولان حکومت عصر فاروق اعظمی یه قدر دوام ایتمشدر . بونلر دائماً شرق ایمپراطورلرینه تابع بولنورلر ایدی . برارالق دمشق شامی دخی مقرر حکومت اتخاذ ایلدیلر .

§

﴿ غلظه ﴾ — غالاتیه نک غلطیدر . (غالاتیه) کلمه سنه نظر بیوریه .

§

﴿ غلوس ﴾ — یانیه جوارنده اون بیکه قریب نفوسی جامع بر قضا

مرکزیدر . اطرافی کوزل بانچدلر ایله محاط اولوب سواحلی اوتوز ساعت قدر امتداد ایدر . یونانستان عتیق موخلرینک بیانه نظرأ بوراده و قتيله (آبواون)

نامنه یا بلش بر یوک کلیسا وار ایمش . معهود ارغونوترک سفینه سی بوراده
انشا اولندیغی دخی مرویدر (ارغون) کله سنه نظر بیوربله .

§

غمدان — یمن ولایتی مرکزی اولان صنعا شهری دروننده
سام بن نوح علیه السلام شهر مزبوربله برابر یاپدیردیغی قصر مشهورک
اسمیدر . بعضیلری ایت کریمه ده مذکور اولان (قصر مشید) بوایدی
دیرلر ایسه ده اکثر مفسرین کرامک قولجه قصر مشید صنعا به اون درت
ساعت بعید اولان (ریده حاسد) نام محله یا خود حضر موده ایدیه ده
شمی اثری بیه یوقدر .

صنعا ده الیوم (رأس الغمدان) نامیه معروف و درت قات کار کیر اوله رق موجود
اولان قصر ایسه یمن حکمداری (سیف ذی یزن) معرفیه (۷۱ م) ده
یا بلش ایدی . احتمالکه بوقصر دخی سام بن نوح علیه السلام قصری رینه
انشا ایتدیریلوب اونام ویرلش اوله . اسکی غمدان قصرینک بعض ملوک
تبابعه معرفیه تعمیر و تجدید اولندیغی دخی توارینخده کورلمشدر .

§

غوئی — یا خود (ووئی) — (۱۹۲ م خ) تاریخسنده یعنی میلادک
درتوز ایکی سنه مقدمندن صکره چینده حکمران اولان (خان) سلاله سنی
منقرض ایدوب یرلینه اوتوران سلاله حکمداری به مخصوص بر نامدر .
بونلر چینک ایالات جنوبیه و شمالیه سنه مالک اولوب مؤخرآ (اوهواون)
و (هون) تاتارلرینی دخی پریشان وهونلری زیر جایه لرینه ادخال و بروالی
مستقل ارسالیله رئیسلیتک (تانغی) عنواننی اغا ایلدیلر واق صویه قدر
بتون مالک اهاالیسنی و یرکویه باغلدیلر لکن سلاله لری پک چوق دوام
ایتموب (۵۲۴۳ خ) تاریخنده یعنی میلادک اوچیوز الی برسنه مقدمنده
منقرض اولغله یرلینه (تسین) سلاله خاقانیسی قائم اولدی .

§

غواتمالا — امریکای جنوبی ایله شمالی اره سننده بر جمهوریت
مستقله در و مقر اداره سی نام مذکور ایله مشهور و الی بیک نفوسی حاوی
بولنان شهردر . بوراسی (۱۸۲۱ م و ۱۲۳۷ ه) تاریخنه قدر اسپانیوللرک

زیر اداره‌سنده ایکن مکسیقا اداره‌سنه چکوب (۲۴۰ هـ) تاریخنده اعلان استقلال ایلدی .

§

﴿ غوت ﴾ — جرمان قومندندر كرك مار قومانلرله پابلاشدقلىرى (بوا او هیوم) و كرك ویستول نهرى منبعلى برنجى مسكنلىرى ایلدی . مؤخرأ اسقاندینا و جنوبى و وسطایى و ژوتلاند شبه جزیره سنى ضبط ایلله میلاددن اوج عصره مقدمنده اورالده توطن ایتدیلر (غوتون) دنیلان بر فرقهلى ایسه ایوم پروسیا نامى آلان بحر بالطعك جنوبنه كلوب اورادن وانقلىرى بورغونقلى روقسولانلى اییازیزلى فینوانلى زبر جایه لرینه آلهرق و بستول ووتیس نهرلندن (ره) یه دكین یایلدیلر صكره اوج قسمة انقسام ایلله جله سى بر حكومت تشكيل ایلدیلر كه اقسام مذكوره دن برى الپ باسترانقرك شمالنده ساكن قبطیلر ایكنجیسی ویزغوتلر اوچنجیسی اوستروغوتلر در . ماقسیمین و غوردیهن و دسبوس زمانلرنده روما ایمپراطورلغى تخریب ایچون طونه و قره دكزی برقاج دفعه لر تجاوز ایتدیلر و (غالیه) ی وركویه باغلادیلر سه ده (۲۶۹ م) ده غوتك نامى آلان ایكنجى قلود طرفندن ینه دفع ایلدیلر . مؤخرأ بوسفور قرالیتى خراب و آسیای صغرابی یغما ایلدكدن صكره قراللى (هرمانریش) دردنجى عصرده بر اقتدار نامحدود قزاندی شویله كه (۳۵۰ م) تاریخنده غوت ایمپراطورلغى دوندن یتسه و قره دكزدن بحر بالطعغه قدر تمتد اولدی فقط هونلك استیلاسى بونلك رقیاتنه بالاخره سد چكوب (۳۷۶ م) ده هرمانریش برهون محاربه سنده قتل اولغله غوتك بر قسمى اولان اوستروغوتلر هونلك اداره سنه كیردی سائرلى یعنی ویزغوتلر طونه یی چكوب یكیدن روما ایمپراطورلغى اوزرینه هجوم ایدرك سنه مرقومه ایچنده (والانس) دن بر مقدار اراضى استیلا و (۳۷۸ م) ده تکرار ایمپراطورك عسکرینه غلبه ایدرك استانبول واروشلرینی یغما ایلدیلر نهایت برنجى (تئودوس) بونلى ربقه تابعیتنه چكیدی . (۳۹۵ م) ده بوا ایمپراطورك وفاقی اوزینه بونلك رئیسى اولان برنجى (آلاریس) بالجمله تراسیا و ماکیدونیایی یغما كرلكله كزهرك (۳۹۷ م) ده ایلیریای شرقیده (ارقادیس)

طرفندن روما عسکرینک جزائی عنوانی آلدی و (۴۰۳، دن ۴۰۹ م) تاریخنه دکین اونوریوس زماننده ایکی دفعه ایتالیا به مستولی اولوب (۴۱۰ م) ده رومایی اخذ و تخریب ایتدی و متعاقباً والاریسک وفاتی اوزرینه قرنداشی و وارثی اولان (اتولف) (۴۱۲ م) تاریخنده غول جنوبیده واسپانیاده بروزیغوت پادشاهلغی تشکیل ایلدی . اوستروغوتله کلنجه آنلر دخی (۴۵۳ م) ده نائل استقلال اولدیلر و رئیسعلری مشهور (اتیللا) نك وفاتی اوزرینه بونلرک بعضیلری پانونی ده و دیگرلری تراسده اوتورمشلر ایدی بیلوک (تئودریق) زماننده جله سی برلشهرک ایمپراطور (زنون) ایله اتفاق و (۴۸۹ دن ۴۹۳ م) سنه سنه قدر ایتالیایی هروللردن ضبط ایدوب اوراده بر قرالیت تأسیس ایتدیلرکه بو قرالیت (۴۹۳ دن ۵۲۶ م) تاریخنه دکین بالاستقلال مقام اقتدار ده قالوب (۵۵۳ م) ده زوال بولمشدر . ویزیغوتلرک حکومتی ایسه اسپانیاده (۷۱۱ م و ۵۹۳) تاریخنه قدر دوام ایدرک عربلر طرفندن تخریب اولندی بناء علیه بوقومک یعنی ویزیغوتلرک بقیاسی استوری طاغلرنده و غالیس ده قالوب اوراده برکوچک خرسستیان حکومتی تشکیل ایتدیلرکه الیوم دوام ایدن اسپانیول قرالیتنک اصلی بورادن بدأ ایلر . غوتلر بار بارلر ایچنده مدینه ده یقین ایدیلر .

§

غوت قتالی — بالطق و شمال دکرلرینی یکدیگره الصاق ایدن قتالدر استوقهولدن غوتامبرغه قدر تمتد اولور (۱۸۳۲ م و ۱۲۳۸ هـ) تاریخنده اکمال اولندی .

§

غور — افغانستانده واقع غورات و یاغور ایالتنک مقر حکومتیدر قندهارک شمال غریبسندن ایکوز یکرهی کیلومترو بعد و مسافه ده و ایران حدودی جوارنده بولنور اون اوچنجی عصرده خوارزم خانی طرفندن ضبط و مؤخرأ جنکیز و تیمورلنک طرفلندن تخریب اولندی الیوم خرابه زاردر . (غور) و بعضاً (لاقنه اوتی یاخود غانث یاریزیا) — هندستانده غانث

نهری اوزرنده برشهردر (۱۲۰۴ م و ۶۰۱ هـ) دن (۱۵۶۴ م و ۹۷۲ هـ)
تاریخچه دکن بنگالک پای تخت حکومتی اولدیغی حالده هواسنک وخامتدن
ناشی ترك اولمشیدی .

(غوریلر) — اون ایکینجی عصر میلادی اثناسنده عجمستانده حکومت
سورن براسلام سلاله در (۱۱۵۵ م و ۵۵۰ هـ) تاریخچه حسین محمود غوری
غزنویلر طرفندن بونلره والی اولدیغی حالده اعلان استقلال ایلدی غوریلر
علاءالدینک تحت تابعیتنده ایکن بتون عجمستانی برسرعت کامله ایله فتح
ایلدوب (۱۱۵۸) تاریخ میلادنده غزنویلری کلیاً اورادن طرد ایلدیلر لکن
(۱۲۱۳ م و ۶۱۰ هـ) تاریخچه کندولری دخی خوارزم خانلری طرفندن
دفع وتبعید اولندیلر . بونلره ملوک (هیاطله) دخی اطلاق اولنور .
(غورستان) — قره دکز اوزرنده آسیانک قدیم برقطعه سی اولان قولشیدنک
جنوب جهتندن عبارت برایالت اولوب چورک ایله ریونی بوغازلری بینده
کاشدر و نفوسی قرق بیکه قریبدر . غورستان ایکی به تفریق ایلدیلور
بری غورستان روس که ایمرتی ایالتنه ملحق ومقری (پوتی) . دیکری
غورستان ترکیدر که دولت علیه نک طربزون ولایتنه ملحق لازستان سنجاغیدر
واسع اورمانلری وبالی بالمومی وداری وتوتونی واردر . اون بشنجی عصره
دکن کورجستان قرالغنک بر قسمندن معدود ایدی . (ایمه رلی) کله سنه
دخی نظر بیوریه .

§

✽ غول ✽ — فرانسه بلجیقا ایتالیای جنوبی جزیره بریتانیا
واسپانیان متشکل برقطعه قدیمه درکه رومالیردن اول کلت جرمان لیکور
ویونانلیردن مرکب اولق اوزره درت مختلف اقوام ایله مسکون ایدی
ایمپراطور سراز (۵۵۳۵ خ) تاریخچه یعنی میلادک الی طقوزسنه مقدمه
بورایی فنحنده ایکی قسم کبیره تفریق ایلدی . اوکوست زماننده دخی
غول (نارونیس) (آفکیتین) (لیونیس) وبلجیقا نامرله درت ایالته
تقسیم اولندی . اووقت غولرک رئیس (تریو) شهرنده اوتوررایدی .
(غولوا) طاقه سی — تاریخچه میلاددن الی عصر مقدمه طاقه
باشلادی بونلر (۵۰۰۷ خ) تاریخچه یعنی میلادک بشیوز سکسان یدی

سنه مقدمه طوغری کیریسملک استیلاری جهتیله اراضی-یلرندن طرد و (سیغوی) زمانده جرمانیاده و (بلووی) زمانده ایتالیاده اسکان اولندیلر . اشبو دارالحجره لرنده برخیلی زمان تکثر ایدرک قالقوب ایتالیای جنوبی بی ضبط ایله غول سزالین تمیمه ایلدیلر و (۵۲۰۴ خ دن ۵۲۴۶ خ) تاریخنه یعنی میلادک اوچیز قرق سکز سنه مقدمه دکن ایتالیای وسطاده دخی فتوحات عیدیه اجراسیله رومایه حاکم اولدیلر و یونانستانده دخی بر مدت حکومت ایلدیلر لکن مؤخرأ سزار بونلرک بقیاسنی بر چسوق محاربات ایله تحت جایه سنه المشدرد .

غولرک مذهبی (دروید) مذهبی ولسانلری کلت لسانیدر اول وقت مدنیتلری آترقی بولمش ایدی حتی البسه لری پانطلون وعادی سلاحلری بر نوع قلقلان و قازیقدن و قلیجیلری باقر پارچه لرندن عبارت ایدی .

§

❧ غیاث الدین ❧ — ملوک سلجوقیه دندر نفوذ سلطنت سلجوقیه ملوک ایلتخانیه په کچوب امرای ایلتخانیه زیاده سیله تعرضه باشلادقلری صروده بو ذات قونییه ده تحت سلجوقیه په جلوس ایلدی (۱۲۹۴ م و ۶۹۴ هـ) تاریخنده اناتولی اهلایسنک امرای مرقومه دن کوردکلری ظلم و تعدی واصل سمع ایلتخانی اوله رق تحقیقه مأمور کلدکده قباحتی غیاث الدینیه یوکلندکلرندن بیچاره عزل و ملکی درده تقسیم اولنوب هر بری حزینئ ایلتخانی په بر مقدار ویرکو ویرمک اوزره مغوللردن بررامیره تودیع ایلدی حالبوکه تعدی ده زیاده لشدیکندن بواصول ایکی سنه صکره ینه اسکی حاله ارجاع اولنوب اداره مملکت سلاله سلجوقیه دن علاء الدین کیقباد بن فرامرزه ویرلدی . بو بیچاره دخی سلطان غازان ایلتخانی طرفندن برمتسلم کی تخنه اوتوروب رشوتله منصب صاتمغه ودرلو و سیه لرله جرمیه المغه آلتشم اولان مغول امراسنک ایندکلرینی کورمازلکله بر قاج آی حکومت سوردی . غیاث الدین مؤخرأ قتل اولنمشدر .

§

❧ غیاث الدین ❧ نقاش — حکمای شرقیه دن او اوب سمرقنده در صد مشهوری بنایدن وزیج معلومی ترتیب ایلان ذواتدن بریدر مومی الیه (۱۴۰۴ م)

و ۸۰۷ هـ) تاریخنده چین خاقانی (دای منک) خانه خراسان حکمداری شاهرخ
طرفدن ایلچیلکله کوندربلان شادی خواجهیه دخی ترفیق اولغمشیدی .

(غ) حرفنده اولان ممالک دولت علیه

اسم و اعتباری	در قضا	در لوا	در ولایت
غامد	قضا	عسیر	يمن
خدامس	قضا	جبل غریبه	طرابلس غرب
غدوره	ناحیه	فران	طرابلس غرب
غرب نواحی	ناحیه	دیاربکر	دیاربکر
غربیه	ناحیه	بغداد	بغداد
غربی	ناحیه	فران	طرابلس غرب
هرزان	قضا	سعد	تبلیس
غروه	قضا	اشقودره	اشقودره
غفر اباد	ناحیه	قونیه	قونیه
غوثه مرج	ناحیه	شام	سوریه
غوره	ناحیه	برزین	مناستر
غوستوار	ناحیه	برزین	مناستر
غومینه	قضا	ایلیک	قوصوه

حرف ف

﴿فارابی﴾ - چینه چه ئو بکرندن اولدیغی حالده (۴۴۷۲ خ) تاریخنده یعنی میلادک بیک یوز یکریمی ایکی سنه مقدمده (شانغ) خاندانی محو ایله اوچنجی (چه ئو) سلاله خاقانینسی تشکیل ایدن ذاتک اسمیدر بوسلاله زماننده اصول مالکانه ظهور و خطه چینیهده یوز یکریمی بش اداره مخصوصه تشکیل ایدوب بر برلیله محاربه دن خالی اولمیدر . (شانغ) خاندانک الک صوک حکمداری بولنان ذات اشبو (فا) بک غلبه سنی و ارتق امید نجات قالدیغنی کوردکده دشمنه اسیر اولماق ایچون بالجمله اولاد و عیالیه کندوسنی آتشدن یاقدی .

§

﴿فارابی﴾ - مشاهیر حکمای اسلامیه دن اولوب کنیه سی ابونصر اسمی محمد مسقط رأسی ماوراء النهرده (فاراب) شهریدر مصر و شام طرفرنده سیاحت و تحصیل علوم ایچون بر ارهلق دخی بغدادده اقامتله نهایت شام شریفده توطن ایلدی . ارسطونک کتابلرندن مسائل فلسفیه بی اخذ و نشر ایلدیکنه بناء معلم ثانی لقبه مظهر اولمشیدی یتش قدر لسانه و قوفنی روایت ایدرلر . علم موسیقیده استادکل اولوب آلات طربدن اولان قانونی بواججاد ایشدر (الملة الفاضلة) کتابنده نفوس شریره نک بعد الموت آلام نامتناهیده قاله جغنی معترف اولمشیکن (سیاحت مدینه) آدلو دیگر بر کتابنده بونلری (نفوس شریره بی) کا ئن لم یکن اعتبار ایدوب انجق نفوس خیره نک بقاسنه قائل اولمش و امر سعادتق یالکز حیات دنیا به منحصر طوتمشدر .

علوم و صنایعك توسیعنه کمال خدمتدن ناشی موجد هر فن صاییلور .
وقوه مدرکه نك درجه اولیسنه مالک اعتبار اولنور ایدی . سوریه
حکمداری سیف الدوله نك دعوتنه قارشو عدم اجابتله روبراه فرار اولدیغی
اشاده قطاع طریق طرفندن تلف ایدلدیكنی نقل ایدرلر دیگر روایتده
مشار الیهك سراینده برچوق و قتلر اوتوروب (۹۵۰ م و ۳۳۹ ه) تاریخنده
وسکسان یاشنده وفات ایلشدر .

ارسطونك اقوال حکیمیه سنی عربلر بیننده ابتدا نثر ایدن بودر باشلیجه
ایکی تألیفاتندن بری کلیات علومه و دیگری موسیقی یه دأر اولوب کندو خط
دستیه یازدیغی نسخه لری الیوم اسپانیا شهری کتبخانه سنده محفوظدر و سائر
بعض تألیفاتنی دخی (۱۶۳۸ م و ۱۰۷۸ ه) تاریخنده پارسده نثر اولمشدر
(فصوص الحکمة) نامنده برکتابی وتصنیفات سائره سی دخی واردر .

§

﴿ فاران ﴾ — بحر اجر نهایتسنده واقع ایکی کورفز بیننده و (قلعه
العقاب) ل شرق طرفنده برقصه در و قتیله بورالره فاران چولی دیرلرایدی
جوارنده اولان بر برونه دخی الیوم (محمدیه) دیمکده در . حضرت سلیمان
علیه السلام ترسانه سی بوراده اولدیغی و حضرت موسی علیه السلام
ارض موعوده وصول ایچون بو حوالیده خیلی مدت اقامت ایلدیکی جله
مرویاتندر . فاران مکه مکرمه نك دخی براسمیدر .

§

﴿ فارس ﴾ یاخود (فارستان) — قدما نزدنده (پرسید) دنیلان
قطعه که عجمستانك الزنکین و معمور ایالتیدر غرباً کرمان و سیستان
شمالاً عراق عجم شرقاً خوزستان جنوباً بصره کورفزی ایلله تحدید اولنور .
طولاً بشیوز یتش عرضاً درتیوز الی کیلومتر و اتساعنده اولوب الی
یوز بیک نفوسی حاوی و کرسی اداره سی شیراز شهریدر . بختری نام
سلسله جبال شمال غربیدن جنوب شرقیه طوغری بوقطعه دن مرور
ایدر . سلسله مذکورده نبعان ایدن نهرلک ایچنده ک باشلیجه سی (بندیر)
نهری اولوب برچوق کوللری و ایلچیه لری دخی واردر و زراعتی وسط حالده در

کوزل پرنجی ونفیس اوزوم وخرما وپسوق و ایکی و اعلاآت و دوه سی
چیقار . تجارتی بصره کورفزی ایله ایشلکدر . بوملکته عجم لسانی
نایت فصیح اوله رق تکلم ایدر لر .

فارسستان مادلیردن صکره برچوق الله پکدی و ساسانیلرک مؤسسی اولان
اردشیر بابک خان (۲۲۵ م) تاریخنده بورادن نشأت و (۶۴۷ م ۲۶) ده
اسلام استیلا ایلدی و برچوق اختلالات داخلیه دن صکره ترکمنلر طرفندن
ضبط اولنوب (۹۳۴ م ۳۲۳ هـ) ده آل بویه سلاله حکمرانیسناک مرکزی
اولدی و (۱۲۶۳ م ۶۶۲ هـ) ده جنکیریلر و (۱۳۹۵ م ۷۹۸ هـ) تاریخنده
تیوریلر آلوب خفیدلری یوز سنه حکومت سوردکن صکره بیاض قیونلی
ترکمنلره و صفویلره و افغانیلره پکدیکی حالده (۱۷۳۰ م ۱۱۴۳ هـ) تاریخنده
طهماسب قولی خان طرفندن استرداد اولندی و مشار الیهک وفاتی اوزرینه
اون یدی سنه حاکمز قالوب نهایت کریم خان (زند) سلاله سنی و (۱۸۹۴ م
و ۱۲۱۰ هـ) تاریخنده اغا محمدخان الیوم ایرانده حکمدار اولان قجار سلاله سنی
تشکیل ایلدی .

§

﴿ فارما قولو ثری ﴾ صیدله — طبک خواص و قوای اجزادن بحث
ایدن قسمیدر بوعلک اربابی اولان اجزاجیلر بالجله اجزای طبیه نک قوت
و خاصه لرینی و یکدیکیلره برلشدکارنده طبیعت کیمویه لر ایجابجه نه خاصه
و یا مضرت پیدا ایده جکنی و نوجهله حفظ اولنق لازم کله جکنی و حکمیلرک
رچته لرنده برخطا اولوب اولمدیغنی و اجزا طوردیغنی یرده بوزیلوب
بوزلمدیغنی و ادویه مرکبه نک و هر درلو علاجلرک قاعده سی اوزره اعمال
و استعمالنی بیلور لر .

برمتوسط اجزاخانه ده الک آز بولنمی ایجاب ایدن اجزانیک ترکیه و فرانسزجه
اسملری حروف هجا ترتیبی اوزره زبرده مختصراً بیان و صورت اعمال
و خاصه و استعماللری اشعار و بربرلرینه نسبتله دکرلری بیلنک ایچون شمیدیکی
تجار فیثاتلری اشارت اولنمشدر فقط بونلرک ایجاب و شخص و علته
کوره نافع اولنلرینی انتخاب و مقدارلرینی تمین فن طبایته و قوفله ممکن و خود

بخود استعمالرنده تهلکه و بلکه هلاک متیقن اولدیغندن احتیاجی اولنلرک
هر وقت و هر حالده اطباءى حاذقه مراجعت ایللری لازم کلور .

۱ (آجی اغاج) — فرانسه سی (قواسیه عامر) — هاضم
مقویء معده دافع حما — صفوق صو درونه بر مقدار آجیسی چیقاریلهرق
ایچیلور و سفوف و خلاصه سی یاپیلور . یارم قیه صوده الی درهمی
اون درهم قانجهیه قدر قینادیلوب اشبو صو براز شکر علاوه سیله بر طباق
درونده قوندیغی و اوزرینه بر قبا کاغذ براغلدیغی حالده قونان سینکری
تلف ایدر . کیلوسی غروش ۳

۲ (اردیچ تخمی) — فرانسه سی (به دوجنیه وری) —
مدرر صحیح معده — صوده حاشلانور و مر باسی و روحی و خلاصه سی
یاپیلور ادراری تکثیر ایچون قوللانورلر و شیشلرک اضطرابنی خفیفلندیرمک
و اعصابی او یاندیرمک ایچون توتسی و برلر . خلاصه سنک کیلوسی غروش ۱۴

۳ (اردیچ پیراخی قره) — اوراق اهل — فرانسه سی (فوی
دوصاین) — فرنکی علتلرندن حاصل اولان مملری و امعاده اولان
صو غلجانلری دوشورمک و حیض دمی جلب ایتک ایچون سفوف و روح
حالنده قوللانورلر . کیلوسی غروش ۳

۴ (اردیچ قطرانی) — فرانسه سی (غودرون) — انلیقدن
چکلمش صوینی صدری یومشامق و ادراری آچق و بولک فنا قوقولرینی
کیدرمک ایچون قوللانورلر . ایللق صو درونده و قیزغین کول اوزرنده
برقاچ کون چالقالتمغه دخی اولور . قطرانی خارجاً جلد حرارتلرینی تسکین
ایچون مرهملر درونه دخی قورلر . کیلوسی غروش ۳

۵ (ارنیقه چیچی) — فرانسه سی (فلور دارنیقه) — محرک
دافع الحراره — فلج و قره صو و حما علتلرینی دفع و تسکین ایچون
سفوف و خلاصه و روح و مطبوخ حالنده قوللانیلور . کیلوسی غروش ۶

۶ (اسپیرتو) كئول — فرانسىز جەسى (آل قوئول) — پانجار
 و حاووج كېي شىكر يېان مەھسولات تەفېن و تەقپىر ايدىلەرك استىخصال اولنور
 زىيادە استىمالى حرارت و سىكر و ېرز و اكثرا خارجا سىزىلرى تىكىن ايچون
 سورىلور و داخلا استىمال ايچون روح و اكسىر ياپىلور و ھىر درلو
 روحلر كچىقارلسى ايچون قوللانيلور . اسپىرتونك عادىسى يعنى مەالجاتاك
 غىرى محللردە قوللانيلان بىرىنجىسى قىر قىردە مەقسەم اولان (قارتىە) مىزانىلە
 اوتوز اوج و ايكىنجىسى اوتوز التى و اوچىنجىسى قىر قىردە مەقسەم اولان (قارتىە) مىزانىلە
 دىرت درجە اولور و بونلر كچەسى مادونىدە كىلر كىلر تەكرار تەقپىر يە
 استىخصال اولنوب قەتەردىنجىسەنە حىن تەقپىردە (آزوتات دىپوتاس) علاوہ
 ايدىلور . اسپىرتو يە طوز قارشىدىر يەرق ياقىلور ايسە صارى و قىلور دىپوتاسىوم
 ايلە بىقىشە و اسىد بونلر كچەسى ايلە يىشىل و قىلور قالىسىوم ايلە تىنجى و قىلور
 دىواسىتون سىوم ايلە قىرمىزىلر كچەسى ۲۶ كىلوسى غىروش ۵

۷ (اسىد فىك) حامىز فىك — مەدىن كورنىدىن و كىكىدىن و بولدىن
 چىقاريلوب قانغىرەنە اولمش ياردەلرى تەطھىر و قوقوسنى دىفەك ايچون عادى صو
 درونىدە اولەرق قوللانورلر و كىلك آرى و عىقرب كېي سىلى حيوانلر ك
 صوقدقلىر محللرە و فىستوللرە سوررلر . حيوانلر كچەسى خستە لىكلىرىدە دىخى
 بىوصورتلە قوللانلىغى وادىر . كىلوسى غىروش ۲۰

۸ (اىلە صوغانى) عىنصل — فرانسىز جەسى (بولب دوسىل) —
 مىدرى صدىرى او كسورك و استىسقاء خستە لىكلىرىدە سىفوف و روح و خلاصە
 حالندە بىرىلور و بىعضى اجزالە قاتىلور و سىر كىنجىنى دىخى اولور . سىفوفى ك ۱۲

۹ (اىلە چانى) اوراق مېرىم — فرانسىز جەسى (فوى دوسوژ) —
 يوشادىچى او ياندىرىچى مەقوى — آغزاغىرىلرندە مەطبوخى ايلە غىرغە ايدىلور
 و وجودك التەبابى دىفەك ايچون بايە ياپىلور و بىھارلى شىرا بىلرە و قوقولى سىر كەلرە
 قاتىلور . توتىسى دىخى تەغىناتى دافەدىر . كىلوسى غىروش ۲

۱۰ (افیون) - فرانسیزجه سی (اوپیوم) - قابض منوم
 او یوشدیریجی - حشاش قوزدلی تازه ایکن چیلرله رکه سودی النوب
 قوربدنقله اولور و ایجابنه کوره اسهالی قطع و او کسورکی دفع و اغریلی
 و ساجیلری تسکین ایچون یالکیز کندوسی و مرکب و ساده روح و خلاصه
 و سفوفی قوللانیلور . افیونک چیقاریلان جوهرینی حامض قلمور ماء ایله
 جوشت کسب ایتش صودورونده حل ایدرک و شروب حالنه دکین قیناده رق
 (قلمور مائت مورفین) نامنده برطوزدخی و جوده کتوررلرکه بوطوز
 افیوندن یوزده اون بش درجه قوتلی اولور افیونک اعلاسی درونده یوزده
 اون مورفین بولناندر . کیلوسی غروش ۰۲۷۰ افیون

۲۳۵۰ قلمور مورفین

۰۵۰۰ خلاصه سی

۱۱ (افیون روحی مرکب) - فرانسیزجه سی (لاودانوم) -
 بالاده مذکور خاصه لری جامع اولان اشبوروح (افیون . زعفران .
 دارچین . قرنفل . ملاقه شرابی) ایله یاییلور و صورت اعمالی اجزای
 مذکورده یی سکزکون شرابک ایچنده ترک و تعطین دن عبارتدر . بونی داخلا
 مطبوخلر دروننه قورلر و خارجاً لاپه لر اوزرینه طمله دیرلر . افیونک عادی
 روحی بشته در . کیلوسی غروش عادی ۳۰
 مرکب ۶۰

۱۲ (اکرتی کوی) جزر سرخسیه - فرانسیزجه سی
 (فوچرمال) صوغلجان دوشورمک ایچون حکمانک تعیین ایتدیکی مقداری
 صوده قینادیلر ق لیمان روحی علاوه سیله استعمال اولنور . کیلوسی غروش ۴

۱۳ (التون کوی) جزر عرق الذهب - فرانسیزجه سی (راسین
 دی پسته) - صدری نقی - صدر علترنده و مزمن او کسور کارد
 صوده حاشا لانشنی و سفوفنی قوللانورلر . کیلوسی غروش ۹۰

۱۴ (انکایر طوزی) - فرانسیزجه سی (سولفات دو ماغنزی) -
 مسهل ملطف - بعض معدن صولری درونندن چیقاریلور و منغانیزی

حاوی برنوع فحمیت کایس زاج یاغیله معامله ایدیلرک دخی یاییلور و طبیعت و شخصنه کوره درت درهمدن اون الی درهمه قدر وریلور . سیجاق صو ایچنده حل ایلر صغوق صغوق ایچلملی . کیلوسی غروش ۲

۱۵ (آنیسون تخمی) — فرانسیزجه سی (سیمانس دانی) — اویاندریجی دافع ریج — صوده حاشلانهرق و سفوفی یاییلر ق استعمال اولنور ویاغی چیقاریلور . یاغنک کیلوسی غروش ۱۶۰

۱۶ (اوزرلک تخمی) بزر لفاح — فرانسیزجه سی (سیمانس دوبللدون) — قادیلر توتسی ییارلر ایسمده زیاده سملی اولدیغندن طبعده مستعمل اولیوب فقط پیراغندن خلاصه وروح و سفوف اعمال و فلج و الم اعصاب و ضیق نفس علتلرنده استعمال اولتفده در قطع سیلان بول و منی ایچون دخی قوللانیلور . اوزرلک پیراغنک جوهرینی ماء مقطر ایلر اریدوب زاج یاغی علاوه سیله (کبریت اتروپین) نامنده برنوع سولقا توستی دخی ییارلر بونکله حدقه توسیع اولنور . خلاصه سنک کیلوسی غروش ۵۶

۱۷ (ایدرات قلورال) مائیث قلورال — مسکن منوم — صاف اسپر تونک ایچندن غاز قلور امراریله استحصال و عصبی مرضلرده استعمال اولنور . کیلوسی غروش ۶۰

۱۸ (آیریق کوکی) جزر عرق نجیل — فرانسیزجه سی (راسین دوشیه دن دان) — مدرر — صوده قینادیله رق سوزیلوب صغوق صغوق ایچیلور . کلپرقی ایتک ایچون بو کوکی کیرد کارینه بناء فرانسیزله بونامی طاقشردر . کیلوسی غروش ۳

۱۹ (ایوت) — دکر یوصونلرندن و سونکرلرندن چیقاریلور — دافع العطش محلل مغیر — یالکز ایوت ایلر روحی بعض اجزالره قاتیلر ق خارجا استعمال اولنور و (ایوت اول زیبق) یعنی برنسبتده جیوه لی ایوت و (ایوت ثانی زیبق) یعنی ایکی نسبتده جیوه لی ایوت دخی اعمال اولنوب

صرهجه وفرنكى واستسقاى حصيه وامثالى علتلرده ويريلور . ايوتى
(قورتووا) نام كيميا كر (۱۸۱۱ م و ۱۲۲۶ هـ) تاريخنده دكر اوتلرينى
و صولر ينى تجربه ايدر كن بولشيدى . (ايوت اول حديد) دخی
ايوت وچليك اكه نيسي ايله اعمال و وجودده اولان دمك تكثيرى ايچون
استعمال اولمقده در . كيلوسى غروش ايوت ۲۰۰ اول زبيق ۲۵۰

۲۰ (ايوت — پلين طوزلى) — فرانسزجه سى (ايودور دوپو
تاسيوم) — ايوت چليك پامى پلين طوزى بونلر صوايله برلكده قيناديله رق
استحصال و ايوتده كوستريلان بعض علتلرده و جلد خسته لكارنده استعمال
اولنور . استعمال ايدنلر براز نزله يه اوغرارلر . كيلوسى غروش ۱۴۰

۲۱ (پاپايتيه چيچكى) ازهار بابونج — فرانسزجه سى (فلور
دوقامويل) — مقوى الاعصاب معدوى دافع ريخ — تشجمله قارشودر
صوغلجانلرى دوشورر وقينار صوايله حاشلانور و شروپى ياپيلور .
قنه قنه كشف اولنلردن اول جالرى دفع ايچون بونى قوللانورلر ايدى .
مسحوق پاپايتيه نك حايه شيشلرينى اينديرمك ايچون قورى قورى يه استعمال
اولنديغى دخی مرويدر . كيلوسى غروش ۵

۲۲ (بادم ياغى) دهن لوزحلو — فرانسزجه سى (اوويل دامانت) —
طائلى بادم تعصير ايديله رك استحصال و داخلا سويه و شروب و خارجا
پوماته و مرهم حالنده استعمال اولنور . ايچنده بر درهم كرج سويندبرلش
يكرمى بش درهم صودن لزومى مقدارى النوب بادم ياغيله حل ايدلنكده
مرهم كى بر شى اولور بونى آتش يانقلرينى صاوشديرمق ايچون
قوللانورلر . كيلوسى غروش ۲۰

۲۳ (بادم ياغى صابونى) صابون دوائى — فرانسزجه سى (صابون
مدى سينال) — محلل مدرر يومشاديجى — سوت قوسنيك منخلى
اوزرينه بادم ياغى اضافه سيله ياپيلور و داخلا حمامات ايله تسميم اولنان

ادميره ديكر معالجات ايله برابر حب حالنده ويريلور وتليين ممكن اولميانلرك مقعدلرينه صوقييلور وجراحاتي تطهير ويومشاتيق ايچون مشمع ايديلهرك صاريلور . كيلوسي غروش ۲۰

۲۴ (بالديران خلاصه سي) خلاصه شوكران - فرانسزجه سي (اكستره دوسيكو) — بالديران پيراغي قيناديله رق استحصال وداخلا مزمن صدر علتلرنده وخارجاً اورامي دفع ايچون ياپيلان مرهملرده قوللانورلر پيراغنك روحي وسفوف ولاپه سي دخی اولور . كيلوسي غروش ۵۶

۲۵ (بالق ياغي) — فرانسزجه سي (اوويل دوفووا دومورو) - ضعف عوميسي وصره جديه استعدادي اولنره وهرنوع جكر خسته لسكلرينه نفع كليسي واردر . بوني مورينه بالغنك جكري صوبنجاري اوزرنده ايصيديلوب صيقيله رق چيقارلر . ايلك عامللرينيك ناملرينه نسبتله (يونغ) (هونغ) دنيلان ايكي نوعي مخصوص شيشه لرله وعاديسي دوكله اوله رق فوچيلرله كلكددر . بونلرك تصفيه سي مراد اولنديغي حالده كور توزندن سوزيلور .

مقدملري ايزلاند و ترنوو ونوروج طرفلرنده بونكله تداوي اولتمقده اولديغي حالده مؤخرأ هر طرفه منتشر اولدي . اك اعلاسي ترنوو ونوروجدن كلنلردر . ايچنلر استكراه ايتدكاري حالده ترنج قابونغي شروبي علاوه سيله ايچسونلر .

۲۶ (بان اوتي) اوراق بونج - فرانسزجه سي (فوي دو ژوسكيام) بونك خلاصه سي صدر علتلرنده والم اعصابده قوللانيلور وحب و مرهم حالنده ويريلور و پيراغنك روح ولاپه سي اولور (بان) كله سنه دخی مراجعت بيوريله . خلاصه سينك كيلوسي غروش ۵۶

۲۷ (برومور دو پوتاسيوم) - محلل منوم - داخلا صوده اريديلهرك وخارجاً مرهم اوله رق فرنكي ونقريس وصراجده علتلرنده والم

اعصاب و بعض شیشلرده قوللانورلر . بونک صورت استحصالی محرق
پوتاس منجلی اوزرینه (بروم) دنیلان غازک تأثیر یله در . (بروم) کله سنه
دخی نظر پیور یله . کیلوسی غروش ۲۶

۲۸ (پلسنک یاغی - بلسان) — فرانسزجه سی (اوله اورزین
دوقوپاهو) — قوپاهی فرا جنسنندن بر اغاجک ساقزیدر . بل صغو -
قلقلرنده و حرقت بواده معجون و حب حالنده و مطبوخ دروننده قوللانورلر
(بوس-یون شوپار) ک بل صغو قلغنی ترکیبی اولان مشهور سو بیه نک ایچنده
دخی وارددر . کیلوسی غروش ۴۲

۲۹ (پلین طوزی مکرر) — فرانسزجه سی (قاربونات دوپوتاس
بی) — مدرر محمل — پوتاس محمولندن حامض قاربون امراریله اعمال
وعادی پلین طوزی و کهرچله طوزی و قرمطرطر اتشیده قیزدیرلش قاب
دروننده اریدیلوب صوایله تطهیر قلنهرق استحصال اولنور . چوق مقداری
سملی اولدیغندن داخلأ استعمالی آز اولوب یالکیز خارجأ کوکورد ایله مرهمی
یایله رق اوپوز و امشالی جلد علتلرنده قوللانغده در . عادیمی کیلو غروش ۸

۳۰ (بویر قره) — فرانسزجه سی (پوآوری نوآر) — جزایر
هندیه دن کاور واجزا خانه لرده بعضا کل باشلر ایچون پومانه سی
قوللانیلور . دافع حیا و مقوی باح و معدوبدر . مسخوقی طعاملره قاتلدیغی
حالده هضمی تسهیل ایدر .

۳۱ (پهلوان یا قیسی) لرق آلپسیر — فرانسزجه سی (آمپلاتری
ایس پاستیق دالپسیر) — قسارتیجی — شخم خنزیر ورچنه و بالومی
برلکده اریدیلوب سوزلدکدن صکره درونته قوندوز بوجکی مسخوقی
قویوب بز اوزرینه یایمقدن عبارتدر . ذات الرئه و سائر جکر خسته لکدرنده
یاشدیروب وجودک برآز صوبنی آلورلر . قوطیسی غروش ۹

۳۲ (بیت اوقی) — فرانسزجه سی (استافیرغری) — اعصابی

تحریرک ایدیجی و کله لری قیریجدر حاشلانان صوبی خارجاً بعض علتلرده قولاندیغی کبی توزی ایله مرهم دخی یاسلوب و کله لری قیرمق ایچون باشه سوریلور . بيطارلر دخی قولانورلر . ستملی اولدیغندن داخللاً قولانماز . (بوقلون) کله سنه نظر بیوریه . کیلوسی غروش ۹

۳۳ (پیزموت) — قیماغنی یاپوب اسهالری قطع و معدده بی اصلاح ایچون سفوف حالنده و شروب دروننده قولانورلر . قابض و بمصدر . (پیزموت) کله سنه دخی نظر بیوریه . کیلوسی غروش ۱۲۰

۳۴ (ترنج قابوخی) — فرانسزجه سی (أقورس دورانیج عامر) — معدوی — آجی مطبوخلره و معدده قوتی علاجلرینه قاتیلور و چیچکندن معروف اولان صو بالتقطیر چیقاریلور . خلجان قلب و صرعه و سائر علل اعصابه نفع کلیسی واردر . روحی و شروبی دخی اولور .

۳۵ (تره منتی) — فرانسزجه سی (تره باتین) — چام جنسندن بر آغاجک قابوقلری یاریلهرق آقیدیلور — او یاندیریجی — داخللاً مشانه ده وجکرده اولان مزمن نزله لری دفع ایچون و خارجاً وجع جنب و ریخ طیار کبی علتلرده قولانورلر و بالتقطیر روحنی دخی چیقاروب عرق النساء و بعض وجع و حالده ویرلر . کیلوسی غروش ۱۰

۶۳ (تریاق) — فرانسزجه سی (الکتور تریاق) — بونک اعمالی ازاق اکری . زنجفیل . بنفشه کوی . دارچین . اطه صوغانی . افیون . انیسون . معدنوس تخمی . و امشالی التمش نوع اجزا بر مقدار تره منتی و بال ایله قارشیدیریلهرق معجون حالنه کتور لمکدن عبارتدر . اصلاح معدده و تسکین وجع و تسهیل هضم و باش اغریسنی دفع و او یقو کتور مک ایچون شخصنه کوره نخود و فندق قدری قولانیلور . ک ۱۵

۳۷ (تمر هندی) — فرانسزجه سی (فوروی دو طمارن) — ملطف ملین مبرد قاطع الحاراره — اقطار هندیده بر آغاجک میوه سیدر .

آز مقداری تبرید چو غی تلین ایدر . صیجاق و صفوق صوایچینده ترکیه
خاصه سی چیقاریله رق ایچیلور و معجون اولور فقط صیجاق صویک
قابی طپراق و یا شیشه اولمیدر . تهره دینک اغاجی ابتدا مصرده بولنوب
صکره هندستان و انقیل اطه لرینه دخی کوتورلدی . حجاز و سوریه ده دائماً
شربتنی ایچرلر . مکه نکی اعلا و بهالی اولور . عادیسنک کیلوسی غروش ۳

۳۸ (تنکار) ثانی بوریث سوت — فرانسه سی (بوراقس) —
طبیعی سی هند و چین کولری صولرنده بولنور و سوت محلولدن حامض
بوریک امرار یله دخی اعمال ایدیلور — اریدیجی بورشدیریجی قابض —
ماء مقطر دروننه بر قاج بغدادی قونوب و بو صودن دخی بر قاج طمله سی
آلنوب قرینه لامعده ظهور ایدن حیباتک ازاله سیچون طمله دیرلر
واغز آغریلر یچون غرغه و طوزلی بلغم خسته لقلرنده مرهم بیارلر .
کیلوسی غروش ۹

۳۹ (توتیا طوزی) — فرانسه سی (سولفات دوزنک) —
ماء مقطر دروننه لزومی مقداری طمله دیله رق بل صفوقلقلرنده شرنقه یاپیلور
و کوز آغریلرنده قوللانیلور . کیلوسی غروش ۶

۴۰ (توتیا چیچکی) — فرانسه سی (اوقسید دوزنک) — توتیا
معدنی قیرغین آتشدن یاقه رق کرج حالنه کتوروب اسپازموز و صرعه و عصبی
باش آغریلرنده داخللاً قوللانورلر . تشنجره قارشو و قابضدر . ک ۱۵

۴۱ (تیراب صاف) حامض آزوت صاف — فرانسه سی
(اسید آزوتیک پور) — کهرچله طوزی اوزرینه صاف زاج یاغی
علاوه سیله استحصال اولنور — ملطف معتدل — غایت یاقیجی اولدیغندن
طوقندیغی بری صاری بر حاله قویله رق تحریک ایدر و خسته خانهلرده فسخه دن
ظهوره کلان یاره لر ی تطهیر و سیکلری یاقق ایچون سوریلور و داخللاً طمله سیله
لیوناته یاپیلوب تیغو و مزمن قره جگر واسقوریت خسته لیکلرنده ویریلور .

تیزابك عاديسنى دخی طوزايله قارشديره رق تعفتاتی دفع ایچون خلاره دو کرلر.
صافك کیلوسی غروش ۱۰

۴۲ (تیمور بوزان التونلی) مذهب کبریتیت انتی مووان —
فرانسزجه سی (صوفرو دوره دانتی مووان) — معرق ومضاد منبه —
ذات الجنب وذات الرئه وضیق نفس ومزمن اوکسورلرده حب وسفوف
حالنده وریلور . کیلوسی غروش ۲۰

۴۳ (ثعلب) — فرانسزجه سی (راسین دو سالب) — ایکی
قاریش بوینده بر اوتك صوغانیدر مقدا ایران طرفلرندن کلورایدی شمدی
هر طرفده بولقمده در — بسیجی معدوی مقوی قابض — بجله نك
بیلدیکی کی قینادیلهر رق استعمال اولنور .

۴۴ (چام ساقزی) — فرانسزجه سی (پووا رزین) — چام
اغاچندن آقیدیلان ساقز سیچاق صوايله قارشديره رق تطهیر ايله استحصال
اولنور . اوپاندیریجی — بل آغریلرینه نفع کلیسی اولدیغندن یاقیسی
اوریلور وسائر بعض مرهم ویا قیلره قاتیلور . کیلوسی غروش ۲

۴۵ (چلیك پاسی) قاربونیت حدیدی — فرانسزجه سی (قاربو-
نات دوفر) — مقوی قابض — قاربونیت سوت محلولی اوزرینه کبریتیت
حدید صاف اضافه سیله استحصال اولنور وبعض معدن صولری درونده
طبیعی اولهر رق بولنور . کیلوسی غروش ۸

(چلیك براده سی) بودخی چلیك پاسی کی خاصلدره مالک اولدیغندن
فقرا لدم خسته لقرنده وریلور . صورت اعمالی تیمور اکه تیسنی هاونده
دو کوب سفوف حالنه کتور مکدن عبارتدر . کیلوسی غروش ۱۴

۴۶ (چنتیانه کوکی) — فرانسزجه سی (راسین ژان سیان)
— معدوی مقوی — خلاصه وسفوف ومطبوخی بیارلر و بیطارلر عسرت
هضمی دفع ایچون قوللانورلر . بوکوک (۲۲۲ ن خ) تاریخنده یعنی میلادك

یوز تیش ایکی سنه مقدمنده وفات ایدن روما قرالی (ژان سیوس) ه نسبتله
بونای آلمشیدی. خلاصه سنک کیلوسی غروش ۱۲

۴۷ (جهنم طاشی مبلر) آزوتیت فضه مبلر — فرانسزجه سی (آزو-
تات دارژان قرمتالیزه) — کوشک توزی صاف تیزاب ایله قینا دیله رق
استحصال اولنور. محلل قابض — داخلاً امراض عصیه واحتناق
رحم و صدر و التهاب معده و امشالی علتلرده غایت آز مقداری قوللانیلمور
ودرت درهم ماء مقطر دروننه بریفدای قونوب و بوندن دخی براق طمله سی
آلنوب آغریبان و قائلنسان کوزله طمله دیلمور. تبلر ایتش جهنم طاش-نی
کوش و یا پیلاتین پوطه دروننده ایدوب تکجر ایتدکدن صکره خارجاً
یاره لری یالق ایچون قوللانیلمور. مبلرک کیلوسی غروش ۸۰۰

۴۸ (چیکدم شرابی) خجرحلاح — فرانسزجه سی (ون دو
قولشیق) — اویوشدیریجی — چیکدم ملاقه شرابی واسپیرتو دروننده
سکز اون کون ترک ایدیلوب آندن صکره سوزلمکدن عبارتدر. تقریس
وریج طیار علتلرده مطبوخ ایچنه قونور. کیلوسی غروش ۳۰

۴۹ (جیوه مرهمی) ایکی قاتلی — فرانسزجه سی (اونغوان
مرکوریل دوبلو) — جیوه بی مساوی مقدار خنزیر یاغیله هاونده اون
کون دوکدرک اعمال ووجودده حاصل اولان قرق ایاقلری وفرنکی علتلن
قلمه یاره لری و بعض شیشلری دفع ایچون استعمال ایدرلر. بونک ایچنه
اوج مثلی خنزیر یاغی ده علاوه ایدرک برقاتلیسنی یعنی عادیسنی دخی پیارلر.
کیلوسی غروش ۲۲ ۲ ۲۰

۵۰ (حشکاش باشی) فرانسزجه سی (تت دو پاوو) — اویوشد-
یریجی منوم — حاشلانان صوبی اسهالی قطع ایچون شرنقه ایدیلور و بعض
وجعلری تسکین ایچون صوبیله بز اصلادیلهرق اوریلور و شروبی یاپیلوب
اویوتق ایچون چوجقتره یالاتدیریلور.

۵۱ (خردل تخمی) — فرانسه سی (سیانس دو موطارت)
 — یاقیچی او یاندیریچی — خردل تخمنك بیاضی طعام ارمه سنده استعمال
 اولنور و سیاهی ایله لایه یاپیلوب صیرنی ووجعلر اوزرینه اوریلور . کاغذ
 اوزرینه سوریلوب قورودلشی دخی واردر . بونی استعمالده کاغذك خردلی
 طرفنی صغوق صوایله اصلادوب اوله یاشدیرملی و لزومی قدرطوروب
 قالدیرلدقدن صکره اوراسنی ایلیق صو ایله سیلیدر . خردلک یاغی دخی
 چیقاریلور . تخمنك کیلوسی ۵ و کاغذینك قوطیسی غروش ۱۰

۵۲ (خرساین) — فرانسه سی (سانتونین) — خرسائی
 دیلان تخم سونیش کرچ واسپیرتو و صوایله تقطیر اولنه رق و سیحاق ایکن
 درونه حامض حل علاوه ایدیلرک استحصال و صوجلانلری دوشورمک
 ایچون سفوفی شکر علاوه سیله استعمال اولنور فقط ویریه جک مکسندک سن
 و حالته کوره مقدارینی حکمادن اوکرنمک لازمدر زیر اچوجققره یکریمی درت
 ساعت ظرفنده بر بغدادین زیاده سی تهلیکه لیدر . بونک چوجققره بیدیرمک
 ایچون شکر و قرایه سنی دخی یارلر . کیلوسی غروش ۳۲۵

۵۳ (خطمی چیچی) — فرانسه سی (فلوردو کیوو) —
 صدری ملطف یومشادیچی و التهابله قارشودر — حاشلانتشی شکر ایله
 ایچیلور و عفونلری یومشاتمق ایچون قینادیلوب صویله بزاصلادیلهرق
 اوریلور و کوکنک سفوفی صدر علتلرنده قوللانیلور . اشبو سفوفی
 رازیانه یاغی و صاری بالومی و چام ساقزی و ترمیتی ایله برابر مرهم ایدوب
 یاره لری تمیزلمک ایچون دخی استعمال ایدرلر . کیلوسی غروش ۵

۵۴ (دارچین) — فرانسه سی (نه قورس دو قائل) — مضاد
 تشنج منبه — (دارچین) کله سنه نظر بیوریه . کیلوسی غروش ۸

۵۵ (دفتنه یاغی) — فرانسه سی (اوویل دولوریه) —

اویاندریجی — قوری دفسه تخمینی توزایدوب و بخار ایله یوشادوب
بالتعصیر چیقاررلر . اکثریا بیطرلر قوللانور . کیلوسی غروش ۱۸

۵۶ (دلیجه چاودار) مهموزه — فرانسیزجه سی (آرغودوسه غلی) —
چوق احتلام اولنله و اویقوسی آره سنده تبول ایدنله و بل صغوقلغندن
بیاض آقنی کلنله و فلج و بوغماجه اوکسورکنه و وضع حیل اضطرابنه
اوغریانله سفوف و مطبوخ دروننده ویریلور و جوهری دخی چیقاریلور
سملی برعلاجدر . کیلوسی غروش ۲۵۰

۵۷ (دوهر سفوفی) — فرانسیزجه سی (بودرو دوهر) —
مسکن معرق قابض — کبریتیت پوتاس و آزوتیت پوتاس و جزر عرق الذهب
و میان کوکی و افیون خلاصه سی بونلر توز حالنه کتوریلهرک اعمال و التهاب
قصبات و ریج طیار مزمن و اسهال خسته لقلرنده استعمال اولنور . ک ۴۵

۵۸ (رابل صوبی) — فرانسیزجه سی (اودو رابل) — قابض
دافع تعفن قاطع دم — زاج یاغنی اسپیرتودروننده یواش یواش قارشیدره رق
یارلر ورنک و برمک ایچون دروننه بر مقدار کلنجک چیچکی علاوه ایدرلر .
خارجاً و داخلاً قولانیلور و سلوک قانی دیکدیرمک ایچون بونکله
بر بڑ اصلادیلهرق اوزرینه اوریلور . کیلوسی غروش ۸

۵۹ (راوند چینی) — فرانسیزجه سی (راسیندو روبارب) مقوی
معدوی مسهل — استعمالی غایت لطیف اولوب فعلنی قوت و بره رک اجرا
ایلدیکسندن چوجقلره و قادینله شروب و حب حالنده ویریلور و روح
و خلاصه سی یاپیلور . کیلوسی غروش ۳۵

۶۰ (رطانیه خلاصه سی) — فرانسیزجه سی (اکستره دورطانیه) —
قابض — رطانیه کوکی توز ایدیلوب قینادیلهرق استحصال و مزمن اسهالاری
قطع ایچون دیگر علاجلره قاتیلهرق استعمال اولنور . کیلوسی غروش ۲۵

۶۱ (زاج قبریسی صاف) کبریتیت حدید صاف — فرانسیزجه سی (سولفات دو فرپور) — بورش دیر ییجی قابض — تیمور اکه تیسسی اوزرینه حامض کبریت محلولی اضافه سیله استحصال و فقر الدم و حجامه قطعیه و قلب علمترنده داخل استعمال اولنور و ییلانجیق اوزرینه بزاصلادیه لر ق اوریلور . تعفاتی دخی دافدر . کیلوسی غروش ۳

۶۲ (زاج یاغی صاف) حامض کبریت صاف — فرانسیزجه سی (اسید سولفوریک پور) — ملطف قاطع الحاراره هاضم — کهرچله طوزیله کوکردی اطرافی محفوظ و ایچی قورشون دوشه لی و سطحی براز مائل و صوطولی براوطه دروننده یاقلر . بونلرک دومانلی هواده برلشهرک و وجود حاصل ایدرک صویه دوشمکه زاج یاغی حاصل اولور و بعد التصفیه اجزاخانه لده قوللانیلور . بونک برقاچ طمله سیله لیوناته یا پوب تسکین حرارت ایچون ویرلر . زاج یاغنی کیمیا کرلر باشلیجه معیار اتدن عدا یمکه درلر . کیلوسی غروش ۸

۶۳ (زنجفره مبلر) کبریتیت ثانی زبیک — فرانسیزجه سی (سولفروروش دومرکور) — کوکردی آتشدیه اریدوب اوزرینه تدریجاً حیوه اضافه سی و بعد التبرید تقطیر ایله یا ییلور و طبیعتده دخی کوکرد ایله قاریشقی بونلور . علم طیده یالکز بعض جلد خسته لکرلنده توتوسنی ویرلر و ییطارلر قوللانورلر . کیلوسی غروش ۳۶

۶۴ (سرکه روحی) حامض حل — فرانسیزجه سی (اسید آسه تیک) — آسه تات دو سودک اوزرینه حامض کبریت اضافه سیله حاصل اولور . ملطف موقظ معتدل اولوب تهفاتی و باش آغریلرینی و حال غشیده کلان و نفس طارقلرینی دفع ایچون قوللانورلر . کیلوسی غروش ۷

۶۵ (سرمضاعف) کبریتیت پوتاس — فرانسیزجه سی (سولفات دو پوتاس) حامض کبریت و پلین طوزی ایله اعمال اولنور . بونی مقدا

منهله اوله رق قوللانورلر ایدیسسه ده اخیراً ده نافع مسهلر بواندییچون
شمدی آق قوللانلقده و (دووه ر) سفوفنه قاتلقده در . کیلوسی غروش ۱۰

۶۶ (سلن بیاض) قلور ثانی زیق — فرانسزجه سی (بی قلورر
دومرکور) — کبرییت ثانی زیق و طوز و حض اخیر منغانز ایله
استحصال اولنور — مغیر مضاد فرنکی — خارجاً غرغره و بانیو و شرنقه
ایله داخل حب حالنده قوللانورلر . کیلوسی غروش ۴۵

(طاتلی سلن) دخی بیاض سلن ایله جیوه برلکده تبخیر اولنهرق
وجوده کتوریلور ایسه ده طبابتده قوللانق ایچون بونی تکرار اصولی اوزره
تبخیر و تطهیر ایدرلر . اشبو طاتلی سلن بوزیجی واریجی و طارد دیداندر .
قوری کوز اغریلنده قرینه لامعه به کلان لکهلرک ازاله سیچون قوللانقلری
کبی جکر عفونتلرنده دخی التونلی تیمور بوزان و شکر ایله ویررلر .
بوعلاجی استعمال ایدن ذاتک قطعاً اکشی و طوزلی یمامسی اخطار اولنور .
کیلوسی غروش ۵۰

۶۷ (سنامکی) — فرانسزجه سی (فوی دو سنه) — جله نك
معلومی اولدیغی اوزره تلین ایچون قوللانلقده در . الی درهم سننامکی
وسکز درهم قدرت حلواسی و الی درهم انکلیز طوزی و ایکی درهم
انیسون تخمی برلکده حاشلانهرق لزومی قدری استعمال اولنور لکن
سنامکینک چوپلرینی آیقلامق شرطدر . یالکز سنامکی دخی مسهل ایسه ده
سائرلیله قارشیدیرلمدجه وجع کتورر . کیلوسی غروش ۶

۶۸ (سنه غا سود اوتی کوکی) — فرانسزجه سی (راسین دوپولی
غاله سنه غا) — آز مقداری او یاندریجی و مدرر چوق مقداری مقی در .
التهاب رئه و سعالده مطبوخی قوللانیلور . کیلوسی غروش ۶۰

۶۹ (سورر اجر) — حض ثانی زیق — فرانسزجه سی

(پی اوقسید روز دوم رکور) — جیوه بی بر مطره دروننه و مطره بی جام
رمل اوزرینه قویوب یواش یواش حامض آزوت علاوه اولنور و بواشاده کی
فلانی سکونت پیدا ایتد کدنصکره تکرار قینا دلده سورا حرو جوده کلور .
او یاندر یچی و مغیر در . کیلوسی غروش ۴۵

(پر سهی ته ییلان) دنیلان بیاض سورری دخی آزوتیت زببق محلولی
حامض قلور ماء ایله ترسیب ایدرک استحصال ایدرلر و خارجاً طوزلی
بلغم واسکی قرحه لری اصلاح ایچون مرهمنی یپارلر . کیلوسی غروش ۴۰

۷۰ (سولفاتو قنه قنه سی) کبریتیت کنین — فرانسیزجه سی
(سولفات دوکنین) — قنه قنه فلیزایه و حامض قلور ماء و صو و سونیش
کرج ایله استحصال اولنور . آز مقداری یعنی ایکی اوچ بغدادی مقوی
و شخصنه کوره الی بغدادین اون الی بغدایه قدری دافع حصار .
(قنه قنه) یه دخی نظر بیوربله . کیلوسی غروش ۲۲۵۰

۷۱ (سیجاق اوتی) حامض آرسنیک — فرانسیزجه سی (اسید
آرسینو) — محلول صوسزلق و یر یچی — ستمه و فرنیکی علتلمنده
وامراض جلدیه ده غایت آز مقداری داخل قولانیلور و (فوولر) روحی
یایلور . کیلوسی غروش ۳

۷۲ (شاپ) مضاعف کبریتیت آلومین و پوتاس — فرانسیزجه سی
(سولفات دالومین آدو پوتاس) — بورش دیر یچی قابض ملطف —
(پیردالون) دنیلان برنوع معدنی طاشک احراقیله یایلور و بعض و ولقان
قوصونیتلری آره سنده بولنور و تصفیه اولنه رق رحدن سیلان دمی و بعض
اسهالری قطع ایچون قولانیلور و غرغه یایلور . کیلوسی غروش ۲

۷۳ (شراب) — فرانسیزجه سی (وهن) — آزی مقوی
و او یاندر یچی چوغنی منوم — قرمزی شراب قرمزی و عادیسی بیاض
اوزومدن یایلور عادیسی مدر در . اسقور پیت علتنده قولانیلان

(اسقوریت شرابی) فی دخی بار طور پی و کلنجک چیچی و قاشق اوتی و روحی و صو ترهسی و خردل و بیاض شراب ایله پیارلر .

۷۴ (شربتچی اوتی) ازهار دینار — فرانسزجهسی (فلور دو اوبلون) — نیم منوم — کساحه و جلد و صرهجه علنلرنده قوللانیلور ویتاقده اویقو بکله یانلرک یصدقلری دروننه طولدیریلور . (لویوله ن) شربتچی اوتنک جوهریدر . اوتنک کیلوسی غروش ۹

۷۵ (صارمساق معجونی) — فرانسزجهسی (الکتور دی یاسقور دیوم) — اسهالی تسکین ایچون شخصنه کوره کونده بر ایکی درهمی قوللانیلور . بلوط الارض دیدکلری اوت . قمرزی کل . لفافه . چنتیانه کوکی . زنجفیل . دارفلقل . خیارشنبه . دارچین . قاسنی . ضمغ عربی . کیلمنی . افیون خلاصهسی . کل بالی . اسپانیا شرابی ایله اعمال اولنور . کیلوسی غروش ۱۵

۷۶ (صاری صبر) — فرانسزجهسی (آلوئس) — ملین — تلین ایچون حب حالنده قوللانیلور . اسپیرتو ایله یاپیلان روحی قابض و یاقیچی اولدیغندن بونی یطارلر یاره لری تمیزله مک و تیشدیرمک ایچون خارجاً قوللانورلر . کیلوسی غروش ۹

۷۷ (طافلان صوبی) — فرانسزجهسی (اودلوریه سربس) — برنوع طافلان پیراغنی تقطیر ایدرک چیقاروب الم اعصاب و جکر عفونتلی و بوغماجه اوکسورک و معدده سانجیلرنده شخصنه کوره داخلأ طمله ایله قوللانورلر و وجعی زیاده اولان یاره و یانقلرک و جعنی تسکین ایچون بالموی و بادم یاغی ایله برابر مرهم پیارلر . کیلوسی غروش ۳

۷۸ (طالیون یاقیسی) لزق دیاشیلون — فرانسزجهسی (آمپلاتری دی یاشیلون) — مرده سنک و زیتون یاغی ایله اعمال و یاره لری بومشامق و هوادن محافظه ایتک ایچون استعمال ایدرلر . کیلوسی غروش ۹

۷۹ (طرطیر مقبی) — فرانسه‌سی (طرطیر نه‌میتیک) —
هم مسهل و هم مقبی در تیمور بوزان و قمرطر و صو ایله یاپوب ریج
طیار مزمن وذات الجنب وذات الرئه و سسل علتلرنده داخلأ سائر اجزا
ایله ویرلر و خارجأ دخی وجودده چیمان دوکدیرمک ایچون مرهمنی
سوررلر . کیلوسی غروش ۲۴

۸۰ (طوز روحی) — فرانسه‌سی (اسید قلعوری دریق
پور) — عادی طوز و زاج یاغی و صو ایله چیقاروب قره حالرده حرارتی
تسکین ایچون لیوناته‌سنی بیارلر و سکز درهم قره طوت شروبی دروننه
ایکی اوچ طمله‌سنی قویوب آغز آغریلرنده آغریان یره پاموق ایله سوررلر .
حرارتی تسکین ایچون یاپیلان لیوناته‌سی بر برداق شکر شربتی دروننه اوچ
درت طمله قویغله اولور زیاده‌سی سمدر . کیلوسی غروش ۱۰

۸۱ (عسلبنده — عسلبان) — فرانسه‌سی (بوم بنزوان) —
صوماتره اطه‌سنده براغاجک ساقزیدر . مثانه و صدر و نفس طارلغی علتلرنده
نوتسی ایدیلور تعفناق دخی دافعدر . روحی ده اولور . کیلوسی غروش ۲۰

۸۲ (غلسیرین) خلوین — ساده یاغنی کرج صویی ایله صابون
حالنه کتوروب بوندن حاصل اولان صویی زاج یاغی ایله معامله ایدرلر و بعده
اسپیرتو ایله حمام ماریده قیناده‌رق اعمال ایدرلر . خارجأ بعض یاره‌لرده
وال چطلاقلرنده و صوده محلولی قولاق آغریلرنده قولالانلقده در . ل ۱۶

۸۳ (فوسفور) حامض — فرانسه‌سی (اسید فوسفوریک) —
فوسفور حامض آزوت و صو ایله استحصال و حرارتی قطع و تلطیف
ایچون برقاچ طمله‌سیله بر برداق شکر شربتی دروننده لیوناته‌سی اعمال اولنور
و بعض مطبوخلر دروننه دخی علاوه ایدیلور (فوسفور) کله‌سنده‌ده نظر
بیوریلر .

۸۴ (قادیاغی) — فرانسه‌سی (اوویل دوقاد) — اریج

اڭاجنى احراقله چيقاروب جلد خسته لكارنده خارجاً مرهم اوله رق
قوللانورلر . كيلوسى غروش ۷

۸۵ (قاربونات دوسوت مكرر) ثانى قاربونيت سوت — عادى قاربونات
دوسوتك صوده محلولنه حامض قاربون علاوه سيله پيارلر . هاضم معدوى
مدرر — اكثري معدن صولرنده دخی بولنور . ايكي درهم مكرر قاربونات
دوسوت برحقق درهم قمرطرر اكشيسى ايله برلشديكى حالده كوپورر —
ستليج اولور . كيلوسى غروش ۳

۸۶ (قارغه بوكن) جوز مقى — فرانسزجه سى (نواووميق) —
ته تانوس و امشالى سكير علتلرنده قوللانيلور و روح و خلاصه سى ياييلور .
(استركنين) دنيلان جوهرى دخی فليج و صرعه و قره صو خسته لكارنده
جلده شرتقه ايديلور .

۸۷ (قاقوله) — فرانسزجه سى (سيمانس دوقار داموم) —
معدوى منبه دافع ريح — (قاقوله) كله سنه نظر بيوريله .

۸۸ (قدرت حواسى) من — فرانسزجه سى (مان) — ملين —
ياسمينه فاملباسدن لسان العصفور يا خود ديش بوداق اڭاجنك پيراقترنده
طبيعى حاصل اولور ايسه ده اكثري جزر بقله غزالك كوكن يا خود پيراقلى
چيرلكله ده چيقاريلور . اشبو بقله نك الك زياده محصولدارى (قاله بار)
اطه سنده در . بونى شروب حالنده مسهلر دروننه قورلر . ك ۱۴

۸۹ (قرمز معدنى) — فرانسزجه سى (كيرمز مينه رال) —
معرق قاطع مضاد منبه — مسخوق كبريتيت انتى مووانى قاربونيت سوت
ايله قايناده رق استحصال و ذات الجنب والرثه وضيق نفس و نزله مزمن
و جگر علتلرنده سفوف و حب حالنده استهمال ايدرلر . كيلوسى غروش ۸۰

۹۰ (قمرطرر) ثانى طرطريت پوتاس — فرانسزجه سى (قره م

دو طرطری (ملین - اوزوم شرابنک و تمر هندی نك طور تیسنی صیحات صوده حل و براز کیل اضافہ سیلہ قینادہ رق تبلر ایتدیر لر و مؤخرأ محلول حالنه کتورمک ایچون (حامض بوریک) و صوایله تکرار قینادیر لر .

(طرطرات دو پوتاس آدوفر) دیدک لری چلیکلی مبلر قرمطر طر دخی بالاده محرر قرمطر طری حمض ثانی حدید و صوایله حل ایتدکدنصکره قینادہ رق چیقاروب مقوی شروب مقامنده قوللانور لر .

(اسید طرطریق) دنیلان قرمطر طر اکشیسی دخی ایتدکی قرمطر طری تبشیر وزاج یاغی و کرچ قیماغیلہ صوده حل ایتدکدنصکره قینادہ رق وجوده کتور لر . ملطفدر حرارت لری ازاله ایچون لیوتاته سی یاپیلور .

کیلوسی غروش ۱۹ ثانی

۲۰ چلیکلی

۲۴ اکشی

۹۱ (قصاب مرهمی) - فرانسیز جه سی (اونفوان بازیلیق) - زفت و رچنه و بالومی و زیتون یاغی اریدیله رک یاپیلوب و جعسز یاره لری تطهیر ایچون اوزرینه اور لر . کیلوسی غروش ۱۰

۹۲ (قطران روحی) - فرانسیز جه سی (قیرہ اوزوت) - مقطر اریج قطراننی صوو زاج یاغی ایله تکرار انیدقدن چکدرک استحصا ایدوب چورک دیش آغریلرینی تسکین ایچون پاموغه بولاشدیر رق اوزرینه قور لر . قرو حک تطهیری ایچون دخی قوللانیلور . (قطران صوی) اریجده محرر در . کیلوسی غروش ۲۵

۹۳ (قلمچنکار) حلیت نحاس - فرانسیز جه سی (آسہ تات دو کوویوری) - باقر پارچہ لری اوزوم جبرہ سی دروننده بر مدت ترکله حاصل اولان یشیل پاسدر بونی فرنیکی علتند کیک اوزرنده حاصل اولان لجوم زائده بی ازاله و اوراسنی صیقشدیر می ایچون قوللانور لر . بيطار لرک دخی علاجیدر . کیلوسی غروش ۱۳

۹۴ (قلور) — کله سنه نظر بیور یله .

۹۵ (قلورات دی پوتاس) — قاربونیت پوتاس محلولندن غاز قلور
یکور یله رک استحصال واسقوریت و حناق خسته لکرنده غرغه اوله رق
استعمال اولنور . بعض اغز اغریلرینی دخی ازاله ایچون قره طوت شرو یله
قارشیدره رق عفونتلی محلوله پاموق ایله باصدیر لر . کیلو غروش ۱۳

۹۶ (قلور و فورم) — کرج قیماغی اسپر تو و صو و سونمک کرج ایله
تقطیر اولنه رق چیقاریلوب بیوک عملیات اجرا ایدیه جک آدمه حسنی ابطال
ایچون قوقلادیلور و آغریلری تسکین ایچون بادم یاغی و بعض روحلایله
قاریشق اوله رق خارجاً سوریلور . کیلوسی غروش ۳۳

۹۷ (قلور دوفریر) — پرقلورر دوفرلیکیت) — قاطع دم قابض
چلیک پاسی و طوز روحی و صو ایله استحصال اولنوب دم کلان
محله خارجاً بزاصلادیله رق قونور و شرنقه ایدیلور و داخل دخی سائر
معالجات ایله برابر فقر الدم خسته لغنده ویریلور . کیلوسی غروش ۶

۹۸ (قنطربون چیچکی) — فرانسز جده سی (صوم میتة دویطیت
سانتوره) — مقوی معدوی دافع حما — حاشلانان صوبی شکر ایله ایچیلور
و دیگر صورتده دخی استعمال اولنور .

۹۹ (قنه قنه قابوغی) — فرانسز جدسی (نه قورس دوکینکینا) —
امریقا و سائر بعض محللرده بولنان رویا فاملیاسندن و سنقونه جنسندن
براغاجک قابوغیدر قیرچیل رنکده اولانک کینینی آز صاری رنکده
اولانک چوق ایکسی اورتیه سی رنکده اولانک متوسط اولور . اشبو
اغاجک چیچکی قرمز کل رنکده و قوقوسی لطیفدر . ذکرا و لنان اوچ
نوعدن بشقه دها بر چوق نوعلری واریسه ده قوت و کینینی آزا لور .
قنه قنه معدوی و بورشدیر یچی و نفعی کثیر بر مبارک قابوقدر . روح و خلاصه

و شروب و شرابنی دخی پیارلر . اوج درهم قنه قنه قابوغی اوج درهم اخلامور
مکوری ایکی درهم شاب اوج درهم هر جائی بنفشه کوکی برلکده سحق
اولنه رق دیش اتلینه سوریلور ایسه قوت ویرر . کیلوسی غروش ۴۲
خلاصه سی ۲۰۰

۱۰۰ (قواق مرهمی) مرهم غرب — فرانسزجه سی (اونغوان پوپلیه)
— مسکن — قوری اوزرلک پیراغی قواق فلزنی حشکاش پیراغی .
طوموز یاغی . بان اوتی برلکده ازیله رک مرهم حالنه کتوریلوب باسور
مه لرینک اضرابنی تسکین ایچون سوریلور . کیلوسی غروش ۱۸

۱۰۱ (قورد بوغان پیراغی) اوراق حائق الذئب — فرانسزجه سی
(قوی داقونی) — رنون کلاسه فاملیاسندن برناتدر خلاصه سنی یایوب
فلج و ریخ طیار مزمن علتلرینی دفع ایچون حب حالنده قوللانورلر . ک ۵۶

۱۰۲ (قورشون طوزی) حلیت اسرب — فرانسزجه سی
(آسه تات دوپیوم) — مرده سنک و حاض حل ایله یایلور واجزاخانه لده
مؤخرأ تکرار قینادیلهرق قرستالندیریلور . بورشدیریمی بوزیمی —
قبض ایچون دیگر اجزاله برابر داخل استعمال و جلد ویانق و غفوتلر ایچون
خارجاً طلایدلرلر . اشبو طوزه رازدها مرده سنک و صوقویه رق
قینادیلدیغی حالده قورشون سرکه سی اولور . کیلوسی غروش ۶

۱۰۳ (قوصو چیچکی) — فرانسزجه سی (قلور دوقوصو) —
حاشلانا صوی صوغلجانلری دوشورر . کیلوسی غروش ۲۴

۱۰۴ (قوندوز بوجکی) زراریح — فرانسزجه سی (قنطاریت)
— قوله اوپتر جنسندن و تراشه لیت فاملیاسندن بر بوجکدر مایس و حزران
آیلرنده اوچارلر ویاسمن ولیلاق کبی پیراغی کورک اغا جرده یشارلر . اشبو
بوجکلر بوزمانلرده صباح ایرکندن اغا جک اتنه چوقه سره رک طویلانوب

سرکه بوغوسيله تلف ايديلور و مسحوقى مرهمه قارشديريله رق ياقى ياپيلور
 وروحى دخی ايجابنه كوره طلا ايديلور . كيلوسى غروش ۶۵
 مرهمى ۱۸

۱۰۵ (قوندوز حايه سى) — فرانسنزجه سى (فاستوره اوم) —
 قيصه اياقلى كديدن كوچورك بريپانى حيوانك ارلك و ديشينك مقعدلى
 جوارنده كى ايكي غده دن بريدر . تشنجه قارشو و مقوى اوله رق سفوف
 وروح حالنده قولانورلر وبعضاً شرتقه دخی ايدرلر .

۱۰۶ (قياق مرهمى) — فرانسنزجه سى (اونغوان سن پيلي) —
 صورت اعمالى بالمومى ايله زبتون ياغنى اريدوب قارشديره رق اعارتمقدن
 عبارتدر . كيلوسى غروش ۱۸
 (پومانه) دخی بادم ياغنى واسپرماچت يعنى بالق نفسى و بياض بالمومى ايله
 قياق مرهمى كى ياپيلور .

۱۰۷ (كافور) — فرانسنزجه سى (قانقرى) — مضادشوت —
 بعض معالجات ايله برابر امراض عصبيه ده توتون كى ايجيريلور وروح
 اعضايه طلا ايديلور . (كافور) كله سنه ده مراجعت بيوريله . ك ۲۲

۱۰۸ (كدى اوتى) — جزر حشيشة الهره — فرانسنزجه سى
 (راسين دو واله ريان) واله ريانا فاملياسندن دالرى دليكى و سيورى
 پراقلى براغاجك كو كيدر — دافع حاطارد ديدان — تشنجلره قارشودر .
 سفوف وحب وسائره سى ياپيلور و خلاصه سى دخی اولور .
 خلاصه سنك كيلوسى غروش ۳۶

۱۰۹ (كړچ قياغى) — فرانسنزجه سى (قلورز دوشو) —
 سوينش كړچكدن غاز قلور پكجوريله رك استحصال اولنور . تعفنائى
 دافندر لكه لرى دخی چيقارر . كيلوسى غروش ۳

۱۱۰ (کوکرجین کوکی) — فرانسزجه سی (راسین دو قولومبو)
 — قابض مقوی معده — اسهال دن باغرساقلره کلان ضعیفی ازاله ایچون
 حاشلانان صوبینی ایچیرلر سفوفی و روحی دخی اولور . کیلوسی غروش ۸

۱۱۱ (کهرچله طوزی) — فرانسزجه سی (آزوتات دو پوتاس)
 — مدرر معتدل اریدیجی — آزوتیت دوسوت و پلین طوزی ایله یایلور .
 و طبیعتده اولدیغی کبی آلچیدن دخی چیقاریلور . کیلوسی غروش ۸

۱۱۲ (کهرچله قیماغی) — فرانسزجه سی (قاربونات دوماغزی)
 — طبیعتده بولور و معدن صولرندن چیقاریلور . انکلیز طوزینی پلین
 طوزی ایله برابر اریدوب بعدالترسیب حاصل اولان پوصه دن دخی چیقارلر
 معده نك جوضاتنی ازاله و حامضات ایله تسمیم اولنانلری تخلیص وتلین
 ایچون قوللانیلور . دیش توزلرینک ترکیباتنده دخی واردر . ک ۸

۱۱۳ (لقمان روحی) — فرانسزجه سی (اتر سولفوریک) —
 تشجیله قارشو و ایچقیریقلری دافعدر . حامض کبریت واسپیرتوایله استحصال
 و احتیلاج و عصبی سانجیلری تسکین و بونلرده ظهور ایدن غشیانلری منع
 ایچون استعمال اولنور . برقاج طمله سی بر باردق شکر شربتنه قونهرق
 شرخوشه ایچیرلسه آیلور . کیلوسی غروش ۱۰

۱۱۴ (لینت معجون) — فرانسزجه سی (الکتور لنی تیف) —
 تلین ایچون برکوزل علاجدر . شخصنه کوره یارم درهمدن بش
 التی درهمه قدر ویریلور . صورت اعمالی سکرز درهم صوبی آیقلاشمش
 سنامکی بی مقدار کافی صوده قینادوب ایچنه یوزالشمش درهم شکر علاوه سیله
 قویو شروب حالنه کتوردکدن صکره دروننه ۲۴ درهم مسخوق کل
 قوریسی ۲۴ درهم خیارشنبه ۲۴ درهم چکرکی آیقلاشمش تمر هندی
 ۲۴ درهم چوپی آیقلاشمش مسخوق سنامکی بر درهم رازیانه تخمی بر درهم
 آتیسون قویوب معجون حالنه کتورمکدن عبارتدر .

۱۱۵ (مارول سودی) عصارهٔ حس — فرانسزجه سی
(لاقتو قاریوم) — افیون کبی اووشدیریجی قاطع سعال — یانی
آجی مارولک قوجانی چیره رک سودینی آلوب شروب وحب پیارلر .
بونک قوللانیان دیکر برزهرلی نوعی دخی واردر . کیلوسی غروش ۲۰۰

۱۱۶ (مازی طوزی) — فرانسزجه سی (اسید طانیك)
— لقمان روحی واسپیرتو و ماء مقطر و مسخوق مازی ایله استحصال
اولنور . اسهالاری تسکین ایچون داخلاً و بل صفوقلقربی دفع
ایچون شرنغه حالنده استعمال ایدرلر و ساچی دوکیلانلرک باشلرینه
پوماته ایله سوررلر . کیلوسی غروش ۴۵

۱۱۷ (مرمر قیماخی) — تباشیر راسیه — فرانسزجه سی
(قره پرده پاره) — خوشاته قارشو وقابضدر قلورر قالسیوم
وقاربونیت سوت محلولندن استحصال اولنور معده یی تصحیح وقبض ایتمک
ایچون ویررلر . کیلوسی غروش ۶

۱۱۸ (مصر مرهمی) — فرانسزجه سی (اونفوان اجیبت سیاق)
— بال وکسکین سرکه و قلم جنکار قینادیلهرق مرهم حالنه کتورلمکدن
عبارتدر . یاره لری تمیزلمک ایچون بیطارلر قوللانورلر . کیلوسی غروش ۱۲

۱۱۹ (ملح عجایب) — فرانسزجه سی (سولفات دوسوت) —
حامض قلور ماء اعمالنده حاصل اولان طورطودن استحصال وتلین ایچون
استعمال اولنور . بونی (غلو بر) نام کییا کر (۱۶۵۸ م و ۱۰۶۹ هـ)
تاریخنده طوزلی صولرک ترکیباتنی زاج یاغیله تجربه ایدرکن بولش
ایدی . کیلوسی غروش ۲

۱۲۰ (لقمان روحی) آمونیاق بالماء — فرانسزجه سی (آمونیاق
لیکیت) — نشادر وسو بندک کرچ واسطه سیله چیقار یلور و طبعی
اولهرق بعض معدنلرده وهوا و نباتاتده دخی بولنور . نشادر روحنی

سیریلری ویلیری ازاله ایچون اسپیرتو و زیتون یاغیله برابر اوله رق طلا
ایدرلر و زهرلی بوجکلاک صوقدیغی یرله سوررلر . برقاچ طمسه سی
بر بارداق شکر شربتیه قونهرق سرخوشه ویرلدیکی حالده غشیان کتورمکه
آیلور و سیحاقدن وهوا عفوتلرندن ضرر کلامک ایچون قوقلانور . ک ۴

۱۲۱ (هند یاغی) زیت خروع — فرانسزجه سی (اوویل
دوریمچن) — خروع دیلان نباتک فصولیه دانه سی کبی تخمندن بالتعصیر
چیقارلر و تلین ایچون شخصنه وعلتنه کوره ایکی درهمدن اون درت
درهم قدر ویرلر . قولای ایچمک ایچون بعض کوزل قوقولی صولر
علاوه ایدیلهرک سویه سی دخی یایلور . کیلوسی غروش ۷

(ذکر اولنان اجزایی فرانسزجه اسملرندن دخی بولق ایچون)
(شویله برجدول یایلدی)

Nº.	نمرو	اسامی اجزاء
093 Acétate de cuivre	۰۹۳	آسدهات دوکوبور
102 Acétate de plomb	۱۰۲	آسدهات دوپیلوم
064 Acide acétique	۰۶۴	آسید آسیتیک
007 Acide fénique	۰۰۷	آسید فنیک
044 Acide azotique pur	۰۴۱	اسید ازوتیک پور
116 Acide tannique	۱۱۶	آسید طانیک
080 Acide chlorhydrique pur	۰۸۰	اسید کلوری دریق پور
083 Acide phosphorique	۰۸۳	اسید فوسفوریک
062 Acide sulfurique pur	۰۶۲	اسید سولفریک پور
071 Acide arsénieux	۰۷۱	اسید ارسینو
090 Acide tartrique	۰۹۰	اسید طرطریق
006 Alcool	۰۰۶	آل قوئول
076 Aloés	۰۷۶	آلونس
120 Ammoniaque liquide	۱۲۰	آمونیاک لیکیت
047 Azotate d'argent. crist.	۰۴۷	ازوتات دارژان قرسالیرنه
033 Azotate de bismuth	۰۳۳	ازوتات دوبیر موط
111 Azotate de potasse	۱۱۱	ازوتات دوپوتاس

002	Baies de génievre	۰۰۲	به دویژدی
084	Baume benjoin	۰۸۱	بوم بنزوان
038	Borax	۰۳۸	بوراقس
027	Brômure de potassium	۰۲۷	برومور دو پوتاسیوم
107	Camphre	۱۰۷	قافری
054	Cannelle	۰۵۴	قائل
104	Cantharide	۱۰۴	قنطاریت
045	Carbonate de fer	۰۴۵	قاربونات دوفر
029	Carbonate de potasse	۰۲۹	قاربونات دو پوتاسی
112	Carbonate de magnésie	۱۱۲	قاربونات دوماغنزنی
085	Carbonate de soude (bi)	۰۸۵	قاربونات دوسوت مکرر
105	Castoréume	۱۰۵	قاستوره اوم
066	Chlorure de mercure (bi)	۰۶۶	قلورر دومرکور بی
094	Chlore	۰۹۴	قلور
096	Chloroforme	۰۹۶	قلوروفورم
097	Chlorure de fer liquide (per)	۰۹۷	قلورر دوفر پر
109	Chlorure de chaux	۱۰۹	قلورر دوشو
095	Chlorat de potasse	۰۹۵	قلورات دی پوتاس
090	Crème de tartre	۰۹۰	قرم دوطرطری
117	Craie préparée	۱۱۷	قره پره پاره
092	Créosote	۰۹۲	قیره اوزوت
077	Eau de laurier cerise	۰۷۷	اودولوریه سریس
058	Eau de rabel	۰۵۸	اودو رابل
099	Ecorce de quinquina	۰۹۹	نه قورس دو کینکینا
034	Ecorce d'orange amère	۰۳۴	نه قورس دورانج عامر
114	Electuaire lénitif	۱۱۴	الکتور لنی تیف
036	Electuaire thériaque	۰۳۶	الکتور تریاق
078	Emplâtre de diachylon	۰۷۸	آمپلاتری دی یاشیلون
075	Electuaire de diascordiume	۰۷۵	الکتور دی یاسقوردیوم
031	Emplâtre épispastique d'albes	۰۳۱	آمپلاتری آپیس پاستیق
056	Ergot de seigle [peyres]	۰۵۶	آرغودوسه غلی
113	Ether sulfurique	۱۱۳	اترسولفریک
024	Extrait de ciguë	۰۲۴	اکستره دو سیکو
060	Extrait de ratanhia	۰۶۰	اکستره دو رطانیه
067	Feuille de séné	۰۶۷	فوی دو سنه

009 Feuille de sauge	۰۰۹ فوی دو سوژ
003 Feuille de sabine	۰۰۳ فوی دو صابین
026 Feuille de jusquiame	۰۲۶ فوی دو ژوسکیام
101 Feuille d'aconit	۱۰۱ فوی داقونی
053 Fleur de guimauve	۰۵۳ فلور دو گیموو
005 Fleur d'arnica	۰۰۵ فلور دارنیقه
021 Fleur de camomille	۰۲۱ فلور دو قامومیل
074 Fleur de houblon	۰۷۴ فلور دو اوبلون
037 Fruits de tamarin	۰۳۷ فوروی دو طمارن
012 Fougère-mâle	۰۱۲ فوچر مال
082 Glycérine	۰۸۲ غلسیرین
004 Goudron	۰۰۴ غودرون
025 Huile de foie de morue	۰۲۵ اوویل دوفووا دومورو
084 Huile de cade	۰۸۴ اوویل دو قاده
055 Huiles de laurier	۰۵۵ اوویل دو لوریه
121 Huile de ricin	۱۲۱ اوویل دو ریچین
022 Huile d'amande	۰۲۲ اوویل دامانت
017 Hydrate chlorale	۰۱۷ ایدرات کلورال
019 Iode	۰۱۹ ایوت
020 Iodure de potassium	۰۲۰ ایودور دو پوتاسیوم
089 Kermès minéral	۰۸۹ کرمز مینه رال
103 Kousso	۱۰۳ قوصو
115 Lactucarium	۱۱۵ لاقوقاریوم
011 Laudanum (liquid: de sydenh.)	۰۱۱ لاؤدانوم
088 Manne	۰۸۸ مان
086 Noix vomique	۰۸۶ نواوومیک
028 Oléorésine de copahu	۰۲۸ اوله اورزین دو قوپاهو
106 Onguent simple	۱۰۶ اونگون سن پیل
049 Onguent mercuriel. double	۰۴۹ اونگون مرکوریل دوبلو
118 Onguent aegyptiac	۱۱۸ اونگون اجیت سیاق
091 Onguent basilicum	۰۹۱ اونگون بازلیق
100 Onguent populéum	۱۰۰ اونگون پوپلیه
010 Opium	۰۱۰ اوپیوم
069 Oxyde rouge de mercure (bi)	۰۶۹ اوقسید مرکور روژ بی
040 Oxyde de zinc	۰۴۰ اوقسید دو زنک

044	Poix résine	پووا رزین	۰۴۴
030	Poivre noir	پوآوری اتوار	۰۳۰
057	Poudre de dower	پودرو دو دووهر	۰۵۷
001	Quassia amèr	قواسیه عامر	۰۰۱
046	Racine de gentiane	راسین ژان سیان	۰۴۶
043	Racine de salep	راسین دوسالب	۰۴۳
068	» de poligala sénega	راسین دوپولی غاله سنها	۰۶۸
013	» d'ipéca	راسین دی پقه	۰۱۳
108	» de valériane	راسین دو والهریان	۱۰۸
018	» de chiendant	راسین دوشیدن دان	۰۱۸
110	» de colombo	راسین دو قولومبو	۱۱۰
039	» de Rhubarb	راسین دو روبرب	۰۵۹
032	Santonine	سانتوین	۰۵۲
016	Semences de belladon	سیمانس دو بلدون	۰۱۶
015	Semences d'anis	سیمانس دانی	۰۱۵
051	Semences de moutharde	سیمانس دوموطارت	۰۵۱
087	Semences de cardamome	سیمانس دو قارداموم	۰۸۷
098	Sommité de petite centaurée	صومیهه دو بطیت سانتوره	۰۹۸
042	Soufre doré d'antimoine	صوفرو دوره دانی مووان	۰۴۲
065	Sulfate de potasse	سولفات دو پوتاس	۰۶۵
061	Sulfate de fer pur	سولفات دو فرپور	۰۶۱
072	Sulfate d'alumine et de potasse	سولفات دالومین آدو پوتاس	۰۷۲
063	Sulfure rouge de mercure	سولفر روش دومرکور	۰۶۳
014	Sulfate de magnésie	سولفات دو ماغنزی	۰۱۴
039	Sulfate de zinc	سولفات دوزنک	۰۳۹
070	Sulfate de quinine	سولفات دو کینین	۰۷۰
119	Sulfate de soude	سولفات دوسوت	۱۱۹
023	Savon de médicinal	صاوون مده دی مینال	۰۲۳
032	Staphysaigre	استاقیر غری	۰۳۲
090	Tartrate de potasse et de fer	طرطرات دو پوتاس آدوفر	۰۹۰
079	Tartre émétique	طرطیری نه مه تیک	۰۷۹
035	Térébenthine	تره بانتین	۰۳۵
050	Têtes de pavot	تت دو پاوو	۰۵۰
073	Vin	وهن	۰۷۳
048	Vin de colchique	وهن دو قولشیق	۰۴۸

﴿فاس﴾ — اقصای مغربده بر حکومت مستقله اسلامیة در التي
ملیون بش یوز بیک نفوسی اولوب مقر اداره سی (طنجه) و بلاد مشهوره سی
(مراکش) و (موغادور) در • بودولته آورو پالیر (ماروق) دیرلر •
فاس حکومتی (۱۶۰۰ م و ۱۰۰۹ هـ) تاریخنده ابتدا ایدرک (۱۸۵۳ م
و ۱۲۷۰ هـ) ده مولی عبدالرحمن سلطانک و فاتیله سید محمد سلطان یرینه
یکمیش و بودخی (۱۸۷۳ م و ۱۲۹۰ هـ) تاریخنده وفات ایتکله سلطنت
سلطان (حسن) ه انتقال ایتشدر • اشبو فاس سلطانلری سلاله حسینیة
علویه دندر • (۱۵۷۵ م و ۹۸۳ هـ) ده فاس حکمداری بولنان عبدالملک
تخت مغصوبنه اعاده سنی استرحام ایتسی اوزرینه طرف دولت علیه دن
دونما کوندر یلوب تخته اجلاس اولمش و فاس ممالکی بوصور تله نوعما دولت
علیه حایه سنه کیرمش ایدی • اسپانیالور فاس ساحلنده و سبته بوغازی
اوزرنده (سوتا) نام موقع ایله دیگر بعض مواقع بحریه بی تصرف ایتکده درلر •
حکومت کله سنه دخی نظر بیوریه •

§

﴿فاضل احمد﴾ پاشا — مشاهیر وکلای دولت علیه دن کوپرلی
محمد پاشا زاده در (۱۶۶۱ م و ۱۰۷۲ هـ) تاریخنده پدرینک وقوع
و فاتیله یرینه صدراعظم تعیین اولندی • اوتهدنبرو دولت علیه عثمانیه
حسن خدمت و صداقله مشهر بولنان اجداد عظامی اثرینه بودخی اقتفا ایله
تصدرندن برسنه صکره اوستریا محاربیه سنه کیدوب (۱۶۶۴ م و ۱۰۷۵ هـ)
ده موراوه جوارنده برقاچ قلاع مهمه بی و (۱۰۷۷ دن ۱۰۸۰ هـ) تاریخنه
قدر اوچ سنه ظرفنده اقدامات متوالیه و برمهات فوق العاده حریه
ابرازیه (قندیه) قلعه مشهوره سنی آورده دست جلادت ایلدی • قندیه
قلعه سی (۱۰۵۷ هـ) تاریخندن تاریخ مذکوره قدر اره صره تعطیلیله برابر
یکرمی اوچ سنه ده فتح اولنه بیلمش و بومدت ایچنده ایکی طرفدن حسابسز
آدم واجه تلف اولشدر • (۱۰۸۳ هـ) ده کرید دن عودتندن صکره
لهستان سفرینه دخی کیدوب لهیلیری وله ایچنده براغدرق بردفعه لک سکسان
بیک و بهر سنه یکرمیش بیک التون ویرمک اوزره معاهدهیه ربط ایتدی •

غازی مشار الیه دها نیجه خدمات جسمیه و مهمده بولنوب اجانبه قارشو دولت و ملتک شان وسطوتنی اعلا اغورنده افنای وجود ایلدکن صکره (۱۶۷۶ م و ۱۰۸۷ هـ) تاریخنده ادرنه طریقیله درسعادتہ کلورکن جسر ارکنده نهر حیات فانیدن ساحل عالم جاودانی به عبور ایلشدر .
(قندیه) کله سنه دخی مراجعت بیوریه .

§

﴿فاضل﴾ بك — شعرای بنامدندر امرای متغلبه مصریه دن مشهور طاهر عرك اوغلی اولوب پدری طوئلدیغی زمان هنوز صبی اولدیغندن درسعادتہ کتوریله رك اندرون همایونه آلمشیدی تحصیل و تربیه سی اوراده وفاتی (۱۸۱۰ م و ۱۲۲۵ هـ) تاریخنده در .

§

﴿فاطمه﴾ — خراسان اهاالیسندن کشف و کرامتله مشهوره برخاتوندنر . فی الاصل نیشابورلی اولدیغی حالده اکثر اوقاتنی مکة مکومه ده پکورر ایدی . ابویزید بسطامی حضر تلی بونی مدح و ستایشده بولمش . و ذوالنون مصری حضر تلی دخی کندوسندن خیلی مسائل مهمه حل ایلشدر .

§

﴿فاطمه﴾ — (۹۰۹ م و ۲۹۷ هـ) تاریخنده علویلردن (مهدی) نام ذاتک مغرب زمینده مهدیه جهتلرنده تشکیل ایلدیکی حکومتک اسمیدر بو حکومت مؤخرأ اولخوالیده متشکل بنی مدرار و بنی اغلب و بنی رستم حکومت صغیره سنی و طرابلس غرب تونس جزایر فاس سچلیا و ساردنیا ولایاتی و (۹۶۸ م و ۲۵۸ هـ) ده دخی مصر الکاسنی زیر اداره سنه آلمش و مغرب ولایاتی حوزه حایه سننده اولسق اوزره بروالی به ترك ایدوب کندوسی مصره نقل ایتش و والی مومی الیهک سلاله سی (بنی بادیس) نامیله یوز سکسان برسنه اوراده حکومت سورمشدر . (مهدیه) قلعه سنی (۹۱۵ م و ۳۰۳ هـ) تاریخنده مشار الیه یاپیردی لقبی (معز دین الله) در .
(معز) کله سنه دخی نظر بیوریه .

§

﴿ فاس ﴾ — اقصای مغربده بر حکومت مستقلهٔ اسلامیة در التي
 ملیون بش یوز بیک نفوسی اولوب مقر اداره سی (طنجه) و بلاد مشهوره سی
 (مراکش) و (موغادور) در . بودولته آورو پالیر (ماروق) دیرلر .
 فاس حکومتی (۱۶۰۰ م و ۱۰۰۹ هـ) تاریخنده ابتدا ایدرک (۱۸۵۳ م
 و ۱۲۷۰ هـ) ده مولی عبدالرحن سلطانک وفاتیه سید محمد سلطان یرینه
 یکمیش و بودخی (۱۸۷۳ م و ۱۲۹۰ هـ) تاریخنده وفات ایتکله سلطنت
 سلطان (حسن) ه انتقال ایتشددر . اشبو فاس سلطانلری سلالهٔ حسینیه
 علویه دندر . (۱۵۷۵ م و ۹۸۳ هـ) ده فاس حکمداری بولنان عبدالملک
 تحت مفعوبنه اعاده سنی استرحام ایتسی اوزرینه طرف دولت علیه دن
 دونما کوندریلوب تخته اجلاس اولتمش و فاس ممالکی بوصورتله نوعما دولت
 علیه حایه سنه کیرمش ایدی . اسپانیالور فاس ساحلنده و سبته بوغازی
 اوزرنده (سوتا) نام موقع ایله دیگر بعض مواقع بحریه بی تصرف ایتکده درلر .
 حکومت کله سنه دخی نظر بیوریه .

§

﴿ فاضل احمد ﴾ پاشا — مشاهیر وکلای دولت علیه دن کوپرلی
 محمد پاشا زاده در (۱۶۶۱ م و ۱۰۷۲ هـ) تاریخنده پدرینک وقوع
 وفاتیه یرینه صدراعظم تعیین اولندی . اوته دنبرو دولت علیه عثمانیه
 حسن خدمت و صداقله مشهر بولنان اجداد عظامی اثرینه بودخی اقتفا ایله
 تصدرندن برسنه صکره اوستریا محاربه سنه کیدوب (۱۶۶۴ م و ۱۰۷۵ هـ)
 ده موراوه جوارنده برفاچ قلاع مهمه بی و (۱۰۷۷ دن ۱۰۸۰ هـ) تاریخنه
 قدر اوچ سنه ظرفنده اقدامات متوالیه و برمهات فوق العاده حریه
 ابرازیه (قندیه) قلعه مشهوره سنی آورده دست جلادت ایلدی . قندیه
 قلعه سی (۱۰۵۷ هـ) تاریخندن تاریخ مذکوره قدر اره صره تعطیلیله برابر
 یکرمی اوچ سنه ده فتح اولنه بیلمش و بومدت ایچنده ایکی طرفدن حسابسز
 آدم واجه تلف اولشددر . (۱۰۸۳ هـ) ده کرید دن عودتسندن صکره
 لهستان سفرینه دخی کیدوب لهیلیری وله ایچنده براغدرق بردفعه لک سکسان
 بیک و بهر سنه یکرمیش بیک التون ویرمک اوزره معاهدهیه ربط ایتدی .

غازیء مشارالیه دهانجه خدمات جسمیه و مهمده بولنوب اجانبه قارشو دولت و ملتک شان وسطوتنی اعلا اغورنده افنای وجود ایلدکن صکره (۱۶۷۶ م و ۱۰۸۷ هـ) تاریخنده ادرنه طریقیله درسعادتہ کلورکن جسر ارکنده نهر حیات فایدن ساحل عالم جاودانی یه عبور ایلشدر .
(قندیه) کله سنه دخی مراجعت بیوریه .

§

﴿ فاضل ﴾ بك — شعرای بنامدندر امرای متغلبه مصریه دن مشهور طاهر عرك اوغلی اولوب پدری طوطلدیغی زمان هنوز صبی اولدیغندن درسعادتہ کتوریلرک اندرون همایونه آلمشیدی تحصیل و تربیه سی اوراده وفاتی (۱۸۱۰ م و ۱۲۲۵ هـ) تاریخنده در .

§

﴿ فاطمه ﴾ — خراسان اهاالیسندن کشف و کرامتله مشهوره برخاتوندرد . فی الاصل نیشابورلی اولدیغی حالده اکثر اوقاتنی مکّه مکومه ده پکورر ایدی . ابویزد بسطامی حضرتلری بونی مدح و ستایشده بولمش . و ذوالنون مصری حضرتلری دخی کندوسندن خیلی مسائل مهمه حل ایلشدر .

§

﴿ فاطیمه ﴾ — (۹۰۹ م و ۲۹۷ هـ) تاریخنده علویلردن (مهدی) نام ذاتک مغرب زمینده مهدیه جهتلرنده تشکیل ایلدیکی حکومتک اسمیدر بو حکومت مؤخرأ اولخوالیده متشکل بنی مدرار و بنی اغلب و بنی رستم حکومت صغیره سنی و طرابلس غرب تونس جزایر فاس سچیلیا و ساردنیا ولایاتی و (۹۶۸ م و ۳۵۸ هـ) ده دخی مصر الکاسنی زیر اداره سنه آلمش و مغرب ولایاتی حوزة حایه سننده اولیق اوزره بروالی یه ترك ایدوب کندوسی مصره نقل ایتش و والیء موحی الیهک سلاله سی (بنی بادیس) نامیله یوز سکسان برسنه اوراده حکومت سورمشدر . (مهدیه) قلعه سنی (۹۱۵ م و ۳۰۳ هـ) تاریخنده مشارالیه یاپیردی لقبی (معز لدین الله) در .
(معز) کله سنه دخی نظر بیوریه .

§

﴿فالاریس﴾ — سچلیا حکمدارلرندندر (۵۰۲۹ خ) تايخنده
يعنى ميلادك بشيوز التمش بش سنه مقدمنده تعلقاً قزانديغي اشبو حکمدارلغى
ارباب جرايمى مجوف باقردن مصنوع اوکوزايچنده پشيرهك تلف ايتك كبي
بر طاقم غدارلغه آلت اتخاذايلىدىكىندن جانلرى يانمش اولان تبعهسى بركون
بتون بتون غليانه كلهرك طوتوب كندوسنى دخی اوکوزى ايچنده
پشرديلر • ايدن بولور • صانمه قالور • بركون اولور • وقتى كلور •

§

﴿فالژ﴾ — ارم بن سام بن نوح عليه السلامك نام ديكريدر
(ارم) كله سنه نظر بيوريه •

§

﴿فاليفونوس﴾ — طيش دكرلرده يكرمى ايكي وبعضاً يكرمى بش
ارشون طولنده بوانور بر بالقدر حيوانات ذوالفقارك ذوالثدى طبقه سسندندر
بوکا (بالنه بال) دخی ديرلر •

§

﴿فانوس السحر﴾ — (مصباح) كله سنه نظر بيوريه •

§

﴿فتاوى الكبرى﴾ — (۱۱۴۱ م و ۵۳۶ ه) ده شهيداً وفات ايدن
شيخ عربن عبدالعزيزك اثريدر لقبى حسام شهيد • صفراسى دخی وار •

(فتاوى عبدالرحيم) تركى — (۱۷۱۵ م و ۱۱۲۷ ه) ده وفات
ايدن شيخ الاسلام منتشى زاده عبدالرحيم بروسه وينك بين العلماء معتبر
بر اثريدر •

(فتاوى عبدالله بن عباس) رضى الله تعالى عنهما — ابو بكر محمد بن
موسى بن يعقوب بن مأمون خليفهك جمعنه همت ايلديكى يكرمى جملد
اثر شريفدر •

(فتاوى عطا افندى) تركى — (۷۱۵ م و ۱۱۲۸ ه) ده وفات ايدن
شيخ الاسلام محمد عطا افنديك مسائل فقهيه ي معقولها متضمن اثريدر •

(فتاوی علی افندی) — (۱۶۹۰ م و ۱۱۰۳ هـ) ده وفات ایدن شیخ الاسلام مشهور چتالجه وی علی افدینک اثریدر .

(فتاوی قاضیخانیه) — (۱۱۹۵ م و ۵۹۲ هـ) ده وفات ایدن امام فخرالدین حسن بن منصور اوزجندی فرغانینک علما و فقههجه دستورالعمل اتخاذا اولنان اثریدر .

(فتاوی قورقود خانیه) — (۱۵۱۲ م و ۹۱۸ هـ) ده مقتولا عازم دار بقا اولان قورقودخان بن سلطان بایزید عثمانینک جمع ایلدییکی اثردر .

(فتاوی نسفیه) — (۱۱۴۲ م و ۵۳۷ هـ) ده وفات ایدن صاحب منظومه علامه سمرقند نجم الدین عمر بن محمد نسفینک اثریدر .

(فتاوی بزازیه) علماء متأخریندن بزازاده دیمکله معروف منلا حافظ الدین محمد بن شهاب الدین کردینک تألیفنه موفق اولدیغی کتاب شریفدر .

§

﴿ فتاوی ابی السعود ﴾ — (۱۵۷۴ م و ۹۸۲ هـ) ده وفات ایدن ابی السعود بن محمد عمادینک اثر مدون و مقبولیدر .

(فتاوی انقروی) — (۱۶۸۶ م و ۱۰۹۸ هـ) ده وفات ایدن شیخ الاسلام فاضل محمد بن حسین مرحومک علما و فقههای کرام نزدنده مقبول و معتبر اثریدر .

(فتاوی بهجة) — (۱۷۴۳ م و ۱۱۵۶ هـ) ده وفات ایدن فاضل محقق شیخ الاسلام عبدالله یکیشهرینک اثریدر .

(فتاوی حنفیه) — (۱۳۸۸ م و ۷۹۱ هـ) ده وفات ایدن سعدالدین مسعود بن عمر تفتازانینک اثریدر .

§

﴿ فتق ﴾ — اعضادن برعضو و یا اول عضوک بر جزئی جوف طبیعی خارجی چیمغه دینلور سده خاصه امعانک برقطعه سنک و یا

سر پک بر جزئیات و یا خود اعضا بطنیه دن بری محلی ترک ایله جوفنک
خارجنه چیماسنه تعیر اولنور . تبدیل محل ایدن اعضایه و اول عضوک
خروج ایلدیکی فرجه یه نظراً فتق اسماء مختلفه ایله مسمادر مثلاً مخک
جوفدن خارج چیماسنه (فتق نخ) معدنک خروجنه (فتق معدن)
امعانک خروجنه (فتق معا) کبدک خروجنه (فتق کبد) رجک خروجنه
(فتق رحم) مثانه نک خروجنه (فتق مثانه) دیرلر و الحاصل جوف
بطنک فرجات طبیعیه سندن بری حذا سنده بولنان اورامه فتق نامی ویرلر .
ورم مذکور برزور لغک تأثیر یله آنا و یا خود شیئاً فشیئاً ظهور ایدر بو
ورم و جعسر برورم اولوب بونده جلدک لونی دخی متغیر اولماز مفتوق اولان کسه
ایاق اوزری طور و یا او کسور و آقیر و یا خود جهدی موجب
برایش ایله مشغول اولور ایکن ورم مذکور کسب جسامت ایدوب یاتدیغی
زمان یا کوچیلور و یا خود مکاننه دخول ایدرک موقه غائب اولور .

آرقه اوستی یاتدیغی حالد کندیو کندویه محلنه داخل اولان ایله بالواسطه
یعنی قاعده اجرا اولنان برلس واسطه سیله داخل اولان فتقه (فتق قابل
الادخال) و عکسی حالنده اولنره (فتق ناقابل الادخال) دیرلر . فتق ظهور
ایلدیکی حالد فرجه بیومکسزین در عقب قاصق باغی وضع ایدملی و حکمایه
بالمراجعه التمه مضاد الفتق علاجلر قولمیدر اهماله کلز .

§

﴿ فتوحات المکیة فی معرفة اسرار المملکیة والمملکیة ﴾ — شیخ
محیی الدین عربی حضرتلرینک اعظم تألیفات و خاتم تصنیفاتی اولوب اوج
جلدی شامل و بر مقدمه ایله بش یوز التمش بابی مشتملدور . مشارالیه کتاب
مذکور کندیو اختیار و قریحه سیله یازمیوب الهام ربانی ایله سلاک ترتیبه
چکدیکنی ینه کندوسی اشبو کتابی دروننده بیان ایتشدور .

فتوحاتی ائمه علومدن (۱۵۶۵ م و ۹۷۳ هـ) تاریخنده متوفی عبدالوهاب
شعرانی حضرتلری اختصار ایدوب (لواقح الانوار القدسیة المنتقاة
من الفتوحات المملکیة) تسمیه ایلدیکی حالد صکره بونی دخی تلخیص ایدرک
(الکبریت الاحمر من علوم شیخ الکبر) نامی ویرمشدور . امام شعرانی

حضرتلری مصرده یتیشان علمای اعلامک بر کزیده لرندندر مختصر فتوحاتده بیوررکه (فتوحاتی اختصارم اثناده اهل سنت والجماعة اعتقادینه منافی بعض مقالات کوروب اولبایده توقف وکتابمدن حذفی مراد ایتشیدم لکن ترددن کندومی بر درلو قورتاره میوب نهایت بر کون اعلام مصردن سید ابی الطیب المدنی ایله ملاقاتده شوسر سر بسته یی اکاده اعلام ایلدم مشار الیه در عقب قونیه ده ابن عربی حضرتلرینک خط دستایله موشیح فتوحاتک عینی ومقابلی اولق اوزره جییندن بر نسخه چیقاردی نسخه یه باقدم حین اختصارده حذف ایتمک ایستدیکم جله لک هیچ بر یسنی کوره مدم اولوقت یلدم که مصرده متداول اولان فتوحات نسخه لری بحملتها شیخ مشار الیه حضرتلرینی عقاید اهل سنت و جماعته مخالف کو ستمک ایچون یازلمش نسخه مفهریات آلوددن استنساخ اولنشدیر . نصل که مشار الیه کتتاب فصوص وسائر تألیفاتده دخی امثالی نظر تأسفله کورلکده در) .

§

﴿فتیان﴾ — (اخیر) کله سنه نظر بیور یله .

§

﴿فجر شمالی﴾ — هوای نسیمیده اولان الکتریک تأثیر یله ظهور ایدن حادثاتندندر کره ارضک قطبرینه قریب محلدرده کیجه وقتی جو هواده قبه شکننده بر ضیا ظهور ایدوب بر قاچ ساعت طورر حادثه مذکوره اولانصف النهار مقناطیسی یه موازی بر استقامتمده و بر قوش شکننده صولوق صاری رنکلی اوله رق کورینوب بعده افقک هر طرفنده یته اورنکده بر چوق شعاعات احداث ایدر و بونلرک جله سی سمانک بر نقطه سنه یعنی میل ابره سنک قطب جنوبیسی حداسنه متوجه اولملریله نورانی بر قبه شکلی حاصل اولور . اشبو حادثه نک وقوعده پوصله لک ابره لری استقامتلرندن شاشه رق صاغه صوله انحراف ایلدیککی مجربدر .

§

﴿فجر﴾ بن عساکر — کنیه سی ابوالقاسمدر علمای شافعیه نک مفخری و ار باب حدیثک امام فضائلپوری ایدی تاریخ دمشقی یازمش

و حفظ احادیث شریفه ضمننده برچوق ممالکه سیاحتله رجالدن بیک اوچیز
ونسادن سکسان شیوخ حدیث استماع ایلشدیر متدین و خیر نهاد بر ذات
اولوب ایام عادیه ده هر جمعه و رمضان کونلرنده کل یوم بر ختم ایدر
و مناصبدن کندوسنه الثالی درجه عرض اولندیغی حالده اعراض ایلر ایدی
امر بالمعروف ونهی عن المنکرده ایسه مفرط ایدی (۱۱۷۶ م و ۵۷۳ ه)
تاریخنده شامده وفات ایدرک باب الصغیرده معاویه رضی الله عنه مرقدی
جوارینه دفن اولمش و قبری شامجه الک معروف زیارتگاهلردن بولمشدر .
مشار الیهک اشهر تألیفی سکسان جلدی حاوی اولان مارالذکر شام تاریخیدر
بوندن صکره باشلیجه تألیفات (کتاب الموافقات) (کتاب الاطراف للسنن
الاربع) (مناقب الشباب) و سائر آثار نفیسه در . بر طاق اشعار لطیفه سی
دخی موجود اولوب اوجله دن اولمق اوزره زیزده اولان ایات آندی .

ایا نفس و یحک جاء المشیب فاذا التصابی و ما ذا الغزل
تولی شبابی کأن لم یکن و جاء مشیپی کأن لم یزل
کافی بنفسی علی غرة و خطب المنون بها قد نزل
فیالیت شعری من اکون و ما قدر الله لی بالازل

§

﴿ فخر الاسلام ﴾ — اسمی عبد الواحد بن اسماعیل بن احمد بن

محمد کنیه سی ابو المحاسن ولادت (۱۰۲۴ م و ۴۱۵ ه) سنه سیدر .
مشاهیر محققین علمان اولوب دین متین و اعتقاد یقین صاحبی ایدی کندو
بلده سنده پدر و جدندن اخذ علوم ایلدی حفظی بر مرتبه واسع
ایدی که آنکله ضرب مثل اولنوردی حتی کتب شافعیه نک جله سی محو
و محترق اولسه بن حفظلردن املا ایدرم دیدیکی روایات موثوقه دندر مشهور
نظام الملك مشار الیهی غایت تعظیم و توقیر ایدردی .

اولا طبرستان بعده (آمل) شهرینه قاضی اولوب (۱۱۰۸ م و ۵۰۲ ه)
تاریخنده ملاحظه دن برینک مقتول تیغ غدیری اولمشدر .

(کتاب البحر) (کتاب الفروق) (کتاب الخلیه) (کتاب التجربه)
(مناصص الشافی) و (الکافی) نام کتابلر جله تألیفات حسنه سندندر .

§

﴿فخرالدین﴾ رازی — اسمی محمد بن عمر کنیه سی ابو عبد الله
مسقط رأسی (ری) وفاتی هراتده (۱۲۰۹ م و ۶۰۶ ه) تاریخنده در :

اجله حکمای اسلامیه دن علوم عقلیه و نقلیه نک کنه و حقیقته ایرمش بر ذات
باهر الکملات ایدی ناتمام بر تفسیر کبیری وارد رکه جدأ سزاوار تسلیم
اولوب مؤخرأ بعض تلامذه سی معرفیه اکمال وطبع اولمشدر . هراتده
مشار الیهی شیخ الاسلام لقبیه تلقیب و ماوراء النهر و خوارزنده مذهب
و عقاده دائر آچدیغی مباحثاته مبنی شهر دن تبعید ایلدیله . بوکا آوروپانیله
رازینک غلطی اوله رق (رازون) دیرله . حکمای یونانیه نک اکثر اقولانی
رد و تعدیل ایتدیکچون اوروپاچه مشکک نامنی دخی آلمشدر .

(مطالب العالیه) (نهایه العقول) (برهان) (مباحث المشرقیه) (تهذیب
الدلائل) (تأسیس التقدیس) (اربعین) و امثالی لایعد تألیفات بی مثالی وابن
سینانک اشارات وقانون طبنه شر حرلی و نبض حقنده مکمل بر کتابی وارد .

§

﴿فخرالدین﴾ محمد بن سعید بن هشام — ابن جنان الشاطبی
دینکله معروفدر (۱۲۱۸ م و ۶۱۵ ه) ده شاطبه ده تولد و (۱۲۷۶ م
و ۶۷۵ ه) ده شامده وفات ایدوب قاسیون طاعی اتکنه دفن اولندی .
شامه دخولنده کمال الدین بن العدیم و اوغلی قاضی القضاة مجدالدینک زیر
صحابتنده یشایوب دلائلریله مذهب مالکیه دن مذهب حنفیه نه نقل ایش
واقبالیه مدرسه سنده مدرس اولمشدر . ادیب فاضل شاعر محسن حسن
معاشره و مزاحه مائل بر ذات اولوب اکابر ایله مخالطه ایدردی .
شعرنددر .

ولی کاتب اضمرت فی قلب حبه مخافة حسادی علیه و عذالی
له صنعة فی خط لام عذاره ولكن سها اذ نقط اللام بالخال

§

﴿فخرالدین﴾ عجمی — ایران علماسندن اولوب سلطان مراد
ثانی وفاتح زمانرنده اوتوز بر سنه اجرای احکام مشیخت ایشدر وفاتی
(۱۲۶۰ م و ۸۶۵ ه) تاریخنده در . سلطان محمد فاتح حضرتلی بوکا کمال

فضل و معلوماتی جهتیه ابوحنیفه زمان تعبیر ایدر ایدی . خیلی تألیفاتی
وارد .

(فخرالدین) عراقی — اسمی ابراهیم بن شهریار عراقی مسقط رأسی
همداندر . سالک محقق و فاضل مدقق اولوب اطواری عاشقانه و اشعاری
عارفانه و وجد و حالده یکنه زمانه ایدی . کتاب (لمعات) علم تصوفده
اولان تصنیفات مقبوله سی چله سندندر . هند و عراق و سائر طرفلرده
برچوق زمان سسیاحتیه ارخای عنان ایدوب نهایت شامده و فاته قدر کمال
تعظیم و احترام ایله اقامتساز ارام اولمشیدی . وفاتی (۱۲۸۹ م و ۶۸۸
یاخود ۷۰۹ هـ) تاریخنده وقوع عبوله رق صالحیده شیخ محیی الدین عربی
حضرتلرینک تربیه عالیری ارقه سنه دفن اولمشدر . اشعار عاشقانه لرندن
برقاج بیتنک درجیه تبرک اولندی .

نخستین باده کاندنر جام کردند ز چشم مست خویان وام کردند
برای صید مرغ جان عاشق ز زلف فتنه جویان دام کردند
بعالم هر کجا رنج و بلا ییست بهم بردند و عشقش نام کردند

§

﴿ فخرالدین ﴾ — مشهور حسین واعظک اوغلیدر بودخی پدیری کبی
منابر و مساجدده دهنپرداز مواعظ اولور ایدی بر کون انشای وعظه
لطیفه کونه (اگر شیعیله طرفدارلق ایلسم گروه سنیانه کران کلور و اگر اهل
سنت لهنده سویلسم امامینک خاطری قالور) حالبوکه بن نه سنی یه مونه شیعی
دیمشدر « مذهب عاشق ز مذهبیهان جداست . عشق اسطرلاب اسرار
خداست » منظومه (محمودایاز) جمله آثار بلاغتغنواندندر (۱۵۳۲ م
و ۹۳۹ هـ) تاریخنده وفات ایلدی .

§

﴿ قدور ﴾ — مسقوه متره پولیدلرندن ایدی روسیه حکومتی
برطاقم نااهل هوسکاران النده دوچار مذلت اولدیغی و بناء علیه لهستاندن
مسقویه قدر اهالی حرکات تعرضیه اجراسنه تحریک اقدام جرأت ایلدیکی
بر صروده مومی الیه بوکیدشله حکومتک قریباً برورطه انقراضه دوشه جکئی
درک و بوورطه دن قورتلوق ایسه بر حکمدار قوی الاقدارک زمام اداره بی

کف کفایة المسنة متوقف اولدیغنی ازعان ایدرک کیفیت و کندو اوغلی
(رومانوف) که اوصاف حکمرانی بی کالیله حائز بولندیغنی اهالی به بیان و اخطار
ایتمکله اهالی در حال (۱۶۱۳ م و ۱۰۲۲ هـ) تاریخنده مومی الیه رومانوفی
حکمدار انتخاب ایتشدر .

وفاتی (۱۶۸۲ م و ۱۰۹۴ هـ) تاریخنده در .

§

﴿فرائض ابی نصر﴾ — احمد بن محمد بن علی بغدادی حنفینک
اصول مسائل فرائض و فوائد کثیره بی متضمن اثریدر .

(فرائض برکوی) — مشهور برکوی محمد بن پیر علینک اثر
خامه سیدر . مومی الیه بوکتابنه برده شرح تألیف ایلدی .

(فرائض سجاوندی) — امام سراج الدین محمد بن محمد بن عبد
الرشید سجاوندی حنفی طرفندن تألیف و شمس الدین محمد بن حجة الفناری
و شمس الدین ابن کمال و سعد الدین مسعود بن عمر تفتازانی و سید شریف
جرجانی مثللو متجربین همتلایله تشریح اولندی . اشبو کتاب (فرائض
سراجیه) نامیله دخی یاد اولنور .

(فرائض شهاب الدین) — قاضی ابو حامد احمد بن محمود بن علی بن
ابی طالب نام ذاتک اثر بهینی اولوب شروح معتبره سی واردر .

(فرائض طاشکیریلی زاده) — (۱۵۶۰ م و ۹۶۸ هـ) تاریخنده
وفات ایدن احمد بن مصطفانک اثر مختصریدر .

(فرائض طحاوی) — (۹۳۲ م و ۳۲۱ هـ) تاریخنده وفات ایدن
معانی الاثار صاحبی ابو جعفر احمد بن محمد طحاوینک اثریدر .

(فرائض عثمانی) — (۱۱۹۶ م و ۵۹۳ هـ) تاریخنده وفات ایدن
(هدایه) صاحبی شیخ برهان الدین ابی الحسن علی بن ابی بکر
مرغینانینکدر . شرحلایده وار .

(فرائض محسن قیصری) — (۱۳۵۳ م و ۷۵۵ هـ) تاریخنده وفات ایدن مارالذکر محسن قیصرینک اثر منظومیدر . بوکا دائر بر چوق شرحدده یاپلیدی .

§

﴿ فرات ﴾ — سر یانجه طاتلی صو معناسنه بر نهر در بو نهر بایزبدده (دیادین) قصبه سی جوارندن ظهـور ایدوب یکدیکی برله کوره ابتدا مراد صکره اشبو فرات نادی آکور مؤخرأ دجله نهریله محل تلاقیسی اولان قورنه دن منصبی بولنان بصره کور فزینسه قدر شط العرب اسمنی حائز اولور . طولی ایکی بیٹ درت یوز کیلومترودن عبارتدر .

§

﴿ فراعورت ﴾ — ماد حکمداری کیقبادک اوغلی و خلیفدر . (فرارد) و کیقباد ثانی دخی دیرلر (۴۹۰۴ خ) تاریخندن یعنی میلادک الی یوز طقسان سنه مقدمندن الی یوز الی بش سنه مقدمنه یاخود الی یوز الی یدی سنه مقدمندن الی یوز اوتوز درت سنه مقدمنه قدر حکمدارلق ایدوب بر طاقم اقطار و نواحیده نائل فتوحات اولدیسده برنجی بخت نصر طرفسندن (راغو) ده آلدیغی مغلوبیت اوزرینسه ترک حیات ایلدی . خلغی اوغلی برنجی سیئازار ایدی . مومی الیه فراعورت هر عقلنه کلانی پیار بر آدم اولدیغندن قوشرله سمایه چیمقی استیان نمرودک بو اولسنه احتمال ویره ورلر . کتب عتیقه ده مسطور ارپاقساد دخی ینه بو آدمدن عبارت ظن اولنور .

§

﴿ فرانسوا ﴾ برنجی — فرانسه قرالرنندر (۱۴۹۴ م و ۹۰۰ هـ) ده تولد و (۱۵۴۷ م و ۹۵۴ هـ) تاریخنده وفات ایلدی . (۱۵۱۵ م) ده اسوچلیلرله محاربه سنده غالب اولوب عیقبنده میلانی دخی تسخیر ایلدیسده ده (۱۵۲۵ م) ده اسپانیا قرالی (شارل کن) طرفسندن مغلوب و (پاوی) نام محله اسیر ایلدی . فرانسزلر بو محاربه ده ابراز شجاعت ایلدکلرندن فرانسوا اسارتنده والده سنه یازدیغی بر مکتوبده (هرشی غائب اولدی لکن شرف و ناموس غیب اولدی) دیمشدر . بو ائشاده

والده سی مشار الیها ویاخود کندوسی سلطان سلیمان حضرت تئزیه بر عریضه یازوب استشفاع الیسی و سلطان مشار الیهک بعض تشبثات و اشعاری و کندوسی دخی بورغونیا قطعه سنک ترکی متضمن بر معاهده بی امضایه راضی اولدیفنی بیان الیسی اوزرینه شارل کن طرفدن موافقت اولنه رق بو صورتله اسارتدن قورتلشیدی انجق بورغونلر فرانسه دن آیرلق و عهده وفا اتمک استمدکری جهتله تکرار محاربه باشلادی . فرانسوا بو محاربه ده دخی ادبارینی تجر به ایدوب ناپولی اوکنده ینه مغلوب اولسی اوزرینه (۱۵۲۹ م) ده قامبری ده ایکنجی بر معاهده ایله مصالحه یه قرار ویردی و (۱۵۳۵ م) ده ایتالیا و صاووایی فتح ایلدکن صکره (۱۵۴۲ م) ده اسپانیولرله تکرار کار و زاره چیقوب بر موقیت متقابل ایله قطعی بر مصالحه یه راضی اولدی و بو مصالحه نتیجه سی اوله رق (قریبی) ده امضالنان بر معاهده نامه حکمنجه میلان ایالتی ایکنجی اوغلی (نوق دورلئانس) ویرلدی .

(فرانسوا) علو طبع و شجاعتی جهتله مغلوب اولدیغی حالده بیله کندوسی خصمه قارشو فائق کوسترمک استر ایدی . فرانسه ده ادبیات و باخصوص صنایع نفیسه بی اوج اعلایه ایصال ایتدیکندن معارفک پدیری نامی حائز اولش و مع مافیه عشرت و اسرافه انهماکی ایام حیاتیه سنک بر قسمی لکهدار ایشدر .

§

✽ فرانسه ✽ — غالیه دخی دنیلور آوروپای غربی دولترندندر شمالاً مانش پادیقاله بلجیقا المانیا لوقسانبورغ شرقاً الساس لورن اسویچره ایتالیا جنوباً بحر سفید اسپانیا غرباً محیط اطلاسی ایله ایله تحدید اولنور . شمال غربیدن جنوب شرقیه طولاً بیک التمش درت و جنوب غربیدن شمال غربیه عرضاً طقوز یوز یکرمی درت کیلومتر و مساحت سطحیه سی بشیوز قرق بر بیک کیلومتر و مر بعهده در و اوتوز سکز ملیون التمش یدی بیک نفوسی اولوب مرکز حکومتی پارس شهریدر . دولت مشار الیهانک کرد ارضک اقسام مختلفه سنده مستملکاتی دخی بولنور . بر طاقم جبال مرتفعه سی ایچنده خصوصیه (پیرنه) طاغلری فرانسه بی

اسپانیادن تفریق ایدر و (موز) (رون) (غارون) (لوار) (سن) نهرلی انهار مشهوره دن عد اولنور . بر چوق معادن مختلفه سی اولدیغی کبی اراضیسی دخی غایت مخلف و علی الاکثر منبت و صناعتی مشهوردر باخصوص صنایع نفیسه جه بتون ممالکه تفوق ایتش و تجارتی ایسه داخلاً و خارجاً غایت جسامت اوزره بولمشددر .

فرانسزلر فی الاصل غولوالیلر کیریس ایر غال رومالو فراتی آلتین غوت بورغون اقوام مختلفه سندن تشکل ایتدی دیرلر وضایت مونس و ذکی و چالشقان و شجیع و فقط نهایت مرتبه غضوب ثباتسز و مغرور و متکبر صیارلر . شکل حکومت (۱۸۷۵ م و ۱۲۹۲ هـ) دنبر و جمهوریت حالنده اولوب بر رئیس جمهور و سناتو و بر مجلس قوانین معرقیله اداره اولنور اهالی اکثریت اوزره قتولک و مملکت الیوم سکسان یدی ایالته منقسم و تقسیمات عسکریه جه اون سکر قول اردویه منقسمدر .

جهت تاریخیه سی حقیقی فرانسزلق تاریخی (میر و ونزیه) سلاله سنک مؤسس و میروونک حفیدی اولان (قلوویس) زمانندن بدأ ایلر (۴۸۱ م) تاریخنده قلووویسک تحت جلوسنده ویزیغوتلر بورغونلر المانلر غول اراضیسی بیئلرنده منازع فیه طوتارلایدی (۴۸۶ م) ده قلووویس (صوواصون) ده رومالیلری بوزوب المانلری تحت اطاعته ادخال و (۴۹۶ م) ده خرسیتیانلغی قبول ایتدی و (۵۱۱ م) ده وفاتی اوزرینه بر اقدیغی اراضی بی اوغلاری بیئلرنده تقسیم و بو تقسیمدن (۱ پارس ۲ حج ۳ صوواصون ۴ اورلیان ناملرنده) درت قرالیت تشکل ایلدی (۵۵۸ م) ده برنجی قلوتر بتون فراتی ایالتی بد توحیدینه الوب بر امپراطورلق اساسی قوردیسه ده وضع ایتدیکی تمیل چورکجه اولدیغندن (۵۶۱ م دن ۶۱۳ م) تاریخنه دکن فرانسه ینه بریکی تقسیماته اوغرایوب (۱ اوسترازی ۲ نوستری ۳ بورغون ۴ آفکیتین) ناملریله کذا درده ایرلدی . مؤخرأ (۷۵۲ م و ۱۳۵ هـ) تاریخنده پوپون لبروف نام قرال تحت سلطنته قعود ایلدی که بوتاریخدن اعتباراً قلووویس خاندانی برینه ایکنجی سلاله حکمرانی اولان (قارلاونیریه) خاندانی بدأ ایلر . مومی الیه بریتانیادن ماعدا بتون فرانسه بی قبضه تسخیرینه پکورمشددر . (۷۶۸ دن ۸۱۴ م) تاریخنه دکن ایسه اوغلی شارلمان اسپانیای

جنوبی و ایتالیا و ساقسونیای جرمانی و باقر را و آوری تحت اطاعتنه آلوب
 ۸۰۰ م) ده مجدداً جسیم بر غرب ایمپراطور لعی اعلان ایلدی انجق (۸۴۳) ده
 اشبو ایمپراطور لقی دخی فرانسه ایتالیا جرمانیا نام قرالیتله انقسام ایلوب
 بوصورتله قارلاوینزیهن سلاله سی دخی منقرض اولدی و (۸۸۷ م) ده
 اوچنجی (هوقایت) یاخود قاپسیه ن سلاله سی و (۱۳۲۸ م) ده والوا
 خاندانی مقام اقتداره کادی مؤخرأ (۱۳۳۷ م) دن (۱۴۵۳ م) تاریخنه
 قدر مشهور یوز سنه محاربه سی دوام و (۱۵۵۲ م) ده داخلاً ظهور ایدن
 محاربه دینه اساس دولتی خیلیدن خیلی دوچار انهدام ایلدی و (۱۵۸۹ م) ده
 والوا خاندانی رینه بوربون سلاله سی کلوب ایشلر ایچیه کسب انتظامه
 باشلادی یعنی ۱۶۱۰ دن ۱۶۴۳ سنه سنه قدر اون اوچنجی لوئی
 زماننده (ریشلیو) پروتستان فرقه سنی بوزدق دن صکره دره بکارینی دار
 عدمه کوندردی . موئی الیه ریشلیو (۱۶۱۸ م) دن (۱۶۴۸ م) تاریخنه
 دکن سورن اوتوز سنه محاربه سنه دخی فرانسه بی تحلیصه باعث مستقل
 اولشدر . نهایت (۱۶۴۸ م) و ستغالی و (۱۶۵۹ م) ده پیره نه
 معاهده لری فرانسه بی اورپانک دول معظمه سی صره سنه پکوردیکی حالده
 (۱۷۹۲ م) ده جمهوریه تبدیل و (۱۸۰۴ م) ده ناپولون واسطه سیله
 تکرار ایمپراطور لعه تحویل اولندی . ناپولون زماننده دولت فوق النایه
 قوت و شوکت اکتساب ایدوب ۱۸۱۴ ده یکیدن علامت ضعف اظهار
 ایلدی اوزرینه بوربونلر اجنبی معاونتیه ینه موقع اقتداره کتوریلوب
 فرانسه حدود قدیمه سنه ارجاع ایلدی . مؤخرأ اون سکرنجی لوئی قانون
 اساسی وضع ایدوب فقط اوئنجی شارل اداره مشروطیه محبت ایدر کیسه .
 لردن اولدیغدن (۱۸۳۰ م و ۱۲۴۶ ه) تاریخنده ینه موقع اعتباردن
 دوشوب (اورلئانس) خاندانی میدان چیقارلدی و (۱۸۴۸ م) ده بنفته
 بر اختلال ظهور ایدرک نتیجه سنه حکومت جمهوریه منقلب اولدیسده
 بوجهوریتک رئیسی اولان اوچنجی ناپولون زماننده یعنی (۱۸۵۲ م) ده
 تکرار ایمپراطور لعه تحویل قلندی . اشبو ایکی حکومتک ابتداری خوش
 یکدیسه ده مکسیقاسفریله برابر فلاکت یکدیگری تعاقبه باشلایوب (۱۸۷۰ م)

و ۱۲۸۷ هـ) تاریخنده وقوع بولان پروسیا محاربه سی نهایتنده ینه ایمپراطور -
لغك محوله جمهوريتك احیاسنه قرار ویرلدى .

§

﴿ فراتق ﴾ یاخود (فرانس) — المانلر سربست متکبر شجیع
معناسنی اکدیران (فرانکن) نامیله چاغیررلرلیدی بونلر قدیمده جرمانلرک
متقلری اولوب قبائل عسیدیه منقرع ایدیلر فقط قبائل مذکورهدن
خاصه فراتق نامنی الانلر ایکی قبیله دن عبارتدرکه بری (ایسل) نهری
کنارلرنده ساکن اولوب مؤخرأ غربده وغوللرک و سطنده تمکن ایدن
(فراتق ساله نلر) . دیکری (رین) نهړینک صاغ کنارینی وطن اتخاذا
ایلمیان (فراتق ریپوئرلر) در . بونلر (۵۳۵۴ خ) تاریخنده یعنی میلادک
ایکیوز قرق سنه مقدمنده اوچنخی غوردیه نام ایمپراطور زماننده ربط
زشته اتحاد ایدرک ممالک غریبده خیلی زمان سربست یغما و تاراجه
قویولدیلسهده (تریو) میداننده بیکلرجه فراتق اسیرلرینی تلف ایتدیرن
(اورلین) و (پروپوس) و (قسطنانس قلور) و قسطنطین نام ایمپراطورلردن
اورکه رک ایکنجی (قسطنانس) و (ژولیهن) زمانلرنده غوله کلدیله .
ژولیهن (۵۳۶ خ) تاریخنده یعنی میلادک اوچیوز اللی سکر سنه مقدمنده
بونلری بوزدی و متعاقبأ فراتق سالینلرک (برابانت) ده اسکانلرینه مساعده
کوستردی بنابرین بونلردخی (۴۰۶ م) تاریخنده وقوع بولان بارباراستیلاسنده
رومالیلوه صادق قالوب غولوا حدودینی محافظه چالشدیلر و مؤخرأ رین
نهړی اوزرینه یوریان باربارلری دخی منع ایتک استدیلاسه ده مقتدر اوله مدقلرندن
بالاخره کندولری دخی انلر قاتیلوب رومالیلری یاغماده حصه دار اولدیله
و (۲۴۹ م) ده قلودین زماننده ایسه غوله کیروب (تورنه) ده توطن
و (تریو) دن باشلایه رق (لیوار) ه قدر ممالکی تخریب ایلدیله . نهایت
قرالری اولان (قلودیس) زماننده غولک ملت حاکمه سی اولوب اولوقندن
اعتبارأ فرانسه نامنی الان اشبو قطعه ده کوچک کوچک حکومتلر تشکیل
واو تاریخلرده قتلک مذهبنی قبول ایتدیله . فرانکلرک سرعسکرینه
(هیرزوق) تسمیه اولنور و عسکرلری یغما کرلکله یشاریدی . تاج
حکمداری هرنقدر برخاندانه مخصوص و منحصر ایدیهده ینلرنده انتخاب

اصولی اجرا ایدیلور ایدی وایکی عادی مجموعه قوانینلری اولوب برینه (لوو اسالیق) دیکرینه (ری پوور) دیلور ایدی که بونلردن هربری کندو بیلرنده منقسم اولدقلری ایکی فرقه یه بشقه بشقه مخصوص اولوب بر فرقه حقنده استعمال ایدیلان قانون دیکر فرقه حقنده مرعی الاجرا اوله مزایدی . امور مهمه و مواد جسمیه بی حل و فصله مأمور اولان مجلس عمومیلرینه (مال) و بیوک حاکمیلرینه (موردون) دینور ایدی .

§

﴿فرانتقورت﴾ — ماین نهری اوزرنده بر شهر در وقتیه جرمانیا اتفاقده بوانان درت مستقل شهرلردن بری و جرمانیا هیئتیک کرسی اداره سی ایدی (مایانس) که شمال شرقیسندن اوتوز بر و پارسک شمال شرقیسندن سکزیوز قرقیدی کیلومتر و بعدنده واقع و التمشیدی بیک نفوسی جامعدر . کوزل بر باش کلیسای اولوب اوراده ایمپراطورک رسم تجملری اجرا اولنور و منسوخ جرمانیا اتحادینک (دیت) مجلسلری بوراده یایلور ایدی . الیوم قرون وسطادن قاله ابنیه متعدده سی هوتلاری و خیرات خسته خانه لری و فنون و ادبیات و صنایع مکتبلری موزه خانه کتبخانه نباتات باغچه لری و جسم تجارتی ایکی مهم پنایری ورنک آمیز کاغد فابریقه لری واردر . فرانتقورت غایت قدیم بر شهر اولوب سکزیجی عصردن بروکسب اهمیت ایتکه باشلامشدر وقتیه شرقی فرانسه و یافرانقوینک مقر حکومتی ایدی .

(فرانتقورت) — اودر نهری اوزرنده بر مملکتدر پروسیاده براندبورغ داخلنده و برلینک جنوب شرقیسندن الی کیلومتر و مسافه ده اولوب اوتوز بیک نفوسی حاویدر صنعتی کفایت مرتبه ده ایشلک و تجارتی الویره ک درجه ده جسم اولوب اعمالات حریره و فس والدیوان و بز و سختیان فابریقه لری واردر بوملکت (۱۳۴۸ م و ۷۴۹) ده ایمپراطور دردنجی شارل و (۱۴۳۲ م و ۸۳۶ ه) ده هوسسیدلر و (۱۴۵۹ م) ده پولونیزلر طرفدن صیق صیق محاصره اولندیغی کبی اوتوز سنه محاربه سی ائاده دخی بر چوق خساره اوغرا مشیدی .

§

﴿فرانقان﴾ — اون سکرنجی عصر مشاهیر حکما سندن در (۱۷۰۶م و ۱۱۱۸ه) ده امریقادہ بوستون شهرنده تولد ایشدی واولا مرتبک ایلہ وقت یکیرہ رک مؤخرأ فیلادلفیا شهرنده بر مطبعه تأسیس وچیقاردیغی غزته۔ لردہ مجرد حقایق علمیه وقواعد اخلاق مباحثه حصر افکار ایدوب (۱۷۵۷م) تاریخنده وطنداشلی طرفندن مستعمرات خلقنک حقوق سیاسیه ومشروعہ لرینی محافظه ایچون وکالتله لوندریه کوندرلدیسه ده امریقانک مستعمرات شمالیه سیله انکتره حکومتی بینده حرب وقتال باشلامش اولد۔ یغندن کیروسنه کیرو فراره مجبور و آمریقایه موصلتنده پانسیلوانی قونغرہ۔ سنه مبعوث اولدی ومؤخرأ ۱۷۷۶ده امریقا جمهوریتی طرفندن فرانسه نلک مظاهرت وحایه سنی طلب ایچون فرانسه یه سفیر نصب واعزام اولغله فرانسه رجال دولتیله حصوله کتوردیکی مخاندت سایه سنده مملکتنک محافظه حقوق واستقلالنی مصدق ایلدیکی معاهده یی فرانسه وانکتره واسپانیا دولترینه تصدیق ایتدیرمکه موفق اولدی و (۱۸۷۵م) ده پارسدن امریقایه عودت وبوستونه موصلتنده طوپرله استقبال ایدیلہ رک اول امرده فیلادلفیا اجرا مجلسی اعضالغنه متعاقباً پانسیلوانی جمهوریتی ریاستنه انتخاب وتعیین اولنوب بش سنه بوخدمتی ایفادن صکره سکسان درت یاشنده وفات ایلدی۔ وفاتیچون مجلس مبعوثان اوچ کون ماتم طوتمشدر۔

فرانقلن الکتریک اوزرینه ایضاحات کافیه ویردیکی کبی (پراتوز) دنیلان سپر صاعقه یی دخی ایجاد ایلش وضیا ایلہ حرارته دائر برچوق تجربه لردن بشقه سیس روزکار فورتنه و بورالر حقنده برچوق مطالعات مفیده فنیه میدانه قومشدر۔

§

﴿فرخ علی﴾ پاشا — صفوجق قلعه سی محافظلغی ائنادہ چرکسرک اسلامنه سبب اولمش واناپه قلعه سنی انشا ایدوب اولخوالی بی دولت علیه قزاندرمش بر مرد غیوردر۔ عمرینک نهایتنه طوغری فوق النهایه بر مضایقه ایچنده قالہرق اناپه ده وفات ایلدی۔ محافظلغی (۱۷۸۰م و ۱۱۹۵ه) ده در۔

§

﴿فردوسی﴾ طوسی — مشاهیر فضلائی عجمدندر واسمی حسن

بن اسحق مولدی ایرانده طوس کویلندن (رزات) نام قریه در پدری
طوس قریبده فردوس نام بر باغچه ده باغبان اولدیغی جهته فردوسی مخلصیه
شهرت بوله رق بعده بو مخلص کندوسنه دخی انتقال ایتشد .

فضل و معرفتی حیطة و صفدن بیرون و حوزة مبالغه دن افزون اولوب
از جمله مشهور آفاق اولان (شهنامه) نام اثری بو بایده شاهد عدلئوندر .
بعض احوال مزعجه یه مبنی طوسدن غزنه یه کیدوب سلطان محمود غزنوی به
کسب مناسبت و شهنامه یی شاه مشار الیه ک امر یله اوراده ترتیبه مباشرت
ایلوب ایات آتیه دن دخی اکلاشیه جغی وجهله اوتوز سنه صرف تقدینه
غیرتله بتورد کدن صکره حضور شاه یه تقدیم ایلدیه ده مأمولی کبی
مکافاة کورم کدن بشقه اولجه دخی اصحاب غرض « فردوسی رافضیدر »
غزیه حقه ده شاهک بغض و نفرتنی جلب ایتش اولدیغدن اینجنوب سلطان
مشار الیه شهنامه ذیلنده کی لاحقه سنده

بسی سال بردم بشهنامه رنج	که تا شاه بخشد مرا تاج و کنج
اگر شاه را شاه بودی پدر	بسر بر نهادی مرا تاج زر
چو اندر تبارش بزرگی نبود	نیار ست نام بزرگان شنود

(الی آخره) زمیننده هجوه ابتدار و غزنه ده درت آی اختفادن صکره هراته
واوردن رستم داره فرار و بر مدتجک ده اوراده اوتورد قسدن صکره
هرم ویری وجودینه مستولی اولدیغی آوانده تکرار وطن اصلیمی بولنان
طوسه عودتله قرار ایتشد .

غرائب احوال دن اولدیغی اوزره منقولدر که سلطان محمود هند سفرنده
(دهلی) حکمدار بنه بر نامه کوندروب (نامه مزک جوابی شاید مر امزک
عکسنه ظهور ایدر ایسه تدبیرندر) دیو زنده بولنان مستشاری خواجه
احمد میندین استفسار ایلد کده خواجه در عقب شهنامه دن (اگر جز بکام
من آید جواب . من و کرز و میدان و افراسیاب) بیتنی اوقومغله مشار الیه
رقت کلوب فردوسی به جفا و غدر ایلدک عجبا فقیر نه حالده در دید کده

خواجہ فرصت بواوب فردوسی پیر وعاجز طوسده مختفی ایش دیهرک
سلطانک عرق شفقتی تحریک ایلدیکندن پادشاه فردوسی به اون اینکی دوه
یوکی چوید ارسالنی امر ایش و بونلر منزل مقصوده کلهرک طوسک رودبار
قموسندن کیرر ایکن فردوسینک جنازه سی (رزان) قپوسندن چیقمشدر .
مرقدی طوسده حالا معروف و ملتجای زواردر . وفاتی (۱۰۲۰ م و ۴۱۱ هـ)
تاریخنده ایدی . عربی وفارسیدن متعدد تألیفات مرغوبه سی واردر . ادبای
عجم بینده سلطان الشعرا و امیر المتکلمین عنوانیه یاد اولنور . امام غزالی
حضرتلری ممکن اولسه جله مؤلفاتمی فردوسی طوسینک شو ایکی ییتنه
دکیشور ایدم دیمشدر .

پرستیدن دادکر پیشه کن زروز کذر کردن اندیشه کن
بترس از خدا و میازار کس ره رستگاری چنینست بس

§

﴿ فردوسی ﴾ طویل — (شهنامه) کلمه سنه نظر بیوریه .

§

﴿ فردینان ﴾ پزارو — برخزیر چوباننک اوغلی اولوب (۱۵۱۳ م و ۹۱۹ هـ) ده بحر محیط جنوبیده سیاحت ایچون برقچ رفیق ایله یوله
چیقمشیدی . پانامانک جهت جنوبیسنده یعنی امریقای شمالی ایله جنوبی
اره سنده کی برزخ جوارنده اوچ سنه کشفیات مهمه اجراسیله اوغراشدقن
صکره اسپانیایه کلوب کشف ایتدیکی یرلرک قرال وکیلی عنواننی آلدی
ومؤخرأ بردها کیدوب (پرو) و (شیلی) یی استیلا ایلدیسده هربری
برطرفده ریاسته باشلایان رفقاسی وقرنداشلریله خوش چکنه مدیکندن اسپانیان
کلان امر موجبجه اخذ واعدام اولندی .

§

﴿ فردیناند ﴾ — اسپانیاده قشتاله قراللرندندر (۱۲۳۲ م و ۶۳۰ هـ)
تاریخنده غرناطه حکمداری ابن هود ایله محاربه ایدرکن ظالم اولجه طوتدیغی
ایکی بیک قدر اسرای اسلامییه یی میدانه کتوروب برر برر شهید ایتدیرمکله
اسلام عسکری بومعامله و حشینه دن اورکهرک بوزلدقردن محاربه یی قزانش
واوچ سنه صکره قرطبه شهرینی بعض شرائطله محاربه سز آلوب دنائت

عهد شکنانه می اقتضای اوله رق اهالی بی یالکز اوزر لر نده کی ائوابله طرد ایلدی کی کتبخانه لر نده بولنان لایحه آتار نفیسه بی دخی بسبتون یاقشدر .
(۱۲۴۸ م و ۶۴۶ هـ) تاریخنده اشبیلیه دخی اون سکز آی محاصره دن صکره پنجه استیلا سنه یکدی .

§

﴿فرزدق﴾ — فضلی عرب و کبار تابعیندن و اهل ادب دن اولوب دیوان اشعاری حجاز و عراق عربده مکرم و مشهور و خاندان نبوتک مداحلیغه معروف و مذکور در نقل اولنور که امویه دن هشام بن عبد الملک حکومتی ائشاده ججه کیدوب مکّه مکرمه ده کثرت حجاجدن جراسعدی زیارته یول بوله مدیغدن تنهالغه انتظاراً برکوشه یه چکلمشیدی بو ائشاده زین العابدین حضرت نری اسلام ایچون ججر اسعد طرفنه توجه ایتدکه حجاج کمال تعظیم و رعایتله آریلوب یول و برملرله هشام وقار و عظمتله بو کیمدر که خلقتک تابو مرتبه مظهر اغرازی اولیور دیدیکی آنده فرزدق حاضر بولمغله بالبداهه برقصیده غرا انشا ائشدر که مطلعی شویلتلردر .

هذا الذي تعرف البطحاء وطئته والبیت يعرفه والحل والحرم
هذا ابن فاطمة ان كنت جاهله وجده انبياء الله قد ختم
فليس قولك من هذا بصائر العرب تعرف من انكرت والعجم

بونک اوزرینه هشام مغبر و مکدر اوله رق فاضل موحی الیهی حبس ائتمش و تاهشامک وفاتنه قدر محبوس قالوب صکره چیقارلمشدر
(۷۲۸ م و ۱۱۰ هـ) تاریخنده طقسان یاشنده اولدیغی حالده وفات ایلدی اصل اسمی همام کنیه می ابو فراسدر .

§

﴿فرسخ﴾ — اوج میل یعنی یدى يك بش یوز ذراع طولنده اولان مسافه در که (فرسنگ) دن معربدر مشی متوسط اوزره بر ساعتک یول فرسخ اعشاری اون یک مترو یا خود میر یا مترودر (میل) کله سنه دخی نظریوریه .

§

﴿فرشته﴾ — اصل اسمی (محمد قاسم) اعجمامدن بر مور خدر (۱۵۶۰ م)

و ۹۶۸ هـ) تاریخنده استرآبادده طوغوب تحصیل کالدن صکره کنجندکننده
هنده عزیمت ودقاندہ بیتوتت ایتدی و (ویزاپور) ک سراینده مناصب عالیہ
احرازیلہ بکام اولدی . تاریخ تمام نامندہ اون ایکی جلددن عبارت برهند
تاریخی واردر . اشبو تاریخ (۹۹۷ م و ۳۸۷ هـ) دن (۱۶۲۰ م و ۱۰۳۰ هـ)
تاریخنہ قدر اولان وقایعی جامع اولوب (۱۸۲۹ م و ۱۲۴۵ هـ) تاریخندہ
اوندرده جانبر یقس طرفندن انکلیزجہیہ ترجمہ اولمشدر .

§

﴿فرغانی﴾ — علمای فن هیئتدنددر اسمی احمد بن قصیر
الفرغانیدر . خلفای عباسیہدن مأمون خلیفہ زمانندہ شهرت بولوب مشار
الہیک امریلہ حکمای اسلامیہدن عباس وسید و خالد و یحیادن متشکل هیئت
فنیہیہ داخل اولہرق بغداددہ برصدخانہ یامش ومبانی فن هیئتہ دائر
برکتاب یازمشدر . بوکتاب (۱۶۶۹ م و ۱۰۸۰ هـ) تاریخندہ لاتینجہیہ
آلندی . بوندن بشقہ کونش ساعتہ واسطرلابہ دائر دخی ایچہ آثاری
واردر . وفاتی (۸۴۰ م و ۲۲۶ هـ) تاریخندہدر .

هیئت فنیہ مذکورہ (۸۳۲ م و ۲۱۷ هـ) سندھی سنجار صحراسندہ دائرہ
نصف النهارک ایکی درجہسنی دخی اولوب کرہ ارضک حرکت وجسامتنی
تعین و اثبات التلش ایدی .

§

﴿فرمات﴾ — ارباب هندسہ مشاہیرندندر (۱۶۰۱ م و ۱۰۱۰ هـ)
تاریخنده مونتویان قربندہ بومون دولامانی دہ تولد و (۱۶۶۵ م ۱۰۷۶ هـ)
تاریخنده وفات ایلدی . مومی الیہ طولوز پارلنتوسندہ مستشار اولوب
کافی درجہ علوم وفنون تحصیل ایتشیدی . ارباب معارفدن (پاسقال)
(روبروال) و (توریکالی) الیہ کورشمش و ریاضیاتدہ کشفیات عظیمہسی
جہلہسندن اولہرق جبری هندسہیہ تطبیقده دقارته حصہ دار اولمش
و علم حسابدہ خواص اعدادی کشف ایدن فرقہ علمانک رنجیلکنی قزانمشدر .
(اوقلید) و (آپولونیوس) نام هنروران متقدمینک ضایع اولان برچوق
مصنعاتنی کندی کندینہ میدان شہودہ وضعی ایسہ محیر عقول بفراسستہ
مالک اولدیغنی اثباتہ کافی مواد مہمدنددر . فرمات اینوز لسانندہ ماهر

وقانون ومعاملاته متبحر ایدی فقط طبیعتنده اولان قسقا بخلی مناسبتیه فنونه دأر بولدیغی اصول واختراعاتک بعضیلرینی صاقلادیغندن بونلردن بعضیلری بالآخره کندوسیه برابر صحیفه شهوددن طی وجود ایلدی .

§

﴿ فروشیم ﴾ — یهودیلردن برفرقه نك اسمیدر بوکروهه فریس وربانیون دخی دیرلر (صدوق) کله سنه نظر یوریه .

§

﴿ فرهاد ﴾ — طبقه آشکانیانده کلان برقاچ حکمدارک اسمیدر (فرهاد) اول (۵۴۱۲ خ) تاریخندن یعنی میلادک یوزسکسان ایکی سنه مقدمندن یوز التمش درت سنه مقدمنه دکین حکومت ایدوب مدیانک بدوی قومی اولان مادیلری تحت اطاعتنه آلدی .

(فرهاد) ثانی — (۵۴۵۵ خ) تاریخندن یعنی میلادک یوز اوتوز طقوز سنه مقدمندن یوزیکرمی یدی سنه مقدمنه دکین قاعدصندالی حکومت اولدی وسوریه قرالی (انتی یوخوس) ه اوچ بیوک محاربه ده مغلوب اوله رق (بابل) و (اقباتان) ولایتلرینی قایدیر مسندمبنی نفوز حکمرانیسی یالکز قدیم پارتیایه منحصر قالمشیکن برطرفدن کوردیکی بیوجک معاونت سایه سنده سوریه لیره هجوم ایدرک خصمی مومی الیه انتی یوخوسی تلف واغرب غرابدن اولق اوزره اشبو مظفر یتنی تأمین ایدن عسا کر معاونه یی دخی واثناده سهام قتل عامه هدف ایتدکدنصکره عسا کر مذکور ه نك منسوب اولدیغی حکومت علیه نه دخی حرکت ایتدیسده وقوعبولان محاربه ده اعدام اولنغله غوغای جهاندن قورتلدی .

(فرهاد) ثالث (۵۵۴۴ خ) تاریخندن یعنی میلادک یتش طقوز سنه مقدمندن التمش برسنه مقدمنه دکین حکومت سوردی . فارس اهالیسی بوکا کال توقیرلرندن ناشی لله عنوانی وبرمشلر ایدی . غایت شجاع و بهادر برذات ایدی (مهرداد) و (اورود) نام اوغلارینک علیه نه چیقاردقلمی برفسادده تلف اولمشدر .

(فرهاد) رابع — (۵۵۵۸ خ) تاریخنده یعنی میلادک اوتوزالتی سنه مقدمنده تخته جلوسی اوزرینه قرنداشلرینی اعدام و (مارق اوردل) قارشو

موقیعتله محاربه ایلدی و مؤخرأ بر محاربه ده عسکریک طبانسر لغنه مبنی منہزم اولدیسده ترکستاندن الدیغی عسا کر معاونه سایه سنده تختی یدغصبه الان (تیرداد) ی بوزدی بعده رومالیرایله عقد مصالحه ایدوب قراسوسدن الدیغی سنجاقلرایله اسیر حربلری اعاده ایلدی و بر مدت صکره زوجده سی ایله فرهاد نام اوغلی طرفندن تسمیم اولنوب میلاددن طقوز سنه مقدم متأراً وفات ایتمکله اوغلی بشنجی فرهاد یرینه یکدیسده مدت قلیله ایچنده اودخی خلع و قتل اولندی.

§

﴿فرهاد﴾ پاشا — دولت علیه ده الک یوک و شجیع جنرالردندر (۱۵۸۳ م و ۹۹۱ هـ) تاریخنده ایران محاربه سنده کرجستان سرعسکری ایدی. ابتدا روانه یوریوب مملکتی خالی بولدیغندن خانک باغچه سی اطرافنه قرق بش کونده سکرز قوله لی و سکرز بوز یکر می بش بدنلی برسور و آنک خارجنه قرق اوچ قله لی و یک یدی بوز یکر می التی بدنلی دیکر برسور چکدیروب اشبو حسن تدبیری سایه سنده نائل مظفریت اولدیغنه بناء در سعادته ورودنده صدر اعظم تعیین اولندی ایسه ده مؤخرأ اوستریا لیره قارشو طونه اردوسیه ده دخی کیتدکده صدر سابق سننان پاشا نک سننان غمز جانستایله نظر شاهانه دن دوشوب قتلنه اراده تعلق ایتمکله بیچاره (۱۵۹۴ م و ۱۰۰۳ هـ) تاریخنده اخذ و اعدام اولندی.

اشبو سننان پاشا نک بویه ضرر لری و غدار قملری چوقدر حتی تاریخ مز بورده مو می الیه ک سوء تدبیر و معاملات شدیدہ سی اثری اوله رق مملکتین واردل و یوده لری عصیان و افلاق و یوده سی افلاقدہ اولان داینردن یک مقول مسلمانن بقتہ اعدام ایتمش ویرکوی اهای مسلمه سنی قتل عام المیشیدی.

§

﴿فرید الدین﴾ عطار — کبار مشایخ صوفیه دندر همدانده تولد و (۱۲۲۹ م و ۶۲۷ هـ) تاریخنده شهیداً وفات ایلدی مو می الیه شیخ محمد الدین بغدادی حضرت تریک اخص مریدانندن اولوب اوائل حالنده عطار ایدی برکون ایشیله مشغول ایکن بر درویش چیقه کلوب دفعاتله شیئاً لله دیدیکی حالده التفات ایتمدیکندن درویش (ای خواجه سن نصل

آدمسك (ديوب) (سنگ کبی) جوابنی الدقهه باقیم سن بنم کبی اوله
 یلورمیسك دیه یاننده کزدریدی اناجندن معمول برچناغی باشی التنه
 قویه رق (الله) دیمکله قالی دکلندردی وعطاردخی بووقعه دن الدیغی کمال
 تأثر اوزرینه همان دکانی دستکاهی طاغیدوب طریق صوفیه یه کیردی.
 منظوم ومنثور خلیجه آثاری واردر که هر برندن بشقه بشقه بوی حقیقت
 استشمام اولنور (تذکره الاولیا) نامنده برکتابی دخی واردر. آیات
 آیه جله آثار حقایق آیاتندندر.

(ای روی درکشیده بازار آمده . خلقی باین طلسم گرفتار آمده)
 و (توی معنی و بیرون تو اسمست . تویی کنج و همه عالم طلسمست)

§

فریدریق ۶ بارباروس — المانیا امپراطوریدر (۱۱۲۱م و ۵۱۵ه)
 ده تولد و (۱۱۵۲م و ۵۴۷ه) ده سیف سلطنتی تقلد ایلدی جلوسی
 ایشارده آری (بریوک دوقه لق ایدی) و پولونیا و دانیمارقه قرالترینی تکرار
 نفوذ امپراطورسی تحتنه ادخال وزمان حکومتسك قسم اعظمی ایتالیا
 دوقه لسلترینی تضییق واختلالاتی تسکین اغورنده امرار ایلدی و پاییه
 اوته دنبرو طرفدار یکینان (کلف) لر ایله (کلف و ژیلن المانیا ایله ایتالیایی
 نیجه محاربات ایله ایکی یه تفریق ایدن ایکی طرفدارلرک عنوانیدر که کلف
 فرقه سی دائماً پاپاره طرفدار بولنورلر ایدی) لایققطع محاربه ایتسندن ناشی
 پایا اوچنجی علیکساندرینک آفروزینه اوغرایه رق بو آفروزک شامتسندن
 اولمیدر که (۱۱۷۷م) ده مغلوب ایدلسی اوزرینه کیدوب پاپانک ایاقترینی
 اوپمکه والتی سنه صکره قونسطانس معاهده سی اقتضاسنجه ایتالیا یه
 استقلال ویرمکه مجبور اولدی فقط فلاکتی بونسکله ده انجامپذیر اولمیدغندن
 (۱۱۸۹م) ده صلیبیون محاربه سنده بولنه رق اناطولی ایچنیده بردرجه یه
 قدر غالب اولدیسده مؤخرأ یوز یکدن متجاوز اردوسی خسته لقله
 وسلجوقیسلرک هجومیه محو اولوب کندوسی دخی قونیه جوارنده برنهره
 دوشدرک بوغلدی.

﴿ فریدریق ﴾ ایکنجی — پروسیا قralی اولوب بیوک فردریق دیمکله مشهوردر (۱۷۴۰ م و ۱۱۵۳ هـ) ده جلوس ایتدی درعقب تجارتی صناعتی و علوم و ادبیاتی کمالیه، ترویج و التزام و خصوصاً وولتر ویدورو کبی اصحاب هنری نزدینه جلب ایله تحصیل معارفه اقدام و اهتمام ایلدیکندن فروع شوکت و حشمتی کون بکون زیاده باشلاوب حتی بر درجهیه کلدی که عموم اوروپا دولتلی کیندولرینی بونک زوالنده اراشدیرمق اوهامنه تابع اولدیلر بناءً علیه (۱۷۵۶) ده اوستریا ساقسونیا فرانسه اسوج و روسیه متحداً بوکا قارشو مشهوریدی سنه محاربه سنی آچدیلر که فردریق بوقدر غلبه لکه مقابل متقی یالکز انکلتردهن عبارت ایدی اون التی محاربه یاپوب اولماز درجه ده مقاومت ایلدیکی حالده اولا برمدت ممالکنک قسم اعظمندن محروم اولدیه ده (۱۷۵۷) ده اوستریا و فرانسه اردولرینی (روسیش) ده بردن بره بوزهرق غیب ایتدیکی ممالکی یکیدن قزاندی . و الحاصل اشبو محاربه مده شته نتیجه سنده غالب چیقوب ارتق داخل اعمار ملک و تلافی مافاته باشلادی و ملکنده سربستی مذاهی اعلان ایتدی و (۱۷۷۲ م) ده پولونیانک مقاسمه سنه حصه دار اولوب غربی پروسیایی دخی تسخیر و (۱۷۷۸ م) ده ایکنجی ژوزف نام ایمراطورک باورایی اشغالنه ممانعت ایلدی .

اشبو ایکنجی فریدریق عقل و شوکتجه معاصری اولان حکمدارانک اعظمی و دولتی بر کوچک حکومت ایکن محضاً حسن تدبیری ثمره سی اوله رق دول سائر ه نك معظمی اولدی . فنون حربیه یه زیاده وقوفی حسینیه عسکر لکک هر بر فضائلی مع زیاده احراز ایلدیکی کبی کرک شعر و کرک نثرده بر چوق تألیفات دخی براقدی .

§

﴿ فریدون ﴾ — ملوک پیشدادیاندر تخمیناً (۳۵۰۰ خ) تاریخلرنده یعنی میلادک ایکی بیک طقسان درت سنه مقدملرنده ضحاکک قتلنی متعاقب اجلاس اولندی . حقانیتی سور وارباب معارفه رعایت ایدر بر ذات ایدی و فائنده ملکی اوج اوغلی بیننده مقاسمه اولنوب مؤخرأ ایچلرندن ایکیسی بالاتفاق دیکرینک حصه سنی دخی کندو حصه لرینه

قاندیلر بعد زمان اشبو حصه سی غصب اولنان ذاتک حفیدی (منوچهر)
حیقوب تخت فرسی ضبط ایتمسیله موهی الیهمادن یالکز (تور) ایرانه تابع
ترکستان غریبه حکمدار اوله رق قالدی . تاریخلرک بوندن ماعداد ویردیکی
معلومات افسانه قیلندندر .

§

﴿فریکیا﴾ یاخود (فریژی) — مرمره دکزی و بحر سیاه و قزل
ایرماق و قونیہ طاغلریله محاط بر حکمدارلق ایدی متعدد انقلاباته اوغرایوب
برارالق آقشهر آقسرائ قونیہ کوتاهیسه قره حصار سنجاقلرینه تفرق
ایلدی مؤخرأ درده تقسیم ایله بعض یرلری برغمه قرالیتنه الحاق اولنوب
اک صکره روما دولتی اداره سنه یکدی . فریکیا اهالی قدیمه سنک
کندولرینه مخصوص عبادتلی اولوب معبودلرینه نای و قوال ایله تعبد
ایتدکری مرویدر .

§

﴿فرزان﴾ — طرابلس غرب ولایتی داخلنده برسنجاقل اولوب
مرکزی مرزوق شهریدر عربلر (واح) دیرلر بوشهر طرابلس غربه
ایکیوز اوتوز بش ساعت مسافه ده بولنور و جنوب جهتی سودانده واقع
صحرای کبیره التصاق ایدر مرزوق اوچ ینک نفوسی شامل و (سوکنده)
(سبه و سمنو) (شاطی) (غات) ناملریله درت قضایی مشتمل اولوب
شاطی قضاسنک دخی وادی شرقی و وادی غربی و حضره نام اوچ
ناحیه سی وار واشبو قضا ناحیه لردن هر یرینک طرابلس غربه اولان
بعدلری (۱۲۰ دن ۲۲۱) ساعته قدردر . مرزوقده تیمور و کاوساله
چیقار و یاغور آزاغار و حرارتی (۵۶ : ۶۰) درجه یی بولور . آثار
معارفدن یالکز بر مکتب رشديه سی واردر .

مصر طرابلس تونس بونو و طومبو و قوطو کار بانلری ایچرولره طوغری
آمدوشدلرنده فیرانه اوغرامغه مجبوردرلر .

§

﴿فساد هضم﴾ — فعل هضمک متکدر اولسنه دینورکه علت
مذکوره کثیر المقدار اکل طعامدن و یاخود هضمی عسیر برطاقم مواد

اکل و شربندن و صغوق آله و یا حرکات نفسانیه کبی بعض اسبابدن
تکون ایدر . بعضا فساد هضمده یالکز بر راحتسزلک ایله معدهده آغزلق
و اکشی اکشی ککیرمه و بطمک متفخ اولسی کبی اعراض خفیفه مشاهده
اولندقدہ اولوقت اخلامور و یاپایه وچای کبی ادویه ایله ازاله ایدیلور .
بعضا دخی اعراض مذکوره یه طعامدن استکراه وغشيان و بطنده غورلتی
و ایچقرق و صداع و کسالت کبی اعراض دخی منضم اوله رق مرض کسب
شدت ایدر و اکثریا وجع ایله اسهال دخی وقوعبو اور اکر قی بالطبع
و وقوعبولمش ایسه اولوقت جزئیحه مضاد التشنج ادویه مصلحه ایله معده
تصحیح و حیة مطلقه ایله حیة ایتدیرلک یوقا کر مریمض طبیعتیله قی ایده مبور
ایسه یاقلیل المقدار بر مقبی ویرلک و یاخود بوغازه پارمق طالديره رق قی
ایتدیرلک لازم کلور . فساد هضم قنات معایهده ایسه اولوقت یوقاریدن اشربه
مصححه ایچیر یلو ب اشاغیدن دخی چند دفعه ملطف حتنه لر ایدلملیدر
و بشقه درلو تدیرلر دخی وار ایسهده قولایلقله یکمیان هضمسزلقر
ایچون هر حالده حکمایه مراجعت لازمدر .

(غذا) و (علم حفظ صحت) کله لرینه دخی نظر بیوریله .

§

﴿ فساد اط ﴾ — حضرت عمر زماننده مصر والیسی عربون
العاص معرفتیه انشا و مقر حکومت اتخاذ اولنان شهر جسیک آدیدر بوشهر
معزالدین طرفندن مصر والیسی بولنان (جوهر) ک قاهره می اعمار و اورایه
نقلی تاریخنه قدر مرکز اداره اعتبار اولمشیدی .

§

﴿ فسقیه ﴾ — اصول حکمت طبیعیهده فعللری هوانک تضییقندن
نشأت ایدن بعض التره اغلاق اولنور بونلرک انواعی چوقدر تخمیناً
(۵۵۱۰ خ) تاریخنده یعنی میلادک سکسان درت سنه مقدمنده اسکندریه لی
(هارون) نامنده برینک ایجاد کرده سی اولوب انک نامیله یاد و (نافوره)
هارون (تمیمه اولنان فسقیه فی الاصل بری اشاغیده وری یوقاریده ایکی
قاب ایله بربرینه مربوط ایکی بوریدن عبارتدر شویله که یوقاروکی قابک
ایچنده اولان صو مربوط اولدیغی بوری درونندن الت یانده کی قاب درونه

جریان ایتدیکه آنده واقع هوایی یاننده کی دیگر اینجه بوری واسطه سیله
ینه یوقاروکی قابه سوق ایدرک مذکور قابک حاوی اولدیغی صوبی تضییق
ایتمکله اول دخی یوقاروکی قابک اوستندن دیگر اینجه بوری واسطه سیله
یوقاری فشقیقرر.

(نافوره متقطعه) تعبیر اولنان فسقیه دخی بربورینک اوزرینه ایچی صو
طولی اوله رق قونمش برقاب ایله اکا مربوط واشاغیکی اوجی برتکنه
درونه صوقلمش بوریدن عبارتدر یوقاروکی قاب دروننده واقع صویک
اوزرینه هوا تضییق اجرا ایتدیکه صو فشقیهره جق اینجه اغزلردن جریان
ایده میوب و حین جریاننده تکنه ده تراکم ایدوب بریره قدر یوکسلدکده
یوقاروکی قابک دروننه هوانک برطریق ایله دخولنی منع ایتمکله صویک
سطحنه اجرای تضییق ایده مدیکندن جریان منقطع اولور وخارجیه
جریان ایدرک صویک تسویه سی تنزل ایلدکده بورینک نهایی صودن
قورتیلهرق هوا داخل اولغله یینه جریانه باشلار.

بزم اکلایه جغمز حقه بازلرک قرق چشمه سی یولنده برالتدر . بونلر کبی
(مولدالماء غاز قندیلی) و (نافوره تضییق) و (سیفون) وسائر ناملرنده
دخی التلر واردر (سیفون) کلمه سنه نظر یوریله .

§

﴿فصوص الحکم﴾ - شیخ محیی الدین عربی حضر تلرینک اشهر
تصنیفاتنددر یکر می بدی فص اوزرینه مرتب اولوب (۱) حکمة الیهیه
فی کلمه آدمیه (۲) نقشیه فی شتییه (۳) سبوحیه فی نوحیه (۴) قدسیه
فی ادریسیه (۵) مهمیه فی ابراهیمیه (۶) حقیقیه فی اسحاقیه (۷) علییه
فی اسماعیلیه (۸) روحیه فی یعقوبیه (۹) نوریه فی یوسفیه (۱۰) احدیه
فی هودییه (۱۱) فاتحیه فی صالحیه (۱۲) قلبیه فی شعبیه (۱۳) ملکیه
فی لوطیه (۱۴) قدریه فی عزیرییه (۱۵) نبویه فی عیسویه (۱۶) رجانییه
فی سلیمانییه (۱۷) وجودیه فی داودییه (۱۸) نفسیه فی یونسیه (۱۹)
غیبیه فی ایوبیه (۲۰) جلاییه فی یحیاویه (۲۱) مالکیه فی زکریاویه
(۲۲) اناسیه فی الیاسیه (۲۳) احسانیه فی لقمانیه (۲۴) امامیه فی هارونییه
(۲۵) علوییه فی موسویه (۲۶) صمدیه فی خالدیه (۲۷) فردیه فی محمدیه (در)

علما بونده (یعنی فصوص الحکمده) رد و قبول طریقیله برچوق اختلافه
دوشمشلر وابن زمکاتی . عبدالرحن جامی . کمال الدین عبدالرزاق
کاشی . مؤیدالدین جندی . شیخ داود بن محمود قیصری . سعدالدین
فرغانی . خلیفه رومی . بالی خلیفه . مظفرالدین شیرازی . محمدیه
صاحبی یازیجی زاده شیخ محمد افندی . شاعر ماهر نوعی و عارف بالله
بوسنوی عبدالله افندی و امثالی برچوق ذوات فخام حسن قبول ایله برابر
متعدد و معتبر شرحلر یازمشلردر

(فکوک) - فصوص الحکمک مسنداته دائر اولوب شیخ صدرالدین
قنوی حضرتلری طرفندن تصنیف قلمشدر.

§

﴿فضل﴾ بن یحییای برمکی - ملوک عباسیه دن هرون الرشیدک
وزیر اعظمیدر صکره خراسان والیسی نصب اولنوب یرنه قرنداشی
جعفر برمکی پکورلمشیدی . فضل هرون رشیدک سود قرنداشی اولدیغندن
مشارالیه قرنداشم دیو تلطیف ایدر ایدی جود و سخاسی طائفة برمکیه نك
جمله سندن بالاتر ایدی . هارون رشید جعفری قتل ایلدیکی زمان بونی و پدرینی
دخی زندانه آتهرق مالیرینی مصادره اتمش و کیرلی مالی میدانه چیقارتمق
ایچکون فضله ایکی یوز قاقچی اوردرمشدر (۸۰۸ م و ۱۹۳ هـ) تاریخنده
زندانه اولدیغی حالده وفات ایلدی .

§

﴿فضل﴾ بن سهل السرخسی - ملوک عباسیه دن مأمون خلیفه نك
وزیر اعظمیدر مأمون بغدادده تخت خلافته کچن برادری (امین) ک
اوزرینه خراساندن عسکر چکدیکی زمان اشبو فضل مشارالیه ایله برلکده
بولتمش و بوخصوصده برچوق امکاری کورلمشیدی . مأمون مؤخرآ
اطوارینی بکنه مدیکندن (۸۱۷ م و ۲۰۲ هـ) تاریخنده خفياً تعیین ایلدیکی
مأمورلر واسطه سیله جامده اعدام ایتدیرمشدر . علم نجومه واقف و فن
سیاستی عارف برذات ایدی مدت عمری قرق سکنز سنه در بوکا زماننده
ذوالریاستین دیرلر ایدی .

§

﴿ فضل ﴾ حروفی — فضل الله نعمی دخی دیرل یدنجی عصر
 هجریده استرآباددن ظهور ایدن زمره ملاحده روافض ایچنده شهرت
 بولندی . جاودان کبیر نامیله یازدیغی کتابدن مرده سنه درس ویرر وگاه
 نوبتدن وبعضی ده الوهیتدن دم اوروب (ذلک فضل الله) آیت کریمه سنندن
 مراد بنم دیر و حضرت پیغمبر یکریمی سکز حرفله تکلم ایتش بن ایسه درت
 عدد حروف فارسیه ده علاوه ایتدیکم ایچون اندن افضل کبی درلوهذیانلر
 ایلر ایدی . مؤخرأ کفری حضور شرع شریفده ثابت اوله رق لوث وجودندن
 عالم تمیز لشمدر . حیاتنده باش خلیفه سی اولان محمود سنجانن نقطه جیلغی
 ایجاد و جاودان صغیر نامنده بر کتاب تحریر ایلدیکندن بینلرنده رقابت حاصل
 اوله رق یکدیگریکینت هذیانلرینی رد و تزیفه قالفشدق قری غرائب احوال دندر
 والیوم شریعت مطهریه و مسالک پیرانه مغایر حرکته بولنان جهلانک
 اکثریسی اوتهدن برو اشبو حروفی و نقطو یلردن ایچلرینه قاریشان لمحدلر
 واسطه سیله اضلال اولندق قری شبهه دن وارسته در . مومی الیه فضل
 حروفی عباسیه دن مستعصم زماننده بولنوب برخلا دروننده محبوساً و محقرأ
 وفات ایلدیکی دخی بعض روایات تاریخیه دندر .

§

﴿ فضولی ﴾ — عاشق بالله بر شاعر حقایق آگاه ایدی دیوانی
 وحقیقه السعداسی نظم و نثرده یازیلان آثارک مؤثر و سوزشلیک سیدر
 اسمی محمد بن سلیمان بغدادی تاریخ وفاتی (۱۵۶۳ م و ۹۷۱ هـ)

§

﴿ فضیل ﴾ بن عیاض — کبار اهل الاهدن وارباب مجاهده
 و ازوادن بر ذاتدر بر کون خسته لنوب سفیان بن عیینه نام ذات عیاده سنه
 وارد قدده (نیچون کلدیکز و الله اکر کلسه کز ایدی ده زیاده تمنون اولوردم
 علت و مرض پک کوزل شیدر لکن عیاده اولماسه) دیمش و بر دفعه دخی
 (مخدومکز بر محله اولسیدم که ناسی بن کورسه مده ناس بنی کورسه) دیور
 دینلده مشار الیه (یازبق بکا که خیر الخلفه موفق اولماشم) عجبانیچون
 (نه بن ناسی کورسه م و نه ده ناس بنی کورسه) دیماش بیور مشدر .
 فضیل حضرت تری طبقه اولی رجال کر امنندن اولوب کتیه سی ابو علیدر

کوفی الاصل ایسه ده بعضی لری فی الاصل خراسانده (مرو) ناحیه سندن
اولدیغنی و بعضی لری دخی سمرقنده طوغدیغنی نقل ایدر لر . وفاتی (۸۰۲ م
و ۱۸۷ هـ) تاریخنده در .

§

﴿ فطنت ﴾ خانم — شاعره مشهوره که شیخ اسماعیل افندی زاده
اسعد افندینک کریمه سی و شریف افندینک زوجه سیدر . وفاتی (۱۷۷۹ م
و ۱۱۹۴ هـ) تاریخنده در .

§

﴿ فقر الدم ﴾ — وجودده موجود اولان قانک ایچنده کی کرواتک
نقصانه اطلاق اولنور (غواره) و (اندرال) لک قوللرنجه برآمدک حال
وسطده بیک جزؤ قانده یوز یکرمی یدی جزؤ کروات بولنوب بو مقدار دن
براز نقصان اولان کرواتک ضرری یوغیسه ده سکسان جزؤه تنزلی مضر در .
دمک کرواتنی تناقص ایلدیکجه صوبی بالعکس تزیاید ایدر . ومع مافییه مایع
مزبور ی ترکیب ایدن اجسام سائر ده بواره لقی برکونه تبدلات وقوعبولمز .
فقر الدمک باشلیجه عرضی لونک صولقلغیدر . اشبو مرض بالتدریج ترقی
ایدرک درجه نهاییه وارد قده جلدایله اغشیة محاطیه خاسف و بالجله وظائف
از چوق متکدر اولور . و وجود یومشایوب برسولپوکلک پیدا ایدر
واز برایش ایله یوریلوب صوللیغه و نبض ضعیف و صغیر آتمغه باشلار .
باشلیجه علاجی اعلا کولباصدی بیوب ادویه حدیده ورفدان بمورطه بیک
وقته قنه مطبوخلری ایچمک و حکیمک ویره جکی سائر علاجلری استعمال
ایلمکدر (قان) کله سنه دخی مراجعت بیور یله .

§

﴿ فقه ﴾ — (علم) کله سنه نظر بیور یله .

§

﴿ فکر ﴾ — جناب حقک یالکز انسانه اعطایا بیورمش اولدیغنی
خاصه جلیله در . انسان ذاتندن خارج اولان اشیایی بیله و رای حسده
اولان اشبو فکر ایله ادراک ایده ییلور شویله که بطون دماغده مرکوز اولان
قوی ایله صور محسوساتی انتزاع و ذهنی صور مذکوره ده احاله و اعمال

ایدرک انلردن دیگر صورتلر تجرید و اختراع ایلر اشته فکر دیدیکمز و رای
 حسده اوله رق اول صورتلرده تصرفدن عبارتدر و بوده اوج مرتبه بی حائر
 اولوب اولکیسی خارجدن ترتیب طبیعی یا خود ترتیب وضعی ایله مرتب
 اولان اموری تعقلدرکه انسان کندو قدرتیله خارجاً حصوله کتوره چکی
 اموری اول امرده ذهنماً ملاحظه ایدر اکثر یا تصورات قبیلندن اولان
 اشبو مرتبه نك جلب منفعت و دفع مضرت مداری اولدیغندن بوکا (عقل
 تمیزی) دخی اطلاق ایدرلر . ایکنجیسی انسانك ابنای جنسیله واقع
 معاملات و امر اداره سنی و سیاسته دائر احوالی افاده ایدر بو مرتبه اکثر یا
 تصدیقات قبیلندن اولدیغنه بناء آزر آزر تجربه ایله حصوله کملکه فائده
 تامه و مصلحت عامه حصولنه وسیله اولور . اشته (عقل تجربی)
 دیدکاریده بودر . اوچنجیسی و رای حسده کندویه عمل تعلق ایتیان بر
 مطلوب حقنده علم یا خود ظن افاده ایدن فکردر . بوکادخی (عقل نظری)
 تعبیر! ایلرلر . کرک تصورات و کرک تصدیقات ذهنده شروط مخصوصه
 اوزره انتظام خاص ایله منتظم اولدقده هربری کندو جنسندن اوله رق بر علم
 دیگر افاده ایده یلورکه بو مرتبه نك غایتی حقایق اشیایی اجناس و علل
 و اسبابی ایله تصوردر عبارتدرکه بو مرتبه ده قوه فکریه کال بولش و عقل
 محض و نفس مدرکه اولش اولور . اشته حقیقت انسانییه بوکا دیرلر .
 ظرفادن بر تریاقیه عقل و فکرک تعریفنی رجا ایتدکارنده (عقل پوصله فکر
 دومن) (توتون یکیمسه قهوه یمن) جوابنی ویرمشدرکه تعمیق و تفصیل
 اولنسه تمام بر کتاب اولور .

§

﴿فلاجه لانا﴾ — آورو یاده توره مش بر قسم توبه کارلردر بونلر
 المارنده برر قیرباج بلارینه قدر چیلاق اولدقلمی حالده جمعیتله طولاشورلر
 و کفارت ذنوب ایچون نشیده و آلهیلر تغنی ایدرک علی ملاء الناس کندولرینی
 قریاجلرلایدی . سن پیردامین بونلرک الک زیاده انتشارینه مساعده ایتمشیدی
 صکره یعنی (۱۲۶۸ م و ۶۶۷ هـ) ده رهبان طائفه سی خلافنه اوله رق برده
 طریق مخصوص تشکیل ایلدیلر حتی (۱۵۷۴ م و ۹۸۲ هـ) ده فرانسه قرالی

اوجنچی هانری بيله توابعيله برابر بو طريقه منسلک ایدی بر عصر
اولنه قدر بومتعصبلر ایتالیا ده وجنوبی فرانسه ده بولتمقده ایدیلر .
پارسلی (ژاق بووالو) نك فلاجیه لائلر حقنده لاتینجه بر تاریخی واردر .

§

﴿ فلاحه ﴾ — زراعت کله سنه نظر بیوریله .

§

﴿ فلاندر ﴾ غربی — بلجیقا ایالاتدن ائمه مور و مشهور بریالندر
ساحل بحرده بولنور مرکزى اللى بئك نفوسى جامع اولان (بروژ) شهریدر .
رسم ایچون مستعمل یاغلی بویانك اون بشنجی عصر میلادیده (یان فان آبق) نام رسام
معرقیله بوشهرده ایجاد اولندیغنی روایت ایدرلر .
(یاغلی بویا ایله نقاشلق ایران و ترکستانده دهاسکیدر ظن ایدرم)

§

﴿ فلبه ﴾ — روم ایلیء شرقی ولایتك مرکز اداره سیدر ادرنه نك
شمال غربیسنده واون التى ساعت بعدنده بولنور نفوسى یکر می بشیکه
قریبدر پیاغیسی و برنجی پك اعلا اولدیغنی کبی کوزل چوقه و اقشہ
حریریله دخی نسج اولنور .

فلبه بی (۱۳۶۳ م و ۷۶۵ ه) تاریخنده لالاشاهین پاشا محاصره ایتدکده
حاکمی بولنلان بلغار (فلیب) بلاتجاربه تسلیم ایدوب کندوسی صریه یه
صاوشمشیدی . اشـبـوشهرک (۵۳۴۴ خ) تاریخنده یعنی میلادك ایکیز
اللی سنه مقدمنده انشا ایدلدیکنی روایت ایدرلر . بوحالده یعنی تاریخ مذکور
صحیح ايسه اسکندر رومینك پدری فلیب طرفندن یا بلدیغنی روایتی صحیح
اوله من زیرافلیبک سلطنتی میلادك اوچیز اللی سنه مقدمنده در .

فلبه غوتلرک تسلطی و (۱۷۱۸ م و ۱۲۳۴ ه) تاریخنده حرکت ارض
مناسبتیله ایکی دفعه خراب اولمشیدی .

§

﴿ فلسطین ﴾ — شریعه نهرینك شرقنده وآق دکرک غربنده واقع
ارض کنعانك اسمیدر بوراده ابتدا بنی اسرائیلدن افراییم قبیله سی ساکن
اولور ایدی اصل فلسطین قبیله سی اوراده مسکون اولاد کنعانندن اولیوب

اولاد حامدن مصره هجرت ایدن مصرایم نام ذاتک سلاله سندندر بونلر اولوقت یافه دین غزه یه قدر اولان ممالکده اوتوررلرایدی فلسطینده قدس خلیل الرحمن غزه نابلس عسقلان حوران دخی داخلدر . عربستان ایله سوریه آرمه سنده بولنان اشبو فلسطین قطعه سنک نامنی رومالیر تسیمه و (جلیله) و (سامریه) و (یهودیه) و (عبرانیسه) نامرله درده تقسیم ایلدی مؤخرأ اوچه دخی منقسم اولشدر . فلسطینلیر متمادیاً یهودیلرایله محاربته بولنه رق (۳۳۳ خ) تاریخنده یعنی میلادک بیک ایکیوز التمش بر سنه متمدندن ۱۲۴۳ متمدنه قدر اون سکر سنه یهودیلری زنجیر اسارته باغلادیلر مؤخرأ شمسون کلوب یهودیلری مبتلا اولدقلری حال اسارتدن تخلیص ایلدی . (شاوول) فلسطین اهاالیسنی (کارباون) قربنده مغلوب ایتدیکی کبی حضرت (داود) دخی بونلری تحت اطاعته المغه موفق اولدی اهاالی مزبوره متعاقباً فرسار و سلوسیدلر و اخیراً رومالیرک نفوذلری التنه دخی یکمشلدر (ارض کنعان) ه دخی نظر بیوریه .

§

﴿ فلسفه ﴾ — محب حکمت دنیلان فیلسوفله منسوب علمک اسمیدر . بوعلم کافه مادیات و معنویاتک اساس و حقایقنی قواعد فنیه یعنی انظار فکریه و اقایسه عقلیه ایله بیلدیرر . قدماهی فلاسفه نك بوفنده طوئدقلری مسلکله تعدادی داعی صداع اوله جق صورتده متعدد و مختلف اولوب متأخرینک ایسه برطاقی علوم ریاضیه ده بولدقلری دلائل و قواعدک ارتباط و وضوحنه مجلوباً بدیهیات و فرضیات بنساء اساس ایله تجربه جهته التفات ایتکسزین ترتیب مقدمات و دلائل مجردده تعمیق فکره و دیگر طاقی فنون طبیعیه نك ساحه وجوده کتوردیکی ترقیاته باقره فلسفه نك اساسی تجربه اولدیغنی زعم ایدوب تجربه و قیاس اصولی ترویجه صایدیلر اخیراً میدان چیقان مذاهب فلسفیه بش نوعه منقسم ایدی .

برنجیسی اشبایه وجود خارجی و یرمیوب کائناتک بالجمله ظل و خیالدن عبارت ایدوکنه ذاهب اولان و آلهی انکار الوهیتی تصدیق و معجزاتی انکار امکانی تصدیق ایلیان مذهب (افلاطونیه و عنادیه) .

ایکنجیسی معقولاتی کاملاً رد ایلله یا لکیز تجربه یه قصر وجدان اعتماد ایدن بر طاقم اهل هوی . اوچنجیسی هر شیئک ثبوتسه علم اولماز اعتقادنده بولنان (لا ادویه) . دردنجیسی عالم علمویدن الهام ایلله حقایق اشیایه اطلاع دعواسنده اولان (اشراقیون) . بشنجیسی بر چوق ارای سخیفه اراسنده حق بولوب چیقارمق امکانیه تصدیق ایدن (ارباب انتقاد) در .

بونلردن بشقه برده (عندیه) گروهی واردرکه بونلر حقایق اشیایه اعتقادہ تابعدر اکر بر شیئی جوهر اعتقاد ایدرسک قدیم و حادث جوهر اولور واکر عرض اعتقاد ایدرسک عرض اولور دیدیلر . بعض کتب اسلامییه دخی مذاهب فلسفه یی شو وجهله اوچه تقسیم ایده یوز . برنجی (طبیعیون) که اثردن مؤثره استدلال طریق ایلله برخالفک وجودینی تصدیق و اعتراف ایدوب فقط قوای حیوانیه نك قوام و حصولنده اعتدال مزاج و طبیعتک تأثیرات عظیمه سی جهتیله نفس ناطقه انسانیه نك مزاجله برابر محو اوله جفته و محو اولان شیء ایسه بر دهها وجود بولمیه جفته ذهب ایلله بمت و قیام و جزائی انکاره تصدی ایدنلردر . ایکنجی (آلهیون) در بونلر معقولاتی اثباته صرف ذهن ایدوب شریعت و مذهب طایفیدیلر و دیدیلر که بر آدم معقولاته و مبدأ و معادینی اثباته قادر اولدقن صکره انک ایچون کمال مطلوبه وصول حاسلدر و شینک سعادت علم و عرفانی و شقاوتی جهل و نقصانی تسببتنده در و شرایع امور مصلحیه عامه دن و حدود و احکام و حلال و حرام امور وضعیه دندر دیدیلر . اوچنجی اولان (دهریون) ایسه حقایق اشیایی فهم ایچون اقامه دلیل و برهان اراقتسزین مجرد مشهوراته حصر نظر اعتقاد ایلدیلر .

اورویالبلر علم فلسفه یی الیوم شو وجهله تعریف ایتکده درلر (علوم و فنونک هر بری برشیدن بحث ایتدیکی حالده علم فلسفه کافه موجوداتی موقع بحثه چکر یعنی فنونک قواعد عقلیه سنی وضعه واسطه اولان قوه مفکرده دن باشلا یه رق قوه مذکورده و یا خارجنده بولنان بر چوق وقوعات و آثارک قوای طبیعیه لرینه وارنجیه قدر حاده امتحانندن چکورر بناء علیه

علم فلسفه علوم ریاضیه و طبیعیہ نك خلافتہ اولہرق بتون علوم و فنونہ
شمولی حیثیتیلہ اولار روح انسانینك حقیقتیلہ قوای طبیعیہ واثارندن بحث
یدن علمی ثانیاً علم منطقی ثالثاً اتقان مکونات و صنایع نفیسہ یی رابعاً
علم اخلاق ووظائف انسانیه یی خامساً حقوق طبیعیہ یی سادساً
حکمت عملیه یی سابعاً فلسفہ تاریخی یی یعنی جمعیات سیاسیہ بشریہ نك
صورت تأسیسیلہ ادیان و مذاهب و اعتقادات دینیہ و جمعیات سیاسیہ نك
آثار مدنیہ جه توسعی قوانین یی و سائرہ یی شاملدر .

§

﴿ فلمنك ﴾ یاخود (هولاندا) — قدما (باتاویا) دیرلر ایدی
اوروپای وسطا دولترندندر شمالاً و غرباً شمال دگری جنوباً بلجیقا
شرقاً هانوره و ستفالی ورین نام پروسیا ایالتلری ایله محدود اولوب ایکبوز
قرق کیلو مترو طول و ایکبوز اوتوز کیلومتر و عرضی و درت ملیون
نفوسی واردر بونلرک بر ملیون اوچیوز ییکی قوتلکدر مقرر اداره
لاهی شهری اولوب حوزه حکومت الیوم اون بر ایالته منقسمدر .
افریقاده و امریقاده و اوقیانوسده واقع مستملکات اهلالیسه برابر بتون
نفوسی اون التي ملیونه بالغ اولور فلنك اراضیسی اکثریا مستوی
و بعض یرلری سطح دریادن اشاغیدر و بو مثللو اشاغی اولان یرلرده دگر
کنارلرینه چکلمش اولان سدرحیر تبخش عقولدر . باشلیجه نهرلری (اسقو)
(موز) (رین) (ایسل) (آمستل) اولدیغی کبی متعدد قناللری ارسنده
(شمال) (زدریق) (ویلنست) (واعست) (امست) قناللری دخی
مشهوردر . سواحلی تجاوزات دریادن متعدد کورفرلر تشکیل ایلر
و اهلالیسی زراعت و بعلجوانلغی کوزل پیار هواسی رطوبتلی
وسیسلی و صنعتی پک رواجلی اولوب بز کاغد چوقه ایک قماش قطیفه
فغفوری چیقارمقده و یایدقلمی مشهور فلنك پیرندن سنه ده اون بش ملیون
کیلو غرام صرف اولتمقدهدر . فلنكده الماس پک چوق چقدیغی کبی
الماس ایشلمک صنعتی دخی ایلرولمشدر و (بالینه) بالخی صیدندن نهایت
درجه ده تجارت حصوله کلکدهدر و ادبیات و معارفی فوق العاده در
واهلالیسی غایت انتظامپرست و مفتون نظامدر و الکی زیاده منتشر اولان

مذهب (قالوه ن) مذهبیدر و شکل حکومت مشروطه ایسه ده مستلکانه اداره قراله منحصردر .

مقدما بوراده باناولر فریزونلر بروکتر نامنده اوج ضنف اهالی ساکن اولوردی روما ایمپراطورلنک انفساخنن صکره بونلر فرانقلره تابع اولوب شارلمان مهر قیلخرمستیانلخی قبول ایتدیلر و شارلمانن صکره برچوق کوچک حکومات مستقله یه ایرلدیلر ایسه ده (۱۴۳۳ م و ۸۳۷ هـ) تاریخنده (فلیب دو بورغونی) یه انقیاد و (۱۲۷۷ م) ده شارل تیریرک وفاتی اوزرینه کریمه سی (ماری دو بورغونی) نك جهازی اوله رق اوسستریا خاندانه انتقال ایلدیلر مؤخرأ (شارل کنت) ک وفاتیه فلنک اسپانیول قطع سنده ضمیمه اولوب بو تاریخرده منتشر اولان صناعت و تجارتی مناسبته آمریکا و هند طریق کشفیاتنه معاونت کلیه سی کورلدی . (۱۵۷۹ م) ده باختلال کیردن صکره یدی ایالت متحده نامیه برجهوریت تشکل ایدوب (۱۶۳۱ م) ده اسپانیولر تکرار حوزة اطاعتلرینه المق اوزره محاربه یه قیام ایلدیلر سده فرانسه ایله اتفاق سایه سنده فلنک استقلال نامه یه مظهر اولدی . متعاقباً اسوج وانسکیرلره قارشو شانلی برطاق محاربات ایدرک (۱۶۶۸ م) ده اتفاق مثلث نامیه تنظیمه موفق اولدیخی بر معاهده نامه اون دردنجی (لوی) نك نیت حریمانه سنده سد چکدی و اتفاق مذکور مؤخرأ مبدل نفاق و شقاق اولسی اوزرینه بعض مغلوبلره دوشدیه ده آمیرال رویتز نامنده بری معرفیه یه تحکیم و تنظیم اولدی و (۱۶۸۸ م) ده انکتره قرالی اوچنجی کلیوم فلنک کیندو خاندانه موروثیتی اعلان ایلدیه ده وفاتی اوزرینه بو اعلان دخی حکمسز قالوب برچوق تبدلاتنصکره فرانسه ضبطنه یکدی و فرانسزلرده (۱۷۹۴ م دن ۱۷۹۵ م) سنده قدر قالوب بومدجه بطا و جهوریتی نامنی حائز و سکز ایالته منقسم اولدی و (۱۸۰۶ م) ده بوناپارتک مساعدیه قرالیه تحویل و درت سنده صکره تکرار فرانسه ایمپراطورلنخه الحاق اولنوب دردنجی سنده یه نائل استقلال اولقله برابر بلجیقا ایله برلشدی و (پیلیا) نامنی آلدی و نهایت (۱۸۳۱ م) ده ظهور ایدن شدتلی باختلادن ناشی بلجیقا آیریلوب فلنک بشلی باشنه برقرالیه منحصر قالدی .

﴿فلیب﴾ -- ما کیدونیا قرالرنندر پدرینک حیاتنده (تب) جمهوریتده مرهون ایکن (۵۲۳۵ خ) تاریخنده یعنی میلادک اوچیوز الی طقوزسنه مقدمنده پدرینک وفاقی اوزرینه اورادن قاچوب تخت مورثه او توردی ویکرمی درت سنه ظرفنده دائره حکمرانیسی ترمو پیلدن طسونه یه ووندیک دکردن قره دکزه قدر تمید و یونانستان قطعه سینی دخی ضبطله اساس ملک و حکومتی کرکی کبی تحکیم و تشدید ایلدی مؤخرأ ایران علیه جواهر یونانیه نك اتفاقی بالاستحصال عساکر منفقه قوماندانلغی در عهده ایلدیکی اشاده زادکندن (پوزانیوس) نامنده بری طرفندن اعدام اولندی (بواهانت قرال مومی الیهک اولکی زوجه سی طرفندن اولنان تحریک اثری ایدوکی ظن اولنور • اشبو فلیب مشهور اسکندر رومینک پدریدر •

§

﴿فلیب﴾ — حواریونندر (حواریون) کله سنه نظریوریه •

§

﴿فلیب﴾ — فرانسه قرالرنندر غایت جبار ودلازار برکیمسه اولوب حتی پاپا بونیفاس کبی بر حکمدار روحانی بونک کمال قهر و تحکمندن (۱۳۰۹ م و ۵۷۰۹ ه) تاریخنده ترک عالم جسمانی ایش ویرینه تعین اولنان (قله ثومن) دخی اطوار متحکمانه سنه طیمانه مدیغندن بالاخره مقرینی (اونیون) قصیده سنه قالدیرمق مجبوریتده بولنشدر • (۱۳۱۱ م و ۷۱۱ ه) تاریخنده فرانسه ده واقع (وین) شهرنده قرال مومی الیهک امریه تشکل ایدن بر جمعیتده شوالیه لر ایله نسوان جمعیت رهبانیه سنک تضلیلنه وعموم رهبانلر ایچسون بریکی آیین وقاعده تعین والسنة شرقیه تعلیمده وارن مقدس یعنی قدس شریفک فتح و تسخیرینه دائر مذاکرات جریان ایتشدر • بوجمیتده قرال مومی الیهدن بشقه انکاتره قرالی ایکنجی (ادوارس) واراغون قرالی (ژاق) و پاپا واسکندریه وانطاکیه پطریقلمی دخی موجود ایدی •


§

﴿فیلون﴾ — فرانسه معارفپروراندن مشهور (فیلان) مؤلفیدر (۱۶۵۱ م و ۱۰۶۲ ه) ده فرانسه ده کرس شهرنده فیلون قصرنده تولد ایلدی قدیم و معروف بر فامیلیدان ایدی یک ایرکنندن مسلك رهبانیه

انسلاک ایدوب ده اون بش یاشنده ایکن وعظ ایتمکه باشلادی اکمال علوم
ایتدکن صکره پارسک باش پسقموسی طرفندن یکی قنولکاری تعلیمه مأمور
اولوب (۱۶۹۴ م) ده اون دردنجی لوئی طرفندن (قامبری) باش پسقموسی
تعیین ایدلدی . مومی الیه (تلقا) ی لوئیک حفیدی (دوق دو بورغونیا)
نک تهذیب اخلاقنه مدار اولقی اوزره تألیف ویرنس مشار الیه تعلیم و تدریس
ایلمشیدی . انجق عموماً افراد ناسک رعایتلی وجیهه دن اولان اصول
و آداب انسانیت و خصوصاً عباد اللهک زمام اداره لری مسلم ید اختیارلری
اولان حکمداران جهانک مترتب ذمت همتلری بولنان وظائف رعیت پروری
ومعدله دائر حاوی اولدیغی قواعد حکمیه حکمدار مشار الیه ایله اطرافنی
آلمش اولان مداهنلرک اطوار نابهنجارینه مخالف دوشدیکندن بالاخره کتابی
توقیف و مأموریت مذکور هسندن عزل اولمشدر . بونک اوزرینه مومی الیه
قامبریده بر طرفه چکیله رک اختیار عزلت و اولدیغی محل اهالی و اطفالنک
بالذات تعلیم و تربیه سنه حصر اوقات ایله تحمل بار کافت ایلمکده اولدیغی
حاله (۱۷۱۵ م و ۱۱۲۸ هـ) تاریخنده دار بقایه رحلت ایلمشدر . عزتخانه سنده
بر حیاة قالدیغی مدتیجه حسن صیت و شهرت فضائی هر طرفه طایغیله رق مجرد
مجلسیله تشرف ایچون یک چوق کسان محال بعیده دن شد رحل ایله زیارتنه
کلورلر ایدی . فرانسه مؤلفلری یاشنده فنلوندن ده ا زیاده اعلم و ابلخلری
وار ایسه ده حسن ادا و سلاست افاده جهتیله هیچ بریسی بونک کعبنه واصل
اوله میوب مقدمینک غایت سلیس و ساده اولان آثار نفیسه لرینه بین المتأخرین
مومی الیه جله دن زیاده تقلید ایلمشدر . فنلونک الیوم خیلجه آثاری
موجود ایسه ده شا کردی مومی الیه (دوق بورغونیا) نک حین وفاتده
اون دردنجی لوئی کافه اوراقنی یا قدیر مش اولمخله بونلر میانده برطاقم مؤلفاتی
ضایع و تلف اولمشدر .

§

﴿ فنار ﴾ — ایلاک فنار اسکندریه پیشکاهنده واقع کوچک فاروس
اطه سنده انشا اولندیغندن فنارلره فرانسه لسانده فار واندن مأخوذ اوله رق
ترکیه فنار تسمیه ایدلمشدر . بوفنارلر کیجه لری سیاحین بحریه یه قیملری
وقیلاری و نهرلرک دکزه انصبابلرینی و لیانلرک مداخلنی اراة ایدرلر فرانسه

دهکی فنار لر غایت مکمل بر اصول تنویر یدیه مالکدر بونلر جسامتجه و امتداد ضیاجه اوج مرتبه به تقسیم اولنور علی الاطلاق برنجی مرتبه ده اولان فنار لر نهایت اون درت میل بحری یعنی التمش کیلومتر و محلدن سه واحلاک امتدادینی وسیر سفائن ممکن اولوب اولمدیغنی بیلدیرر ایکنجی مرتبه ده اولان فنار لر دکرده صویک سطحیله برابر اولان قیالری و  کوچک کورفلری وکی یتاقلرینی اکلادر اوچنجی مرتبه دهکی فنار لر دخی آقیدیلری ونهرلرک اغزلرینی ولیمانلرک کیرلرک محفلرینی کوسترر . بوفنارلرک هر بر مرتبه سنه مخصوص شعله و علامتله واردر وخریطه لرده یرلی کوسترلشدر بونلرک بعضیلری ثابت وهرجهتی وبعضاً برجهتی علی الدوام تنویر خادام اولوب دیکرلری دقیقه ده برکره کورینه رک ینه غیوبت ایتکده در . اولا فنار لر طاع تپه لرده کجهلری یاقیلان آتشلردن عبارت ایدی مؤخرأ قلدر دروننده معدندن یانلش لوحدر اوکنده موضوع بیوک قندیلره تحویل اولندی .

فاروس اطدسندهکی فناردن صکره رومالیر زمانده یعنی (۱۶۴۳م و ۱۰۴۳هـ) تاریخسنده مانش دکرکی اوزرنده کرن سفاینه رهبر اولق ایچون بولونیاده یایلان فنار حالا موجوددر . فنار ضیالرنک تشدید و تکثیر و فنارلرک اصلا ایچون (۱۷۹۳م و ۱۲۰۸هـ) تاریخندنبرو اوغراشیله یور و آن بان ترقی کوریله یور . بالاده بیان اولنان فاروس ایچون اسکندریه کله سنه دخی نظر بیوریله .

§

✽ فناری ✽ — کبار مؤلفیندن محمد شمس الدین افندینک شهرتدر افاضل علمای ایراندن اولدیغنی حالده بلاد رومده اختیار اقامتله یلدرم سلطان بایزید حضرتلری طرفندن مظهر اعزاز و احترام وعصر مراد خان ثانیده شیخ الاسلام اولمشدر . امور دینیده دقت واهتمامی رتبه علیایه واصل اولوب حتی برشیدن طولایی پادشاهه (سن جاعته دوام ایتیمورسک) دیرک شهادتی رد ایلدیکی مشهور انامدر . عقلیات و تعلیقات و سیما هیئت وریاضیاتده فرید عصری ایدی . (حصول البدایع فی اصول الشرايع)

(انموزج علوم) (تفسیر فاتحه) (سراج مفتاح الغیب) جاپهء تألیفاتنددر.
وفاتی (۱۴۳۰ م و ۸۳۴ هـ) تاریخنده و قو عبولدی.

§

﴿ فنلاندیا ﴾ — اروپای روسیده بریالتهدر جنوباً فندلاند
کورفزی غرباً بوتنی کورفزی شمالاً نوروچ ایله محدود و طولاً بیک
یوز عرضاً بشیوز قرق کیلومترو مربع مساحتی سطحده بر میلیون یدی
یوز بیک نفوسی حاوی اولوب مقر حکومتی (هلسنقفور) دینلان شهردر
الیوم سکز کوچک ایالته تقسیم اولنور. برچوق کولاری کوزل لیمانلری
و تیمور باقر مرمر معدنلری واردر و هواسی غایت صغوق و جنوب ایله
غرب جهتی مستننا اوله رق اراضیسی آز قوهء انباتیه مالکدر.

فنلاندیا اولایونلر مؤخرأ بر تاریخ غیر معینه فینوالر و یاچودلر طرفندن
مسکون اولوب بونلر اونجی و اون برنجی و ازن ایکنجی اعصار میلادی ده برچوق
کوچک مستقل حکومتلر تشکیل ایلشیرایدی. خرسیتیانلق بورایه (۱۱۵۷ م
و ۵۵۲ هـ) تاریخنده اسوجلیلرله برابر کیرمشدر. تصرفی خیلی زمان روسلر
ایله اسوجلیلر بینده منازع فیه قالدیغی حالده نهایت (۱۸۰۹ م و ۱۲۲۴ هـ)
تاریخنده کلیأ روسیده یکوب بر امارت شکله قونلشدر.

(فنلاند) کورفزی — بحر بالطغک شرقی بر قولدر جنوبدن فنلاندیایه
تمتد اولور یوز اون بش کیلومترو طولی و اون اوچدن یکرمی سکز
کیلومترویه قدر عرضی اولوب ایچنه جاری اولان نهرلرک مشهوری (نیوا)
نهریدر و سواحلی اطه جقلر و قیالره مالا مالدر.

§

﴿ فو ﴾ — چینده بر اهمایه معتقد اولنلرک اعتقادینی اصلاح و تجدید
ایدن بودالردن برینک اسمیدر ظهورینک (۱۵۵۴ خ) تاریخنه قریب اولسنه
وچینلیلر جه شهرتک موافقنه نظر آبونام بودا کله سنده محرر اولان (شاکونی) نک
نام دیکری اولقی کرکدر و بومذهبک اصل انتشاره بدئی. (۵۳۹۴ خ)
تاریخنده یعنی میلادک ایکیوز سنه مقدمنددر کاهنلرینه یعنی پاپاسلرینه
(بونس) دیرلر. (بودا) کله سنه نظر بیوریه.

§

﴿ فوائد غیثیه ﴾ — قاضی عضدالدین عبدالرحمن بن احمد ایچی نك معانی و بیانہ دائر اولمق اوزره یازدیغی کتاب فوائد نصاب اولوب سلطان محمد خدابنده نك وزیر یغیاث الدین نامنه تألیف اولمشدر . کتاب مزبور ی شمس الدین محمد بن یوسف کرمانی و شمس الدین فناری و محمد بن سید شریف جرجانی و طاشکیر بلی زاده احمد بن مصطفی و عالم و فاضل شریف میر علیم بخاری حضراتی شرح ایتدیلر .

§

﴿ فوائق ﴾ — صدرایله بطنی تقریق ایدن حجابك تقلصات تشجیه سنه و بلكه معدنهك تقلصاتنه فواق یعنی ایچقریق تعبیر ایدرلر و بودخی یا اصلی و یا خود عارضی اولور . اكر اصلی ایسه ماء بارد و بر مقدار شكر اوزرینه بر قاج طمله قمال روحی طملادیلهرق و یریلور و كسلدیگی حالده ناجیه شرسوفیه سنه یعنی اكه كیكنك یومشاق جانبنه بر مقدار بوز وضع ایدیلور ودها بشقه علاجلری وار ایسه ده سیننی بیلك واكاكوره علاج ایتك ایچون حكیمه مراجعت لازم كاور .

§

﴿ فوتیوس ﴾ — استانبول بطریقلرندلر بوراده تولد ایدرك ابتدا عجمستان سفیری ایله (میشل) نام امپراطورك سر كاتبلكنه و مؤخرأ (۸۷۸ م و ۲۶۵ هـ) ده مخلوع (انقیاس) ك یرینه قائم اولمق اوزره استانبول بطریقلكنه نصب و تعیین اولندی . مومی الیه برنجی نيقوله نام پایا حقنده و قوعبولان بعض حرکات مخالفتكار یسی اوزرینه شهرت بولوب اكرچه بر مدت صكره عزلیله یرینه بطریق سابق انقیاس كتوردیسه ده اشبو بطریقك وفاقی عقیمنده ینه خدمته اعاده و خطالردن رجوع ایده چكی شرطیله بودفعه کی مأموریتی پایا طرفندن دخی تصدیق ایدلدی لکن فوتیوس بونده ده پایا جنابلرینی آمانله موافق خدمت كوستره مامك جهتیله برقات دها كوجندر دیکندن (۸۹۱ م و ۲۷۸ هـ) تاریخنده ننی ایدلكه ارمنستانده كائن برمناسترده وفات ایدلدی . فوتیوس فكر ثاقب و فنون و معارفده اقصای مراتب صاحبی بر ذات ایدی (كتبخانه) نامیله معنون بر مجموعه سندن بشقه لاتینلر علیهنه (ادورسوس لاتنیوس)

وماتیکه لره قارشو ادورسوس (ماتیکه اوس) ناملنده آثاری وبرلغت
یونانیه سی وروح القدسه دائر رساله سی وکلیسانک مجموعه قوانینی ایله
قوانین عادیه و قوانین قرالیه بیننده اولان توافق و تطابق شامل تألیفات
وساثره سی واردر .

§

﴿ فوجه ﴾ یاخود (فوکیا) - آسیای صغرا ده وایدین ولایتی
وازمیر سنجاغی داخلنده برقصا مرکزیدر از میرک شمال غریب سندن قرق
ایکی کیلومتر و مسافده کائن اولوب درت بیک نفوسی وخیلی مناسبت
تجاریه سی ویک کوزل دکر طوزی اخذ و اعطاسی واردر و قتیله غایت معمور
وآبادان ایدی جوارنده بونامده برقصه ده ها اولوب بناء علیه ایکیمی
بردن فوجتین نامیله یاد اولنور .

§

﴿ فورتنه ﴾ - اوچ نوعدر . (نوع اول روزکار فورتنه سی) کلمه سنده
دخی محرر اولدیغی اوزره مجرد هوانک تموچندن عبارت اولان روزکارک
شدت و سرعتی دیمک اولوب فقط بوشدک یعنی فورتنه ناک هر طرفده مساوی
درجه ده اولدیغی بحر یون نزدنده معلومدر واقعا بو عرضلرده دخی شدتلی
فورتنه لر وقوعه بولور لیکن مدارینده و اکثری امریقاده مکسیقا کورفزیله
(ماراقائیو) کورفزی اراسنده واقع بر طاقم جزائر کبیره و صغیره دن
عبارت (آنتیل) اطهرلی حوالی سنده اولان فورتنه لر بشقه در . حوالی
مذکورده هر دفعه فورتنه وقوعنده بهمه حال برأ و بحرآ آز چوق مضرتی
کورلدیکندن اهالی فورتنه ظهورندن زیاده سیله خوف و احتراز ایدرلر
وقبل الوقوع سماءه بعض علائم مشاهده اولنور شویله که بو طرفلرده
اصلا مشاهده اولنماش درجه ده جو هوایی ظلمت استیعاب ایدر و بلوطلر
متکاسف اوله رق حرکتدن قالب کویاروی زمینه دوشه جک کبی برحاله
بولنور و هوایه فوق العاده ثقلت عارض اوله رق برطرفدن شمشک
چاقوب و برطرفدن ییلدیرملر دوشوب وحوش و طیورک صدای وحشت
افزالی ایسه برقات ده ها موجب خوف و خشیت اولدیغندن فورتنه سکونت
بولنجیه دکین هرکس بر مصیبت منتظر و مضطرب اولورلر هر دفعه سنده

بر قاج کمی قضازده اولوب حتی بردفعه (سن داوید) لیانی اوکنده اوچی قیاق اولوق اوزره یکریمی قطعه انکیلز حرب سفینه سنک کلباً غرق وتلف اولدیغی و دروننده بوانان نفوسدن هیچ بری قورتیله مدیغی توارینجده مقیددر .

(نوع ثانی) یغموروقار فورتنه سی — بو فورتنه دخی نوع اول روزکار فورتنه سیله برابر یغمور ویاخود قاردن حاصل اولور که بونده دخی قبودانلر کمال درجه خوف و تلاش ایدر لر چونکه هر طرف قپانوب ساحل یاخود سائر تهله که لی محللر کورنمز و کجیحیلر دخی صغوق وینمورک شدتیدن و فورتنه زچندن یلکن و سائره مثللو خدمتلی ایفا ایدمه اولور . سیس دخی بعضیلری عننده نوع ثانی فورتنه دن معدوددر .

(نوع ثالث) قصرغه وخرطوم — قصرغه نك روزکارک شدته کوره درجائی اولوب شدتلوسی مضر و خطرناکدر . شدید قصرغه وقوعبولان یرلرده تازه فدانلردن و بر قاج سنه لک اغاجلردن خیر قالمیه جغی درکار اولوب بعضاً بیوک اغاجلری بیله قلع و کارکیر بنالری هدم ایلدیکی کورلمشدر . اشبو قصرغه استوانه شکننده دائروی هبوب ایدر دکرده وقوعبولور ایسه مخروط وخرطوم دخی تعبیر اولنور . (روزکار) کله سنده نظر بیوریه .

§

فورقروا — فن کیمیا علماسنددر (۱۷۵۵ م و ۱۱۶۹ هـ) ده پارسده تولد ایلدی (۱۷۸۴ م) ده نباتات بانچه سنده کیمیا خواجه سی نصب اولنوب متعاقباً عقل و ذکامی سایه سنده اکتساب ایتدیکی شهرت فوق العاده اوزرینه پارس معارف عمومیه و بعده شورای دولت اعضالغنه انتخاب اولندی و (۱۸۰۱ م) تاریخنده دخی معارف عمومیه ناظری اولوب مأموریتنده بر بیوک غیرت و فعالیت کوستردیسه ده مقاصدی ناپولیونک افکارینه کاملاً توافقی ایتدیکنندن مناصب عالیه دن دوشوب شو قیمت ناشناسلغک کدریله متأثراً (۱۸۰۹ م و ۱۲۲۴ هـ) تاریخنده فجأة وفات ایلدی . برچوق تألیفات مرغوبه سی میانده اک مهمی معلومات کیمویه ک

اصول و تطبیقاتی حاوی اولان کتاب ایله بالجه السنهیه ترجمه ایلدیش
اولان فلسفه کیمویه سیدر . فورقرووا مواد حیوانیه ومیاه معدنیه نك
تحلیلاتی دخی اکیال ایلدی .

§

﴿ فوسفور ﴾ — علم ژئولوژیده اهمیتلری درکار و عددی اون الییه
بالغ اولان اجسام عنصریه دندر . بو عنصر خالص اولدیغی حالده رنگسز
و شفاف ولذندن عاری و قوقوسی صارمساق قوقوسنه شبیه بر جسم صلب
اولوب صلابتی بال مومندن زیاده جه در قرانلقده لمعان ایدر هوایه ترك
اولندقدن مولد الحموضه بی جذب ایدوب کندوسندن بر بیاض دومان چیقار
وجزئی تسخین اولنسه آتش آلورینار و حامض فوسفوره منقلب اولور
بناء علیه فوسفوری صو دروننده ویا مولد الحموضه سن بر هوا ایچنده حفظ
ایدرلر . فوسفوری ابتدا (۱۶۶۹ م و ۱۰۸۰ هـ) تاریخنده بولدن کشف
ایدن هامبورغلی (بران) نام کیمیا کر اولوب مؤخرأ (شهئل) دخی
کیکلردن استخراج طریقنی بولشدر .

ماده فوسفوریه بی حاوی اولان اجسام ایکی صنف اولوب مثلاً آتش
کوجکلی و کدینک کوزلری و بعض چورومش اغاج کوجکلی و دکرده
قالمش بالق لاشدرلی صنف اولدن و خالص کهرچله و بیاض کله شکری
وکو کرد و کونشده قالمش ویا آتشده ایصلاداش بعض طاشلر وکیک وبونلرک
امثالی اجسام دخی صنف ثانیدن عد اولنور . آمریقای شمالیده واقع
آنتیل اطهلرنده برجنس بیوجک آتش کوجکی اولوب بونک نشر ایتدیکی
ضیا بیاغی بوجیلره ارائه طریق ایدر و بوجنس کوجکار و قوردلر هندستانده
دخی بولنور و هلاک اولدقلرنده کندولرنده کورینان ضیاء فوسفوری
دخی زائل اولور .

§

﴿ فوسیل ﴾ — حیوانات بحریه و حیوانات میاه غذبه و حیوانات
بریه انقاضی بری بری اوزرینه موضوع طبقات مختلفه ده برکومبلیت تشکیل ایدر
اشته بوکا طبقات الارض اربابی بیننده فوسیل تعبیر اولنور . کره
ارضک شمال طرفلرنده بولان فوسیللرک اتری و قیللری و دریلری و ماعدا

مخالفه بولنلرک يالکز مکیکاری کورلکده در . طبیعیوندن (پالاس) نام
کسینه طقسان سکز سنه مقدم سبر ياده سياحت ايدرکن صغوقدن انجماد
ایتمش ودریسی وقیلاری واتی بوزلماش بر کرکردان بولدیغی کبی یتش سکز
سنه مقدم بر بالقیجی سبر ياده (لنا) نهری اغزندہ بوزلرک اره سنده برجته
جسیه کوروب نه اولدیغی بيله میده رک ترک ایتمش واندن بش سنه صکره
بوزلر زیادہ جه اریوب جشه مذکورہ میدانہ چیقمش و آققی ایله کنارہ
کلرک اھالی آزی دیشلرینی چیقاروب آلمش و جوار کویلرک کلبری برمدت
اتنی ییوب اورانک حیوانات وحشیہ سی دخی برمدت تغدی ایتدکدن
صکره اوک ایاغی اکسیک اوله رق اسکاتی میدانہ چیقمش و پترسبورغدن
مخصوصاً کوندریلان اقادی می اعضاسی بونک (فیل محمودی) اولدیغی
جزم ایله انقاضنی کویلردن طوپلایه رق باشی واتی و دیشلری اولدیغی حالده
یوز یکر می بش قیه کلش وقلش اولان جزئی جلدی اون آدم یوکی اولوب
دیشلریدہ یوز اون ایکی قیه وزن اولمشدر . بوحسابہ کورہ لحم و امعاسی
وباش و دیش و بریاغی برابر طارتمش اولسه بیک بشیوز قیه یه بالغ اوله جغی
ظن اولنور .

فیل محمودی عن اصل اراضی ثالثہ مخلوقاتندن ایدی شمدی جنسی
معدومدر . و قیلہ بوه میا طرفندہ اولان و (آنفوزوار) تسمیه اولسان
غایت کوچک حیوانک دخی جنسی مفقود اولوب بونک یقینلرده بر طاش
اوزرنده بر پرمق مکعبی محلدہ قرق بر ملیون عدد فوستیلی کورلمشیدی .
انکاترہده واقع کور معدنلرنده قعر دریادن (۳۹۰۰) قدم اشاغیدہ نباتات
وحیوانات بقیہ لری و المانیانک (خارس) معدنلرنده (۱۰۰۰) قدمدن زیادہ
درینلکندہ تحجر ایتمش اغاج داللری و حیوانات اصداقی بولتمشدر .

(۱۸۷۱ م و ۱۲۸۸ هـ) تاریخنسده ایتالیا دہ منتونه شهری جوارنده واقع
بر مغارہ دروننده حفر اولنور ایکن بریوک نسان اسکاتی و اطرافندہ بر طاقم
زینت اوله رق باشه طاققی ایچون دلیکلی صدف پارچه لری و چاقق طاشندن
معمول قارغی اوجلری و سائرہ چیقمش و بونک کویا فیل محمودی دوری
آدلرندن یعنی یکر می بشبیک سنه مقدم کلان آدلرندن ایدوکی تخمین اولتمشدر .

﴿نوشان﴾ — رومانیاده بر شهر در بخدان ولایتی داخلنده و (میله قوو) نهرینک صاغ کنارنده و بکروشک شمال شرقیسنندن یوزاوتوز کیلومتر و مسافده بولنور. عثمانلیلر (۱۷۸۹ م و ۱۲۰۴ ه) تاریخنده بوراده روسیه لیلر ایله بریوک محاربه ایتدیلر و عاقبت عساکر عثمانیه بوزیلوب حین رجعتده (بوزه ئو) نهرینی بکیرکن بر چوغی مغروقاً وفات ایتدی و بو ائشاده جبه خانه عربلری آتش آلوب براز آدمده اولیه کیدوب بقیه سی برو طرفه پکیدیسه ده انلر دخی بر برینک مال و نقودینی یغما ایلدیکندن رزالت دیزده سوکدی .

§

﴿فوکاس﴾ — روم ایمپراطور لرندندر موریس نام ایمپراطور زماننده ساتتوریونلرک اکثرارخی (شرق ایمپراطورلری نامنه قوماندایدنلره اکثرارخ اطلاق اولنور) اولدیغی حالده (۶۰۲ م) تاریخنده یعنی هجرت نبویه نیک یکریمی بر سننه مقدمنده طونه نیک جهت شمالیسننده بولنان فراری عسکرلر طرفندن ایمپراطورلغی اشاعه و اعلان ایدلمسی اوزرینه استانبوله کله رک موریس ایله درت نفر چوچقلرینک قفاسنی کسمشدر . حریص شهرت غدار و لئیم بر کیمسه ایدی . فرس پادشاهی نوشروان بین النهرینی وارمنستان و سوریه و آسیای صغرانک بر قسمی ایله ده بعض روم مالکینی ضبط ایلدیکی حالده سسنی چیقارمادی . اگرچه (۶۰۴ و ۶۰۶ و ۶۱۰ م) تاریخلرنده ظهوره کلان فساد و اختلالی زجر و تسکینه موفق ایلدیه ده تاریخ اخیر عقینده استانبولک بر بخری محاربه سی اوزرینه (هراقلیوس) طرفندن طوتیله رق موریس و اولادی حقننده ارتکاب ایلدیکی جنایتک جزاسنه گرفتار ایلدی . فوکاس فناوینک مجموعه سیله (قودی) مجموعه قوانینی یونان لساننه ترجمه ایتدیردیکی کبی (ته اوفیل) واسطه سیله دخی انسیتوت (ژوستنین) ک قانوننامه سنی دخی شرح و تفسیر ایتدیرمشدر .

§

﴿فواتون﴾ — روبر — فن جراثقال مشاهیرندندر . (۱۷۶۵ م و ۱۱۷۹ ه) ده پانسیلووانی ده طوغوب (۱۸۱۵ م و ۱۲۳۱ ه) ده وفات ایلدی .

برچوق اختراعات مفیده وضعنه موفق اولوب ازجمله مرمری دستره ایله کسمک و پارلاتمق وایپ یایمق ایچون ماکینلر و تحت الماء سیر و سفر ایچون سفینه لر و کیکلری برهوا ایتیک ایچون اجزالر ایجاد و فرانسه ده بر از اول (مارکی دوزوفروا) طرفدن بولنان سفینه تجاریه نی اکیال ایلشدر . سیر سفینه دایر بولدیغی بریکی اصولی پارسده موقع اجرایه قویدیسده چندان مظهر اعتبار اوله مدیغندن کندوسنی کمال حرمت و امتنانله قبول ایدن امری قیایه عودت و (۱۸۰۷ م و ۱۲۲۲ هـ) تاریخنده البانی و ایورق ارسنده واقع هودسون دکزی اوزرنده اثر دست اختراعی اولان برنجی واپوری تحریک ایلدی . اشبو موفقیته جهانیته اوزرنه امریقای شمالی نهرلرنده متعدد واپورلر انشاسنه مأمور اوله رق سرعتله بریوک ثروته مالک اولدی . تألیقاتی اره سنده الک مشهوری قتالره دایر یازدیغی کتابدر .

§

﴿فوهی﴾ — چینک واضع قوانینی و برنجی حکمداریدر . (۲۶۱۶ خ یاخود ۲۶۹۴ خ) تاریخنده یعنی میلادک برنجی قوله کوره ایکی بیک طقوز یوزیتش سکز سنه مقدمده جلوس ایتدیکی ظن اولنیور . زمان اداره سی و قوعاتنه دایر شایان اعتماد برشی* کوریه میورسده ده وضع ایتدیکی قوانیندن برآله عظیمک وجودینه معتقد اولوب انک ایچون و کندو آباء و اجدادی ایچون بشقه بشقه بیراملر وضع و تشریع ایتدیکی و وحشی چینلورلی زراعتنه و تزوج و طلاقه و معادن اخراجنه و چونانلغه آلهشدریغی استفهام اولنیور دیرلر . صید بحری و بری و موسیقی و یازو و تقویم اختراعاتی دخی بوکا حل اولتمقده در .

§

﴿فهرنایت﴾ — المانیا حکمتشناساننددر . (۱۶۹۰ م و ۱۱۰۲ هـ) تاریخنده دانسقه تولد و (۱۷۴۰ م و ۱۱۵۳ هـ) تاریخنده وفات ایلدی . حیاتنده فلنکی قرارگاه ایتشیدی . مومی الیه میزان الهوا ایله جیوهلی میزان الحراره نیک موجدیدر بونک میزان الحراره سی ۲۱۲ درجاته تقسیم اولنور . اشبو میزان الحراره ده منتهی اولان ایکی نقطه دن بری قاینامش صویک درجه حرارتی دیگرکی قار و ملح نشادر مزجیه حاصل اولمش

اولان صغوغك درجه شدتني بيلدير . ساييغراد ميزان الحراره سنك صفري
بونك اوتوز ايكي درجه سنه معادلدر . مومي اليك سائر علوم وفنونده دختي
بر چوق تأليفاتي وارددر .

§

﴿ فله ﴾ — ازمنه متقدمه ده خيالي بر طاقم قاريلردر كه فوق البشريه
اقتداري حائز اولمقله برابر حقارت آميز وسفلي بعض قوانيئه تابع طائينورلر
وبعضاً كنج و حسنا و البسه نفيسه ايله مكنتسي و بعضاً پشمرده جامه لره لباس
تصوير ايديلورلر . بونلر دائماً سحرلي برر عصا ايله كزرلر و حيات ابدى يه
مالك دكلر ايسده بىكارجه سندنلر يشارلر ايش و مزيتلر مستقيملدن
خبر ويرمك ايش (كاهلك ديمك اوله جق) هر نه حال ايسه (فله)
قرون وسطاه بويه جه اعتقاد اولنوب مقلدلر بر چوق اويونلر او بنامش
وهله شواليرلر ك زمان اقتدارلرنده بىوك بر موقع طوتمش ابدى . (قوجه
جاديلر .)

§

﴿ فيثاغورس ﴾ — يونان فيلسوفلرندنلر (۴۸۹۶ خ) تاريخنده
يعنى ميلادك الی یوز سكر سنه مقدمنده سيسام اطه سنده تولد ايلدى باشليخه
تحصيلي صور و مصر شهرلرنده وقوعبولوب صكره ايتاليايه عزيمتله
(قورنون) ده توطن ايتش واوراده ايتاليان مكنتي ناميله معروف بر يكي
مكتب تأسيس ايدرك آز مدت ظرفنده بر چوق شاگرد طوپلامشدر .
فيثاغورس طلبه سنى بش سنه تكلمدن منع و قناعت طريق ايله امتحان ايدر
ايدى . صورت وفاتي حقنده تفصيلات اولميوب شوقدر كه نفوذندن
قورقان بعض ايتاليان غدارلر طرفندن ياخود حكومت اعيان تر جيخه
بناء حكومت عوام طرفدارلر جانبندن بر عريده ده تلف ايدلديكي ظن
اولنور . تاريخ وفاتي (۵۰۸۵ خ) تاريخنده يعنى ميلادك بشيوز طقوز سنه
مقدمنده در . فيثاغورس مجبلرينك ويرمش اولدقلى (سسوفوس) يعنى
عقللى نامى يرينه اك زياده مقرون ادب اولان فيلسوف نامنى آلمشيدى
زماننده معروف اولان جميع علوم وفنونى جامع اولوب باخصوص علم حساب
هندسه نجوم و موسيقى كى علوم رياضيه يي لايقيه تحصيل ايتمشدر

و فنونجه کشفیات عیدیه سی واردر مناسبات حسابیه ده ملاحظات متوالیه سی کندوسی بر اصول عمومی به ایصال اینک حسابیه احدک اصل اولوب اندن اعداد و اعداددن نقاط و نقاطدن خطوط و خطوطدن سطوح وسطوحدن اجسام و اجسامدن عناصر اربعه و آندن عالم حادث اولدیغنه و تناسخ ارواحه قائل اولمش و تناسخده پک ایلرو کیدوب هر نوع لحکاکلنی حرام اعتقاد و قارنجه نیک بیله تلفنی انسان قتلنه معادل عد ایتیش ایدی . جنساب واجب الوجود واحد و اصلدر — روح نفسنده حرکت ایدر بر عدددر — ماده بر صفت غیر معین و مبدأ شردر — دنیا اویغونلق ایله تنظیم اولمش بر دکلدر — ارضک کرویتی دنیانک وسطی غیر متحرک اولدیغنی ارئه ایدر — شهوتنه تابع اولان حیوان ناطق دلیک فوچی به بکزر دلیک فوچی انسان دکلدر — محب حکمت اولانه فرضدر که هراقشام کندینک از هر جهت طور و سلوکنی کمال شدتله یوقله ایده و اعمالنی دعاء و ابتهال ایله تطهیر و تقدیس ایلیه و قصور ایتدیک برگاهه ال قالدیر مادجه شمسی غروب به براقیه یعنی هر غروبدن اقدام توبه و استغفار ایده . بونلر هپ فیثاغورسک جلهء عقائد و نصایحندن اولدیغنی کی تجرد از علائق و تصنیف طلب و ارشاد مریدان و اشترک در اموال و قابلیته کوره تلقین حکمت و کتم اسرار قاعده لری دخی موحی الیه دن متولد حکم اشراقیه دندر .

§

﴿ فید یاس ﴾ — آتنه هنرورانندن بر مشهور ذات اولوب (۵۰۹۶ خ) ده یعنی میلادک درت یوز طقسان سکز سنه مقدمنده (اتیک) ده طوغمشدر . رساملق و اویمه جیلقدیه فوق الغایه مهارتی و ارایدی (پریقلیس) عصرنده اتندنک مشهور تر بینانی بو ذات ترتیب و اکمال و (۵۱۶۴ خ) تاریخنده آتنده زفسک تقلید قبول ایتیز هیکنی اعمال ایلدی .

مؤخرأ (مینه رو) هیکنی اعماله مخصوص التونک بر قسمی چالیدی دیو ادعا ایدن غرضکارلره قارشو اثبات و برائتیه موفق اوله بیلدیه ده هیکل مذکورک

اوزرینه کندوسی ایله مومی الیه (پریقلس) ک تصویرینی وضع ایلدیکندن
وبو وضعی ایله خصملرینک هیولای امیدینه بیوک برصورت ویردیکندن
تکرار محکمه یه جلب وایلاک محاکمه ده تکفیر و محبسسه القا اولنغله اوراده
التمش یدی یاشنده ترک هیکل وجود ایلدی . (ژوبیت) کلمه سنده
مراجعت اولنه .

§

﴿فیروز﴾ — ملوک ساسانیان (۴۵۸ م) تاریخنده جلوس ایتش
برپادشاه اولوب یکریمی یدی سنده سلطنت سورمشدر . کندوسی ترک
حکمداری (خوشنواز) ک ربقه اسارتدن قورتارمش اولان بر مقاوله نامه یی
بوزه رق تجدید محاربه یه سبیت ویردیکندن اثنای محاربه ده تکرار یقالنوب
جزای قتله دوچار واولاد وعیالی جله زنجیر اسارته کرفتار اولدی .

§

﴿فیض الله﴾ افندی — سلطان مصطفای ثانی زمانده سکر سنه
شیخ الاسلام ق ایتمش و بر قوی کتابی یازمشدر . شاه مشارالیه طرفندن
نائل اولدیغی نفوذ و اقتداری سوه استعمال ایله بر طاقم نا اهل منسوباتی
نیاتلرده قوللانونب اسکی حاکمری کوجندیردیکنه و استانبول اهالیسنک
بعض خصوصدن واز جله کندوسندن شکایتی حاوی ادرنده ذات
شاهانه یه کوندردکری محضری یولدن چورردوب بیرتدیغنه مبنی هر کسک
نظر بغض و عداوتنی قزاندی واکرچه ذات شاهانه کیفیتی خبر آلور آلر
مومی الیه ی عزل و وارنه ی نفی ایلدیسده ایاقلاتمش اولان اهالی ارتق
تسکین هیجان ایده میه رک (۱۷۰۳ م و ۱۱۱۵ ه) تاریخنده اولادرنه یه
کیدوب سلطان مشارالیه ی خلع و مؤخرأ وارنده مومی الیه سید فیض الله
افندی بی اعدام ایدرک جنازه سنی اوتوز قدر بلغاره سوریده سوریده ادرنه یه
کتوروب اوراده دفن ایلدیلر . یکی جلوس ایندن سلطان احد ثالث
حضر تری همان در سعاده کلوب اختلالده ذی مدخل اولان شیخ الاسلام سابق
ابوسعید زاده فیض الله افندی ایله متعلقاتی و نقیب الاشراف فتح الله افندی بی
و بعض امرای عسکریه یی قتل و نفی و طرد ایله اعاده اسایشه موفق اولمشدر .

§

﴿ فیطونیرانی ﴾ — آلت مخصوصه واسطه سیله جام اوزرینه عکس ایتدیریلان مرئیاتی اجزای کیمیویه معاونتیه مثبت برحاله کتوردکن صکره کاغده نقل ایتکه اطلاق اولنور واجسام معکوسه نك منفیسی جام لوحه اولوب عکس آنک اوزرنده استحصال اولندیغندن لوحه ده کی رسمه (نعایتف) یعنی منفی و کاغده اوزرنده اولان رسمه (پوزیتیف) یعنی مثبت دنیلور . بوفنده الک برنجی آلت (شامبرنوار) یعنی بیت مظلم دنیسلان آلتدرکه اوکنده اولان دور بین رسمی آلتدحق اجسامه مقابل طوتلدقده اجسام مزبوره دروننده اولان بوزلی جام اوزرینه عکس ایدر و بوجامک یرینه ضیانک تأثیربله تغیر ایتک خاصه سنه مالک اولان برنوع اجزای مرکبه ایله مستور دیگر برشفاف جام وضع اولندیغی حالده اجسام معکوسه نك ضیادار اولان محللری سیاه و اولیان یرلری حالیه بیاض قالمقه مرئیات بوجمله جام اوزرنده رسم و تقرر ایلر .

بوصنعت (۱۸۲۹ م و ۱۳۴۵ هـ) تاریخنده فرانسه لی (داکر) نام هنرور معرفتیه ایجاد و برمدت کوش قایلله لوحه لر اوزرینه ترسیم اولنوب مؤخرأ انکلتزهل (فوقس تالبو) نام کسنه قلوورلی وحسللی کاغده اوزرینه چیقارلسنی و فرانسه لی (نیسه فورنيس) قلوودیون یاخود آلبومینلی جام اوزرینه آلتسنی بولمش ودهسا صکره لر ارباب فن مرئیات معکوسه یی ینه عکس ضیا واسطه سیله بولتمک کبی بعض اختراعاتله توسیع ایتلشدر .

مرئیاتک خیالنی آلتک بوزلی جامی اوزرینه عکس ایتدیرمک ایچون استعمال اولنان پرنبجن معمول دورینه (اوبجلیتف) دیرلر و بودخی بعضأ نك جاملی و بعضأ چفت جاملی اولوب نك جاملی ایله کوی رسملری و چفت جاملی ایله انسان و حیوان رسملری آلورلر . اجزالی (مبلر آزوتیت فضه) و (تحت کبریتیت سوده) و (فظن باروت) و (حامض آزوت) و (اسپیرتو) و (حامض حل) و (مازی) کبی شیلردن عبارتدر .

§

﴿ فیل ﴾ — مهملی حیواناتک خرطوملی جنسندندر بو حیوان برونی مقامنده متمد خرطومیه و اغزندن ایکی طرفلی دیشاری چیقمش اوزون

دیشلریله سائرلرندن تفریق اولنور . فیللر خرطوملرینی بیه جکله رینی اخذ و بلع ایتک و بعض شیرلی طوتوب قالدیرمق و دشمنلرینی آلوب یره چالقدی قوللانورلر . اغدیئ نباتیه بی چیکنه مک ایچون اغزلرینک ایچنده آزی دیشی مقامنده کیمک صفهلر دخی واردلر بونلر اسکیدیکه ارقددن دیکرلری کلور . دیشی فیللرک صدرلرنده ایکیشرمه سی و بالجمله فیللرک ایاغنده بش پارمخی و طبانک چقور محلنده جسمنک ثقلتی بتون بتون پارمقلره یوکلنامک ایچون یوماجقلری واردلر اون نوع ظن اولنان فیللردن الک جسم اولان (فیل محمودی) نکلنسلی اخیراً منقطع اولوب الیوم طاننان ایکی نوع فیلدن بریسی افریقا فیلیدر که بونک باشی برقبه لی و قوللاقلری بیوک اولور ایکنجیسی هندستان فیلیدر که بونک باشی ایکی قات قبه لی و قوللاقلری کوچک و آزی دیشلرینک کنارلری داللی بوداقلی اغاج و چیچک شکلریله منقوش بولنور . اشبو هندستان فیللی حیوانات مانوسه دندر . یبانی فیللر اکثر یارطوبتلی اورمانلر و بطاقلق محلرده ساکن اولورلر و حیوبات و اوت و یراق و کوکلر ایله تعیش ایدرلر . فیل الک مدرک حیواناتدن بریدر حیوانات اهلیه حالنه کلانلری غایت مطیع اولدیغندن کور کبی یدیلور کوتوریلور و موسیقی صداسیله متأثر اولدیغی کوریلور . متقدمین و علی الخصوص آسیا لیلر فیللری محاربانده قوللاندقلری کبی یوک حیوانلری مقامنده دخی استعمال ایدرلر ایدی . سیام حکمدارلری مزین برسرایده بسیله نیلان بیاض فیللره برنوع عبادت ایلرلر و بتون سیاملیلر الک اول فکر تناسخه ذهابی مروی اولان (که کیا) نام حکیمک روحی بر بیاض فیلک جسمنه انتقال ایتدیکی ظن و اعتقادیه حیوانات مرقومه بی غایت مقدس طوتارلر ایدی . یبانی فیللرک صیدی پک قولایدر آنلرک کزنککری برمناسب محله قوی قازقلرکز ایدرک چو یروب برجهسته قپو یپارلر و ایچنه مانوس بر فیل قویوب قپونک یاننه کیرلنورلر یبانی فیللر مذکور فیللی کوردکده کلوب ایچروسنه کیرر و درحال قاپو قپانه رق طوتیلورلر . بعضاً معبرلری اوزرینه حفر اولنش و اوزرلری اورتلش خندقلر واسطه سیله دخی صید اولندیغی واردلر . برطاقم صیادلر دخی آوینه چیقوب دیشنی و دریسنی آلور تجارت ایدرلر . فیلک دریسی غایت قالین و قورودیغی حالده قلیچدن

محافظه‌یه کافیدر بنابرین بعض ممالک اهالیسی در یسندن قالفان پیارل و افریقایلر فیلک قوروغنه پک چوق اعتبار ایدوب اشبو قوروغک اوجنده اولان قیل دمتینی طلسم کبی معتبر طوتارلر .

(فیل دیشی) غایت سرت و بیاض بر ماده اولوب کوزل جلا قبول ایلدیکندن پک چوق مصنوعاتده قوللانیلور و هوایه و طوزه تماس ایلدکده در عقب بیاضلغی زائل اولور و بر جام قفس التنده محافظه‌ده صارارر ایسه‌ده شعاع شمسه کوسترلدیکی کبی اولکندن زیاده بیاضلق کسب ایدر و برازیلیا اغاجی یعنی برنوع قرمزی بویایه وزغفران و بقم صورینه باترلدیغی حالده قرمزی و صاری و سیاه رنگلر اراؤه ایلر فقط اشبو صورله باترمزدن اول شاب صوبی و یاسرکه ایچنده برقاج ساعت ایصلادلق شرطدر . وقتیه فیل دیشی توز حالنده بر علاج قابض مقامنده اولهرق فن طبعده قوللانیلور ایدی . ایشلنماش فیل دیشی کینه و امید برونی و هندستاندن کلمکدهدر کینه فیل دیشنک اجزای فردیه‌سی غایت صیق و آغر و رنکی براز صارمتراق اولوب اسکیدکجه بیاضلق کسب ایلدیکی ایچون جله‌سندن زیاده معتبردر امید برونکی بیاض و طونق و بعضاً دخی براز صاریجه و سیلانکی بیاض کل رنکنده و براز بومشاقجه و سییریانک فیل دیشیسی خفیفجه ویشیلیمی بررنکدهدر . فیل دیشی اقوام قدیمه نزدنده دخی معروف اولوب بونلر کرک خانه و معبدلرینک حلیات و تزیناتنده و کرک آلهرینک صورتلرینی یامق و اشیای منقوله‌ینی تزین ایتمکده استعمال ایدرلر ایدی . وقتیه روما حاکملرینک اوتوردقلری صندالیله دخی فیل دیشندن معبول ایدی .

(تقلید فیل دیشی) — فیهله فاس نام اغاجک یمیشندن حاصل برمایعک مصلیدر بونی اوفاق شیلرک اعمالی ایچون اکثریا حیوانی فیل دیشنک یرینه قوللانیلمدهدر بونلر اوزرینه بر طمله حامض کبریت طمله دلدیغی حالده کل رنکنده برلکه براغور لکن صحیح فیل دیشی اوپله لکه مکّه براقاز . فیل مجودی ایچون (فوسیل) کله‌سنه نظر بیوریه .

﴿فیلولاؤس﴾ — فیثاغورس مشرب فیلسوفلردن اولوب (۵۰۴۹ خ) تاریخنده یعنی میلادک بشیوز قرق بش سنه مقدمده (قروتون) یاخود (تارانت) ده ساحه بروز وجود اولمش و فیثاغورسدن تدریس ایله قروتون و مه تاپونت وارکای و سائر شهرلرده کزدکدن صکره (۵۱۲۴ خ) تاریخنده یعنی میلادک درتیوز نیمش سنه مقدمده وفات ایلشدر .

فیلولاؤس استادی فیثاغورس مذهبنده اثر تألیف ایدنلرک برنجیسی ایدی طبیعت و دنیا و روح اوزرینه یازدیغی اوچ کتابی افلاطون مومی الیهک وارثلردن طقوز بیک فرانعه اشترا ایلدی . فیثاغورس مذهبنه دائر ایضاحاتی حاوی بعض آثار (۱۸۱۹ م و ۱۲۳۵ هـ) تاریخنده برلینده (به کنخ) طرفندن جمع و ترتیب اولمشدر .

ارضک برنجیم سیار و سیارات سائر ایله شمسک اطرافنده دوار اولدیغی اک اول کشف ایدن اشبو فیلولاؤسدر .

§

﴿فیلادلفیا﴾ — اسکی (لیدی) قطعده سننده والیوم مغنیسا سنجاغی داخلنده بولنان الاشهرک نام قدیمدر بوشهر برغنه قرالی (اتال فیلادلف) طرفندن تأسیس اولمشدر .

(فیلادلفی) — فلسطینده برشهردر و قتیله (رباط امون) تسمیه اولنور ایدی .

(فیلادلفی) — پانسیلوانیده امریقای شمالی ممالکندن بری اولوب واشنگتونک اوچیوز کیلومتر و شمال شرقیسنده و (دلاوار) ایله (شویلیکیل) اوزرنده بولنور . نفوسی بش یوز التمش سکز بیک بو قدر نفردن عبارتدر بوراسی (۱۸۰۰ م و ۱۲۱۵ هـ) تاریخنه دکین امریقا هیئت مجتمعه سنک مقرر حکومتی ایدی الیوم امریقای مجتمعه نک بر محکمه عالییه و ضربخانه سنی و (۱۷۵۵ م و ۱۱۶۹ هـ) ده مؤسس پانسیلوانی مدرسه سیله مشهور مکتب طبییه یی و فرانکلن طرفندن تأسیس اولمش اولان کتبخانه عمومی و موزه خانه و مختلف جمعیتلری و ادیان و مذاهب مختلفه اربابنسک شهر آیین اجراسنه مخصوص ابنیه متعدده نفیسه سنی و برطاق آثار خیره یی مشتملدر . لیمانی واسع و مأمن اولدیغی کبی سوقاقلری دخی کنیش و منتظم

اولوب كرك ادخالات و كرك اخراجا تبحه انكلتره و فرانسه و بره زيليا و هندستان ايله پك بيوك معاملات تجار يه سي واردر .

فيلادلفي (۱۶۸۲ م و ۱۰۹۴ هـ) ده واشنگتون طرفندن تأسيس اولندي و (۱۷۷۶ م) ده وقوعبولان استقلال محاربه سنده اتحاد مبعوثاني طرفندن منعقد برنجي قونغره نك مركز اجتماعي اولدي .

(فيلادلفي) — بطالسه مصريه دن اولوب (۱۳۰۹ خ) تاريخنده يعنى ميلادك ايك يوز سكسان بش سنه مقدمنده جلوسيله برابر اسراي يهوديه يي آزاد ايتمش و يتش نفر يهود علماسي معرفتيله تورات شريفي لسان عبرانيدن لسان يوناني يه ترجمه ايتدير مشدر . منبع نيلي كشف ايچون مأمور لر كوندرديكي و مصرده پدري (بتوله مه سوتري) نك يدي يوز بيك كتابي جامع ياپديرديغي (سرايين) كتبخانه سني بر طاقم آثار نفيسه ايله برقات دها توسيع و تزئين ايلديكي دخی مرويدر .

§

﴿ فياورانسه ﴾ — ايتالياده طوسقانه اياالتنك يوز يتش بيك نفوسي حاوي اولان مركز اداره سيدر ايتاليانلر (فيرانز) ديرلر اورو صوبي اوزرنده مبنی اولغله هوا سي لطيفدر . بوشهر وقتيله پك چوق بيوك ذاتلر يتشدير مشيدي . (طوسقانه) كله سنه دخی نظر بيور يله .

§

﴿ فيلون ﴾ — فلسفه يهود دندر (۵۵۶۱ خ) تاريخنده يعنى ميلادك اوتوز سنه مقدمنده اسكندريه ده طوغدي مذهب افلاطون ايله دين يهوددن مركب بر طوغري مذهب چيقارمق نيتيله بونلرك مسائلني يكديكره مزج و خلط ايدرك بر كتاب ياپوب اطرافه نشر وارسال وينه كندو ملتندن اولمق اوزره بر چوق كيمسه لري اشبو يكي برزخه ادخال ايلدي . مرقوم بو كتابنده بري (الله) ديكری (ناسوت) ايكي مبدأ ازلي تصورندن صكره (الله) بر نور اصلي اولوب اندن شعاع شمس كي عقول صدور وتنزل ايتديكنه و ايلك او بجه خلق دنياي تصور ايدوب اندن صكره اتی كله و ابن الله اسميله تشخيص و تشهير ايلديكنه ذاهب اولور ایدی .

§

﴿فیوم﴾ - مصر وسطاده بریالتدر شرقاً جزء وبی سیوف
ایالتی ایله تحدید اولنور . طولاً طقسان عرضاً الی بش کیلومتر
اتساعنده اولوب التمش بک نفوسی جامع ومقر اداره سی فیوم شهریدر .
اشبوا یالت لیبی چولترینک حد شرقیسی اوزرنده بردرده ایسده شمال جهتی
زیاده سیله منبت و محصولداردر . وصناعتی مصرک دیگر محالرندن ده
رواجلی اولوب قاهره ایله جسمیم تجارتی وارددر . ومتعدد خرابه زار
قدیملی یینده مشهور لابرانت خرابه لری کورلمکده در . (لابرانت)
کله سنه نظر بیوریه .

§

﴿فینیکه﴾ - جبل لبنان ایله دکر یینده وسوریه قطع سندقدیم
بریالتدر که جانب شمال یسنده بولنان (اوتر) نهری بوغازندن جهت جنوبیه ده
کائن (بهلوس) بوغازینه دکین متمد ایدی . فینیکه منحصراً بر دولت
تشکیل ایتوب حاوی اولدیغی برچوق ممالکدن بعضی لری اصول سربستی
و دیگر لری حاکمک وجهله اداره اولنور ایدی .
مملکتلرینک باشلیجدرلی (صور) (صیدا) (بیروت) (بیلوس) (طرابلس)
وعکدن عبارت اولوب اگرچه بونلرک خارجنده ده بعض فلسطین ممالکی
ایله یهودیلرک سواحلی دخی فینیکه یه تابع ظن اولنور ایسده شرائط
صحتدن بریدر . فینیکه لیلر مؤخرأ مخاصمات اجانبه قارشو کندولرینی
محافظه یه احتیاج حس ایتدکلرندن اولاً صیدا بعده صور مرکز اولقی
اوزره بر اداره مجتمعه تشکیل ایلدیلر . بونواحی میلاددن سکز ویدی
عصر ایتدالرنده اثور حکمداری (شما نصر) ایله ایکنجی (بخت نصر)
طرفندن ضبط اولندی . اولوقندن برو عجملر واسکندر و سلوسیدلرک
و (۵۵۳۱ خ) تاریخنده یعنی میلادک التمش اوچ سنه مقدمنده رومالیر
وعربلرک متابعاً الرنده دونه رک نهایت عثمانیلرده تقرر ایلدی .
فینیکه لیلرک لسانی سام لغتی ایدی . مذهبلری هر نقدر مصریله مشابه
ایدیسه ده ساکن اولدقلری مملکتلره کوره تغیر وتبدل ایدردی بین الاقوام
سیاحت ومهارت بحریه ایله مشهور درلر .
ملک الارض یاخود بل کبیر نامنده بریسوک پته پرستش ایدرلر ایدی .

شمیدیکی ابجد ترتیبی اولوقت بونلرك الف باسی اولدیغنه دائر بعض روایت
دخی وارایسهده اعتمادہ شایان کوریلہ مز . . . فینکھ لسان یونانیده خرما
معناسنه اولوب مملکتلرنده خرما چوقجه اولدیغندن یاخود یونانستانه خرما
کوتوردکارندن او اسم ایلہ یاد اولمشلر ایدی . (ابجد) کلکھ سنه دخی
مراجعت بیوریلہ .

§

﴿ فینوالر ﴾ — آسیانک شمالنده منتشر بر قومدر بونلری صی یوزلی
صاریحہ رنکلی چقور یناقلی آز صقالی وسط قامتلیدرلر . مقدارلری الیوم
اوج ملیون تخمین اولنیور . روما ایمراطورلغنک برنجی زمانلرنده ویستول
وقارپاٹ طاغلرندن وولغا نهرینه قدر ممتد اولان اراضی داخلنده ساکن
ایدیسه لرده غوتلرك ورودلرنده بر چوغی تحت اطاعتلرینه کیروب قصورلری
سارماسیای شمالی یه واسقاندیناوی یه کیتدیلر .
فینوالر بوتاریخندن اعتباراً ایکی قسمة آیریلور . بری غربی ویا خصوصی
فینوالردرکه فنلاند آنکری لیوونی مملکتلرنده وولغانک منصبنه قدر ساکن
اولورلر . دیکرلری شرقی فینوالردرکه وولغا نهری ملتقاسندن اورال
طاغلرینه دکن اولان محللری وطن اتخاذا ایدرلر ایدی . مؤخرآ آسیا
باربارلرینک تعاقب هجرتلری جهتیله آوروپا قطعہ سنه طاعمشلردر . هونلرك
بر شعبه سی بونلردن ظن اولنیور چونکه بشقه جه لسانلری واردر . روسلر
بونلره (چوت) تعبیر ایدرلر .



(ف) حرفنده اولان ممالک دولت علیه

اسم و اعتباری	در قضا	در لوا	در ولایت
فاو (فاو)	ناحیه	بصره	بغداد
فغیس	ناحیه	بنغازی	بنغازی
فران	مرکز لوا	فران	طرابلس غرب
فساطو	قضا	جبل غریبه	طرابلس غرب
فقاس	ناحیه	قسطمونی	قسطمونی
فکک (بیلان)	قضا	قوزان	اطنه
فلپوس	ناحیه	ویرانشهر	قسطمونی
فتمکک	ناحیه	قاش	قونیه
فوجیه جدید	ناحیه	فوجتین	ایدین
فوجتین	قضا	ازمیر	ایدین
فوزیقه	ناحیه	قسطمونی	قسطمونی
فوق الطريق	ناحیه	اماسیه	سیواس
فیلات	قضا	یانیه	یانیه
فیلولورینه	قضا	مناستر	مناستر

حرف ق

﴿ قاتوچود وتی ﴾ - چینده (۵۰۲ م) تاریخیله متشکل ایانغ
سلاله خاقانیسنگ مؤسسیدر بوندن اول سلطنت چینیه (چی) سلالهسنه
منسوب ایکن مشار الیه تاریخ مز بورده کلوب کندو سلالهسنی حرباً
تشکیل و (نانکین) شهر جسمینی پای تخت اتخاذ ایلدی . ایام حکومتده
آسیای جنوبی ایله چینک روابط مناسباتی تشید ایدوب چین سفائی لاجل
النجاره سیلان اطهسنه وسواحل هندیه قدر کلور وفارس و هند سفراسی
(نانکین) ه کیدر ابدی .

§

﴿ قاپ ﴾ یاخود (قاپ توون) - افریقای جنوبیده یعنی امید
رونسک جهت شمالیسنده و قرق کیلومترو بعدنده انکلیز مستملکاتک مقرر
اداره سی اولان شهرک اسمیدر . اکثریسی اسلام اولق اوزره اوتوز بیک نفوسی
و بر مستحکم سرائی و هند شرکتلرینه مخصوص دلکشا باغچه و مسافر خانه
و مکتب و کتبخانه لری و مکمل برر صدخانه سی اولوب خانه لری طوغله دن معمول
و سوقاق و جدوللری غایت منتظمدر . (امید) کله سنه دخی نظر بیوریه .

§

﴿ قابل ﴾ - حضرت آدم علیه السلامک برنجی اوغلیدر . تورانده
(فاین) تحریر اوانور . کندوسیه توأم طوغان قرقنداشی اقلیمای حضرت
ادم دیگر اوغلی هابل ویره جیکنی ایشندیکی ایچون هابلی طاش ایله اعدام
ایلدکن صکره قزی آلوب عدن یاخود یمن جانبنه فرار و اوراده

پدرينك مسلك ديانته مخالف حركات مبتدعانه ايله امرار ليل و نهار ايلدى قابلك ولادتي ابوينك ايكنجى سال ملاقاتنده وقرنداشنى قتل ايله فرارى يوز يكرمى يدى ياشنده وقوعبولديغى مرويدر.

§

﴿قابودستريا﴾ — موره وقعه سنده مسبوق اولان خدمات مهمه سنه بناءً روملك استقلالى صروده حكومت موقته رئيسى انتخاب اولمش ايكن (۱۷۳۱م و ۱۲۴۷هـ) تاريخنده ظهور ايدن برمنازعه مليه اوزرينه كليساده اعدام ايدلمشدر. فى الاصل قورقهلى ايسه ده روسيه ده خيلى ترييه كورمش و براره لق روسيه خارجيه نظارتنده بر مأموريتده دخى بولمش ايدى.

§

﴿قايله﴾ — هندفيلسوفلر ننددر وسان كيا دنيلان مسلك فيلسوفينك مؤسسيدر اشبو مسلك كاملاً وجود صانعى انكار و خلقتى طبيعته جل واستاد ايله دنيايى برجاي ابدى عد و اعتبار ايدر و ايكى ماده ابديه نك بقاسنى التزام اير ايدى. مذكور ماده لك برى ذكورت ديكرى طبيعته در كه بونلردن ذكورت مبنع و طبيعت حيات و حركتك منشائدر. حاصلى بو طريق فلسفه بالتام مادياتدن عبارتدر. قايله ده دائر محقق برشى بيلنه مديكى كى بونك خيالى و يا حقيقى بر شخص اولوب اولديغى دخى اكلاشيله ماده قدر و بعضيلك قولنجه طقوزنجى و يا خود اون ايكنجى عصرده طوغمشدر. مذهبه دائر معلومات دخى يالكز يتمش ايكى بيتدن عبارت اولوب بونك سانسقري لسانى اوزره يازلمش و فرانسه زجه ده ترجمه ايدلمش بر مجموعه سى اليوم موجوددر.

§

﴿قات﴾ — يمن قطعه سنده چيقار ميوه سبز بر آغاچك اسميدر پيراغى زيتون پيراغنه مشابه ودها بيوچكدر. اهالى بونى اورده توب ديبلردن سورن فليرلر ينى آغزلرنده چكنيه رك صوبى باع ايدرلر. قات برقاج نوع اولوب بر نوعى انسانك دماغنه اسرارندن دها زياته تأثير و پياغى عقلنى سلب ايدر و ديكر نوعى عرق نشئه سى قدر نشئه و يروب بعضيلرى دخى او يخوينى سلب ايلر. يمنلردن الك فقير بر آدم بيله قزانديغى بش غروشك دردينى قاته و يروب ديكر دردينى دوشونمز. يمنك اكثر بلادنده

(مبرز) نامند قاتخانه لروارد. اهالی اخشاملری اورالره طویلانونوب و نارکله یی شئلند یروب قارشو قارشویه قاتلری چیکنزلر و چیکنه دیکه صو اچکرلر و صو ایچدیجکده چیکنزلر و بر طرفدنده بورام بورام درلیه رک یالیلیر موالار سویلرلر بوکاک زیاده تهامه اهالیسی مجبور اولوب صنعا و سائر شهرلر اهالیسی دخی قاتسز اوله منزلر ایسه ده بونلرک برده (قشر) ایچمه لری واردر . قشر قهوه نلک طیش قبوغیدر بونی چای کبی قیناده رق ایچوب ایچنی براغیرلر .

§

﴿ قادیسیه ﴾ — ایرانک قدیم پای تختی اولان مداین شهرینک جانب غریبسنده و کوفه قربنده برشهردر حضرت ابراهیم علیه السلام بورایه اوغرادقلری صرده رأس سعادتلرینی بری غسل ایدوب (قدست من ارض) بیورملریله قادیسیه تسمیه اولندیغی مرویدر .

قادیسیه هجرت نبویه نلک ۱۴ و یا ۱۵ یا خود ۱۶ سنه سی شوالنده جانب جناب (عمر) بدن مأمور سعد بن ابی وقاص رضی الله عنهما معرفتیه فتح اولنمشدر و بو محاربه ده عجملرک سرکرده سی اولان (رستم) اصحاب کرآمدن عمر و بن معدی کرب النده تلف اوله رق اهل اسلام برچوق اموال و اشیا اغتنام ایلشدر . موخی الیه رستم اولجه فن نجوم واسطه سیله استیلای امت محمدیه یی کشف ایلدیکندن ناشی عربله جنکه راضی اولندیغی حالده کویا شاه یزد جردک ابرامی کندوسنی بیله بیله بومهلکه یه صوقشدر . بورستم اراننده دن اولوب مشهور رستم داستان دکلدر انک ایچون (رستم) کلک سنه مراجعت بیوریله .

§

﴿ قادیئوس ﴾ — صیدا قرالی (ازه نور) ک اوغلیدر دلربالنده مشهوره قز قرنلشی آوروپا غائب اولدیغی زمان پدری طرفندن تحریرسنه مأمور و بوله مدیغی جهتله بر موجب مقاوله بردها پدرینی کورمامکه مجبور اولدیغندن موجود معیتله یونانستانده واقع (بیئوتی) یه کلوب یرلشمش و یرلی اهالی و حشیه یه حروف هجا و اصول اخذ و اعطایی او کردوب ممکن مرتبه اراثة طریق مدنیت ایتش و کندو نامنه اوله رق (۴۲۸۰ خ)

تاریخنده یعنی میلادك يك اوچيوز اون درت سنه مقدمنده دخی یونانستانده
(قاده) شهرینی یاپدیرمشدر .

§

﴿قادین﴾ یاخود (قادون) — ترکستانده معتبر خاتونلره ویریلو
بر عنوان ایدی . صحیحی (کتابانو) در .

§

﴿قار﴾ ثلج — بخار کلمه سنه نظر پیوريله .

§

﴿قاربون﴾ یاخود (فحم) کور — رایحه ولذدن عاری و غیر
مذاب وهوادن متأثر اولز بر جسم بسیطدر زیادجه حرارتله مولدالموضه
ایچنده ینارق حامض فحمی یه منقلب اولور . فحم الماس ایله غرافیت
(قورشون قلم معدنی) دنیلان مادهینی حصوله کتورر . قاربون طبیعتده
بشقه صورتده دخی موجود اولوب بعضیلری مواد زفتیه ومعدنیه ایله دخی
مخلوط بولنورکه معدن کوری یعنی واپور کوری دیمکدر . قرستالانمش
اولان قاربونه الماس دیرلر . اغاج کوری ناقل الکتریک اولدیغی کبی تماس
ایتدیکی غازلردن دائما بر مقدارینی بلع ایدر حتی غاز آونیاقدن (نشادر
روحی) طقسان کره کندو جحمی مقدارینی اخذایده ییلور و تسخین و احراق
اولندقدنه بوغازلر خروج وهوا ایله اختلاط ایتکله حامض فحمی نام غاز
وجوده کلورکه قیالو بر محله اولدیغی حالده انسانی تسمیم ایدر .

عادی کور رنگ و تعفی ازاله ایدر انک ایچون سرکه و بالقی یاغی مثللو رنگلی
مایعات کور توزندن سوزلدکده لونی زائل اولور و متعفن و بولانق صولر بو
یولده کسب رقت و صافیت ایلر .

§

﴿قارتاجنه﴾ — تونسك اوچ ساعت شمال شرقیسنده بر شهر قدیم
وجسمیدر شهر مذکورده عائذ اراضی بی (۲۷۳۴ خ) تاریخنده یعنی
میلادك سسکز یوز التمش سنه مقدمنده دیدون نام صولری بر قادین مبايعه
ایدرك اوراده قارثاج حکومتنی تأسیس و کیده رك اخلاقی حکومت
مذکورہینی لیا طرابلس غرب نومیدیا مونتیا واسپانیانك قسم جنوبیسیله

ساردنیا قورسیقه و مالطه یه قدر توسیع ایلدی . قارتاجنه شهرى و قتیله بشیوز یك نفوسی حاوی ایدی بوکا (قارتاغونوا) دخی دیر لر (قارتاجنه) اسپانیاده دخی برشهرک اسمیدر .

قارتاج دولتی (۵۱۸۴ خ) تاریخنده سچلیا اطهسنی دخی قرق اوچ سنه یونانلولرله محاربه ایدرک استیلا ایتدیسه ده یوز قرق الی سنه صکره رومالور علیهنه آچدیغی مشهور (پونیک) محاربه سنک صوکنی کتوره مدی یعنی یوزاون سکز سنه سورن محاربه مذکوره نهایتده مغلوب و منقرض اولدی . (پونیک) کله سنه نظر بیوريله .

§

﴿ قرتال ﴾ — یرتیجی قوشلردن بریوک و سیاه قوشدر قوت و شوکتک صورت مثالیه سی اولق اوزره شکلی بعض دولت آرملرینه ترسیم اولنور . روسیه و پروسیا و اوستریا دولترى بونی ایکی باشلی تصویر ایدرلر . پروسیاده سیاه و قرمزى قرتال نامريله ایکی نشان اولدیغی کبی پولونیاده (۱۷۰۵ م و ۱۱۱۷ هـ) ده بیاض قرتال و (ورتنبورخ) ده دخی (۱۷۰۴ م) تاریخنده التون قرتال نشانلى احداث اولمشدر .

§

﴿ قارتوزر ﴾ — حذاقتپروران ارباب طب بدندر (۱۷۰۴ م و ۱۱۱۶ هـ) تاریخنده حایتی ده تولد و (۱۷۷۷ م و ۱۱۹۱ هـ) تاریخنده وفات ایلدی . کیمیا و امراض داخلیه یی (اودر) نه ری اوزرنده واقع فرانقفورت شهرنده تدریس ایدردی . مواد طبیعه ده مشهود عیون اعتبار اولان تحریاتی اجزاجیلیق فنی اصلاح ایشدر و بوندن بشقه دخی کیمیای طبیه دائر تألیفات عدیده سی واردر .

§

﴿ قاردان ﴾ — اوروپانک اون النجی عصر علماسندندر (۱۵۰۱ م و ۹۰۷ هـ) ده پاوی ده تولد و (۱۵۶۶ م و ۹۸۴ هـ) ده وفات ایشدر ریاضیاتی و مؤخرأ میلان و پولونیاده طبی تدریس ایدرک اسقوجیا و انکلتزه و فرانسه یی سیاحت و هر برنده خارق العاده مداوی اجرا ایلدیکی حالده

روماده انقاس معدوده حیاتیه سنه ختام و یردی علم حکمت و کیمیا و ریاضیاتده
کشفیات دقیقه سی و اردر . هنوز قاردان دستوری نامیه مسمی اولوب
بعض معادلانده استعمال قلمقده اولان اصولی بویا میشد . احکام نجومه
دخی معتقد ایدی حتی وفاتی قنخی وقت وقوعه بولجغنی نجوم واسطه سیله
تعیین ایدوب زمان معین حلول ایتدکده کندوسنی استخراجنده مصیب
کوسترمک ایچون بالاخیار آچلقدن تلف ایتدی دیرلر . نه اصابت !

§

﴿ قاردینال ﴾ — روما کلیساسنک ال پیوک مأمور روحانیلریدر
قاردینال لفظی لاتینجه ده باشلیجه معنا سنه اولان قاردینالین لغتدن آلمشدر
بو مأمورلر پاپانک مشاور و معاونلری مقامنده اولوب (قونقلاف) نامی
النده بر خصوصی جمعیت تشکیل ایدرلر و حین اقتضاده پاپالغه انتخاب
اولورلر . روما امپراطوری (تئودوس) دن بر زمانه قدر باشلیجه مناصبی
حائز اولانلره یعنی آسیا و افریقاده بولنان ضابط واردو جزالریله ایالات
والیرینه دخی قاردینالین تسمیه اولنورایدی مؤخرأ بونام روماده بیوجک
محله پاپاسلرینه دخی ویرلکه باشلادی . اون برنجی عصره قدر بوجله
یکوب (۱۱۸۱ م) تاریخنده رومانک پیوک پاپاسلری باشلی باشلرینه پاپا انتخابی
حقنه مالک اولدقارنده مطرانلر اوزرینه دخی تفوق قزانیدلر و (۱۵۸۶ م)
ده یعنی (سیکست کنت) زماننده مقدارلری یتیش نفره ابلاغ اولندیلر .
ایوم قاردیناللر (مطران) و (ایکنجی صنف) و (شماس) ناملریله اوچ
صنفه تقسیم اولنورلر .

§

﴿ قارناق ﴾ — مصرده تب شهرنده ونیک صاغ طرفنده بر مشهور
معبد ویا سرائک اسمیدر اون ایکنجی سلاله فراغنه نیک مؤسس سیروستریس
یاخود رامسس طرفندن بنا اولندی . یوز اوچ مترو طول و او توز مترو
عرضنده یوز یکرمی درت دیرکلی بر صالونی وار ایدی و اشبو دیرکلرک
طولی یکرمی اوچر مترو اولوب صالونک دیوارلر زده ایسه خط تصویر ایله
برچوق یازیلر و شکلر بولنور ایدی .

§

﴿قارناوال﴾ — پرهیزدن اول شـنـك و اكلنجـه زمانـی اولـهـرق تعمید عیسی كونه تصادف ایدن ۶ كانون ثانیده باشلابوب پرهیزك ايكـنجـی صـالی كونی ختام بولمقده در . قارناوال كلمه سی لاتینجه ات یوتمق معناسنه اولان (قارنوآوالی) دن مأخوذدر خرسیتیانلر پرهیز اثناسنده ات اكلندن ممنوع اولدقلری جهتله ممنوعیت مذكوره نك آجیسنی چیقارمق اوزره بوموسمه زیاده ات یوتدقلرندن قارناوال دیدیلر . بعضیلرینه كوره قارناوال اته الوداع معناسنه اولان (قارووالی) دن مشتقدركه بوقول دهـا طوغری كورینیور . انواع لعبیات وبالور و صوك بازار و صوك صالی كیجه لرینك مسخره لقلری بوموسمك باشلیجه اكلنجدلرندندر . ونديك و باخصوص ممالك جنوبیه اهالیسنك قارناواللری سائر لرلر دن دهـا مطمئن كچر . بوعادت قدما ویا پاپاسلرك عمومی شنكـلری بقایاسندن برمـسخره لك اولدیغی دخی ظن ایدلمكده در .

§

﴿قارنجـه﴾ — علم حیواناته ذو جناحیه النصف زمـره سـنـدن بر حیواندر جمعیتله یشارلر خادمـلری غیر مکمل اولان نساللریدر بونلر قنادسز واعین بسیطه دن عاری و باشلری بسوك واوزون ایاقلی اولورلر قارنجـه لك ارکـکـلری ایله دیشـلری قنادلورلر و بر مدت صـکـره جمعیـتـلـری ترك ایدرك هوالنوب هـواـده چفتلشورلر و چفتلشدكـدن صـکـره ارکـکـلری تلف اولوب دیشـیلـری طیراغه دوشـرلر و قنادلری ضایع اولهـرق یـکـیـدن برجاعت تشکیل ایدرلر .

اورمچك كبی قارنجـه لـده دخی ایچـه فراست حس اولنور بونلر یرالتنده اتفاقله طیراق طاشیهـرق منتظم بووهـلر یـارلر و طاشیدقلری حبوباتی نشؤ بولماق ایچون باشلری قیرـهـرق یووهـلـرینه استـفـ ایدرلر و یغمورایله یووهـنـك ایچـنه طیراق کیردیکی حـالـده هوا آچلدیغی كبی او طیراغی بنه اتفاقله طیشاری چکـرلر و ایچـلـرـنـدن بری یووه جوارنده تلف اولور ایسه ایکیشر ایکیشر کیدوب اوتلف اولان قارنجـه یی بره کومرلر وایشلری بتدیکی وهوا آچیق اولدیغی زمانلرده برلریله اویناشورلر .

§

﴿ قارون ﴾ — موسی علیه السلام عمزاده سی یاخود خاله زاده سیدر جناب موسی وهاروندن صکره بنی اسرائیل اعلم وافضلی ایدی وحسن وجمال صاحبی اولدیغنه بناءً (منور) تسمیه اولنورایدی مالک اولدیغی خزان نامحدوده نك کمال طمعندن ناشی زکاتنی ویرمک استیوب امر الهی یه قارشو کلدیکنه وفضله اوله رق بر فاحشه یه (موسی بکا سوء معامله ده بولندی) دیو افتزالر ایتدیردیکنه بناءً بقدره الله تعالی کندوسی وهواداری اولان سائر زکات قاجتینلری جله مخفف اولدی. بووقعه نك قارونك مملکتی اولوب حایله حص اره سنده بولنان (رستن) نام شهرده ظهوره کلدیکنی دخی روایت ایدرلر.

§

﴿ قاری ﴾ یاخود (قاریا) — الیوم منتشا لواسی دنیلان قطعده نك نام عتیقیدر غرب وجنوب غریده دکر شمالا لیدیا شرقاً ییریدی ولیسی ايله تحید اولنور هالیقارناس ومیلاس و الاباندا وآلیند باشلیجه شهرلرندن ایدی. قاری ایالتی بر وقت فنیکه و یونان مهاجرلری ايله مسکون ومعمور اولدیغی حالده مؤخرأً (کیخسرو) نام عجم حکمدارینک زیرجایه سنه یکدی ومعافیه بویامده (موزون) و (آرتیمس) کبی بعض مستقل حکمدارلری کلوب مؤخرأً اسکندرک وفاتندن صکره قساندره آنتی غونه لیرنماقه ردوسلیرله رومالیرله انتقال ایدرک نهایت عربلرک و سلچوقیلرک وبعده (۱۳۲۶ م و ۷۲۷ هـ) تاریخنده عثمانلیلرک ید اقتدارینه دوشدی.

§

﴿ قاسم افندی ﴾ بن یحیی — رجال خلوتیه دن کشف وکرامت صاحبی برذات اولوب بروسه ده امام قاسم نامیله بنام اولمشیدی وحدت وجود حقنده حقیقت آمیز بعض سوزلری واردر صدر اعظم داماد ابراهیم پاشانک دعوتیله استانبوله کلوب بر مدت مجلس آرای ارشاد و معرفت اولدی مرشدی شیخ مصری حضر تلیدر.

§

﴿ قاسم ﴾ — یمنده والی حسن پاشانک اولاد مطهری برر صورته جلب ودر سعاده ارسال ایلدیکندن برقاج سنه صکره یعنی (۱۵۹۷ م

و ۱۰۰۶ هـ) تاریخنده امامت دعواسیله قیام ایدن ذاتدر . بوذات بلاد
 ظاهر اهاالیسنی کندویه بیعت ایتدیرمی اوزرینه پاشای مومی الیه مخالفی
 اولان بعض قبائل رؤساسنی کندو عسکرینه ترفیق و قول قول تفریق
 ایدرک بر قاج محاربه دن صکره قاسمی کو کبانده تحصنه مجبور ایتدیسده
 براز صکره قاسمینه میدان بولوب دولت طرفداری اولان عبدالرحیمی کندویه
 دخیل دوشوردی و عبد الرحیم قاسمک امنیتنی بالاستحصال طرفندن سردار
 تعیین و ارسال اولندقدن صکره اشای محاربه ده ینه دولت عسکرینه دخالت
 ایتدی . بوسرده سید عامر امیر احمد و بشقه ناملرده دها برچوق کیسه لر
 ظهور ایدوب امامت و استقلال دعواسیله بر لر ینه کیرشیدیلر . بونلرک
 بعضیلری والی حسن پاشایه و بعضیلری امام قاسمه طرفدار ومع مافیة متلون
 الافکار اولدقلرندن والی کیمه نصل معامله ایده جکنی شاشیردی قالدی .
 سنان پاشانک والی اولمسی اوزرینه (۱۰۱۲ هـ) تاریخنده مرقوم عبدالرحیم
 دولت طرفدار لغندن دخی چیقوب تکرار قاسم ایله برابر اولمغله بر قاج سنه
 صکره طوتیلوب درسعادتة نفی اولندی . بری طرفدن ایسه قاسمینه قوت
 بولوب برچوق لرلی صدمه تسخیرینه دوچار وریات عساکر عثمانیه یی
 بیوک بیوک هزیمتله اوغراده رق نکونسار ایتدی (۱۶۱۸ م و ۱۰۲۸ هـ)
 تاریخنده یکی والی اولان حاجی محمد پاشا کلوب خطه یمانیه نک هر طرفنی
 آتش حرب و قتال ایله مالا مال بولمغله دفعنه برچاره دوشینوب نهایت قبله
 جهتنده اولان (اهنوم) (سوده) (صعده) و سائر ممالکک امام قاسمه ترک
 اولنسنه قرار ویردی و فی الواقع بوصورتله آسایش تدریجاً عودته باشلاوب
 بواشاده یعنی (۱۶۲۶ م و ۱۰۳۶ هـ) تاریخنده امام مومی الیه دخی وفات
 ایلدی . مومی الیه جد اعلاسنی علی بن ابی طالب رضی الله عنه حضرت لرینه
 ایصال ایدر ایدیسده اصولده مذهب زیدیه یه تابع ایدی . فقه زیدیه دن
 (الاعتصام) و علم کلامدن (اساس) نام کتابلری تألیف ایتشد .

§

﴿ قاسم ﴾ پاشا — سلطان سلیمان وزراسندندر لقبی (کوزلجه)
 ارتحال (۱۴۳۳ م و ۹۴۰ هـ) تاریخنی ایدی . الیوم درسعادتده محل
 معروفده واقع قاسم پاشا جامع شریفنی بوذات انشا ایتدیرمشدر . قاسم پاشا

مولویخانه سنی دخی غلطه مولویخانه سی پوست نشینلکنندن انفصال و (۱۶۳۰ م و ۱۰۴۰ هـ) تاریخده وفات ایدن شیخ عبدی دده حضرتلری بنا ایتدیردی مشار الیهک سبب انفصالی شارح مشنوی اسماعیل دده حضرتلرینک غلطه مولویخانه سی مشیخته تعیینی اولمشدر.

§

﴿قاضی ابوالطیب الطبری﴾ — نام نامیسی مشهور آفاق واقطار و فوایح رواج شناسی محسود صنوف ازهار اولان طاهر بن عبدالله درکه صورت حالی وصف و اصفدن عالی و کوهر ذات نظیفی درر بسط و بیاندن عالی ایدی. عراقین اها لیلی جله کندیوسندن استفادۀ علوم و معارف ایتشلردر. ولادت طبرستانده (۹۵۹ م و ۳۴۸ هـ) و وفاتی (۱۰۵۸ م و ۴۵۰ هـ) تاریخده در.

مشار الیه (کرخ) شهرنده نیجه مدت منصب قضایه زینتبخش اقامت اولدی عراقیون هر قن قاضی لفظنی اطلاق ایلسه لر مراد لری بودر. نته کیم قاضی لفظیه خراسانلر حسینیلری و معتزله عبد الجبار استر آبادی بی و اشعریه اصولده ابو بکر باقلانی بی مراد ایدر.

§

﴿قاضی ابوالقاسم تنوخی﴾ — (۸۹۱ م و ۲۷۸ هـ) تاریخده انطاکیه ده قدمهادۀ صحرای وجود اولدی. بعض تواریخده سلسله نسبیه قدماء ملوک تنوخن حارث بن فهم نام ذاته نسبت قلمقده در. جود و سخاوت و لطافت طبع و حسن معاشرتله برابر علوم عالییه و آلییه و فنون ادبیه و هیئتده و حید عصری اولوب مدت حیاتی بصره و اهواز کبی او وقتک ممالک شهیره سندن اولان شهر قاضی قلمقرنده منقضی ایشدر. روایت کوره کندیوسی فقهاء خفیه دن اولدیغی حالده معتزلی الاعتقاد ایدی (۹۵۳ م و ۳۴۲ هـ) تاریخله بصره ده حکم قضا ایله منصب حیاتدن منعزل اولمشدر.

مومی الیه صاغلغنده فن مخصوص و ساطتیه زمان مماتی دخی تعیین و اصابت ایلدیکی جله مرویاتندر.

§

قاضی ایاس ^۱ بن معاویه بن مرة المزنی - کینه سی ابو وائله
 اولوب (۷۳۹ م و ۱۲۲ هـ) تاریخنده وفات الیشدر فصاحت لسان
 و بداعت بیان و باخصوص کمال فهم و فراستده (ازکی من الایاس) ضرب
 مثیله معروف جهانیان اولوب ملوک امویه دن عمر بن عبدالعزیز دورنده
 بصره قاضیسی ایدی . ایاسک ابتدا معروف بالذکا اولسنه باعث بودرکه
 حداثت سننده شامه واروب عبدالملک بن مروان طرفندن منصوب قاضی
 حضورنده مخاصمه ایلدیکی برپیر سالخورده ایله ترافعه باشلادقده قاضی
 معارفه سابقه سنه بناء پیری جایه و تخلص املیله ایاسه سن هنوز حدیث
 السن برچوجق ایکن بمقوله یاشلی باشلی بر اختیار آدمی تعجیزدن اوتانمز میسک
 دیمکه ایاس یا قاضی بن حق طلبنده یم حق ایسه بوآمدن دهاییو کدر دیدی
 قاضی جوابندن اظهار عجز و مکابره ایله اسکت یا صبی دیو سکوتنی امر
 ایلدیسده ایاس بن سکوت ایلدیکم زمان دعوامی کیم ادا و افاده ایدر
 دیهرک قاضینک بسبتون عرق غضب و حدتنی غیجقلدیغندن قاضی کمال
 غضبله یاصبی اکلادم که بومجلس آخر اولنجه سندن برکله حقه صادر
 اولیه جقدر بناء علیه ارتق نه سوبلرسک عنیدمده کذب و دروغدن
 عبارتدر دیدکده ایاس همان (اشهد ان لا اله الا الله) دیوب قاضی بی
 فنا حالد اسکات و تخییل ایلدی .

مشار الیهک بومثللو اجوبه مسکته و براهین عقلیه سنه نهایت اولیوب ازجمله
 برکون دخی مجهولی اولان برشخصه عطف نگاه ایدرک بوشخص شهر
 واسطده بر مکتب معلی در و فرارده بوانان غلامی ارامقده در دیدی .
 و تفتیش و تفحص اولندقده افاده سی کبی چیقدی ایاسک شخص معهود
 معلومی دکل ایکن احوالنه و قوفی بر امر غریب اولغله کیفیت تفرسندن
 استفسار ایلدکرنده ایاس کوردم که چارشو وپازارده کررکن اطراف و اماکنه
 دقتله نکران اولور بلدم که غریب الدیادر و لباسنده کی قرمزی
 طپراق نشانه سندن اکلادمکه واسطی در و صبیانه راست کلدیکه سلام
 و یروب رجاله سلام داده اولدیغندن تفرس ایتدیمکه مکتب خواجه سیدر
 وهبت و حشمت صاحبی اولنله التفات ایتیبوده خلقک البسه سنه

و خصوصیه کهنه جامه ده وزی فقراده بولنائلره دقتله باقیشنندن حس
ایتد مکه کوله سنی ارامده در جوابنی ویره رک هر کسی فراسته حیران
ایتدی . ایاسک ذکا و فراسته متعلق اخبار عجیبه و آثار غریبه یی مشتمل
اولق اوزره بر کتاب دخی تألیف اولنشد .

§

﴿ قاضی برهان الدین ﴾ — برهان الدین کله سنه نظر بیوریه .

§

﴿ قاضی بکار بن قتیه ﴾ — حنفی المذهب بر ذات پاکیزه مشرب
ایدی (۸۶۰ م و ۲۱۶ هـ) تاریخنده واحد بن طولون زمان اداره سنده
مصر قاهره قاضیسی نصب اولندیسه ده بر مدت صکره حاکم مشار الیهک
موفق بن متوکل عباسی یی خلع ایچون وقوعبولان دعوتنی نظر اجابته
آلمدیغندن زندان بندایدیلرک (۸۸۳ م و ۲۷۰ هـ) تاریخنده محبوساً ترک عالم
زندکانی ایلدی . موی الیهک محبوس بولندیغی مدتیجه دخی زندان پنچر سنده
تدریس علم حدیث ایلدیکی محکیدر .

§

﴿ قاضی زاده ﴾ — کزیدکان علمادن شیخ الاسلام احد شمس الدین
افندیکن شهرتیدر ایکی بیچق سنه مشیخت ایدوب (۱۵۸۰ م و ۹۸۸ هـ)
تاریخنده رحلت ایلدی (هدایه) (تجرید) (تلویح) (مواقف) نام کتابلره
شرحی و شرح مفتاح حاشیه سیله دیگر بر چوق تعلیقاتی وارد و در سعادتده
(چرچر) مسجدی جله آثار خیره شهرتندر .

دیگر (قاضی زاده) — اسمی محمد در بو ذات کرسی شیخ نرندن اولوب دائماً
آیین مولویه و خلوتیه بی رد و تزییف ایدر ایدی مرقومک بو خصوص ولعن
یزید و مسئله ابون و ترضیه و تصلیه و صلاة رغائب و قدر و حیات حضر
مسئله لری اوزرینه چیقارمش اولدیغی اختلاف بین الناس موجب قیل وقال
اولهرق خیلی زمان سورمش و کندوسنک و فائندن یکر می ایکی سنه صکره
اشبو قاضی زاده لیلر ایله صوفیه کروهی فاتح جامع شریفنده مسلماً ازدحام
ایدوب او آنده بر مقالتله و قوعی ملحوظ ایکن بر تقریب جمعیتلری طاعیدلشد
وفاتی (۱۶۳۴ م و ۱۰۴۴ هـ) تاریخنده وقوعبولدی .

§

﴿ قاضی عضد ﴾ — متن مواقف مؤلفیدر (مواقف) کله سنه
نظر بیوریه .

§

﴿ قاضی فتح الدین ﴾ محمد بن عبدالله بن عبدالظاهر — کتابت
وانشا و محدث لکده مهره امتدن اولوب (۱۲۱۰ م و ۶۳۸ ه) تاریخنده
قاهرده تولد ایلدی . عقل ورأی و همتی سببیه منصور قلاوون زمانده
کسب جلالات و سیادت ایش و ملک مشار الیهک من کل الوجوه و ثوق
و اعتمادینه مظهر اولمشیدی بناءً علیه منصور قلاوونک سر کتابت خدمتی
الی الممات کال امن و صداقتله محافظه به بذل مجهود ایلوب (۱۳۸۸ م
و ۷۹۱ ه) ده کندو پدرینک حال حیاتنده وفات ایلدی . ابن الاثیر و امثالی
فضلا حقنده مرثیه لر سولشدردر .
و کندوسی دخی شعرادن اولوب اشعارندن برقاج بیتی آلتشدر .

ان شئت تنظرنی و تنظر حالى فانظر اذا هب النسيم قبولاً
فتراه مشلى رقةً ولطافةً ولاجل قلبك لا اقول غليلاً
فهو الرسول اليك منى ليتنى كنت اتخذت مع الرسول سبيلاً

§

﴿ قاضی کوی ﴾ — (خالکیدونیا) کله سنه نظر بیوریه .

§

﴿ قاضیمیر ﴾ — (حسین) کله سنه نظر بیوریه .

§

﴿ قافقا ﴾ — قریم شبه جزیره سنده الیوم (کفه) دنیلان شهرک نام
قدیمیدر .

§

﴿ قاقوله ﴾ جهان — نباتات هندیه دندر عادیسى (آموموم
ارچوزوم — آموموم قارداموم) بونک اثماری عنقود هیئتنده متحد یاخود
منفرد مدور کراس حجمنده اوله رق ملتصق اوج قوزده دن مرکبدر وقوزدهک
جدارلری سرت ورقیق و رایحه سی نافذ و ترمنیشی ولذتی حریف و محرزدر .
کوچک قاقوله یاخود کوچک مالابار قاقوله سی (آلینیا قارد آموموم)

بونك قوزه سی بیضی و ثلاثی الاضلاع قوامی سرت بروزی غیر منتظم رابحه سی و غایت کسکین و ترمندی به مشابه در . طویل مالابار قاقوله سی دخی اولکی نوعدن ایسه ده بروزی قرمزی به مائل و غایت عطریدر بونك قاقوله نك سیلانیسی و آمریقیسی دخی واردر بونك جله سی معدوی معرق منبه دافع ریج اولورلر .

§

﴿ قالكوتہ ﴾ — هندستانده بنگاله ایالتنك و بالجمله انكلیز هند مستملكاتنك مركز اداره سیدر غانك بفرعی اولان هوقلی نهری اوزرنده واقع اولوب یالكز درت بیکی انكلیز اولق اوزره درت یوزیه نك نفوسی حاویدر واروشلری دخی داخل حساب اولدیغی حالده مجموع نفوسی بریجق ملیونه بالغ اولور كوزل لیمانی و (فورویلیام) نامنده جسیم برقلعه داخلیه سی واپك و پموق اعمالاتی و متعدد مطبعه لری واردر و اراضیسی الحیق و بطاقلقدر اصل شهر باشلیجه ایکی محله به تقسیم اولنور برینه بیاض شهر و یا (چاوورنغه) واروشی دیگرینه سیاه شهر دیرلر ایکنجیسی غایت ملوث و نامنتظم ایسه ده اویری فوق الغایه كوزل اولوب یونان طرز معماریسی اوزره انشا ایدلشدر تجارتی نهایتسز درجه واسع و صناعتی بر اولقدر متوسع در .

قالكوتہ و قتیله برکویچکز ایکن (۱۶۸۶ م و ۱۰۹۸ ه) تاریخنسده لوندره قومپانییه سی طرفندن منتظم صورتده تأسیس اولندی .

§

﴿ قالموق ﴾ — مغول جنسندن برطائقه در قسم اعظمی ترکستان چینیده چونغار یا ایالتنده ساکندرلر بونل درت بونك قبیله به تقسیم اولنورلر شوبله که (۱) کوه نوره قرق بیک فاملیایی شامل اولان خوشورلر (۲) یکریمی بیکدن اوتوز بیکه قدر فاملیایی مشتمل بولنن چونغارلر (۳) چونغار یانك غربنده ساکن قلیل الافراد طورغودلر (۴) بعضیلری چونغارلردن و سائرلری طورغودلردن مرکب اولان توریتلردر . باقیلری روسیه ده و وانا نهرنك صول کناری و (قوما) نهرنك طرفینی اوزرنده خیمه نشین اولوب بونلر دخی اون بش بیک خیمه صاییلورلر .

قالموقلر كوچك ضعيف چركين اولوب باشلى يصى كنىش كوزلى طار
دوداقلرى قالىن بوزلرى ازيلمشجه سنه يصى صاحپلى سياه رنكلى اسمردر
لطيف ومهمنانوازيسه لده حيله كار وتبلدرلر . بونلر (لامه) ياخود
(شامه) نامنده برمذهبه معتقد اولوب (بودا كلمه سنه نظر يوريه) منتخب
برخان واسطه سيله اداره اولنورلر وقيون آت مثللو دواب ومواشى
بسارلر . قيرقيز ونونايلرك حرركات غارتكرانه لرينه قارشو محافظه حدود
ايچون روسيه دولتى بونلردن برمقدار عسكركه الموده در .

قالموقلر عن اصل تركستانده ساكن ايكن اونيدنجى عصر ميلاديه روسيه
ممالكنه هجرت ايتشلايدى (۱۷۷۱ م و ۱۱۸۵ ه) تاريخنده روسيه نك
اداره سندن عدم خشنود بيلردن ناشى قسم اعظملى چونغاريايه نقل مكان
ايتديلر .

بونلره (اليوت) و (خويرات) دخی ديرلر ورئيسلرينه (فوتانجى)
تعبير ايدرلر .

§

﴿قاله دونيا﴾ — اسقوچيانك وياجنوبى بريسانانك نام قديمدر
بوراسى و قتيله اسقوت و ييكت نام ايكي مختلف قوم طرفندن مسكون ايدى .
(قاله دونياى جديد) — انكلتره دولتك امرىقاي شمالى مستلكا تندن
برقطعه در روشو نام طاغلرك غربنده بونلور ووسعتى طولاً ۸۸۰ وعرضاً
۷۰۰ كيلومترو تخمين اولنور هواسى صفوق و تجارتى توكة متعلق اشيا دن
عبارتدر .

(قاله دونياى) جديد — بحرمحيط معتدله براطه در آستراليانك شرق
جهتنده و طولاً ۳۷۰ وعرضاً ۵۰ كيلومترو وسعتنده اولوب
يرلى اهاالىسى التمش يكدن عبارتدر بونلر عموماً مرد مخوردلر ساحل
شماليسنده (بلاط) نامنده ايشلك برليمان واردر ساحل جنوبيسنده دخی
فرانسز واليسنك مقرى اولان (پوردو فرانس) شهرى بونلور (۱۷۷۴ م و
۱۱۸۸ ه) ده اشبواطه (قوق) نام سياح بحرى طرفندن كشف و ۱۸۵۳ ده
فرانسزلر طرفندن ضبط و اشغال اولندى .

§

﴿ قاله وره ﴾ — رومجھدن مأخوذ اوله رق یمالی پاپوش ودری
اعمالاتی معناسنه کاور الیوم میری به ایاق قابی اعمال اولنان محله قاله وره
خانه دیرلر .

§

﴿ قالیکوله ﴾ — روما ایمپراطورلرنندئر (۵۶۳۳ خ) تاریخنده
یعنی میلادک اوتوز طقوز سنه مقدمنده جلوس ایدوب درت سنه سلطنت
سور دکن صکره یتاغنده قتل اولمشدر . مجذوب دینیجک قدر بر عقله
مالک ایدی مرقومک قز قرنداشیله پسترنشین مجامعت اولدیغنی و قدس شریف
یهودی لرینی کندو تصویرینه پرستشه اجبار ایتدیکنی احوال مجنونانه سی
جمله سندن اولمق اوزره روایت ایدرلر .

§

﴿ قالیفورنیا ﴾ — امریقای جنوبیده واسع بر قطعه در بحر
محیط معتدل سواحل اوزرنده تمتد اولوب قالیفورنیای علیا و سفلیا
تقسیم اولمشدر بوراسی خیلی زمان اسپانیولره تابع ایدیسده الیوم
قالیفورنیای علیا امریقای مجتمعه ده و سفلا مکسیقا اداره سنده بولنور بولردن
(قالیفورنیای سفلا) — بریوک شبه جزیره در شمالاً قالیفورنیای علیا
غرباً بحر محیط معتدل شرقاً قالیفورنی کورفی ایله محدود اولوب یک
ایکیوز کیلو مترو طول و یوز کیلو مترو عرضی و اوتوز بش یک اها لیلی
واردر باشلی شهرلی (پاز) (سان آن توتیو) (لوریتو) در برچوق
یوکسک سلسله جبال ایله مستور اولوب بونلرک بعضیلری آتشفشاندر و کوش
معدنلرینی حاویدرلر وهواسی صیحاق و اراضیسی مختلف و علی الاطلاق
قومصال اولوب بغدادی چوید شکر قاشی زرع اولمقده و برچوق
حیوانات بسیلمکده در . بوراسی (۱۶۰۲ م و ۱۰۱۱ هـ) تاریخنده اسپانیا
تصرفنه کچدیسده (۱۸۲۳ م) تاریخنده مکسیقا حکومتلری اقسامه
داخل اولدی .

(قالیفورنیای علیا) — امریقای مجتمعه حکومتلرندن بریدر شمالاً
اور یغسون غرباً بحر محیط معتدل جنوباً قالیفورنیای سفلا ایله محدود و مقری
(سان ژوی) و مشهور شهرلی (مونتری) (سان فرانسیسکو) و سائر در

(۱۸۴۰ م و ۱۲۵۶ ه) ده اکثریسی وحشی انجق یکرهی یک نفوسی وار ایکن الیوم اوج یوز یک نفوسی حاویدر . ایکی سلسله جبالی وساقرامینتو وسان ژواکیم نامنده ایکی بیوک نهری اولوب بونهزلده خیلی التون وسائر ذی قیمت معدنلر بولنور . هواسی معتدل اراضیسی منبتدر اقطار مختلفه دن لایعد کیمسهلر بورایه التون ارامعه کلدکلرندن بوسبيله نفوسی ازوقت ایچنده برتزايد فوالعادهیه مظهر اولمشدر . بوقطعهیی (۱۵۴۲ م و ۹۴۹۰ ه) ده قاپریو نام اسپانیول کشف ایتدی . مکسیقادن امریقای مجتمعه اداره سنه انتقالی (۱۸۴۸ م) تاریخنه در .

§

❖ قالدینیکوس ❖ — یدنجی عصرده یتیشان روم معمارلرننددر . مصرده (الیوپولیس) ده طوغدی (قریژوا) نام برنوع آتشی اختراع ایتدیکی مرویدرکه (۶۷۳ م و ۵۴ ه) تاریخنهده ایمراطور قسطنطین ساسانیلرک دونماسنی (سیریق) ده بو آتش معاونتیه احراق ایلشیدی . قالدینیکوسک اشبو آتشه دائر اولان سری الیوم مجهولدر . برارهلق بر فرانسزلی طرفندن مجدداً بولندیسهده (۱۷۵۶ م و ۱۱۷۰ ه) ده بعض مطالعهیه مبنی شیوعندن احتراز ایدن اون بشنجی لوئی تکرار اونوتدیردی وآنندن صکره بتون بتون سره قدم باصدی .

§

❖ قالمبوج ❖ — آسیاده آنام قرالیتنده برحکومتدر . شمالاً لااوس شرقاً خصوصی قوشنشین وسیامیا غرباً سیام قرالیتی جنوب غریبه دکر ایله محدوددر طولاً یدیوز عرضاً درتیوز کیلومتره اتساعنده اولوب بر ملیون نفوسی حاوی و (پانومنیق) یاخود (صایقونق) شهری مقریدر . اراضیسی قالمبوج نهری واسطه سیله اسقا اولنور ایچجه التون وکوش معدنلری و صندال و ضمغ و پرنج حاصلاتی و قیلان و کرکردان کبی حیوانات وحشیه سی واردر مذهب حاکم بودادر .

قالمبوج مقدا مستفل اولوب اون سکرینجی عصره واسطه طوغری آنام قرالیتنک بریالیتی حکمنه کچمش و (۱۸۰۹ م و ۱۲۲۴ ه) ده وقوعبولان برمحاربه مدیده

عقبنده سیاملر واناملر بیننده تقسیم اولنش ایکن (۱۸۵۸ م) ده فرانسلرله
انام ایمراطوری علیه آچیلان محارباتنه اشتراکاری سایه سنده جایه دن
قورتلشدر .

§

﴿ قامش ﴾ بیرامی — اسکی دینداشلرینک (تیه) صحراسنده
یکوردکاری حال بدویتی تذکار ایچون یهودیلرک هرسنه قامش چارطاقلر
التنده اجرا ایتدکاری بیرامدر .

§

﴿ قاموس ﴾ المحيط — مجدالدین فیروز آبادینک لغات عربیه یی
جامع کشیده سلک تألیف ایتدیکی اثر جلیل یعدیلیدر . (مجدالدین)
کلمه سنه نظر بیوریه .

§

﴿ قاموس الاطباء ﴾ — رئیس اطباء مدین بن عبدالرحمن مصرینک
مفردات طبیه یی جامع اثریدر .

§

﴿ قان ﴾ — انسان و حیوانک وجود و حیات ظاهر یسنی ادامه یه
سبب اولان ماده مایعه در . ذوالفقرات اولان بالجمله انسان و حیواناتک
قانی قوی قمرزی و بعض کوچک حیواناتک یشیل و برچوق بوچکلرک
و حیوانات ناعمه و عساکبک آچیق مائی رنکده و منتقد الجلود حیواناتک
بی رنکدر . قان بورنکی اجزاسندن اولان (کروات اجر) دن آلور
واشبوکروات چلیک قوتنی حاز اولدیغدن قانک برنجی جزئی عد اولنور .
بوندن صکره قانده برطاقم (کروات بیضا) دخی موجود اولوب بونک
غایت صغیر ورؤیتی ناقابل حیوانات ایدوکنه ذاهب اولمشدر .

صایلور دو قنورلردن بری بر ایکنه نک اوچنده طوره یسله جک بر کوچک
طمله قانده برملیون کرواتک موجود اولدیغنی ادعا ایتدی (اینانمز ایسه ک
صای) قان .

بيك قسم قائده موجود اولان مواد

صو	۷۸۳
كروات جرا	۰۶۳-
كروات بيضا	۰۶۳-
البومين — زلال	۰۷۵
فيرين — ليفين	۰۰۳
املاح متنوعه	۰۱۲
	۱۰۰۰

(قلب) كلمه سنه دخي نظر بيوريله

§

﴿قانت﴾ — المانيالي برفيلسوف مشهور در (۱۷۲۴ م و ۱۸۳۷ هـ)

تاريخنده كينغسبورغده تولد و (۱۸۰۴ م و ۱۲۱۹ هـ) ده وفات ايلدى
خيلي زمان مجهول و فقر و ضرورت ايچنده قالدغي حالده مؤخرأ مملكتي
دارالفنوننده علم منطق و حكمت خواجه لكينه نائل و صكره برلين اقاديمسنه
داخل اولدى .

مومى اليه علم فلسفه بي عريض و عميق تدقيق ايدرك مبدئي قوه مفكره اولوب
عقل و ذكا سايه سنده حاصل اولان علوم ايله علوم تجربى بي تفريق و بر
قاعده غريبه وضع ايدوب تجربى اولنرى تصديق و ماعداسنى يالكز
براعتقاده حصر ايلدى كه رواقيون مذهبي ديمك اوله جق . مومى اليه
فلسفيه و سائر علوم بشريه و تربيه اطفاله و دنيانك تاريخ طبيه سینه
وفيتونك اتخاذايتديكى اصوله موافق اوله رق نظريات افلاك و رياح و اجرام
سماويه دائر برچوق تأليفاتى واردر لکن تأليفاتنده كوريلان برطاقم
الفاظ غير مأنوسه و مبهمه و اشارات موجب اعتراض اولمشدر زيرا بومسلكي
شاگردلريني آجينه جق نتيجه لره سوق ايلدى .

§

قاندول — فن نباتات اربابنددر . (۱۷۷۸ م و ۱۲۹۲ هـ) ده
جنوه ده طوغوب (۱۸۲۱ م و ۱۲۵۷ هـ) ده وفات ايتشدر . اوله تحصيل
طبابت ايچون پارسه كلوب مؤخرأ علم نباتاته حصر اوقات ايتكله (۱۷۹۹ م) ده

نباتات مدهنه تاریخی تألیف وطبع و بر از صکره نباتاتک خواص طبیه سنه
دائر بر تألیف دهانشرا ایدرک (۱۸۰۶ م) ده احوال زراعتی تدقیق ایچون
بالجمله ایمراطورلق ممالکئی دوره مأموریت مخصوصه استحصال ایلدی .
عودتندن صکره (۱۸۰۸ م) ده مومیلیه نام طب مکتببنده نباتات معلی
اولوب (۱۸۱۳ م) ده تألیفاتنک الک کزیده سی اولان نظریات نباتاتی تألیف
و مؤخرأ جنویه عودتله اوراده مجلس حکمداری اعضاسی عدادینه کچرک
بوصره ده بالجمله نباتات معروفه نک تعریفات و توصیفاتنه دائر بر کتاب
مخصوص دهات تصنیف ایلدی که مؤخرأ بوتألیفنی تلخیص دخی ایشدر .
بولردن ماعدا بوچوق تألیفاتی ده اواردر باخصوص نباتات اوزرنده ضیای
شمسک تأثیراته دائر تجر به لری دخی دقته شایاندر . مومی الیه انواع نباتاتی
سکسان بیکه چیقار مشدر .

§

﴿قانون﴾ — چینده بونامله مشهور بریالتک مرکز اداره سیدر
بوشهر بکرمی اوچ درجه عرض شمالی و یوزاون بر درجه طول شرقیده
اولوب حوالیسی بش ساعت چکر بر حصار متین و اوچ قلعه ایله احاطه
اولمشدر و تقریباً الی یوز بیک نفوسی واردر (۱۸۴۰ م و ۱۲۵۶ ه)
تاریخی معاهده سنندن برو لیجانی اورویا تجارتنه آچیق بولنور .

§

﴿قانون﴾ — دایمارقه قرالرنندر دایمارقه ده کندولرینی
(اودن) نام آله بی ثمره منسوب اعتقاد ایدن بر طاقم دره بکترینک (۱۰۸۶ م
و ۴۷۹ ه) تاریخنده وقوعبولان هجوم و اقتحاملرله کلیسا دروننده اعدام
اولندی . قرال مومی الیه خرسیتیانلقده کمال تعصبنه مبنی عزیز طانتش و هر
سنه ۱۹ کانون اولده یورطیسی طوتلقده بولمشدر .

§

﴿قانون﴾ — عقل وقوه حاکمه طرفندن موضوع قواعد اطلاق
و بر قاج نوعه تقسیم اولنور . برنجیسی انسانی اعمال مبروره و افعال
حسنه اجراسنه مجبور ایدن (قانون اخلاق) در انسان عقل و ذکاسیله
کندوسننده وظائف مخصوصه افکارندن و محافظه منفعت قاعده لرندن عالی

برقاعده حس ایدرک حریتی مناسبتیه ده عقل و حکمتک وضع ایندیکی احکام قانونیه لزوم کورر و بالرضا اطاعت ایدر . امور سیاسیه دنیویه ایچون ترتیب و وضع اولنان قوانینده محافظه اخلاق حسنه و تمیز نیک و بد و تفریق حق و باطل و تعیین حق و وظیفه قاعده لری اساس اولوب اگرچه بعضیلری عدالت و ظلم قوانین ایله تعین ایدر دیدیلر ایسه ده صحیح دکلدر انلرک بوسوزلری (دائره چیرلمزدن اول نصف قطرلر بر برینه مساوی دکل ایدی) دیمکه بکزر هر حالده قانون حقوقه مستند و حقوق باشلی باشنه بر وظیفه طبیعی در .

ایکنجیسی مخصوصاً تشکل ایتش بر جمعیت معرفتیه موضوع اولان (قانون معاملات) اولوب متعلق اولدیغی ماده کوره بر چوق قسملره تقسیم اولنه بیلور (قانون اساسی) (قانون ملکی) (قانون عسکری) (قانون جزا) (قانون اراضی) (قانون تجارت) کی .

اوچنجیسی مخلوقاتک طبیعتلری ایجابی اوله رق تابع اولدقلری (قانون طبیعت) در .

دردنجیسی علم هیئنده (کپلر) قانونی و حکمت طبیعی ده (ماریون) قانونی کی حکمی دائمی الجریان مواد فیه در که بونلره دخی (قانون ریاضی) تعبیر اولنور .

حکمای سالفه قانونی (طبایع اشیادن متولد مناسبات ایجابیه) دبو تعریف ایدرلر ایدی . اک اسکی و مشهور اولان قانونلر هندلورلرک (مانو) قانونیه اسپارتلورلرک (لیقورخ) و رومالورلرک (ده سامور) و (قود ژوستین) و اتنه لورلرک (سولون) و چینلورلرک (خونقچو) و مصرلورلرک (اماسیس) و ایرانلرک (کیقباد) قانونلریدر بز بونلردن برازینک بعض فقراتی زیرده درج ایلدک .

قانونلرک اک یکیلری دخی دولت علیه نك قانون اساسیسی وانکلیرلرک (فردلوغران) ی و فرانسلرک (قود ناپلیون) ی و روسیه لیلرک (ایباروسلاو) ی در .

لیقورغ قونندن بعض فقرات

اعضای جمهوریه یکریمی سکر معتبراندن عبارت اوله جق و بونلرک تعیین ایتدیکی اصول و قوانین مواجهه عمومیه به عرض ایله تصدیق قلندیغی حالده دستور العمل طوتیله جقدر . اعضای جمهوریه حدینی تجاوز ایده مامک و حکمدارک نفوذی محدود بولنق ایچون هر سنه طرف اهاالیدن بش حاکم انتخاب اولنوب انلرک حکمیله اعضای مومی الیم مجازات اولنه جق و قانونک مناسب اولیان بعض احکامی تحکیح والغا ایدیله ییله جکدر . فقروغنا سوزلری اورته دن قالمق ایچون اراضی موجوده متساویاً هر کسه تقسیم اولنه جق والتون و کوش ایله اخذ و اعطا موجب سفاقت برابتلا اولدیغندن تیمورسکه ضرب ایدیله جک و تعیش ایچون انسانه بر فائده سی اولیان ترینات منع و ابطال قلنه جقدر . نحیف البنیه اوله رق دنیا یه کلان چو جقنلر سلامت وطن ایچون بر فائده سی اوله میه جغندن تلف ایدیلوب قوی البنیه چو جقنلر تعلیمخانه لرده تعب و مشقت و جسارته آ لشدیر یله رق یبودیله جک و حیل و خدعه حریه یی اوکر نمک ایچون سرقته مأذون قلنه جق و سرقت ایدرکن طوتلدیغی حالده تأدیب اولنه جقدر . بوندن بویله هر کس مال و ثروتجه یکدیگر یله مشترک بولنه جغی جهتله اخشام طعامی بر لکده ییله جکدر .

سولون قانونندن بعض فقرات

اغنیای بلده نلر ققرا ی اهاالی بی تحت منته طوتمق ایچون اقراض ایتش . اولدق قری مبالغه عوماً عفو اولنه جقدر . وزادکانه و یریلان امتیاز احما اولنه رق اهاالی حال حاضر لرینه کوره درت صنفه تقسیم و بشیوز کیله تخم زرع ایده یسلانلر برنجی و درتیوز کیله اکه یسلانلر ایکنجی و اوچیوز کیله اکه یسلانلر اوچنجی و بونلره چققیلیک ایدن ققرا ی اهاالی دردنچی صنف اعتبار وارد و افرادی صنف ثالثدن تشکیل اولنه جق و لزومنده اون سکر یاشدن التمش یاشنه قدر هر کس عسکر اوله جقدر .

اعضای مجلس در تیز کشیدن مرکب بر هیئت معرفتیه بولردن انتخاب اولوب صنف رابعک یا لکز اجتماع عمومیلرده رأی ویرمسی و سکر کونده بر کره اهاالینک اجتماع ایتیمی لازم کله چکدر .

زانلر ارباب رأی و مشورتدن اوله من و سناتو اعضاسندن بری سکر حالنده کوریلور ایسه در حال قتل اولنور و حکام و سناتو اعضاسندن بری علیهنه اهاالیدن التی بیک کشی اقامه دعوا ایدر ایسه اول حاکم و اعضا اون سنه نئی ایدیلور .

تأدیة دینه مقتدر اوله میان مدیونلرک داینه اسیر اولمق قاعده سنک الغاسی و مالدار اولیانلرک دولت خدمتیلرنده استخدام اولنماسی لازم کلور . و افسدیلرینه اهانته ایدن خدمتکارلره و مالی یهوده تلف ایدنلره عبرة للسائرین تمغا اوریلور .

﴿ خونیچو قونوندن بعض فقرات ﴾

حکمدار ایله تبعه و پدر ایله اولاد و زوج ایله زوجه میاننده مرعی اولان قواعد و ادابی اجرا ایله برابر زیرده محرر مواد خبسه بی ایفا ایلدیکمز حالده واضع قانون اولان و عقل و حکمتله متصف بولنان اسلاف کرامتزه اقتفا ایتیش اولورز . جناب حق عالم وجودک مصدری و اشیای مشهوده نیک منشئی اولوب کافه موجودات کندوسندن ظاهر اولمشدر اباء و اجدادیمز اندن متولد اولدقلری کبی کندولری دخی ذریات لاحقهیه و السد اولمشدر در بناء علیه انسانک برنجی وظیفه سی اجدادینه تشکر و دعا در .

برنجی ماده انسانیت یعنی بلا تفریق همجنس سمن اولنلره رحم و شفقتی بذل ایتکدر .

ایکنجی ماده عدالت یعنی افراددن هیچ برینه دیکرندن فضله روی مساعده کوسترمیوب هر کسک مستحق اولدیغی شیئی ویرمکدر .

اوچنجی ماده قواعد دینییه و جاریهیه امتثال اولوب بوده جمعیت ملیه بی تشکیل ایدن افرادک صورت تعیشی نسق واحد اوزره اولمق و استراحت و مشقته مشترک بولمق ایچون لازمدر .

دردنجی ماده انسانك استقامت یعنی قلب سلیم صاحبی اوله رق هر شیئك
صحتنی تحری ایتسی و هیچ بر کیمسه بی اغفال ایتامسی الزمدر .
بشنجی ماده انسان هر زمان صداقت یعنی اعتماد تامه و سربستی کامله
ایله طاور انوب قال و حالنده بر کونه ریا و ساخته کارلق اولما مقدر .

﴿ روه الیهلرك اوز ایکی لوحه نام قانونلرندن ﴾

سائرلك املاکنه اطاله دست خسار ایدنلر شدیداً مجازات اولنور .
سارقلر اثنای سرقتده مدافعه یه چالشدقلری صورتده کیچه و کوندز طو تلدیغی
انده قتل ایدیلور . بغدادی خرمنه آتش ویرنلر باغلی اوله رق ضرب ایدلد کدن
صکره آتشد یاقیلور . تأدیة دینده عجز کوسترنلر یاصاتیلوب پاره سی
داینه ویریلور و یاخود پارچه پارچه ایدیلهرلك اعدام اولنور . بر کیمسه
بر کیمسه نك اعضا سندن برینی قیردیغی حالده یا عینیه قصاص اولنور
و یاخود اعضاسی قیریلان کیمسه بی پاره ایله ارضا ایدر . حاکمرك ویردکلری
حکمه راضی وقانع اولمیانلرك ملت نزدنده استیناف دعوا یه صلاحیتلری
واردر . یلانجی شاهدر ایله ارتکابی تین ایدن حاکم بر اوچور و مدن
آتیه رق اعدام اولنور .

﴿ اسکی مصر لیلرك قانونندن بعض فقرات ﴾

یلان یره یمین ایدنلر قتل اولنور . بری دیکرینی قتل ایدرکن حاضر
بولنوبده مظلومه اعانه ایتیانلر و قاتلی اخباردن استنکاف ایدنلر اوچ
کون آچ براغیلوب بعدد قانچی ایله ضرب اولنور . دشمنه جاسوسلق
ایدنلرك لسانی و ساخته سکه و کیله و ترازو و مهر اعمال و استعمال ایدنلرك
قولی کسیلور . مدیونك کافه اشیماسی داینه ویریلوب کندوسی خدمت
عسکریه آلنور . اثنای راهده کنجلر اختیارلرك اوکسندن کچه مزلر
و بربرلینه راست کلدکلری محمله بیونلرینی بوکهرلك ایکی الیرینی یانلرینه
صالیورلر . هر کس موتاسنك مومیلانش جسدینی ترهین ایدرلك

استدانه ایده بیلور و دینی ویرمدیکه جسد مذ کوری قورتاره مز یعنی اول جسد دفن شرفندن محروم قالور . اسرا واجانب استخدامی اصیلزادکاندن اصحاب حیثیت و معلوماته منحصردر . پت پرست اولان افراد اهالی بر قاج قاری آله بیلور و قز قزداشینی تزوج ایدن ممدوح اولور ایسه ده رهبانلر بر زوجهدن زیاده بولندیره مز لر . حکمدارلرک وظیفه سی عدل وحقانیتی التزام وعباداللهک راحتنی استحصال اولدیغندن بر حکمدار وفات ایتدیکی زمان جنازه سی حضور اهالی یه چیقاریله رق وظائف مذ کوره سی تماماً ایفا ایدوب ایتدیکی تفتیش و تدقیق اولنور و حسن تذکیه حاصل اولدقجه دفن اولنور . (اولوقت حکمدارلرک اطعمه و اشربه سنک جنس و مقدارینه وارنجه یه قدر تحدید و کوندزلی نه مقوله امور ایله اشتغال ایده جکاری تعیین اولنور ایدی شویله که حکمدار اولان ذات هر کون طلوع شمسن بدأ ایله مصالحه متعلق اوراق معروضه یی قرائت واوزرلینه ایجاب ایدن رأینی تحریر و اشارت ایتدکدن صکره و کلا و سرایی خلقیله برابر عبادتخانه یه کیدر وعودتده دیانت و اخلاق واداره مملکتده دائر مذاکرات اجرا و متعاقباً اوتوز جسمیم شهردن مبعوثاً کلان حکامدن مرکب اولان محکمه ده ریاست ایدر وبعده اقشامه قدر تعلیمات عسکریه ایله مشغول بولنور ایدی .) بیولک ضیافتلرده احوال موتی خاطر دن چیقارماق ایچون سفره نك اورته سنه بر انسان ققاسی قویمق دخی عادات مستمره لرندن ایدی .

﴿ اماسیس قانونندن تحقیق اولنه ییلان بر فقره ﴾

اهالی هر سنه نصورتله تعیش ایتدکارینی حکومته خبر ویرمک ایچون بورجلیدر هرکیم معیشتنی کندوسی کسب ایتدیکنی اثباته مقتدر اوله مز ایسه اول کیمسه مسکین و تنبل دیمک اولدیغندن و مسکین و تنبل آدمک دنیاده بقاسی مناسب اولدیغندن اعدامی لازمدر .

﴿ کیقباد قانونندن کذا بر قاج فقره ﴾

اهالی بلا رخصت حضور شاهی یه چیقامز . هر درلو امور عادیه و جاریه

طرف شاهیدن منصوب و کلا و امرا واسطه سیله تسویه اولنور . اهالینک
شاهک یوزینه باقمی ووکلا و امرانک حضور شاهیده کولمسی ممنوعدر .

آته ارخونی دراقونک قانوندن برقره

بلا عذر مقبول ایشدن کوجمنز کزنلر و بقیچلردن اوت و میوه سرقت
ایدنلر اعدام اولنور . (بوقانون (۴۷۰ خ) تاریخده یعنی میلادک الی
یوز سنه مقدمنده یاپیلوب آز وقت ایچنده الغا اولمشدر)
قصورقانونلرک تاریخلرچون کلهلرینه نظر بیوریله .

یکچیریلرک قوانین اساسیه سندن باشلوجهلری

- (۱) قوماندان و ضابطلری اسرادن بیله اولسه ینه انقیاد یعنی اولی الامر
- اطاعت ایتملری (۲) جله سنک بر وجود کبی متفق و متحد اولوب
- قرار کاهلرینک بریده اولمسی (۳) دبدبه وطنطنه کبی حقیقه عسکرلک
- و مردلکه یاقیشیمان شیلرک عدم استعمالی یعنی ساده لیکک اختیاری
- (۴) طاعات و عبادات الهیهدن حاجی بکتماش ولینک کندولرینه امر
- و تنبیه ایلدیکی وجهله انحراف ایتملری یعنی فرائض اسلامیه یی ایفا
- ایلملری (۵) یکچیریلرک دیوشیرمه اصولیه خراجکذار اولان طائفه لردن
- آلنلر و اسرادن طویلنلردن بشقه سنک قبول اولنماسی (۶) بوصورتنده
- دخی بونلرک عجمی اوغلانلغنده مدت کافیه استخدام ایلمش اولمسی
- (۷) قتل و اغدام جزالریک آتیده بیان اولنه جق اسبابه انحصاری
- (۸) اوجاقده ترفیع رتبه نلک قدم صره سیله اجراسی (۹) یکچیریلرک
- کندو ضابطانندن بشقه سیله تأدیب و تکدیر اولنماسی (۱۰) علیل
- اولنلرینک اجرای تقاعدی (۱۱) صقال صالیور ماملری (۱۲) تأهل
- ایتملری (۱۳) قشهلرندن آبرلماملری (۱۴) بشقه صنعتله مشغول
- اولماملری (۱۵) تعلیم و تعلم ایله وقت پچورملری .

﴿ قانون ﴾ — طبه دائر بر اثر معالیکهر اولوب شیخ رئیس ابن سینا طرفندن تألیف و ترتیب ایلشدرد. اثر مذکور علم طبک قوانین کلیه و جزیه سنی بیان ایدر مشارالیه بونده اولو طبک هر ایکی قسمته یعنی طب نظری و عملی یه دائر بسط مقال ایدوب صکره قوای ادویه مفرده نک کلیات و جزئیات احکامنه نقل کلام ایلر و بعده عضو بعضو امراض متنوعه بی بیان و متعاقباً تشریح اعضا و صکره امراض جزیه و آندن صکره معالجه ایچون اولان قانون کلی حقلرنده افاده مرام ایله بونی بش کتابه تقسیم ایدرک (۱) علم طب بدن امور کلیه بی (۲) ادویه مفرده بی (۳) باشندن ایاغنه قدر امراض جزیه بی (۴) هیچ برعضوه مخصوص اولیان امراض جزیه بی (۵) ترکیب ادویه بی کوسترر.

استاذ اطبا فخرالدین خجندی اولو قانونی شرح ایلدیکی حالده مؤخرافاضلدن برینک کتاب مذکوری (المکنون) اسمیله اختصار اتمی اوزرینه کندوسی دخی مختصر مر قومی حاده اختصاره چکدرک (تنقیح غلق المکنون) تسمیه ایلشدر.

یوقاروکی خجندی بشقه ایسه فخرالدین عمر الرازی دخی (۱۲۴۸ م و ۶۷۴ هـ) تاریخنده بر شرح یازمشدر و علامه شیرازی محمود بن مسعودک و سائر ذوات فضلاء لسماتک دخی قانون مذکور اوزرینه متعدد شرحلری واردر.

§

﴿ قانون التعلیم فی صناعة التنجیم ﴾ فارسی — ظهیر الدین ابی المحامد محمد بن مسعود بن زکی غزنوینک علم هیئت و نجومه دائر اثریدر.

(قانون رسول) — (۱۱۱۱ م و ۵۰۵ هـ) تاریخنده وفات ایدن امام ابی حامد محمد بن محمد غزالی نک اثریدر.

(قانون) — (۱۱۰۰ م و ۴۹۴ هـ) ده وفات ایدن سلیمان بن عبدالله نهروانینک فن لغتده عذیم الامثال اون جلد بر اثریدر.

§

﴿ قاور ﴾ — ایتالیا دولتنک فوق الغایه امور سیاسیه واقف

و کلاسنندرد (۱۸۱۰ م و ۱۲۲۵ هـ) ده تورنده تولد و (۱۶۸۱ م و ۱۲۷۸ هـ) ده وفات ایلدی . اولادادی بر نفر بدمه غزته جی اولدیغی حالده (۱۸۴۹ م) تارمخنده مبعوث و متعاقباً تجارت و برسنه صکره مالیه ناظری اولوب مؤخرأ شورای دولت رئیس تعیین اولندی . موئی الیه داخلأ سربست و ثابت برمسلك سیاسی اتخاذ و خارجاً فرانسه ایله اتفاق و اوستریا ایله محاربه ایدرك ساردنیا قرالیتك ایتالیا قرالیتنه تحویلنه باعث اولمشدر .

§

﴿ قاهره ﴾ بالله — خلفای عباسیه دندر اسمی محمد جلوسی (۹۳۲ م و ۳۲۰ هـ) سلطنتی ایکی سنه دن نقصاندر .

قاهر سفك دماده پك ماهر اولوب حتی سبب جلوسی اولان امیرالامرا (مونس) ی بیله سببمز یره کسمش و قرنداشنك والدہ سنی مالنه طمعاً یاغندن آصمشدر . مؤخرأ دخی بعض پولتیقه یه مبنی حضرت (معاویه) ایله اوغلی یزیده مبرده لغت اولتمسنی امر و خیر و ملاهی و تغنی یی استحلال ایله حرمتنه قائل اولنملری شهر بشهر طرد و قهر ایلدی فقط بو کبی قهره عبادك حرکات مظالمکاریسی اراده قهار ازلی ایله البته برنقطه یه واروب طیمانه جغندن قاهر دخی وزیر ی ابوعلیهك تدبیر یله بر کیجه سرمست باده غفلت ایکن طوتیلوب کوزلینه میل چکلمشدر . مرقومك نعمت بصردن محروم اولدقدن صکره تحقیر شعاع خلافست ایچون جامع قیولرنده اون بش یکر می ییل ارتکاب ذل سؤال ایلدیکنی دخی روایت ایدرلر .

§

﴿ قاهره ﴾ — مصرک مقر خدیویتیدر مصر سفلاده نیل مبارکك صاغ جناحی قربنده (موغانام) طاغی اتکنده واقع و اوچ یوز الی بیک نفوسی حاوی اولوب کوزل و واسع موقعلری و برداخلی قلعه سی و متعدد سرایلری و جسمیم خانه و برچوق جامعلری و باشلیجه اوتوز بر حجام و صوبندلری و قنال و صهر نیچلری و بازار و کاربانسرالری و باغچه لری واردر و (بئر یوسف) دنیلان قیو عجایباتدن اولوب عمق طقسان مترویه بالغ اولدیغی حالده حیوانات بیله صو ایچمك ایچون دونه دونه اشاغیسنه قدر اینزلر . قاهرهك اسکندریه یه اولان شمندوفری ایسه پك منتظمدر . بوشهر

و جامع ازهر فاطمیلردن (معزالدین الله) ك قائم مقامی طرفسندن (۹۷۰ م و ۳۶۰ هـ) تاریخنده تأسیس و (۱۵۱۶ م و ۹۲۲ هـ) تاریخنده سلطان سلیم اول حضرتلرینك همتیله دولت علیه ممالکنه الحاق اولندی . قاهره نك تزییناتنه مصر والیسی محمد علی پاشا نك دخی فوق الغایه همتی سبقت ایتشدیر . (مصر) کله سنه دخی نظر بیوریله .

§

﴿ قالیساق ﴾ یاخود (قایی) — ترکستان غریبه مسکون برقیله نك اسمیدر . بو قبیله دردنجی عصر هجری اثنالرنده قبول دین اسلام ایلدی . علی روایه سلجوق و ترکان طائفه لری بونلردن منشعبدر . (هوایق) دخی دیرلر .

§

﴿ قای طبای ﴾ نام دیگر (ملک اشرف) — ملوک چرا کسه مصریه دندر (۱۶۶۷ م و ۸۷۲ هـ) ده جالس تخت حکومت اولوب فاتح سلطان محمد حضرتلریله مدت مدیده خوش بکشمش و مؤخرأ (۱۴۸۶ م و ۸۹۱ هـ) ده سلطان بایزید ایله بوزیشوب درت سنه امتداد ایدن محاربه ده نسیم مظفریت کاه مصرلی و کاه عثمانیلر طرفنده هبوب ایتشدیر . اشته دولت علیه نك اندلس اهالی اسلامیه سنه معاونت ایده مامسینه سبب بو محاربه لر ایدی .

قای طبایك بر حکمدار دیانتشعار اولندیغنه شبهه یوقدر زیرا جسد جناب پیغمبری بی جانب عراقه کوتورمك نیتیه مدینه منوره یه کلوب تحت الارض روضه مطهریه یول آچغنه چالیشان ایکی نفر خائن عجمی اشارت معنوی جناب نبوی ایله کیدوب اخذ و قتل ایلدکدن صکره روضه مطهره نك اطرافنه تحت الارض فولاد قفس قویدرمش و (۸۹۰ هـ) ده محترق اولان حرم قدسیت محرم جناب فخر الانبیای تمهیر و انشا شرفنه دخی نائل اولمشدر .

§

﴿ قاین اغاجی ﴾ بتولوس آلیا — بو اغاجك قشرینك حول الادمه سی بلا توقف منبسط اوله رق مصدق بر طاق صحایف تشکیل ایدر و قشر مذکور تاننی حاوی اولدیغندن مطبوع حالنده قابض کبی استعمال اولنه ییلور و بونك حجروی اولان قسمنده (نشا) بولندیغندن انی (قامچدال و ساموید)

اهالیسی قینادوب یمکربینه قارشیدر لر . اوراقی دخی آجی ودافع
الدود و مدردر و قشردن حرارت واسطه سیه چیقاریلان یاغ ایله
روسیه سختیانلری تربیه اولمقدردر ذکر اولنان سختیانلرده کی یومشاقلیق
ولطیف قوقو بونکله حاصل اولور .

§

﴿ قایى ﴾ - غرب ترکرندن اوغوز قسمنک اشرافنه اطلاق اولنور
بونلر ترکستاندن خراسانه وجنکیز عصرنده دخی ایران وارمنستانه
چکمشلر و بولندقلری محله قایى ایلی نامی ویرمشلرایدی . مؤسس دولت
عثمانیه (عثمان) غازی حضرتلرینک دخی اشبو قایى طاقندن براویماغک
بکی ایدوکی بعض توار یخده کورلدى .

§

﴿ قباد ﴾ - ملوک ساسانیان فرسندندر (۶۰۸۵ خ) تار یخنده
یعنی میلادک درتیز طقسان برسنه مقدمنده جلوس ایدوب مدت حکومتی
اولان قرق سنه ظرفنده اوچ دفعه خلع واجلاس اولندی که بو حال مومی الیهک
اول وقت فارسده منتشر اباحیه مذهبنی التزامندن واهالیسنک مذهب
مذکوره قارشو ایکی طرف بولمسندن ایلرو کلشیدی .

§

﴿ قبادوقیا ﴾ - آسیای صغراده برقطعه قدیمه در و سیواس
ومر عرش وقرمان ایالتلرینک بر قسمنه شامل اولوب شمالاً پونت غرباً غلاتیه
وفریژی جنوباً کلیکیا شرقاً ارمنستاندن اتی فارق اولان فرات نهریله محدود
و کرسی اداره سی قیصریه ایدی قبادوقیا لیلر اولوقت آغر محدود الادراک
خرافاتپرست صائی مذهب اولوب باشلیجه عبادتگاهلری اولان قومانه
معبنده آتشدن طیارلر وغایت معتبر آترو سوریلر بسیلرلرایدی قبادوقیا
اولا اولدجه مستقل پادشاهلرله اداره اولنوب متعاقباً اسکندر یونانی وعجم
صدرابرلری و آنتی غون طرفلرندن ضبط ایدلمش ومؤخرأ (۵۲۸۲ خ)
تار یخنده یعنی میلادک اوچ یوز اون ایکی سنه مقدمنده مظهر استقلال اولوب
ایکی یوز یتیمش سنه صکره مهرداد طرفندن ضبط اولمشدر . مهردادک سقوطی
اوزرینه قبادوقیا رومالیلره یکدی ومع مافیه رومانک جایه سی تحتنده

قرالاق وجهله خیلی زمان اداره اولنوب (۱۸ م) تاریخننده ارکیلاوس نام حکمدارک وفاتی اوزرینسه تیر زماننده روما ایالتی حالنه قونلدی و (۱۰۷۱ م و ۴۶۷ ه) ده سلجوقیلره و (۱۳۹۱ م و ۷۹۴ ه) تاریخنندن بدأ ایدرک فاتح زماننه دکن الیوم متصرفی اولان عثمانلیلرک قبضه تصرفنه انتقال ایتدی .

§

﴿قبار طای﴾ — قفقاسیه ده منغراستانک کیر و سنده و چین قطعه سنک جهت غریبسنده برقطعه در اشبوقطعه چرکزستان خصوصی بی تشکیل و غریبه بیوک قبارطای و شرقده کوچک قبارطای نامرله ایکی قسم اراضیه انقسام ایدر و مالقا و ترک نهرلری ایچندن کچر بونلردن بشقه دها بر چوق نهرلری وارد و (موزود) و (اوزبک) و (اورولسقوی) و (چرک) باشلیجه قصبه لرندندر . هواسی لطیف و اراضیسی منبت ایسه ده اهالیسی زراعته پک رغبت ایتیوب اکثر یا بدویت حالنده یشارلر .

§

﴿قباچی﴾ — (۱۸۰۷ م و ۱۲۲۲ ه) تاریخننده نظام جدید سلکنه ادخال ایچون قره دکز سواحلندن جلب اولسان ایکی پک قدر قلعه یماقرینک رئیس ایدی . بوغازه کلدکده قائم مقام کوسه موسی پاشانک خفیا تشویقیله نظام جدیدی استه میر دهرک معیتله یکچیرلره الخاق ایدوب ابتدا بوغاز ناظری انکلیر محمود افندی بی و بعده قره دن درسعاده کلوب نظام جدید طرفداری اولان ابراهیم کتخدا و کیرلی ستمه ابراهیم افندی بی و دیگریدی ذاتی اخذ و اعدام و سلطان سلیمی خلع و سلطان مصطفای اجلاس ایله نظام جدیدک لغوینی اعلان ایلدی . شوراسی غریبدرکه لوند چقلکننده برقچ الای نظام جدید عسکری موجود اولدیغی و جله سی یکچیرلرک رقیبی بولندیغی حالده اشبو قلیل المقدار زو بارک دفعیچون بونلره برامر ویریه مدی واه واه واه .

§

﴿قبة الشهاده﴾ — حضرت موسی علیه السلامک اجرای مراسم عبادت و تلقی وحی الوهیت ایچون بریه سیناده شمشاد اغاجی و قیون یو کثله

حیوانات دریلرندن یاپدیردیغی متحرک برمعبدك اسمیدر . معبد مذکورك ایچی التون واییکارله وملکئه کرویین صورتلریله تزیین اولمش ودرونسه برطاقم دفلر والتون وکوشدن معمول چارپارهلر وینه التوندن مصنوع برفنار اصلمش ایدی دیرلر حضرت موسی هرقتیغی برزمان قبه یه کیرسه بنی اسرائیل اطرافنه طویلانوب عبادت ودرونده اولان تابوت عهدی زیارت ایدرلرایدی .

§

﴿ قچاق ﴾ — قزان وولغاودون نهرلری واذرهران وقریم وحوالیسندنه آل جنکیردن برشعبه نك تشکیل ایتدیکی حکومت جسیه نك یاخود اورالرده مجتمع تاتار اقوامنك اسمیدر . بو حکومت (۱۵۵۴ م و ۹۶۲ هـ) تاریخنه قدر پایدار اولوب نیجه ییللر روسیه لیلری خراجکذار ایتیشکن ایچلرینه دوشن تفرقه مناسبتیله تاریخ مذکوردن صکره منقرض اولمشلردر .

§

﴿ قبریس ﴾ — قدما نژدنده سیپروس در بحر سفیده براطه اولوب سوریه ایله آسیای صغری بیننده واقع ایکویز یکریمی بش کیلومتر و طولی و سکسان کیلومتر و عرضی اوله رق یوز بیک نفوسی جامعدر و غایت مرتفع برسلسله جبالی واردر . اراضیسی منبت اولوب بغدادی پموق توتون کولک بویا انجیر و فواکه سائره یتشدیرر مقدما غایت معمور و مشهور ایدی . (۹۷۴ خ) تاریخنده یعنی میلادك الی یوز یکریمی سنه مقدمنده فیکه لیلره و یتش سنه صکره مصر لیلره و عجملره بکدی و میلاددن درت عصر اول بوراده طقوز نفر کیسه صندالی نشین حکومت اولدی که الك مشهورلری (سالامین) نام حکمدار ایدی مؤخرأ اسکندر یونانی یه پکوب بونك وفاتندن صکره اخلافی زماننده مصر و سوریه حکمدارلری بیننده منازع فیه قالدی و برارهلق پتوله فامیلیاسنه مخصوص برقرالیت شکل ایلدیسده (۵۳۶ خ) تاریخنده (قاتون) نامنده بری رومالیلر نامنه ضبط ایدوب اخیرأ روم ایمراطورلری زماننده اسلام فتح ایلدی بونك اوزرینه ینه برطاقم مختلف متبوعلره بکدکدن صکره (۱۱۹۲ م و ۵۸۸ هـ) تاریخنده قبریس قرالیتنی تشکیل ایدن فرانسز دره بکلرندن (کوییدی لیرونیان) .

انتقال و اخلافي برچوق عصرلر حكومت ايتدى و مؤخرأ بوسلاله دن اولان (قترين قورنارو) قبريسى و نديكلولره صا توب نهايت (۱۵۷۰ م و ۹۷۸ هـ) تاريخنده عثمانليلر طرفندن بر مدت محاصره و برچوق تلفات ايله ضبط اولندى . اك صوك دفعه محاصره ايديلان مشهور (ماوسه) قلعه سى برسنه قدر طيائمش و يورويش ائناسنده اعدا طرفدن آتش ايديلان لغم اكثريسى ضابط اولقى اوزره اوچ بيك اسلامى دفة بر هوا ايتمش ودها پك چوق آدم جام شهادتى نوش ايتلشدر . قلعه مذكوره خندقلر نيك عرضى يوز يكرمى و عمقى اون طقوز و داخلى التى بيك ايكبوز قرق ذراع و درونده يوز اتمش عدد طوب موجود اولديغى و بعد الفتح درونده بولنان درت بيك قدر جنكجى و نديك عسكر نيك ايتاليا سواحلنه كوندرلديكى توارينخده مقيددر .

§

﴿ قبض ﴾ — مدت مديده اوتورمغى عادت ايدنلر ايله بعض اختيارلرده و اطعمه قابضه اكلى معتاد ايدنلرده مرض اصلى كې پيدا اولور بر علتدر . علت مذكوره عرضى اوله رق بعضاً معده و امعاءك تهيجاتندن و الم معده دن و يا قولنج اسريدن و فلج دن و يا خود اورام باسوريه دن دخي ظهور ايدر . چو جقلرده ديش چيقار دقلى ائشاده و قوعبولديغى دخي واردر . قبضى تلين و دفع ايچون (راوند) و (محجوده) و (صارى صبر) ايله ياپلش حب و سفوفلر استعمالى جله نك معلومى اولوب مع مافيه عادى قبضلرده طبيعى طعام ايله تلين ايتك يعنى طعامى برقاچ كون ايه كوچمى و سود و امثالى يومشاديكي شيلره حصر و خير و يلاو كې قابض شيلرى ترك ايلك دخي برعلاجدر . التى يدى ياشندن صكره كى چو جقلر و يوك آدملر شخص و وجودلر نيك تحملنه كوره بر ايكى درهمدن اون التى درهمه قدر انكليز طوزينى مقدار كافى صو ايچنده ازهر ك ايچه ييلورلر .

§

﴿ قبط ﴾ — مصر اهالى قديمه سنك اسميدر . اسكى يونانيلر ولايتلر بو نامك غلطى اوله رق مصره (كيت) يا خود (اكيت) ديرلر ايديكه اليوم اوروپاليلر اكيتك غلطى اولقى اوزره (جبت) يا خود (اجبيت) ديمكده درلر لكن قبطلر يعنى اسكى مصر ليلر مصر ايم بن سام اولادندن

اولدقلرچون مصره (سامی یاخود شامی) دیرلر ایدی . تور اتده (اخیم) در .
 بر روایتده (قبط) اسکی مصریلرک کویا غیبیدن خبر ویرن بر صمنک یاخود
 خدمه سنک و یاخود قبط علماسنک اسمی ایدی . قرآن کریمده مذکور اولان
 (بالجبت والطاغوت) ده کی جبتک دخی بوصنم اولسی «أمولدر» (حفظ)
 کلمه سی دخی جحوددن دکل بلکه مصرده مقیم یهود علماسنه وقبیله ویرلش
 (چیت) نامندن قاله ایدوکی ظن اولنور زیرا قبط نامی اخیراً نوبه وحبش
 ممالکنه دخی مصردن کتدی .

قبطلرک الیوم مقداری غایت محدوددر و همان جله سی تجار و سمساردرلر .
 بونلرک لسانلری دخی وار ایدیسه ده اون یدنجی عصر اواسطنه طوغری
 مقرون نسیان اولوب شمدی جله سی عربجه تکلم ایتکنده درلر ومع مافیه
 لسان اصلیلرینی دخی اونو تمیوب دعالرنده قوللاقم ایچون اوکر نمکنده درلر .
 قبطلرک مذهبی (اوتیشست) مذهبی ایسه ده اسکی ختان عادتلرینی دخی
 ترک ایتزلر . قاهرده ساکن اولان پطریقلری اسکندریه و قدس شریف
 پطریق عنوانیله دخی یاد اولنور و بونه وحبشستانه طرفدن پطریق وکیللری
 کوندرلر .

§

﴿قبلاى﴾ — آل جنکیزدن مغولستان خاقانی (منکو) خانک
 برادریدر . (۱۲۵۰ م و ۶۲۸ هـ) تاریخنده قرنداشی طرفندن تاتارستان
 وچین قطعه سنه کیدوب (خطای) اقلینی کاملاً آورده دست تسخیر
 و بوسمرده علیه قالفان دیگر قرنداشی (ارتق بوغا) یی قهر و تدمیر
 ایلدکن صکره (۱۲۵۸ م و ۶۵۷ هـ) ده بالاستقلال تاتارستان حکمدای
 اولدی . مؤخرأ چین قطعه سنه توسیع دائرة فتوحات ایله شنسی و سچوان
 ایالتلرینی ضبط ودرت یوزیک کشیک براردو ایله صوگ دفعه کی محاربه سنه
 چینک (سانغ) سلاله حکمرانیسنی سلسله محو و انقراضه ربط ایدرک یرینه
 تاتار حکومتی اقامه ایلدی .

بو محاربه ده خاقان چین اسیر اولدقدن صکره چین باش وکیلنک اون بش
 یاشنده بر شهزاده یی تاتارلرک ظلم و غدرندن قور تارمق ایچون قوجاقلوب

بر ارجه دکره آتلدیغی و متعاقباً شهزاده سی والده سی دخی آنره پیرو اولوب
اوجی بردن غرق و نابید اولدیغی محکدر . (نه فداکارلق)
قبلاى خان (۱۱۸۵ م و ۶۸۴ هـ) تاریخنده پکینه طوت اغاجک ایچ
قبوغندن معمول و مهور و مدور برکاغد چیقاروب بین الاهالی تداول
ایتدیرمشدر اهالی صادر اولان امره بناءً بوندن بشقه پاره آلوب
ویرمزلر ایدی .

§

﴿ قتاده ﴾ بن نعمان الانصارى — زمرة صحابه کرامدندر .
غزوه احدده و بر روایتده بدرده کوزی برندن خروج ایدرک دوچار عارضه
عما اولدقده صلى الله عليه وسلم افندمز (اللهم اكسه جلالاً) دعاسيله کوزینی
الوب برینه وضع بیوردیغی کبی کسب صحت ایشدر . حضرت قتاده
(۶۴۳ م و ۲۳ هـ) تاریخنده مدینه منوره ده وفات ایلدی . اولاندن بری
عمر بن عبدالعزیز حضورینه واروب مشارالیه کیم اولدیغی صورددقه
(انا بن الذی سالت علی الخدعینه . فردت بکف المصطفی احسن الرد
فعدت کما کانت لاول امرها . فیما حسن ماعین و یا حسن مارد)
دیو جواب ویرمکه مظهر استحسان و اکرام بی پایان اولمشدر . فقهای
تابعیندن (قتاده) بن دعانه المدنی بشقه در .

§

﴿ قترین ﴾ — سنت قترین نامیله معروف اولوب خرسیتیانلر عندنده
عزیز طانمش بر باکره قادیندر . دردنجی عصر میلادی ابتدالزنده
اسکندریه ده بر حیات اولوب (۳۱۲ م) تاریخنه طوغری (ماقسیمین دایه)
زماننده عزیزه عنوانی حاز اولدی . روایت اولندیغنه کوره بو قز کندو
سن و جنسنک مافوقنده بر معلوماته مالک ایدی . اون سکزیاشنده کندوسنی
اعتقاد مخصوصندن دوندرمک ایچون ایمپراطور طرفندن مأمور ایدیلان
برچوق فیلسوفلری کندو اعتقادینه دوندردی . قان ایله ملون ونصفی
قیرق بردولاب اوزرینه طیانمش اولدیغی حالده ترسیم اولنور وهرسنه
تشرین ثانی ۲۵ ده یورطیسی طوتیلور .

§

﴿ قترینه ﴾ برنجی - روسیه امپراطور یحیه سیدر . (۱۶۸۲ م و ۱۰۹۴ هـ) تاریخنده لیوونیاده فقیر بر فاملیادن نشأت و (۱۷۲۷ م و ۱۱۴۰ هـ) تاریخنده وفات ایلدی .

مومی الیها ۱۷۰۲ ده ماریانبورغک ضبطی ائشاده اسپر دوشه رک اسوجلی عادی بر نفره خیلی زمان زوجه لک ایتدی موخر آحسن و آنی سایه سنده پرنس منجیقوفی دام القنه رام ایدوب بعده پترونگ سو کیلیسی اولدی و (۱۷۱۱ م و ۱۱۲۳ هـ) تاریخنده عثمانلیره قارشو سفرنده چاره رفاقت ایدوب پروت نهری اوزرنده مشار الیهی ابلوقه آتله آلمش اولان عثمانلیری (یعنی صدر اعظم بالطه جی محمد پاشا و کتخدا سنی) بر طاقم مجوهرات اعطاسیله آلداده رق یاپدیغی معاهده ایله قور تاردیغندن چار نزدنده کی قدر و اعتباری اسکیسندن بیک قات بالاتر اولغه باشلادی . نهایت چاردن بر چوق چو جققری اولدقدن صکره چارک زوجه سی طسانینوب (۱۷۲۴ م) ده رسماً امپراطور یحیه رسم توجنه مظهر و (۱۷۲۵ م) ده چارک وفاتی اوزرینه بتون روسیه حکمدار رعیتپرور اولدی . بو ائشارده قوجه سی متوفی طرفندن طوتیلان مسلمکی احیایه چالشدیسه ده صکره لری بر طاقم حرکات نالایقه ده دوشدیکندن منجیقوف نام سو کیلیسنه اداره نك قسم اعظمی ترک ایلدی . (محمد پاشا) کله سنده مراجعت بیوریه .

§

﴿ قترینه ﴾ ایکنجی - روسیه امپراطور یحیه سیدر . (۱۷۲۹ م و ۱۱۴۲ هـ) تاریخنده المانیاده تولد ائشدر . (۱۷۴۵ م) تاریخنده غوتورب دوقه سی هولستین ایله ازدواج ایدرک اشبو هولستین روسیه ده بر مدت اوچنجی پترونامیله سلطنت سور دیسه ده (۱۷۶۲ م و ۱۱۷۶ هـ) تاریخنده مبتلا اولدیغی بر فاحشه بی تزوج ایچون قترینه بی تطلیقه واندن متولد اوغلنك ولد زنا اولدیغی رسماً اثباته قالدشدیغندن بو خصوص قترینه ده زیاده سیله کران کله رک عسکری بینده قزاندیغی نفوذ و اقتدار وفدا ایتدیکی اقچه و ملایمت سایه سنده زوجی مرقومی بفته خلع ویدی کون صکره اعدام ایتدیردکن صکره تخت امپراطوری یه اوتوردی و مقدا قونداقده ایکن بر قاق آی امپراطور اولوب صکره خلع و حبس اولمش ویکرمی سنه دنبرو محبوسیتی

جهتيله دنيا يوزى كورماش اولان (ايوان)ى تأمين اقبال ايچون اسرافاته بوغهرق اعدام وعاشقى اولان (پونيا توفسكى) يى لهستان قرالى انتخاب ايتديردي . براز صكره موحي اليك ولهستانده تدارك ايتديكى طرفدارلرنيك موافقتيله وبرطساقم انتريقه لرله كويا اختلالى دفع ايچون لهستانه عسكر صوقدى ودولت عليه بوحركتنى پروتستوايله برابر اعلان حرب ايتديسه ده التى سنه دوام ايدن محاربات معهود قينارجه معاهده مضره سيله نهايت بولوب تن نهريله اوزى اره سنده بولنان ممالك وقيلبرون و كرج وازاق وطغيان قلعه لرى ويكى قلعه نك هممان وبتون قرىم ممالك كنك بالاخره الدن چيتمسنة ومملكيتنيك وصرېستانك سربستيتنه سبب اولدى ودها بويله برچوق تصورات حربصانده ايكن (۱۷۹۶ م و ۱۲۱۱ هـ) تاريخنده فجأة وفات ايدوب غوغاي جهاندن قورتلدى . مشارالها نظر توارينخده فاحشه لكه متمدن .

قترينه بعض مرتبه ادبياتدن دخى بهره مند اولديغندن قومدياه دائر آثارى و (وولتر) ايله مخبر اتندن بشقه ديكر برطاقم تأليفاتى واردر .
(قترين) — روسيه ده قاديئرله مخصوص برنشاندر كه برنجى قترينه نك روسيه اردوسنى دولت عليه ابلوقه سندن قورتارديغى زمان قوجه سى پترو طرفندن ايجاد اولمشيدى .

§

﴿ قتيولك ﴾ — اعتقاد كله سنده فرق خريستيانيه نك ايكنجى نومرو .
سندن يدنجى نومروسنه قدر مراجعت بيوريله

§

﴿ قتيبيه ﴾ — بنى اميه دن عبدالملك بن مروان زماننده اميرالعراقين حجاج طرفندن خراسان واليسى ايدى اترا كه اعانه ايچون چيندن كلان ايكي يوز بيك كشيلىك براردويى بوزدقندن صكره وقوعبولان طلب اوزرينه (پكين) ه اون كشيدين مركب برهيئت سفارت كوندروب بعض تكليفانده بولشمس وحتى موفق دخى اولمشدر . خورازم سمرقند بخارا كاشغر فرغانه يى دخى بوذات فتح ايلدى . مؤخرأ خليفه عبدالملك وقاتيله يرينه سايمان بن عبدالملك پكد كده بعض ماجرايه مبنى بيعت ايتيوب خلغنه يوريديكندن

(۷۱۴ م و ۹۶ هـ) تاریخ‌نمده امراسی علیه‌بالقیام متعلقاتیله برابر اخذ و اعدام ایلدیلر . مشار الیهک چینه کوندردیکی ذاتر عسا کر اسلامیه‌نك الك شجیع ومهیملرندن ایدی پکینه واروب حضور خاقانیه چیق‌دق‌لرنده غایت مکمل ومنتظم اسلحه ایله دخی مسلح اولدق‌لرندن خاقان و امراسی هر برینی بیک چینلی‌یه معادل برر قهرمان کوره‌ره‌رك خوف و خشیتیه دوچار اولم‌لرله مذهب‌لرندن و نقدر آدم اولدق‌لرندن استفسار و مراد لری نه ایسه محاربه‌سزجه حصولی ممکن ایدوکنی نازکانه معرض رجاده تدکار ایلدک‌لرندن سفرای مشار الیهم (بزم مذهب اسلام و مرادمن نشر اسلامدر واقچه‌یه بو‌قچه‌یه احتیاج‌یز یوقدر و امیر یز قتیبه ایسه چین ممالکنی کاملاً ضبط ایده‌جک‌نه یمن ایتشدیر) دیملرله خاقان مادام که یمن ایتش بزم بورجامی کندوسنه عرض ایله برابر یمن‌نده حاث اولماق ایچون پکین طپراغندن بر مقدارینی و یره‌جکم هدیه‌لرله برابر کوتورک و مصالحه رجاسنده اولدیغمی سویله‌یک دیهرک بیوک برالای و التفات ایله اعاده‌لرینه مسارعت ایلدی .

§

﴿ قحطان ﴾ — هود علیه السلامک اوغلی و (۳۵۲۶ خ) تاریخ‌نمده : یعنی میلادک ایکبیک یکریمی سکر سنه مقدمنده یمنده ساکن عرب عارب‌ه‌نك رئیس و جرهم ثانی و یعرب نام رؤسای قبیله‌نك پدریدر . اسمنه یقطان دخی دیرلر . یمن ولایتنده بنی شهر قضااسنك جهت شرقیسنده الیوم بنی قحطان نامیله بر قبیله مسکوندر

§

﴿ قداس ﴾ — خرستیانلرک اعتقادنجه حضرت عیسی علیه السلامک دم وتلری ذکر ی اولان آیین اصلی بی اجرایه تعبیر اولنور بوندن مقصد ایسه اعتباری قربان تقدیمندن و بودخی حضرت عیسانك دمنه قلب اولندی اعتقاد اولنان صافی شرابی و تنی اعتقاد اولنان مایه‌سز اتمکی اکل و شربدن عبارتدر . بوصورت قتل‌کلرک آیینی اولوب اورتودقسلا یسه اتمکی مایه‌لی خیردن یبارلر و شرابلرینك خالص اولسنه اهمیت ویرمزلر اورتودقسلا

قداس شرابنه عوام ملت دخی ایچه بیلور لکن قتلکارکی خواص
واغنیای ملته منحصر کبدر . قداسک روجه سی (لیتورژیا)

§

﴿ قدرغه ﴾ — ایتالیا بنجه دن مأخوذ اوله رق کورک و یلکن ایله
قوللانیلور بر نوع قایق معناسنه ذر درسعادته کائن قدرغه لیمانی فاتح
سلطان محمد زماننده یعنی (۱۶۶۲ م و ۸۶۸ هـ) تاریخنده انشا اولندی .
(چکدیری) و (ترسانه) کله رینه دخی نظر بیوریه .

§

﴿ قدس ﴾ یا خود (اورشلیم) — فلسطینه بحر لوط ایله بحر سفید
بیننده قدیم بر شهر اولوب اون بشیک نفوسی و بر طاقم جوامع و کنایس و خیراتی
شاملدر قدس شریف درت محله یه تقسیم اولنور شویله که (سیون) تپه سنک
جهت غربیسنده یهودیلر و (پوتیه) نک جهت شرقیسنده ارمنیلر و (وافر)
تپه سی حوالیسنده خرسیتیانلر و (موری) طاغی اوزرنده مسلمانلر اوتوررلر
و قتیله سیون تپه سنک بر جهته شهر داود و موری اوزرنده حضرت سلیمان
علیه السلام اکمال ایلدیکی معبد و ارایدی . قدس شریفک اطرافنده آره لقی
بدن شکننده یا بلش و قله لر ایله تحکیم و تزین اولنش بر عالی سور موجوددر .
بیوک قسطنطینک والده سی (سنت الن) طرفدن انشا اولنش اولان قامه
کلیسای قدسک اک مشهور اینیه سننددر قدس و قتیله عموم یهود پادشاهلرینک
مقر حکومتی ایکن حضرت سلیمان علیه السلام وفاتی عقیبنده یعنی اوغلی
رخبعیم زماننده اسباط بنی اسرائیلدن اون سبط خلقی اعتزال و دولت اسرائیلیه
نامیله بشقه جه بر حکومت تشکیل ایتلریله موی الیه تابع اوله رق قدسده
قالان ایکی سبط خلقنه دولت یهودیه دینلدی و امپراطور (سزاق) و مصر
حکمداری (نیخوا) بر مدت بونلری اشغال ایدوب (۶۹۸۸ خ) تاریخنده یعنی
میلادک الی یوزالتی سنه مقدمندن بشیوز سکسان یدی سنه مقدمنه قدر اثور
حکمداری (نابوپلاصر) و اوغلی ایکنجی (بخت نصر) اوچ دفعه استیلا
واها لیسنی بابل و سائر ممالک عراقیه تبعید و شهری تخریب ایلدی و فرس
حکمداری (کینسرو) بابلی فتح ایتدکن صکره تشکرا یهودیلری عفو
و قدسه اعاده ایلدیکنندن (۵۰۵۸ خ) تاریخنده یعنی میلادک بشیوز اوتوز

التي ياخود بشيوز اون التي سنه مقدمنده قدس شريف وبیت مقدس ينه
اعمار اولنوب کرکی کبی کسب شهرت ایلدی و (۵۴۲۶ خ) تاریخنده یعنی
میلادک یوز التمش سکز سنه مقدمنده سلوسید (سلفکیه) حکمداری (انتی-
یوخوس آپقان) قدسی مصر جایه سندن کندو جایه سنه آلمق قصدیله
اوروب بیت مقدسی یغما ایتدیرد کدن صکره یهودیلری قویدیغی صممه
پرستش ایچون تضییق وختان اجرا ایلیانلرک و لخم خنزیر اکل ایتسانلرک
قتلنی امر و تورات نسخهلربی کاملاً احراق ایلدیکنندن یهودیلر طاغیلوب
اوچ سنه صکره (مطاطیه) نامنده برفدایی یهودینک همتهله (حشمناهی)
دولتی تشکل ایتدی و (۵۵۳۲ خ) تاریخنده یعنی میلادک التمش ایکی سنه
مقدمنده روما جنراللرندن (پومبه) قدسده ظهور ایدن سلطنت دعواسنی
فرصت اتخاذا ایدرک اولنان دعوت اوزرینه کلوب قدسی استیلا و روما
دولتی جایه سنه ادخال ایتدی و (۶۵ م) تاریخنده یهودیلرک چیقاردقلری
اختلال اوزرینه روما امپراطوری (نرون) جنرال (وسپاسین) ی کوندروب
برمدت محاصره دنصکره اوغلی (تیتوس) معرفتیه ضبط اولندی واسیراولان
اعیان یهود مزایده ایله فروخت و برطاقی نفی و تغریب ایلدی و (۱۳۵ م)
تاریخننده ظهور ایدن اختلالی تسکین ایچون رومادن کلان عسکر دخی
یهودیلری فنا حالده تربیه و بقیه السیوفی طرد و بردها قدسده یهودی بولنمسنی
منع ایتدی. مؤخرأ (۶۱۴ م) ده عجملر الوب (۶۳۸ م و ۱۷ هـ) تاریخنده
دخی حضرت (عمر) رضی الله عنه بعض شرائطله ضبط ایلدی و (۱۰۷۶ م)
تاریخننده سلچوقیلره و (۱۱۸۷ م) ده ایوبیلره یکوب (۱۵۱۶ م و ۹۲۲ هـ)
تاریخنه قدر دخی مصر حکومتی اداره سنده قالدقندن صکره مصرایله برابر
دولت عثمانیه یدینه انتقال ایتدی. (اهل صلیب) و (قامه) و (بیت
مقدس) و (رخبیم) کله لرینه دخی مراجعت بیوریه.

§

﴿قدم﴾ — طوللری تعیین ایچون بر نوع اولجیدر. اسکی
یونانلیلرک (بهما) تعبیر ایتدکلری ایکی بچق قدیمی یتیش یدی سانتیمترو.
ورومالولرک (پاسوس) دیدکلری بش قدیمی بر مترو ایله قرق یدی سانتیمترو
ایدی. دولت عثمانیه ده یارم ذراع معمارییه بر قدم و بش قدمه بر باع یعنی

قولاچ دیلور . قدم هندسی المانیا قدمی-ندرکه بر مترو ایله التمش سانتیترو
اولور .

اسپانیاده بر مترو ایله قرق بر سانتیترویه و فلورانسده بر مترو ایله التمش
درت سانتیترویه و ناپولیده بر مترو ایله طقسان یدی سانتیترویه قدم دیرلر .
عادی قدم سکسان سانتیترودر .

§

﴿ قدوری ﴾ — کبار فقههای حنفیه دندر و اسمی عبد الرحمن
کنیه سی ابوالحسن در مباحثه و مناظره علومده بی نظیر و اسلوب تقریر
و افاده سی غایت مقبول و داپنیر اولوب عراقده مهر و جودی آفاق علم
و هنری تنویر و اشراق ایتش ایدی . مذهب حنفی ایله شافعی بیننده اولان
اختلافی جمع ایدرک (تکملة النجرید) و امام اعظم ایله اصحابی بیننده واقع
مسائل خلافیه بی جمع ایله (تقریب) تسمیه ایلشدر و بونلردن بشقه علم
ققهدن بر متن شریفی واردرکه الیوم زینتبخش ایادی فضلادر . بغداد ده
(۱۰۲۷ م و ۴۳۹ یاخود ۴۲۸ هـ) تاریخنده وفات ایلدی .

§

﴿ قراقوش ﴾ — بهاء الدین کله سنه نظر بیوریله .

§

﴿ قراقویا ﴾ — الیوم اوستریا غالیچیا سنده بر شهر اولوب ویستول
نهری اوزرنده و وارشوه نك اکیوز قرق سکز کیلو مترو بعدنده واقع و قرق
بیك نفوسی جامعدر دار القنون و مکاتب عالیله و رهبان مکتبلی و قصر
و سور و خندقلی و پولونیا حکمدارلرندن بر طاقنك قبرلری حاوی بر باش
کلیسای و بر رصد خانه ایله درت عدد کتبخانه سی واردر . صنعتی
رایج و تجارتی و اسعددر . قراقویا دنجی عصر میلادیده قرا کوس طرفندن
تأسیس اولندی (۱۳۲۰ م دن ۱۶۰۹ م) تاریخنه قدر لهستانك مقر
حکومتی ایدی مؤخرأ لهستانك اوچنجی مقاسمه سنده اوستریایه ملحق
و (۱۸۰۹ م) ده وارشوه بیوک دوقه لغنك قسمندن معدود اولدیغی حالده
(۱۸۱۰ م) ده تکرار مستقل بر شهر اولوب نهایت (۱۰۱۰ م) ده
روسیه و اوستریا و پروسیا حایه سی تحتنده بر کوچك جمهوریت تشکیل

ایدرك دول ثلثة مشار اليهم طرفلرندن بيطرفلخی اعلان اولندی ومع مافیه
(۱۸۴۶ م و ۱۲۶۳ هـ) تاریخنده اوراده ظهور ایدن براختلالی بهانه
وکویا اعانه ایدن اوستریا دولتی طرفندن ضبط اولندی .

§

﴿ قراللا ﴾ — هندستانده مالابار و قاناره شهرلرینی حاوی بر قطعه
جسمیه نك اسمیدر بوراسی (۱۰۶ م) تاریخلرنده برهمین طائفه سمندن
جلب اولنان مهاجرلر ایله اسكان و اعمار ایدیلوب صكره زمام اداره
حکومت دخی انلرك الله پكمشیدی .

§

﴿ قرانته ﴾ — ممالك سائرهدن كلان سفینه لرك یولجی واشیاسی
چیقارلمزدن اول كوزلجه معاینه و تحری اولندقدن صكره تخصیص اولنان
محلده اوزون قیصه بر زمان بكدلسنه اطلاق اولنور مقدهما قرانته لرك
مدتی كاملاً قرق کون اولدیغندن بو اصول قرق معناسنه اولان قرانته
ایله تسمیه ایدلمشدر . اوتهدنبرو علادن سالم عد اولنان ممالكدن كلان سفاین
یولجیلرینه تفتیشات معتاده اجراسندن صكره درعقب رخصت اعطا و غیر
سالم اولان محللردن كلان سفیندر حقنده قرانته نظاماتی اجرا ایدیلور
و قرانته مدتی سفینه و یولجیلرك كلكلری محللرك تمییزلکی پانته لرله ثابت
اولسنه و یا شبهه لی و مظنون و مجهول و یا خود بولاشق بولمسنه كوره اوزون
و یا قیصد اولور . قرانته ده بولنان اشخاص خارجه کی آدم ایله مكاتبه
ایده یلور ایسه ده اورا قك كو كرددن كچیر یلوب دلمسی واقچه نك سر كده
یاتیرلمسی و یوكلك چوزیلوب هوالندیرلمسی لازهدر . قرانته بکلیانلرك
ایچنده کیفسزلك ظهورنده قرانته مدتی تضعیف ایدیلور و وبا ظهورنده
اشیا احراق اولنوب کی صو ایچنه باتیر یلور . قرانته لی اولان سفائك
اك یوكسك دیركنه صاری برسحقا چكلكم عادتدر .

(بارناو) نام میلان حکمداری ایلک دفعه اوله رق (۱۳۸۳ م و ۷۸۴ هـ) تاریخنده
مطعونلردن هر كلان شیئی تطهیر ایتمكه امر و یروب لومباردیاه دخوللرینی
قتل جزاسیله منع و وندیكلیر (۱۴۸۴ م و ۸۸۹ هـ) تاریخنده قرانته نك
برنجی تشکیلاتنی تأسیس ایلدی . و بوتشکیلات (۱۶۶۵ م و ۱۰۷۶ هـ)

تاریخندن اعتباراً اکثری آوروپا ممالکنده قبول اولندیغی کبی فرانسه دولتی
دخی (۱۷۲۰ م و ۱۱۳۳ هـ) تاریخنده وقوعبولان شدتلی طاعوندنصکره
بالجمله لیسانلرنده قرانته اصولنی اجرایه قرار ویردی و (۱۸۵۲ م
و ۱۲۶۹ هـ) تاریخنده هر دولت طرفندن تحت مقاوله یه اندی وشبهه لی
پانتتله رفسخ اولنوب وبا ایچون اون کوندن اون بش کونه وصاری جا
ایچون اوچ کوندن یدی کونه وقولرا علتی ایچون بر کوندن یدی کونه
قدر مدت وضع ایدلدی . دولت علیه ده قرانته اصولی (۱۸۳۰ م
و ۱۲۴۶ هـ) تاریخنده قبول واداره سی طو یخانه عامره مشیر یته حواله
اولمش وروم ایلی سواحلنده اون اوچ وانا طولی سواحل و ایچورلرنده
یکرمی طقوز و برالشام سواحلنده یدی وافر یقاده اوچ و بعض جزایر ده
یدی محله قرانته خانه لر تأسیس قلنشدر . شمدی ده از یاده در .

§

﴿ قرستالیت ﴾ — اکثر اجسامک مایع حالندن صلب حالنه انتقالنده
جزؤ فردلر ینک بربری اوزرینه تراکیله تشکیل ایلدیکی شکله اطلاق اولور
هر جسمک کندوسنه مخصوص بر شکل قرستالیتی واردر . بعضاً دخی
بر جسم بر قایح نوع وشکل اوزره قرستالینور مثلا درنجف تعبیر اولنان
جدا اکثر حالده بر منشور مسدسی غیر منتظم شککنده وشاب ذو ثمانیه
قواعد و کو کرد ایله قورشوندن مرکب (غالنا) تعبیر اولنان جدا مکعب
شککنده قرستالینوب ایزلانده طاشی تعبیر اولنان جدا دخی کاه معین مجسم
وکاه منشور مسدسی و ذو ثمانیه قواعد معینی و سائر بونلردن تولد ایدن
شکر اوزره قرستالینور . بر جسمک قرستالینمی مراد اولندقدنه اول
جسم صوده منحل ایسه قینادیلوب بر از تیخیر اولندقدن صکره دکل
ایسه بعدالاذابه ترک اولنق لازم کلور . (تبلر) کله سنه دخی مراجعت
بیور یله .

§

﴿ قرطبہ ﴾ — اسپانیانک جسمیم شهرلرندن برشهردر وادی الکبیر
نام نهرک صاغ ساحلی اوزرنده و مادریدک جنوب غریبسندن ایکوز طبقمان

بش کیلومترو مسافده واقع و الشمس بیک نفوسی جامع و جسیم سورلره محاط اولوب ایوم قوردو ایالتنک کرسی اداره سیدر . سکزنجی عصر میلادیده یعنی برنجی عبدالرحمن زماننده مغرب زمین اصول معمارینجه بوراده یابلیش اولان برنا حقیقه شایان تماشادر . قرطبه شهری (۵۴۴ خ) تاریخنده یعنی میلادک یوز اللی ایکی سنه مقدمنده تأسیس اولندی و (۵۷۲ م) تاریخنده غوتلر و (۷۱۱ م و ۹۳ هـ) تاریخنده طارق بن زیاد ضبط ایدوب قرق بش سنه صکره استقلال بولان حکومت اسلامیته مکمر اداره سی اولدی . قرطبه کرک ثروت و ابنیه سنک انتظام و نفاسی و کرک علوم و فنونک وسعت انتشاری جهتیله دیسانک الک تمدن و پارلاق و اوچ یوز بیک نفوسی جامع بر مملکتی ایدی بوراده اولان بیک دیرکلی جامع کبیر و مدینه الزهرا و جسر کبیر تعبیر اولنان قنطره یی مورخین فوق الغایه ثنا ایتشلدرد ذکر اولنان قنطره نک طولی سکز یوز و ارتفاعی الشمس و عرضی الی ذراع اولوب اون طقوز برچی و یکریمی سکز کری اولدیغی کبی مملکتک اطرافنده یکریمی بر واروش و اوچ بیک قریه و هر قریه ده قاضیلر و جوامع و مدارس و مکاتب وار ایدی و شهر ایله واروشلرینک اطرافنه یکریمی دیرت میل دورنده برجسیم دیوار چکیلوب سکز قیو آچلمش ایدی دیرلر . هر نه حال ایسه قشاله قرالی اوچنجی فردیناند (۱۲۳۵ م و ۶۳۳ هـ) تاریخنده ضبط و تخریب ایتشدر و شمیدی یالکز جامع من بور قالوب اودخی کلیسایه تحویل و (۱۵۲۸ م و ۹۳۵ هـ) تاریخنده بعض دیرکری کسر اولنشدر .

§

﴿ قرطبی ﴾ — شیخ المحدثین امام ابو العباس احمد جمال الدین حضرت ترینک شهرتیدر مشار الیه (۱۱۴۱ م و ۵۳۶ هـ) تاریخنده وفات ایلدی مسقط رأسی اندلسده واقع قرطبه شهریدر دیگر روایت کوره اندلسده مرسیه شهرنده دنیاه کلوب (۱۲۵۸ م و ۶۵۶ هـ) تاریخنده وفات ایتشدر (شرح صحیح البخاری) و (المفهم لما اشکل من تلخیص کتاب مسلم) و (مختصر الصحیحین) جمله تألیفاتندرد .

(قرطبی) — شیخ المقصرین شمس الدین محمد بن احمد نام ذاتک دخی

شهرتیدر . بونك (تفسیر قرطبی) نامیله بنام تفسیر کبیرندن بشقه (تذکره
القرطبی) نامنده بر کتابی و آثار سائر سی دخی وارد .

§

﴿ قرق کلیسا ﴾ — روم ایلی ده بر شهر اولوب بونامده کی لوانك
مرکزیدر ادرنهك شرفندن الی بش کیلو مترو مسافه ده و استرانجه
طاغی اتکنده واقع و مستحصن بر قصر ایله اوتوز بش یك نفوسی جامعدر
(۱۳۷۰ م ۷۷۲ هـ) تاریخنده تیمور طاش پاشا معرفیه ضبط و تسخیر
اولمشیدی .

§

﴿ قرمان ﴾ — الیوم قونیه ولایتی داخلنده اولوب مقدا (پیریدی)
قطعه سی تشکیل ایدن و مؤخرأ بر مدت امارت حالنده اداره اولنانو (لارنده)
(نیکده) (ارمنك) (قونیه) (قیصریه) (اقشهر) (بکشهری) (سیدی
شهری) (قره حصار) سنجاق و قضاارینی جامع بولنان ایالتك اسمیدر .
بو ایالتك اکثری محالری طاغلق ایسه ده کوزل اوزوم وافیون و ملحله ری
واردر قرمان ایالتی ملوك سلجوقیه روم تصرفنده ایکن (۱۲۶۷ م
و ۶۷۶ هـ) تاریخنده بر بيوك ترکان قبیله سی قونیه دن ماعداسنی ضبط
و ملوك مز بورهك انقراضی عقیننده یعنی (۱۳۰۳ م و ۷۰۳ هـ) تاریخنده
قونیه یی دخی ایلخانلردن بدل معلوم مقابلنده اخذ ایدرك بر امارت تشکیل
ایشیدی بو ائاده دولت علیه دخی برو طرفده تأسس ایدرك بینلرنده
رقابت حاصل اولدیغندن وآره صره منازعه اكسك اولدیغندن سلطان
مراد اول حضرتلری رقابت مذ کوره یی بر طرف ایتك ایچون (۱۳۸۵ م
و ۷۸۷ هـ) تاریخنده کریمه سی نفیسه سلطانی قرمان امیری علی بکه تزویج
ایتدی لکن بونكله رقابت بر طرف اوله بیوب امیر بولنانلر دولت علیهك
محاربه ایله مشغول اولدیغی زمانلرده اعداسیله اتفاق ایتك وعسکر سوقیله
ممالك عثمانیه یی اشغال ایتك کی حرکاتده بولندیلر و هر دفعه سنده مغلوب
و پریشان اولدقوری حالده کاه مشار الیهك شفاعتیه و کاه مرحت شاهانه یه
مظهرتله تخلص کریان ایتدیلر و بونكله برابرینه ك طور میوب نهایت

سلطان محمد ثانی حضرتلرینک غضبنی تحریک و (۱۶۶۸ م و ۱۷۷۲ هـ)
تاریخنده صوک عصیانلری اوزرینه مملکتلرینی غیب ایتدیلر .

§

﴿ قرمط ﴾ — قرامطه مذهبنک مؤسسای اولوب طقوزنجی عصرده
ظهور ایتش و اسماعیلیرک یوکاری طرفندن تلف ایدلمشدر . مرقوم ابتدا
مذهبنی کوفه جوارنده نشره باشلادی . طوتدیغی مسالک واهی ایجابجه صیام
دعا و صدقه مثل و عقائد اسلامیه یی رد و بالعکس شہوات نفسانیہ حقنہ مساعد
ظاورانه رق اشتراک اموال و عیالی و عظم و پند ایدردی خلیفه سی اولان
خیشلردن ابو طاهر (۹۲۳ م و ۳۱۱ هـ) ده بصره یی و بر سنه صکره
کوفه دن عجمستانه قدر ممالکی ید تغلبنه آلدی و الی سنه صکره
(رحبه) و (رقه) و (هیط) شهرلرینی اوروب مکہ مکرمه ده حجاج
مسلمینی قتل عام ایتدکن صکره (حجر اسعد) ی انسان مقناطیسی دیرک
رکن مخصوصندن چیقاروب بصره یه کوندردی . (مکہ مکرمه ده امیر
الامرا بولنان) (یحکم) نام ذات حجر مزبوری استرداد ایچون الی بیک التون
و یردیکی حالده خائنلر و یرماشلر و یکریمی ایکی سنه صکره کندولری ندامت
ایدرك کتوروب یرینه قومیشلردر) قرامطیلر بغداد خلفاسیله دخی لایقطع
محاربانه بولنوب عربستانک بر قسمنده و فرات حوالیسینده خیلی زمان اجرای
حکومت ایلدیلر و دوکوشه دوکوشه نهایت (۹۸۲ م و ۲۷۲ هـ) تاریخنده
محو و منقرض اولدیلر کیتدیلر . نصیری دنیلان فرقه بولنردن آزمه ظن
اولنیور . (اعتقاد) کلمه سنده اوتوز طقوز نومرویه دخی مراجعت
بیوريله .

§

﴿ قروم ﴾ — صنایعده بویا اوله رق استعمال اولنور غایت مقبول
بر معدندر اجسام قرومیه فخمیت سوت ایله اذابه اولندقلرنده صوده حل
اولنور بر ملح حصوله کلور و بونک مخلولی (آزوتیت فضه) ایله
قرمزی و (آزوتیت رصاص) ایله صاری برر سوب اعطلا ایدر و ذو
ثمانیه اسطحه شکنده تبلر ایلر . رنگی سیاه و لمعائی معدنیدر .

§

﴿ قرون ﴾ — عندالمورخين تاريخ اوچه منقسم اولوب دور آدمدن روما دولتنك انقراضى اولان (۶۷۶ م) تاريخنه قدر چكن ايامه (قرون عتيقه) وآندن امريقانك كشفنه يعنى (۱۴۹۲ م و ۸۹۸ هـ) تاريخنه دكين چكن مدته (قرون وسطى) وآندن ياخود استانبولك فتحندن بروسنه (قرون جديده) ديش و تاريخلرده اكا كوره تنظيم ايدلمكده بولمشدر . هر يوز سنه يه وهر قنقى بر فرض اولنان وقتدن بدأ ايله اول وقتدن حياتده بولنان ادملك جله سى وفات ايدوب هيچ بر فرد قالماسى كونسه قدر اولان زمانه دخی (قرن) وجعنه قرون ديرلر .

§

﴿ قرونشئاد ﴾ — پترسبورغ اياالتنده روسيه نك عسكرى ليمان و شهريدر پترسبورغك جهت غريسنندن ۲۷ كيلومتر و مسافه ده اولوب اون بيكى بحرى اولق اوزره قرق بيك نفوسى و مستحصن اوچ ليمانى و استحكام و ترسانه سى و كوزل بر قنال و حوضى شاملدر . روسيه بحريه ناظرى بوراده اوتورر . اشبو شهر (۱۷۱۰ م و ۱۱۲۲ هـ) ده بيوك پترو طرفندن تأسيس اولندى فنلاند كور فزينك طار بر چيكدى اوزرنده واقعدر و پترسبورغك استحكامى مثابه سنده در (۱۸۵۴ م و ۱۲۷۱ هـ) ده انكايير و فرانسيز دونتارى محاصره ايتمشيدى .

(قرونشئاد) — آوستريا ممالكندن كندو نامنده براوانك مركزيدر اوتوز بش بيك نفوسى حاوى اولوب افلاق ولايتله واسع تجارتى واردر .

§

﴿ قرووزاد ﴾ — آوروپا دول متفقه سنك بيت المقدسى اسلامدن تخليص ايچون وقتيله ترتيب ايتدكلى فدايى عسكرك اسميدر . (اهل صليب) نظر بيوريه .

§

﴿ قره باش على ﴾ افندى — مشايخ خلوتيه دن مقامات عاليه صاحبي بر ذات ايدى حج شريفدن عودتنده مصره اوچ قوناق مسافه ده قرق بيك قدر حجاجك نصب خيام آرام ايلدكلى محله هوا غايت آچيق اولديغى حالده بر سيل كله جكنى كشف ايدرل در حال حجاجى اورادن قالديرتمسى عقبنده

حقیقهٔ سیل کلوب اوراری باصم شمش و شیخ مومی الیه بر قاج کون صکره
اوجوارده واقع نخل قلعه سنده و (۱۶۸۵ م و ۱۰۹۷ هـ) تاریخنده وفات
ایتمشدر . درت یوز سکسان بش خلیفه سی وار ایدی .

§

﴿ قره باغ ﴾ — آسیای روسیده برخانلقدیر شمالاً قور شرقاً
وجنوباً آراس نهر لری و قره طاغ و غرب و جنوب غریبه روسیه ارمنستانی
و شمال غریبه کر جستان ایله محدود اولوب مقری (شوشا) شهریدر .
اهالیسی نصفاً اسلام و نصفاً خرستیاندلر . اشو مملکت و قتیله تیمورلنک
طرفندن مقر اداره اتخاذ اولتمشیدی . قره باغ صوبی آرپه چایک جهت
جنوبیسنندن یکر .

§

﴿ قره جه احمد ﴾ — ملوک اعجامدن بر ذاتک مخدومی ایکن ترک
دارات ایدرک بلاد رومه کلوب آق حصارده توطن و اوراده وفات ایش
بر مبارک ذاتدر . بو حالده اسکدارده مدفون قره جه احمد بشقه اوله جق .

§

﴿ قره حصار ﴾ صاحب — یاخود (افیون قره حصار)
خداوندکار ولایتی سنجاقلرندن بر سنجاغک مرکزیدر انقره و کوتاهیه
و قرمان اراضیسی بینده و طولی ایکوز و عرضی سکسان کیلومتر و اتساعنده
واهالیسی اوتوز بیک راده سنده اولوب مثبت صحرالری و کوزل محصولاتی
واردر و عبا و حالی و پیچاق کبی اعمالاتی و افیونی مشهوردر . جوارندن
بر نهر لطیف جریان ایدر . بوشهرک میلاددن ایکوز سنه مقدم بنا و (آپاما)
تسمیه اولندیغی و برآر هلق پای تخت اتخاذ قلندیغی یاخود علاء الدین سلجوقی
زماننده انشا ایدلیدی افادات تاریخیه دندر .

(قره حصار) شرقی — یاخود (شایین قره حصار) سیواس
ولایتی سنجاقلرندن بر سنجاغک مرکزیدر طربزونک جنوب غریبسنندن
یوز اون بش کیلومتر و ایلروده بولنور و نفوسی الی بیک تخمین اولنور
تفتیک و افیونه منحصر کبی اولان تجارتی رواجلیدر .

(قره حصار) دوه لو — قیصریه سنجاغنده بر ناحیه اولوب و قتیله

حوری قزلرینک جمع و مقری ظن اولنان بر مغاره ایله شهرت بولمشیدی .
دیگر روایت کوره بومغاره تکه سنجاغنده کی قره حصارده ایدی .

§

﴿قره رستم﴾ — علمای اعلامدن بر مشهور ذاتدر امیرالامرا
لالا شاهین پاشا ایله اورانوس بکک روم ایلی فتحه مباشرت ایتدکاری زمان
حددن زیاده اسرا اله یکدیکنندن فاضل موهی الیه خمس شرعیسنک
عسا کر اسلامییه ویرلیدیکنی کوروب قاضی عسکر چاندارلی قره
خلیل افندی نزدینه عزمت وادای خمس حقنده اولان آیت جلیله بی قرائت
واخطار کیفیت ایلدکده قاضی مشارالیه بالتصدیق کیفیتی حضورشهریارییه
عرض ایتکله موجبجه اجراسی فرمان و خمس غنایمک ضبطی قره رستمه
تفویض بیورلدی .

اوانشاده اسرانک کثرتی مناسبتیه قیمتی دون اولدیغندن هراسیره یوز یکرهی
بش ایقه قیمت تقدیر اولنه رق بدلنی ویرمک استیانله سهولت اولمق اوزره
اسیر باشنه یکرهی بش ایقه خمس اخذینه قرار ویرلدی .
بو صورته الان اسیرل هر سنه یکچیری صنفه اخذنی مقرر اولان مقداره
بالغ اولمز ایسه اوست طرفی دوشیرمه اصولیه خرستیان اطفالندن آلنوب
اکمال اولمق دخی عادت ایدی .

خرستیانلردن کوکله اوله رق عسکره داخل اولنلراشبو ترتیب و دوشیرمه لردن
بشقه ایدی و بوکا اولوقت پک چوق رغبت اولنور ایدی (

§

﴿قره زوس﴾ یاخود (کیریسوس) — ایلیا حکمدارلرنندرن
(۵۰۴۷ خ) تاریخنده یعنی میلادک بشیوز قرق یدی سنه مقدمنده فارس
حکمداری کیخسرو ایله سارت جوارنده ایتدیکی محاربه ده طوتیلوب آتسه
آتیه جغی ائنده اوج دفعه آجی آجی سولون دیه باغرمغله کیخسروایشیدوب
جلب و سببی سؤال ایلدکده « و قتیله حکیم سولون بکا (حکمدارلرجه
بختیارلق وطنک سعادت حالنی کورمک و نعم الخلف یتشدیرمک و محاربه ده
وطن اغورینه فداکارانه اوغراشوب ابقای نام ایتمکدر) دیدیکی صرده
سوزینی قبول ایتماشیدم شمدی معنای حقیقیسنی اکلامده آنک ایچون ناله

فرای تحسّر اولیورم « دیمسی اوزرینه کینخسرو دخی تأثریاب عبرت اوله رق
اعدامی عفو ومومی الیهی کندوسنه ندیم اتخاذا ایلشدر . قره زوس زمانی
حکمدارلرینک الشروتلیسی ومتعظمی ایدی .

§

«قره طاغ» — اسلاور چرناغوره دیرلر اوروپاده بر کوچک
حکومتدر ارنودلق وقطارو ایله تحدید اولور شمالدن جنوبه طولی
۹۸ شرقدن غربه عرضی ۴۷ کیلومترو یوزیکرمی بیک نفوسی حاوی
ایدی . بونلردن یکرمی بیک قدری هربار استعمال اسلحهیه مقتدر ومستعددرلر
باشلیجه قصبهسی مرکز اداره اولان چتینه در . قره طاغ همان عوماً الب
سلسلهٔ جبالی شعباتندن صاییلور . بعض نهرلی واردر که بونلردن غایت
چوق بالق چقاریلور واراضیسی هیچ منبت دکل دینه جک قدرمحصولدار
اولوب هیچ حکمنده اولان زراعتی دخی قادیلر طرفندن اجرا اولنور . واسع
اورمانلری دخی بونلور .

قره طاغ خیلی زمان دولت علیه اداره سنده ایدیسدهده الیوم مستقندر
وقتیله (ولادیه) تسمیه اولنان برک معرفتیله اداره اولنور ایدی الیوم
هر سنه تجدید اولنان واون ایکی اعضادن مرکب بولنان بر سناتو و بر
یرلی پرنس ایله اداره اولنقده در .

قره طاغلیلر شجیع ومهمانوازیسه لرده اعتماد غیرشایان انتقامپرور وحریر
استقلالدرلر . مدنیجه حسیض جهالتک اسفل سافلینده اولوب سعی وعملی
تحقیر ایدرلر . مذهبری اورتودقس واسطهٔ افهاملری صرپ لسانیدر .
قره طاغ مقدماً ایلیریا ومؤخرأ ایریایک اقسامندن معدود ایدی هراقلیوس
زمانده بعضاً مستقل وبعضاً صربییه مطیع اسلاوره مسکن اولدی قره
طاغلیلر اون دردنجی عصرده ونیکولرک واون بشنجی ده عثمانیلرک
بوندرقلری آلتنه کچدیلر سده اداره لر نجه دائماً سربست قالدیلر ومع مافیه
دولت علیه نك غائله لی وقتلرنده روی عصیان کوستره رک اشغالندن خالی اولمدیلر
بکلرینک پرنس عنوانه نائلیتی (۱۸۵۱ م و ۱۲۶۸ ه) تاریخنده در .

قاغزمان ایله نخجوان اره سنده واقع بر سلسلهٔ جبالک اسمی دخی قره طاغدر .


§


و ۸۹۸ هـ) ده اندلس ده پالوس لیانندن سفینه یه راکب اولدی و التمش بش
کون سفر دریادن صکره (۱۲۹۲) سنه سنک ۸ تشرین اولنده بر بره
ایرشدی که مومی الیه بورای آسیای شرقینک نهایتی ظن ایلدیکندن اشبو
نواحی جدیدیه هند شرقی نامی ویردی مؤخرأ امر یقاده سان سالوادور
تسمیه ایتدیکی محله یناشدی عقبنده اسپانیوله نامی ویردیکی حاجتی وقوبه یی
کشف ایتدکدن صکره (۱۲۹۳) مارتنده اسپانیایه دوندی واسپانیاده کال
احترامه مظهر یثله برابر مالک مکشوفه ده قرال وکیل تعیین اولنسی اوزرینه
سنه مزبوره ایلولنده ایکنجی برسیاحته دهاچاقوب کوچک آنیلارک اکثریسی
کشف و حاجتی یی تحت اطاعتیه ادخال ایدرک اوراده (سان دومینگ)
شهرینی تأسیس ایلدی و (۱۴۹۸) ده یاپدیغی اوچنجی برسیاحته بعض
محالری و آمریقای جنوبی سواحلی طولاشوب (۱۵۰۲) ده اولان
دردنجی و صوکنجی سفرنده دخی (داریهن) کورفرینه قدرایلرولدی انجق
اوصره ده دنیایه رشک افزا اولان اشبو کشفیات جدیدیه سی رفقا سنک
حسدینه طوقغمله بونلر طرفدن کوستریلان بیک درلو اوضاع تحمل فرسایه
صبر و مکاتله مقابله ایلدیسسه نه نهایت حسادی دردنجی دفعه
بیچاره یی اتهامه یول بولدقنندن عزل و اسپانیایه تیمور زنجیرلر اتنده نفی
ایتدیلر و هر نقدر اسپانیاده حریت سابقه سنی بوله ییلدیسسه ده اعتبارینی
اعاده یه موفق اوله میوب عاقبت بویه برطاقم جکر سوز و مؤلم حاللر ایچنده
و (۱۵۰۶ م و ۹۱۲ هـ) تاریخنده وفات ایلدی .

قریستوف کشف ایتمش اولدیغی بر جدیدیه نامی ویرمک شرفنه بیه نائل
اوله میوب بوشرف (آمریق ویستپور) نام دومنجی یه نصیب اولمشدر .
قریستوف کشفیات قی قدر دینه مزسه ده همان اندن اشاغی اولماق اوزره سفر
دریاجه بر چوق ترقیاته دخی سبب اولمشدر . اسطراب نام آلتی برنجی
دفعه اوله رق مومی الیه استعمال ایلدی که طول و عرض جهتیله سفائنک
آچققرده بولندیغی محل بو آلتک یاردمیه تعیین ایدیلور .









3 1761 06978355 3

DR
414
R5
V5